

中國之固有道德

唐文治敬題



國父說，講到中國固有的道德，中國人至今不能忘記的，首先是忠孝，其次是仁愛，其次是信義，再次是和平，這些舊道德，中國人至今還是常講的，但是現在受外來民族的壓迫，侵入了新文化，那些新文化的勢，此刻橫行中國，一般醉心新文化的人，便排斥舊道德，以為有了新文化，便可以不要舊道德，不知道我們固有的東西，如果好的，當然是要保存，不好的才可以放棄。

又說，這種特別好的道德，便是我們民族的精神，我們以後對於這種精神，不但是要保存，並且要發揚光大，然後我們民族的地位，才可以恢復。

治平之本

朱家驊題



中國之固有道德初版

明德新民

林彬題



柳序

閱舉世之霧晦·集聖哲儒先典訓昭示國族·斬障橫流而拚崩崖·甚盛意也·第所昭示者·能讀否·仍視其幼學之根柢·幼而習是語·長而數聞是語·得是書·則反鉛熟復·自不能已·若勝衣就塾·至於冠立·邈乎其不相涉·且曰此死文字·胡足讀·故孔子曰·民可·使由之·不可·使知之·又曰·性相近也·習相遠也·移風易俗·惟習爲樞·習之所成·雖強莫奪·孟子曰·一齊人傅之·衆楚人咻之·雖日撻而求其齊也·不可得矣·引而置之莊獄之間數年·雖日撻而求其楚·亦不可得矣·今之世·楚咻之世也·錢王君是書·一齊傅也·吾讀是書·懼其不能敵楚咻也·雖然·習之爲力固偉·要亦視時之悠短·是書所述·吾先民習之二千年矣·今世之所習·財數十年耳·衡覽今民之習·則是書疑若鑿枘·縱觀國族之習·則其潛力之內蘊者·非今之習所能迨其萬一也·則以前民之習·藥今民之習·如大禹之導山導水·匪鑿也·因也·雖若舉齊語於四面楚歌之中·實不啻返之莊獄也·君曩在都·恆辱不棄·商榷論述·睽別十許年·君書告成·札責弁言·爰撻管蠡·質之高明·三十七年夏五月·鎮江柳詒徵·

朱序

國於天地之間·必有興立·由之則治平可致·舍之則敗亡立見·亙千古而不渝·任顛撲而不壞者·其惟道德乎·崇德錢先生卓英·慨近世風氣日下·怒焉憂之·乃輯爲中國之固有道德一書·就吾國之四子書及五經中·採綴其菁英·凡一言一事之切近於日用·而可以有益於當今之世者·條分而縷析之·以類相附·復加以詳細淺顯之註釋·旁徵博引·文理密察·其用力亦勤矣·隔歲之春·國璋奉命長國立上海商學院·來滬籌備復校·時先生在甄審委員會爲總務主任·兼臨時大學補習班教授·以何校長柏丞之介而相識·僅數面·卽深相契合·遂聘請主持商學院訓導·兩載以來·備悉先生寬厚弘毅·知弭患未然·能從容應變·是博學而篤行·不徒以言見也·先生講學南北各大學·閱十餘年·既久於教育·積其經驗·每能於講授之際·觀察學生之性格·循循善誘·多方啓導·酌古準今·深入淺出·諸生薰其德而欽其學·咸能潛移默化·敦品勵學·而不自知其日進於業也·是書也·乃先生本其平生之抱負·而發爲文章·以期見諸事業·而挽狂瀾障百川者也·余既讀先生之書·益以見其志·乃不辭而爲之序·以介紹於當世云·

中華民國三十七年六月·吳興朱國璋·

祁序

有清一代文學推桐城。桐城之隆。姚姬傳之功居多。姬傳主義理攷據詞章不可偏廢之說。咸同之際。其徒大盛。流風餘韻。歷百餘年而不替。民國之初。新文學興。而桐城馬通伯姚仲實及其弟叔節猶謹守其鄉先正之遺法。益嚴古文學之壁壘。不因是而稍沮也。崇德鏡先生嘗受經於馬氏之門。又修業北大。從姚氏問古文義法。膏沐桐城之澤。復通究中外哲人之書。往來南北。修明絕學。喪亂之際。避地上海。爲東吳大學教授。於是寇焰煽張。東南盡陷。文人學士之託租界者。咸氣慴不敢稍出聲。獨先生慷慨以明恥教諸生。租界旋陷。寇禍愈烈。乃絕人事。以自全其節。其辛苦蓋有非人所堪者。困吝憔悴之中。纂次古今法度之言凡九卷。曰中國之固有道德。又爲之訓釋而闡發之。孜孜甚用力者十餘年。蓋猶奉桐城三者不偏廢之說。於是先師吳江金公方授經於吳。先生因就正其所著書。先師美之。當世民國三十有七年。龍威任教上海法學院。先生仍講學於滬。晨夕侍從。歛聞緒論。世變方亟。同好之士咸懼斯道之從此泯也。固請先生不祕其書而督序於予。因爲言其學術淵源如此。門人常慕祁龍威。

自序

國之建立·必有所本·根本鞏固·雖亂可治·雖弱可強·否則決難倖免·古今中外無二道也·我國自唐虞時·以五教牖民·賴孔孟之發揚光大·而深入人心·嗣茲以降·代有賢哲·故國勢時有盛衰·而民德罔弗優厚·觀西晉之亡·五季之亂·姦邪橫行·綱紀圯敗·而依仁蹈義·舍命不渝者·猶有人在·而宋明未造·志士仁人之高風義舉·尤足以廉頑立懦·此乃中華民族精神之蘊育·即我立國之根本也·慨自歐風東漸·識時髦俊·傾心歸向·倣效矜誇·無所不至·其尤甚者·竟誣蔑我固有之文化·盡斥爲迂闊陳腐·而歐美之精神文明·實未嘗有所心得·踰閑蕩檢·全無忌憚·一唱百和·藩籬盡撤·遂致禮義掃地·廉恥寢聲·至日寇憑陵·荼毒神州·夙負時譽者·且不惜醜顏事仇·甘心附逆·於是庸燕草偃·敵燄燎原·國勢之危·如懸絲矣·幸

主席高瞻遠矚·堅決抗戰·忠義軍民·奮起赴難·全國志士·願爲後盾·卒能掃蕩巨寇·還我河山·然大難雖夷·人心未淑·貪墨之吏·時出於政海·越貨之事·迭發於都市·奸邪穢醜之迹·仍充塞閭閻·斯誠有心世道者所引爲重憂也·俾幼秉庭訓·長承師教·不自揆度·欲以聖賢之言行·發世人之深省·自一二八之役·蒿目時艱·卽立志謹擇

四書五經中之顯明易知者。節錄而詳釋之。綴輯先哲時賢之議論。以闡揚其精意。而管窺所及。亦羈附焉。奔走衣食。時有輟作。歷十有四載。至今年秋。規模粗具。乃遵教育部規定之國訓。分爲忠孝仁愛信義和平八類。有包含衆德不能分屬者。則別爲總論。凡九卷。三十萬言。冀讀是書者。知我國自有博大精深之文化。恢復其自尊心與自信力。內修乎身心。外發爲事業。更採歐美之所長。以充實其識量。則挽狂瀾而障百川。固國本而致太平。可操券而待也。若有博雅君子。正其疏漏。共存國粹。尤偉之所翹企焉。

中華民國三十四年十二月十日崇德錢王倬謹撰。

此書屬稿時。諸承柳丈翼謀。許丈潛夫教導。既告成。友人李樂天先生屢欲爲之付梓。倬以樂天家非素封。未敢許也。至今年春。又來告曰。苦齋主人願斥資印行。俾旣感苦齋濟世之志。重樂天誠篤之意。而祁生龍威等亦迭請問世。乃大加刪削。因朱肖琴先生介廣益書局排印發行。而所費已甚鉅矣。至校讎之勞。老友王麟伯先生臂助至多。徐紹裘先生亦有力焉。謹附誌之。以申謝忱。三十七年七月一日倬記。

凡例

- 一 此書纂述目次·爲忠孝仁愛信義和平總論·共爲九類·每類一卷·皆四書在先·五經繼之·春秋經則首左傳·以公羊穀梁次之·
- 二 文中有忠字者·編列忠類·有忠之性質者·亦附入焉·自孝至平七類·體例均同·
- 三 有兼及兩類以上者·視其性質之輕重而歸納之·不宜分列者·則編入總論·
- 四 注釋各有根據·四書以馬師通伯之大學中庸誼詁·姚師仲實之論語述義·姚先生叔節之孟子講義爲主·而朱子之大學中庸章句·論語孟子集注·劉氏寶楠之論語正義·焦氏循之孟子正義·皆爲重要之資料·五經以馬師之周易費氏學·詩毛氏學·吳師北江之尚書大義·陳氏澹之禮記集說·春秋三傳之注疏爲主·而朱子之周易本義·詩經集傳·蔡氏沈之書經集傳·朱氏彬之禮記訓纂·洪氏亮吉之春秋左傳詁·周易尚書毛詩禮記注疏·皆爲重要之資料·他如康熙字典·經籍纂詁·辭源·辭海等及所引各種書籍·亦參考焉·
- 五 先哲時賢之說·皆注明出處·其未見本書者·則注某書引·
- 六 按語多有感而作·因歲月環境之變遷·措辭亦不盡相同·要以健全身心·有益世道爲宗旨·

中國之固有道德卷一

忠

會子^㉑曰：吾日三省吾身^㉒。爲人謀而不忠乎^㉓。與朋友交而不信乎^㉔。傳不習乎^㉕。

論語學而

㉑ 會子。孔子弟子。姓會。名參。字子與。古時所謂弟子。卽今之學生也。㉒ 吾。我自稱也。省。悉非反。察也。會子以下述三者。日省察其身。有則改之。無則加勉。㉓ 爲。助也。盡己之謂忠。言助人謀事。得無不盡己之心力乎。㉔ 與。及也。同門曰朋。同志曰友。信。誠也。從人從言會意。言與朋友結交。得無不誠信乎。㉕ 魏何氏晏論語集解。言凡所傳之事。得無素不講習而傳之乎。而宋朱子黨論語集註。則云傳謂受之於師。習謂熟之於己。似宜從集解說。

宋金氏履祥曰：此三事乃及人之事。常情所易忽。故會子於此三事日省吾身。恐以爲不切己而有所不盡也。論語集註考證

季康子問使民敬忠以勸。如之何。子曰：臨之以莊則敬。孝慈則忠。舉善而教不能則勸。論語爲政

季康子。卽魯大夫季孫肥。康其諡也。諡者。古時於人死將葬之時。列其行誼而作之。所以勸善

而懲惡也。以。猶與也。季康子問孔子。使民敬上盡忠與互相勸勉。其方法宜如何也。○子。孔子也。子曰。孔子之言。以下皆同。○自上洎下曰臨。莊。端重而有威嚴也。執政者能臨民以莊。則民敬其上矣。○言執政者能孝順父母。慈愛民衆。則人民自然感化而盡忠矣。○民中有善者則舉用之。其不能者則教誨之。則人民必互相勸勉而樂於爲善矣。

子曰。參乎○。吾道一以貫之○。會子曰。唯○。子出。門人○問曰。何謂也。會子曰。夫子之道。忠恕而已矣○。論語里仁

○孔子呼曾子之名而告之。參音森。○宋邢氏易論語疏云。貫。統也。言我所行之道。惟用一理。以統天下萬事之理也。○唯者。恭敬之應辭。會子曰深明吾道一以貫之意。故迴應之曰唯。○受學於孔子之門之人。○夫子。猶言先生長者。本爲尊卑貴賤之通稱。惟論語所載。多屬師門。遂相沿爲師之專稱。盡己之謂忠。推己及人之謂恕。而已矣者。竭盡而無餘之辭。言孔子之道。雖變化萬殊。貫之則一也。

姚師仲實永樸曰。諸家於一貫。或以誠言。或以仁言。或以孝言。夫論語以求仁爲要。大學中庸歸宿在誠。孝經又爲諸經之總匯。說各有本。而會子但曰忠恕者。誠仁孝之所指雖殊。要皆心之德也。忠則盡己之心。恕則推己之心以及人。故言忠恕。而心之體用具於是。誠仁孝之德括於是。卽道貫於是。孟子盡心之學。此其原與。論語述義

子以四教。文。行。忠。信。論語述而

○孔子教人。以此四事爲先。○文謂詩書禮樂。○行謂德行。○忠是盡心。信是據實而言。

宋程子曰。教以學文修行而存忠信也。忠信本也。論語集註

孔子嘗爲委吏○矣。曰會計當○而已矣。嘗爲乘田○矣。曰牛羊茁壯長○而已矣。

孟子萬章下

○委吏。主委積倉庾之吏。○會。合也。計。會也。算也。零星算之爲計。總合算之爲會。當。直也。言其數相直。多少無差。○乘田。主苑囿之吏。○茁。生長貌。茁壯。言其貌肥好也。長。大也。

唐蔚芝先生文治曰。生人之所以安身而立命者。厥有二端。曰性分。曰職分。性分者。吾性中所當守之分。不可踰閑者也。職分者。吾職內所當守之分。不容越限者也。安分而後知足。知足而後無求。無求而後自樂。惟聖人爲能樂天。孔子之言曰。會計當而已矣。牛羊茁壯長而已矣。其安分樂天之誠。溢於言表。愚人不安分。終身爲營求之事。終身無知足之時。以至捐廉恥而不顧。遭刑戮而不悔。哀哉。

孟子新讀本

悼按有才氣而處下位者。往往悲憤其不遇。而不樂盡心於職務。以爲是區區者。

烏足以勞吾之思慮哉。一不屑爲之心橫互胸中。而其弊或竟同於無能之人。不知事之小大。本無確定。小之中有更小者。大之中有更大者。我既不嫌其小而屈就。卽當盡力而爲之。及成績既著。自有主持公道之人。若竟人不我知。亦可問心無愧。否則小事不能稱職。適足以自隳其名譽。又安能有上進之望乎。夫以孔子之聖。其爲委吏乘田。猶必曰會計當。牛羊遂。讀孔孟之書者。宜如何自勉哉。

子張○問曰。令尹子文三仕爲令尹。無喜色。三已之。無愠色。○舊令尹之政。必以告新令尹。○何如。○子曰。忠矣。○ 論語公治長

○孔子弟子顛孫師。字子張。○令尹。官名。楚國上卿執政者也。子文。姓鬬。名穀於菟。已。去也。言子文三爲令尹之官。而無喜悅之色。三去令尹。而無怨恨之色也。○言子文在新令尹上任時。必將自己任內之政事告知之。○子張問孔子。子文之爲人何如。○孔子謂子文行爲如此是忠臣也。

秋。申公鬬穀殺子元。鬬穀於菟○爲令尹。自毀其家。以紓○楚國之難。左傳莊公三十一年

○鬬穀於菟字子文。楚人謂乳曰穀。謂虎爲於菟。子文初生於邲。虎乳之。故名。穀。叔走反。於音烏。菟音徒。○紓音舒。緩也。

傳按子文三仕三已。略無喜愠之色。且能以舊令尹之政告新令尹。蓋知有國而不知有己。宜其能毀家紓難也。

子張問政。子曰。居之無倦。行之以忠。論語蘧淵

○子張向孔子問爲政之道。○居謂存諸心。無倦則始終如一。○行謂發於事。以忠則表裏如一。

子曰。愛之能勿勞乎。忠焉能勿誨乎。論語憲問

○愛。好也。猶言喜之也。人必習勞。乃能成事。愛之而勿勞之。是養成其怠惰。適足以害之而已。○誨。教也。導也。人必納誨。乃能爲善。忠焉而勿誨之。則漸入於驕縱之途矣。

宋蘇氏軾曰。愛而勿勞。禽犢之愛也。忠而勿誨。婦寺之忠也。愛而知勞之。則其爲愛也深矣。忠而知誨之。則其爲忠也大矣。論語集註

傳按此章言愛與忠之道。爲父兄師長者宜知之。爲子弟學生者更宜知之。而爲朋友者。亦不可不知之也。

子張問行。子曰。言忠信。行篤敬。雖蠻貊之邦行矣。言不忠信。行不篤敬。雖州里行乎哉。立。則其參於前也。在輿。則見其倚於衡也。夫然後行。子張書諸紳。

論語衛靈公

○子張問孔子。人當如何。而後可通行於世。○言忠信者。謂言語發自中心。不爲違心之論以欺人。

也。篤。厚也。行篤敬者。謂行爲敦厚而謹敬也。犛爲南蠻。貊。亡百反。北狄也。南蠻北狄。皆古時野蠻之人。謂言忠信而行篤敬。雖在野蠻人之國中。亦可以通行也。②二千五百家爲州。五家爲鄰。五鄰爲里。州里猶言本鄉。行乎哉。言不可行也。謂言不忠信。行不篤敬。雖近在本鄉。亦不可通行也。③其者。指忠信篤敬而言。參。言與我相值也。輿是車。衡是車前橫木。言譬如辭而立時。似乎有一忠信篤敬在我目前。動而在車中時。似乎有一忠信篤敬在車前之橫木上。如此念念不忘。隨其所在。常若有見。然後可以通行矣。④紳。音伸。衣帶之垂者。書之紳。欲其不忘也。

唐蔚芝先生曰。忠信篤敬。雖蠻貊亦敬之。不忠信。不篤敬。雖州里亦賤之。言行榮辱之樞機。學者可不慎哉。 論語新讀本

子曰。君子不以口譽人。則民作忠。故君子問人之寒。則衣之。問人之飢。則食之。稱人之善。則爵之。國風曰。心之憂矣。於我歸說⑤。 禮記表記

⑤食音嗣。⑥詩經齊風蟋蟀篇。⑦說。詩經晉稅。此則音悅。言虛華之人心夢矣。我今歸此所說忠信之人也。

宋呂氏大臨曰。君子力可以周人之窮。則不徒問其飢寒。必有以衣食之。勢可以進賢

。則不徒譽之而已。必有以爵祿之。故曰不以口譽人。 禮記訓義

備有席上之珍以待聘⑧。夙夜強學⑨以待問。懷忠信以待舉⑩。力行以待取⑪。其自立

有如此者。禮記德行 孔子答魯哀公之問

○席猶鋪陳也，珍謂美善之道。言儒能鋪陳往古堯舜之善道，以待問也。大問曰聘。○早夜力學。

○見舉用也。○進取位也。

宋呂氏大臨曰：君子之用於天下，有待而不求，其學也，足以爲天下用，非志於用而後學，席上之珍，自貴而待賈者也。禮記訓纂

唐蔚芝先生曰：儒者，需也。四待字皆所謂需也。故需者，乃出處之慎重，非辦事之

迂緩也。禮記大義

上思利民，忠也。左傳桓公六年 季梁告隨侯語

傳按忠之一字，意義甚廣，而作忠於職務解，此語實爲確切之證據。自忠於職務之義，晦而獨夫民賊遂得恣睢無忌憚，而蒼生乃不勝其荼毒矣。故特表而出之，以見昔賢之解此字，不僅限於臣僕之對君上，卽爲君上者，亦應忠於其職務也。

九月，晉惠公卒，懷公命無從亡人。○。期期而不至，無救。○。狐突之子毛及偃。○。從重耳在秦，弗召。冬，懷公執狐突，曰：子來則免。對曰：子之能仕，父教之忠，古之制也。策名委質，貳乃辟也。○。今臣之子，名在重耳，有年數矣。若又召之，教之貳也。父教子貳，何以事君。刑之不濫，君之明也。臣之願也。淫刑以逞，誰則無罪。○。臣聞

命矣。乃殺之。左傳僖公二十三年

○亡人指公子重耳。卽晉文公。○約期而不歸。殺之無所赦。○優是子犯之名。○名書於所臣之策。而君事之。則不可以貳心。辭。罪也。○若欲濫刑以快君心。誰無可加罪之辭。

秦伯○伐晉。濟河焚舟○。取王官及郊○。晉人不出。遂自茅津濟。封○穀尸而還。遂霸西戎。用孟明○也。君子是以知秦穆公之爲君也。舉人之周○也。與人之壹○也。孟明之臣也。其不解○也。能懼思○也。子桑○之忠也。其知人也。能舉善也。詩曰○。于以采蘋。于沼于沚。于以用之。公侯之事。秦穆有焉○。夙夜匪解。以事一人○。孟明有焉。詒厥孫謀。以燕翼子○。子桑有焉。左傳文公三年

○秦穆公。秦本伯爵。故稱秦伯。○示必死也。○王官及郊。皆晉地。○封。埋藏之也。○孟明。姓百里。名視。此其字也。○周。備也。不以一舉棄其善。○無二心。○不以敗軍而生解怠之心。解音懈。○能知懼而思改其行爲。○公孫枝。字子桑。是舉孟明者。○詩經國風采蘋篇。○言沼沚之鱉至薄。猶采以供公侯。以喻秦穆公不遺小善。○此二句見詩經大雅烝民篇。夙。早也。○匪。非也。解音懈。○此二句見詩經大雅文王有聲篇。詒。遺也。燕。安也。翼。成也。美武王能遺其子孫善謀。以安成子孫。言子桑有舉善之謀也。

按豪傑之士所以異於衆人者。爲其有偉大之志。與剛強之氣也。故當其失敗之時

· 惟知努力奮鬥· 而無絲毫萎靡之態· 卒能雪舊恥· 樹功業· 孟明· 其一例也· 然無穆公之知人善任· 則孟明者· 固一挫於穀· 再蹶於彭衙之敗將· 雖敗而猶用之· 終得其力以霸西戎· 此昔賢所以重知己之感· 而感稱明君賢臣之相遇合歟·

賈季奔狄· 宣子使史駢送其孥^㉑· 夷之蒐^㉒· 賈季戮^㉓史駢· 史駢之人欲盡殺賈氏以報焉· 史駢曰· 不可· 吾聞前志有之曰· 敵惠敵怨^㉔· 不在後嗣· 忠^㉕因之道也· 夫子禮於賈季· 我以其寵^㉖報私怨· 毋乃不可乎· 介^㉗人之寵· 非勇也· 損怨益仇^㉘· 非知也· 以私害公· 非忠也· 釋此三者· 何以事夫子· 盡具其孥與其器用財賄· 親帥扞^㉙之· 送致諸竟^㉚· 左傳文公六年

①宣子即趙盾· ②孥音奴· 妻子也· ③是年春· 晉蒐於夷· 以謀軍帥· 蒐音搜· 春獵爲蒐· ④戮· 辱也· ⑤敵猶對也· 言有恩惠· 有怨讎· 與我敵對者· ⑥忠怨· ⑦夫子· 指趙宣子· ⑧言已蒙宣子寵任· ⑨介· 因也· ⑩殺賈季家· 欲以除怨· 宣子將復怨己· 是益仇也· ⑪扞· 保衛也· ⑫竟音境·

晉侯觀于軍府· 見鐘儀· 問之曰· 南冠而縶^㉑者· 誰也· 有司對曰· 鄭人所獻楚囚也^㉒· 使稅^㉓之· 召而弔之^㉔· 再拜稽首· 問其族· 對曰^㉕· 泠人^㉖也· 公曰· 能樂乎· 對曰· 先父之職官也· 敢有二事^㉗· 使與之琴^㉘· 操南音^㉙· 公曰· 君王何如· 對曰·

非小人之所得知也。固問之。對曰。其爲太子也。師保奉之。以朝于嬰齊而夕于側也。⊙。不知其他。公語范文子⊙。文子曰。楚囚。君子也。言稱先職。不背本也。樂操土風。不忘舊也。稱太子。抑無私也⊙。名其二卿。尊君⊙。不背本。仁也。不忘舊。信也。無私。忠也。尊君。敏也。仁以接事。信以守之。忠以成之。敏以行之。事雖大必濟⊙。君盍歸之。使合晉楚之成。公從之。重爲之禮。使歸求成⊙。左傳成公九年

⊙晉景公。⊙南冠。楚冠。繫。拘執也。⊙鄭獻鍾儀。在成公七年。⊙稅。解也。⊙召鍾儀而弔其被囚。⊙鍾儀答辭。下同。⊙樂官。⊙言不敢學他事。⊙晉侯使人與鍾儀琴。⊙南音。楚聲也。⊙言其尊師敬老。嬰齊。令尹子重之名。側。司馬子反之名。⊙晉侯以見鍾儀情形告范文子。⊙舍其近事而遠稱少小。以示性所自然。明至誠無私。⊙尊晉君。⊙言有此四德。必能成大事。⊙是年十二月。晉楚結成。

宣伯⊙使告卻鞮⊙曰。魯之有季孟。猶晉之有欒范⊙也。政令於是乎成。今其謀曰。晉政多門⊙。不可從也。寧事齊楚。有亡而已。蔑因從晉矣。若欲得志於魯。請止行父⊙而殺之。我斃蔑⊙也。而事晉。蔑有貳矣⊙。魯不貳。小國必睦。不然。歸必叛矣。九月。晉人執季文子于荅丘⊙。公還待于鄆⊙。使子叔聲伯請季孫于晉。卻鞮曰。

荀去仲孫蔑而止季孫行父，吾與子國親於公室①。對曰②。儻如之情，子必聞之矣③。若去蔑與行父，是大棄魯國而罪寡君也。若猶不棄，而惠徵周公④之福，使寡君得事晉君，則夫二人者，魯國社稷之臣也⑤。若朝亡之，魯必夕亡，以魯之密邇仇讎⑥。亡而爲讎⑦。治之何及。卻犖曰：吾爲子請邑⑧。對曰：嬰齊⑨。魯之常隸⑩也。敢介⑪。大國以求厚焉。承⑫。寡君之命以請。若得所請，吾子之賜多矣。又何求。范文子謂欒武子曰：季孫於魯，相二君⑬矣。妾不衣帛，馬不食粟，可不謂忠乎。信讒慝而棄忠良，若諸侯何⑭。子叔嬰齊奉君命無私⑮。謀國家不貳，圖其身不忘其君。若虛其請⑯。是棄善人也。子其圖之，乃許魯平。赦季孫。冬十月，出叔孫僑如而盟之⑰。僑如奔齊。左傳成公十六年。

○叔孫僑如。○卻犖。晉大夫。主東諸侯者。○欒武子。范文子。皆晉大夫有權力者。○覲其。指季孟。○言晉國政令不一。出於多門。○蔑無也。○季孫行父。卽季文子。○仲孫蔑。卽孟獻子。時留守公宮。○無有二心。○用宣伯之諾也。○荻丘。晉地。○公。魯成公。○鄆。魯西邑。○親魯甚於晉公室。○子叔聲伯答辭。○僑如通於穆姜。欲去季孟而取其室。言其淫慝之情。子必聞之。○周公。魯君之祖。○二人。仲孫蔑與季孫行父也。二人存亡。關於魯國之社稷。故謂魯國社稷之臣。○仇驪。謂齊楚。○言魯屬齊楚。則還爲晉驪。○請邑。謂請益祿邑。○

嬰齊·子叔聲伯之名。⊙常棘·猶言賤官。○介·因也。⊙承·奉也。⊙二君·謂宣公成公。⊙謂受僑如之譖·執季孫之質·必爲諸侯所譏。⊙不受卻驪請邑。⊙謂不允其請。⊙諸大夫共盟·以僑如爲戒。

備按有季孫行父之爲相·與子叔聲伯之爲使·以魯之弱小而得不亡者·非幸也·宜也。

季文子⊙卒·大夫入斂·公在位⊙·宰庀家器爲葬備⊙·無衣帛之妾·無食粟之馬·無藏金玉·無重器備⊙·君子是以知季文子之忠於公室也⊙·相三君⊙矣·而無私積⊙·可不謂忠乎· 左傳襄公五年

⊙季孫行父·⊙魯襄公在阼階西鄉。⊙宰·季氏之宰·庀·匹婢反·具也·言季氏之宰·庀其家器·爲喪葬之備也。⊙謂珍寶甲兵之物。⊙君子觀季文子恭儉於其私家·可知其忠愛於公室。⊙三君·謂宣公成公襄公。⊙私人積蓄。

楚子囊⊙還自伐吳·卒·將死·遺言謂子庚·必城郢⊙·君子謂子囊忠·君薨不忘增其名⊙·將死不忘衛社稷·可不謂忠乎·忠·民之望也·詩曰·行歸于周·萬民所望⊙·忠也· 左傳襄公十四年

⊙子囊爲楚令尹·⊙子庚·楚司馬公子午也·當代子囊爲令尹·故子囊遺言必城郢·蓋楚徙都郢

·尙未繕修城郭也。⑤謂前年楚共王卒，子囊請諡之曰共。⑥詩經小雅都人士篇。⑦忠信爲周。言德行歸於忠信。卽爲萬民所瞻望。

臨患不忘國·忠也。左傳昭公元年 晉趙孟語

子曰：甯武子①邦有道則知，邦無道則愚。其知可及也，其愚不可及也。論語公冶長

①衛大夫甯俞。武其諱也。②集注。武子仕衛。當文公成公之時。文公有道。而武子無事可見。此其知之可及也。成公無道。至於失國。而武子盡心竭力。不避艱險。凡其所處。皆智巧之士所深避。而不肯爲者。而卒能保其身以濟其君。此其愚之不可及也。邦。國也。知。睿智。邢疏。言有道則知。人或可及。佯愚似實。不可及也。

唐蔚芝先生曰：邦有道則知，邦無道則愚。武子洵千古忠臣哉。天下惟至愚之人。能濟艱難險阻之功。而成忠孝非常之詣。然而上下古今。如武子之愚者。何其少也。

論語新讀本

會子曰：可以託六尺之孤①。可以寄百里之命②。臨大節而不可奪也③。君子人與。君子人也④。論語泰伯

①漢孔氏安國曰：六尺之孤。幼少之君。②百里。諸侯之國。命。政令也。此言諸侯之國。其大臣能受先君託孤之任。而攝行政令。以一身繫國家人民之安危也。③大節。猶大事也。言遇有關國家

安危存亡之大事。則立定主意。不爲利害所動。不爲威武所屈。而不可傾奪也。舜與今作歟。疑辭也。也爲決辭。設爲問答。所以深著其必然也。

子曰。直哉史魚。邦有道如矢。邦無道如矢。

論語衛靈公

○史。官名。魚。衛大夫。以官爲氏。名鱣。韓詩外傳云。史鱣病且死。謂其子曰。我數言蘧伯玉之賢。而不能進。蘧子瑕不肖。而不能退。爲人臣。生不能進賢而退不肖。死不當治喪正堂。燻我於室足矣。衛君問其故。子以父言對。君造然召蘧伯玉而貴之。而退蘧子瑕。徙瘞於正堂。成禮而後去。生以身諫。死以尸諫。可謂直矣。直哉史魚者。孔子美史魚之行爲正直也。○邦。國也。矢。箭也。如矢。言其德性。恆如箭之直而不曲。不以國之有道無道而改變也。

齊宣王見孟子於雪宮。王曰。賢者亦有此樂乎。孟子對曰。有人不得。則非其上矣。不得而非其上者非也。爲民上而不與民同樂者亦非也。樂民之樂者。民亦樂其樂。憂民之憂者。民亦憂其憂。樂以天下。憂以天下。然而不王者。未之有也。昔者齊景公問於晏子。曰。吾欲觀於轉附朝舞。遵海而南。放於琅邪。吾何修而可以比於先王觀也。晏子對曰。善哉問也。天子適諸侯曰巡狩。巡狩者。巡所守也。諸侯朝於天子曰述職。述職者。述所職也。無非事者。春省。耕而補不足。秋省斂而助不給。夏諺曰。吾王不遊。吾何以休。吾王不豫。吾何以助。一遊一豫。爲諸侯度。

○_①。今○_②也不然。師行而糧食○_③。饑者弗食。勞者弗息○_④。饋賂膏粱○_⑤。民乃作慝○_⑥。方命○_⑦虐民。飲食若流○_⑧。流連荒亡。爲諸侯憂○_⑨。從流下○_⑩而忘反謂之流。從流上○_⑪而忘反謂之連。從獸無厭謂之荒○_⑫。樂酒無厭謂之亡○_⑬。先王無流連之樂。荒亡之行。惟君所行也○_⑭。景公說。大戒於國。出舍於郊○_⑮。於是始興發○_⑯。補不足。召太師○_⑰曰。爲我作君臣○_⑱相說之樂。蓋徵招角招○_⑲。是也。其詩○_⑳曰。畜君何尤。畜君者。好君也○_㉑。孟子樂點王下

○_㉒雪宮。齊離宮名。齊宣王館孟子於此。故就見之。○_㉓宮中有苑囿臺池之飾。禽獸之饒。王自多有此樂。故問曰賢者亦有此樂乎。○_㉔有爲人下者不得此樂。則必非謗其上矣。○_㉕齊臣。姓晏。名嬰。○_㉖轉附。朝轉。皆山名。○_㉗遵。沿也。循也。○_㉘放。至也。琅邪。齊東南境上邑名。在今山東省境內。○_㉙遊觀。○_㉚述。陳也。述所職。陳其所受之職也。○_㉛省。視察也。○_㉜斂。收穫也。給。亦足也。○_㉝夏時俗語。如歌謠之類。○_㉞豫。玩樂也。或曰。春行曰遊。秋行曰豫。○_㉟每謂可爲諸侯之法度。○_㊱謂晏子時。○_㊲衆也。二千五百人爲師。春秋傳曰君行師從。糧食。謂轉糧而食之也。○_㊳饑餓之民不得飽食。勞乏之民不得休息。○_㊴側目貌。胥。相也。讒。謗也。言疾視相讒謗也。○_㊵慝。怨惡也。言民不勝其勞。而起怨惡也。○_㊶方。逆也。命。先王之命。○_㊷若流。謂如水之流。無窮極也。○_㊸言流連荒亡四行。爲諸侯之所憂。○_㊹謂放舟隨水而下。

①謂撓舟逆水而上。②從獸。田獵也。荒。廢也。③樂酒。以飲酒爲樂也。亡。猶失也。言失事也。④言先王之法。今時之弊。二者惟在君所行耳。⑤戒。告命也。自責以省民。⑥與惠政。發倉廩。⑦太師。樂官。⑧君臣。景公謂已與晏子也。⑨徵招角招。其所作樂章名。招音韶。⑩徵招角招之詩。⑪齊通孺。媚也。媚有好義。故孟子以好君解之。何尤者。無過也。好。愛好也。

會子曰。晏子可謂知禮也已。恭敬之有焉。有若曰。晏子一狐裘三十年。遺車一乘。及墓而反。國君七介。遺車七乘。大夫五介。遺車五乘。晏子焉知禮。會子曰。國無道。君子恥盈禮焉。國奢則示之以儉。國儉則示之以禮。禮記檀弓下

①孔子弟子曾參。②齊大夫晏嬰。③禮以恭敬爲本。故稱其知禮。④有若亦孔子弟子。⑤狐裘貴在輕新。乃三十年而不易。是儉於己也。其父晏桓子是大夫。大夫遺車五乘。晏子葬父。惟用一乘。儉其親也。禮。筵後有拜賓送賓等禮。晏子筵訖卽還。儉於賓也。此三者。皆以其儉而失禮者也。⑥遺車之數。諸侯七乘。大夫五乘。介包也。每遺車一乘。則載一包。⑦言其時齊國方奢。矯之是也。

元吳氏澄曰。會子言禮之本。故以其恭敬。而謂之知禮。有子言禮之文。故以其儉不中禮。而謂之焉知禮。二子之言皆是也。禮記義疏

唐蔚芝先生曰：後世行喪禮，鋪張靡麗者多矣。君子恥盈禮者，恥與世俗爲伍也。國奢則示之以儉，士君子有挽回風氣之責。况齊俗誇靡，自當有以矯之。晏子眞可謂賢者矣。聖人亦曰：禮，與其奢也，寧儉。禮記大義

滕文公○問曰：滕，小國也。間於齊楚○。事齊乎？事楚乎？孟子對曰：是謀，非吾所能及也。無已，則有一焉○。擊斯池也○。築斯城也。與民守之。效死而民弗去○。則是可爲也。孟子梁惠王下

○文公。滕國之君。○居齊楚二大國之間。○不得已有一謀焉。○擊謂掘。池卽護城河。○效。猶致也。至死而民不叛去也。

唐蔚芝先生曰：或以孟子之謀爲迂闊。孟子豈迂哉。擊斯池也。築斯城也。則宜經畫地利也。與民守之。則宜聯絡民心也。效死而民弗去。則是民信已立。而衆志成城也。天下之事。莫難於使人願爲我死。而與我以共死。是非精誠感格不爲功。登陴涕泣。慷慨誓師。易子而食。析骸而爨。何其酷也。抑何其壯也。此必其平日有以大得乎民心者矣。孟子之謀豈迂哉。孟子新讀本

江希張先生曰：聖人雖非戰惡殺。然決不反對守國衛民。魯哀公時。齊國侵魯。魯人背城而戰。冉有用矛於齊師。故能入其軍。孔子曰：義也。於公爲汪錡之殲。孔子曰

·能執干戈以衛社稷·可無殤也·我們處今日之世界·亦可以知所遵循矣· 四書新編

·倘按以弱小國處兩強大國之間·惟有施德養民·與之死守·斯爲良策·事齊事楚·均非有民族精神者所忍言也·

伊尹相湯·以王於天下·湯崩·太丁○未立·外丙二年·仲壬四年○·太甲顛覆湯之典刑○·伊尹放之於桐○·三年·太甲悔過·自怨自艾○·於桐處仁遷義三年·以聽伊尹之訓己也·復歸于亳○· 孟子萬章上 孟子答萬章之言

○太丁湯之太子·未立而死·○外丙立二年·仲壬立四年·二人皆太丁之弟·○太甲·太丁之子·顛覆·境亂也·典刑·常法也·言太甲壞亂湯之常法·○桐·地名·湯墓所在·○艾·艾字通·治也·言太甲自己怨恨·自己責治也·○亳·音汭·商之都城·言太甲復歸亳爲君也·

桃應○問曰·舜爲天子·皋陶爲士○·瞽瞍○殺人·則如之何·孟子曰·執之而已矣○·然則舜不禁與○·曰·夫舜惡得而禁之·夫有所受之也○·然則舜如之何○·曰·舜視棄天下·猶棄敝屣也·竊負而逃·遵海濱而處·終身訢然樂而忘天下○· 孟子盡心上

○桃應是孟子弟子·○士·卽士師·古之法官·○瞽瞍·是舜之父·○言但當執而不縱·蓋皋陶之心·知有法而已·不知有天子之父也·○桃應又問·然則舜不禁止之歟·○惡音汭·何也·言舜何得

禁止之。皋陶之執法逮捕罪人。是受之舜也。皋陶既受之舜。而舜復禁之。是自壞其法矣。⊙桃應又問。此時之舜將如何應付。⊙躓音徒。草履也。竊。私也。負。謂負之背上。澶。補也。海濱。言遠也。訶。古欣字。樂也。言舜視棄天下。猶棄敝屣之草履。棄天子之位。私自背負其父而逃。循海濱遠處居住。終身欣樂。而忘天下之富。蓋舜之心。知有父而已。不知有天下也。

蔣伯潛先生曰。此章本是孟子師生假設的問答。由此可見孟子把國法私情分得很明白。天子的父親犯了法。亦不能禁司法官之拘捕。實具有後世法律平等之精神。孟子新解。傳按漢書張釋之傳。謂漢文帝時。張釋之爲廷尉。執法不阿。雖帝命亦不曲從。其言曰。法者。天子所與天下共也。今法如是。更重之。是法不信於民也。又曰。廷尉。天下之平也。一傾。天下用法皆爲之輕重。民安所錯其手足。桃應所問。非以爲真有此事。而釋之之所爲。殆深有得於此章之義者歟。

⊙師之上六⊙。大君有命。開國⊙承家⊙。小人勿用。象曰⊙。大君有命。以正功⊙也。小人勿用。必亂邦也。周易上經

⊙師是卦名。上者。最上一爻之名。六爲陰爻。⊙封諸侯。⊙立大夫。承。受也。⊙師師卦上六爻象之辭。⊙言賞必當功。

宋朱子曰。師之終。順之極。論功行賞之時也。然小人雖有功。亦不可使之得有爵土

·但優以金帛可也。 周易本義

宋趙氏汝楫曰·智勇之人·不能皆全材·用於戎行·有將帥節制其上·未見其害·今爲國爲家·有人民·有社稷·則不可屬之小人· 周易折中

解按繫辭上傳·子曰·作易者其知盜乎·易曰·負且乘·致寇至·（解卦六三爻辭）負也者·小人之事也·乘也者·君子之器也·小人而乘君子之器·盜思奪之矣·上慢下暴·盜思伐之矣·小人勿用·非僅患小人本身爲亂·蓋亦慮盜賊之窺伺也

三三蹇之六二○·王臣蹇蹇·匪躬之故○·象曰·王臣蹇蹇·終无尤也○· 周易下經

○一·謂自下而上第二爻·○蹇·紀免反·難也·故·事也·言志在濟君於難·其蹇蹇者·非爲本身之事·○不言吉凶者·鞠躬盡瘁而已·至於成敗利鈍·則非所論也·事雖不濟·亦可无尤·

宋胡氏瑗曰·冒險而進·非一身之故·救天下之蹇也· 周易費氏學引

三三既濟之象曰·水在火上·既濟○·君子以思患而豫防之· 周易下經

○既濟·離下坎上·離爲火·坎爲水·

元王氏申子曰·既濟雖非有患之時·患每生於既濟之後·君子思此而豫防之·則可以保其初吉·而無終亂之憂矣· 周易折中

元龔氏煥曰：水上火下，雖相爲用，然水決則火滅，火炎則水涸，相交之中，相害之機伏焉。同上

傳按繫辭下傳，重門擊柝，以待暴客，蓋取諸豫，亦思患豫防之道也。

不出戶庭，无咎。子曰：亂之所生也，則言語以爲階。君不密則失臣，臣不密則失身，幾事不密則害成，是以君子慎密而不出也。周易繫辭上傳

此節卦初九爻辭，戶庭，戶外之庭。階，謂梯也。言亂之所生，由言語爲之階梯。幾事，機密之事。幾音機。謂不妄出言語也。

傳按機密之事，大抵關係國家利害，不密而失臣失身，史冊所載，不可勝數，而其患率由於多言，此繫辭上傳所以有君子慎密之說，而繫辭下傳又云吉人之辭寡，

子曰：危者，安其位者也。亡者，保其存者也。亂者，有其治者也。是故君子安而不忘危，存而不忘亡，治而不忘亂，是以身安而國家可保也。易曰：其亡其亡，繫于苞桑。周易繫辭下傳

言所以今有傾危者，由前安樂於其位，自以爲安，不有畏懼，故致今日危也。言所以今日滅亡者，由前保有其存，恆以爲存，不有戒懼，故致今滅亡也。言所以今有禍亂者，由前自恃有其治理也，恆以爲治，不有憂慮，故致今禍亂也。君子今雖安，心恆不忘傾危之事，國雖存，心恆不

忘滅亡之事。政雖治。心恆不忘禍亂之事。⑤此否卦九五爻辭。言心恆畏慎其將滅亡。則修明其政治。乃繫於苞桑之固也。

馬師通伯其親曰。禮運。君子居安如危。小人居危如安。鄭注引易。危者安其位。疏云。謂所以今日危亡者。正爲偷安其位也。前三句是戒。君子以下是法。周易賁氏事。

曰若○稽古帝堯○。曰放勳○。欽明文思安安○。允恭克讓○。光被四表。格于上下○。克明俊德○。以親九族○。九族既睦○。平章百姓○。百姓昭明○。協和萬邦○。

○黎民於變時雍○。書經堯典

○吳師北江(闕生)曰。曰粵越通。古文作粵。曰若二字爲發語辭。○吳師曰。稽。當也。言當古時。有帝堯也。○放勳爲堯之名。或曰。曰者猶言其說如此也。放。至也。猶孟子言放乎四海是也。勳。功也。言堯之功大。而無所不至也。○欽。敬也。明。通明也。欽明。敬體而明用也。文爲文章。意思是意思。文思。文著見而思深遠也。安安。無所勉強也。言其德性之美。皆出於自然。而非勉強也。○允。信也。克。能也。言信恭而能讓也。恭非飾貌。故曰允恭。讓非強爲。故曰克讓。○被。及也。四表。猶四方也。格。至也。上爲天。下爲地。言其盛德之光。橫四海而塞天地。○明。明之也。俊。大也。言能明其大德也。○九族。上自高祖下至玄孫之親。或曰。九族者。父族四。母族三。妻族二也。○既。盡也。睦。親而和也。○平章即辨章。辨章。徧明也。百姓。百

官也。○昭明。皆能自明其德也。○協。合也。萬邦。天下諸侯之國。○黎。黑也。民首皆黑。故曰黎民。或曰。黎。衆也。於音烏。美也。變。化也。時。是也。雍。和也。

宋朱子曰。堯是初頭出治第一個聖人。堯典是第一篇典籍。說堯之德。欽是第一個字。聖賢千言萬語。大事小事。莫不本於敬。書經傳說彙纂

宋真氏德秀曰。此章紀堯之功德。與其爲治之次序也。明俊德者。修身之事。親九族者。齊家之事。所謂身修而家齊也。九族既睦。平章百姓。所謂家齊而國治也。百姓昭明。協和萬邦。黎民於變時雍。所謂國治而天下平也。夫五帝之治。莫盛於堯。而其本則自克明俊德始。故大學以明明德爲新民之端。然則堯典者。其大學之宗祖歟。

大學衍義

帝曰。咨。四岳。朕在位七十載。汝能庸命。巽朕位。岳曰。否德。忝帝位。曰。明明揚側陋。師錫帝曰。有鰥在下。曰虞舜。帝曰。俞。予聞。如何。岳曰。瞽子。父頑。母嚚。象傲。克諧以孝。烝烝乂。不格姦。帝曰。我其試哉。女于時。觀厥刑于二女。釐降二女于媯汭。嬪于虞。帝曰。欽哉。慎徽五典。五典克從。納于百揆。百揆時敘。賓于四門。四門穆穆。納于大麓。烈風雷雨弗迷。帝曰。格。汝舜。詢事考言。乃言底可

續三載^①。汝陟^②帝位。舜讓^③于德弗嗣^④。⑤正月上日^⑥。受終于文祖^⑦。在璿璣玉衡^⑧。以齊七政^⑨。肆類于上帝^⑩。禋于大宗^⑪。望于山川^⑫。徧于羣神^⑬。輯五瑞^⑭。既月^⑮。乃日覲四岳羣牧^⑯。班瑞于羣后^⑰。歲二月。東巡守。至于岱宗^⑱。柴^⑲。望秩于山川^⑳。肆覲東后^㉑。協時月。正日^㉒。同律度量衡^㉓。修五禮^㉔。五玉三帛二生一死贊^㉕。如五器^㉖。卒乃復^㉗。五月。南巡守。至于南岳^㉘。如岱禮^㉙。八月。西巡守。至于西岳^㉚。如初^㉛。十有一月。朔巡守。至于北岳^㉜。如西禮^㉝。歸格於藝祖^㉞。用特^㉟。五載一巡守。羣后四朝^㊱。敷奏^㊲以言。明試以功^㊳。車服以庸^㊴。肇十有二州^㊵。封十有二山^㊶。濬川^㊷。象以典刑^㊸。流宥五刑^㊹。鞭作官刑^㊺。扑作教刑^㊻。金作贖刑^㊼。眚災肆赦^㊽。怙終賊刑^㊾。欽哉欽哉。惟刑之恤哉^㊿。流共工于幽州^①。放驩兜于崇山^②。竄三苗于三危^③。殛鯀于羽山^④。四罪而天下咸服。二十有八載。帝乃殂落^⑤。百姓如喪考妣^⑥。三載。四海遏密八音^⑦。月正元日^⑧。舜格于文祖^⑨。詢于四岳。闢四門。明四目。達四聰^⑩。咨十有二牧^⑪。曰。食哉^⑫。惟時柔遠能邇^⑬。惇德允元。而難任人^⑭。蠻夷率服^⑮。舜曰。咨。四岳。有能奮庸熙帝之載^⑯。使宅百揆。亮采惠疇^⑰。舍曰

○。伯禹作司空○。帝曰。俞。咨禹。汝平水土。惟時懋哉○。禹拜稽首○。讓于稷契暨皋陶○。帝曰。俞。汝往哉○。帝曰。棄○。黎民阻飢○。汝后稷○。播時百穀○。帝曰。契○。百姓不親。五品不遜○。汝作司徒○。敬敷五教。在寬○。帝曰。皋陶○。蠻夷猾夏。寇賊姦宄○。汝作士○。五刑有服。五服三就○。五流有宅。五宅三居○。惟明克允○。帝曰。疇若予工○。俞曰。垂○。汝共工○。垂拜稽首。讓于殛暨伯與○。帝曰。俞。往哉。汝諧○。帝曰。疇若予上下○。草木鳥獸。食曰。益哉。帝曰。俞。咨益。汝作朕虞○。益拜稽首。讓于朱虎熊羆○。帝曰。俞。往哉。汝諧。帝曰。咨。四岳。有能典朕三禮○。俞曰。伯夷○。帝曰。俞。咨伯。汝作秩宗○。夙夜惟寅○。直哉惟清○。伯拜稽首。讓于夔龍○。帝曰。俞。往欽哉。帝曰。夔。命汝典樂。教胥子○。直而溫。寬而栗○。剛而無虐。簡而無傲。詩言志。歌永○。聲依永○。律和聲○。八音克諧。無相奪倫○。神人以和。夔曰。於。予擊石拊石。百獸率舞○。帝曰。龍。朕聖讒說殄行。震驚朕師○。命汝作納言○。夙夜出納朕命。惟允○。帝曰。咨。汝二十有二人○。欽哉。惟時亮天功○。三載考績

·三考黜陟①②③·幽明庶績咸熙④⑤⑥·分北三苗⑦⑧⑨·舜生三十·徵庸⑩⑪⑫
十·在位五十載·陟方⑬⑭⑮乃死· 同上

①帝·唐堯·咨·嗟也·嗟歎而告之也·四岳·官名·一人而總四岳諸侯之事者·②朕·古人自稱之通號·載·年也·堯年十六·以唐侯升爲帝·在位七十年·則時年八十六·老將求代·③庸·用也·巽·踐也·堯之子丹朱不肖·羣臣又多不稱·故欲舉其位以授人·而先之四岳也·④否·晉郤鄩也·忝·辱也·四岳言已不堪而辭也·⑤明明·上明謂明顯之·下明謂已在顯位者·揚·舉也·側陋·微賤之人·堯令舉顯位及疏遠隱匿者·⑥師·衆也·錫·言也·四岳羣臣諸侯同辭以對也·⑦繇·無妻之名·在下謂民間·虞爲氏·舜·名也·⑧兪·然也·予聞者·我聞有此人也·⑨復問其德之詳·⑩⑪四岳獨對曰·舜乃瞽者之子·瞽音古·無目之名·舜父號瞽叟·或曰·舜父有目·但不能識別善惡·與無目者同·故時人謂之瞽·⑫心不則德義之經爲頑·⑬母·舜之後母·口不道忠信之言爲詛·音銀·⑭象·舜之異母弟·傲·驕慢也·⑮諧·和也·烝·之承反·進也·父·治也·格·至也·言舜不幸遭此·而能和以孝·使之進進以善自治·而不至於大爲姦惡·⑯女·以女與人也·時·是也·史記云·於是妻之二女·⑰厥·其也·刑·法也·二女·堯之女娥皇女英·⑱蔽降·飭下也·舜能飭下之·嬀·居危反·水名·水北曰嬀·如銳反·蓋舜所居之地·⑲攸音井·婦也·二女在處如婦禮·⑳欽·善之也·此句之下·十三經注疏本有曰若稽古

帝舜曰重華協于帝。帝濬哲文明。濫悉允塞。玄德升聞。乃命以位。二十八字。今文尙書無之。⊙徽。和也。五典。五常也。父子有親。君臣有義。夫婦有別。長幼有序。朋友有信是也。從。順也。此蓋使爲司徒之官。⊙百揆。百官。史記有徧入百官之文可證。或曰。百揆者。揆度庶政之官。惟唐虞有之。猶周之冢宰也。時敘。以時而敘。左氏所謂無廢事也。⊙四門。四方之門。古者以賓禮親邦國。諸侯各以方至而使主焉。故曰賓。穆穆。和之至也。⊙鼈音鹿。山足也。烈。迅也。迷。錯也。堯使舜入山林。雷風大至。衆懼失常。而舜不迷。⊙罔格。來也。堯呼舜曰。來。⊙詢。謀也。乃。汝也。乃下之言字。係衍文。底。至也。績。行也。史記。汝謀事至而言可行三年矣。⊙陟。升也。⊙德。猶志也。嗣本作台。于德弗嗣。于意不悅也。或曰。讒淫自以其德不足爲嗣也。⊙上日。朔日也。⊙文祖。堯之太祖。於是發老。命舜攝政。⊙在。祭也。璿璣玉衡。北斗七星。璿璣是斗魁四星。玉衡是拘橫三星。或曰。璿璣玉衡。乃治歷觀天之器。璿音旋。⊙七政。天地日月星辰鐘律歷。⊙肆。遂也。非時祭天曰類。時舜告攝。非常祭也。⊙禋音因。祭名。六宗。日月北辰岱河海。⊙望亦祭名。望而祭之。故曰望。山川。名山大川。五嶽四瀆之屬。⊙徧。徧祭也。羣神。謂丘陵墳衍。古昔聖賢之類。⊙輯。斂也。瑞。信也。五瑞。珠璽珠璜璋。⊙既。盡也。既月。盡正月。⊙覲。見也。四岳。主四方諸侯者。羣牧。十二州之牧伯。⊙理與頤同。還也。羣后卽諸侯。頤還其瑞。與之正始。⊙舜於二月至東方巡守。巡守

者。巡所守也。岱宗。泰山也。岱晉代。①燔柴祭天。②以尊卑秩次祭之。③遂見東方君長。④時謂四時。月謂月之大小。日謂日之甲乙。諸侯之國。其有不齊者。則協而正之。⑤同。齊也。律謂十二律。度。丈尺也。量。斛也。衡。稱也。⑥凶賓軍嘉爲五禮。⑦五玉。五等諸侯所執者。卽五瑞也。公侯以玉爲贄。三帛。赤黑白繒。所以薦玉。二生。啣執羔。大夫執鴈。一死。士執雉。五玉三帛二生一死。皆所以爲贄而見者。⑧如。若也。五器卽五瑞。⑨卒。終也。復。還也。禮終則還之也。⑩自東岳南巡。五月至南岳衡山。⑪其禮如在岱宗時。⑫西岳。華山。⑬初謂岱宗。⑭朔。北方也。北岳。恆山。⑮如在西岳之禮。⑯格。至也。巡守旣歸。告至藝祖之廟。藝祖疑卽文祖。或曰。藝。禰也。⑰特。特牲。謂一牛也。⑱五年之內。帝舜巡守者一。諸侯來朝者四。蓋巡守之明年。東方諸侯來朝。又明年。南方諸侯來朝。又明年。西方諸侯來朝。又明年。北方諸侯來朝。又明年則帝再巡守。四方諸侯再依次來朝。一往一來。禮無不答。是以上下交通而遠近洽和也。⑲敷。徧也。奏。告也。⑳功。事也。㉑庸。勞也。謂勞以車服也。㉒巖與兆同。兆。域也。十二州。冀兗青徐荆揚豫梁雍幽并營也。自冀州至雍州。爲舊有九州之名。禹治水之後。舜分冀州爲幽州并州。分青州爲營州。遂有十二州。㉓封表也。每州封表一山。以爲一州之鎮。㉔潯。導十二州之川。潯。荀俊反。㉕象。如天之垂象以示人。使人易避而難犯也。典者。常也。刑卽墨劓剝宮大辟五刑也。㉖流。遣之使遠去。宥。寬

也。所以待夫罪之稍輕。雖入於五刑。而情可哀矜者也。宥音又。㉔以觀爲治官事之刑。㉕扞
 普卜反。夏楚二物。學校之刑。㉖意善而功惡者。使出金贖罪。隕石欲反。㉗肆。過失也。
 過失雖有皆災。亦赦之。晉音省。㉘怙音戶。恃也。恃其姦邪。終爲殘賊。則刑之。㉙欽。敬
 也。慎也。㉚共工靜言庸違。象恭滔天。故流之於幽州。幽州。北裔之地。共音恭。㉛驩
 兜黨於共工。故放之。崇山。南裔之山。驩呼端反。兜丁侯反。㉜三苗。國名。特險爲亂。故竄
 逐之。三危。西裔之地。㉝命圮族。續用不成。故殛之。殛。紀力反。拘囚困苦之也。羽山
 東裔之山。鯀故本反。㉞帝謂堯。殛落。死也。㉟父曰考。母曰妣。必禮反。㊱邊音謁。
 止也。密。默也。八音。金石絲竹匏土革木也。言堯恩澤隆厚。故四海之民。思慕之深。至於如此
 也。㊲正月朔日。㊳舜至文祖廟。告卽帝位。㊴詢。謀也。闢。開也。舜謀治於四岳之官。闢
 四方之門。以來天下之賢俊。廣四方之視聽。以決天下之壅蔽。㊵咨。亦謀也。十二牧。十二州
 之牧。牧。養民之官也。㊶吳師北江曰。食。爲也。勅之之詞。㊷時。是也。能。安也。邇。
 近也。㊸惇。厚也。允。信也。德。有德之人。元。仁厚之人。難。拒也。任。佞也。言當厚有
 德。信仁人。而拒佞人也。㊹雖蠻夷之國。亦相率而服從。㊺奮庸。成也。熙。美也。載。事
 也。史記。有能成美彜之事者。㊻宅百揆。度百官也。亮采。相事也。惠。猶爲也。疇。誰也。
 或曰。亮。明也。惠。順也。疇。類也。言使居百揆之位。以明亮庶事。而順成庶類也。㊼會。
 。

七康反。衆也。同辭而對。㊶㊷禹。姒姓。崇伯鯀之子。爲司空。治洪水有功。㊸時。是也。摯。勉也。指百揆之事以勉之也。㊹㊺稽首。首至地。周禮。太祝辨九拜。一曰稽首。稽首是拜內之別名。爲拜乃稽首。故云拜稽首也。稽音啓。㊻㊼稷名棄。姓姬氏。周之祖。契音泄。姓子氏。殷之祖也。暨。及也。皋陶亦當時名臣。㊽命者。然其舉也。汝往哉。不聽禹之讓也。㊾帝舜呼棄而命之。㊿阻。厄也。言厄於飢也。㊻㊼吳師曰。后。當依列女傳作居。稷。農官名。㊽播。布也。時。蒔也。穀非一種。故曰百穀。㊾帝舜呼契而命之。㊿親。相親睦也。五品。父子君臣夫婦長幼朋友之倫也。遜。順也。㊻㊼司徒掌教之官。㊾敷。布也。五教。卽五常之教。寬。謂從容不迫也。㊿帝舜呼皋陶而命之。㊻㊼猜。戶八反。亂也。中國文明之地。故曰華夏。劫人曰寇。殺人曰賊。在外曰姦。在內曰宄。音軌。㊿士。理官也。㊿服。制也。大刑用甲兵。其次斧鉞。中刑用刀鋸。其次鑽鑿。薄刑用鞭朴。三就。行刑當處三處。大罪於原野。大夫於朝。士於市。㊻㊼五流。五刑之當宥者也。五宅三居者。流雖有五。而宅之但爲三等。大罪居於四裔。次則九州之外。次則千里之外。㊿明。明察也。克。能也。允。信也。㊿若。順也。帝舜問誰能順我百工之事者。㊿垂。臣名。有巧思。㊿命垂爲共工之官。㊿吳師曰。爰。斯。伯與。三臣名。爰音殊。斯千羊反。與音餘。㊿吳師曰。諧偕同字。使偕往爲佐。㊿上下。謂山林澤藪。㊿虞。掌山澤之官。㊿朱虎。熊羆。二臣名。熊

回弓反。羶班糜反。⊙⊙典。主也。三禮。祀天神享人鬼祭地祇之禮。⊙⊙伯夷。臣名。姜姓。
 ⊙⊙秩。序也。宗。祖廟也。秩宗。主鉦次百神之官。而專以秩宗名之者。蓋以宗廟爲主也。
 ⊙⊙夙。早也。寅。敬也。⊙⊙吳師曰。直哉。當事也。哉。載同。事也。惟清。宜靜潔也。⊙
 ⊙樂龍。二臣名。樂普遠。⊙⊙胄子。釋子也。或曰。胄。長也。教長天下之子弟也。⊙⊙
 栗。莊敬也。⊙⊙永。長也。⊙⊙永。詠也。⊙⊙律謂六律六呂。陽聲黃鐘太簇姑洗蕤賓夷
 則無射爲六律。陰聲大呂應鍾南呂林鍾仲呂夾鍾爲六呂。聲。五聲。宮商角徵羽也。⊙⊙奪倫。
 易次也。⊙⊙石。磬也。磬和則無不和。拊音撫。小擊也。率舞。自舞也。命官忽記樂言。美韶
 樂也。⊙⊙聖。疾力反。疾也。殄行者。謂傷絕善人之事。師。衆也。言其變亂黑白。以駭衆聽
 也。⊙⊙納言。喉舌之官。⊙⊙允。信也。⊙⊙四岳一人。合九官。十二牧。爲二十二人。
 ⊙⊙惟是相天事。⊙⊙陟。升也。黜。丑律反。退也。三考爲九年。人之賢否。事之得失。皆
 可見。於是升其賢而有成績者。退其不肖而成績不良者。我國考績之法始此。⊙⊙遠近衆功皆與
 ⊙⊙北。古別字。蓋所黜者。獨三苗耳。⊙⊙庸。用也。⊙⊙陟方。省方也。
 宋呂氏祖謙曰。明明揚側陋。見堯爲天下得人之意。廣大無閒。明者可舉則明之。側
 陋者可舉則揚之。其公天下之道如此。書經傳說彙纂

宋王氏炎曰。百揆。百官之首。故先命禹。養民。治之先務。故次命稷。富然後教。

故次命契·刑以弼教·故次命皋陶·工立成器·以爲天下利·人治之末·故次命垂·如此·治人者略備矣·然後及草木鳥獸·故次命益·民物如此·則隆禮樂之時也·故次命夷夔·禮先樂後·故先夷後夔·樂作則治功成矣·羣賢雖威·治功雖成·苟譏閉得行·則賢者不安·前功遂廢·故命龍於末·所以防譏閉·衛羣賢·以成其終·同上柳翼謀先生詩徵曰·唐虞之時·以天然地理·畫分九州·中間嘗分爲十二州·說者謂舜以冀州之北廣大·分置并州·以青州越海·分置營州·又分燕以北爲幽州·至禹卽位·復爲九州·然其文無徵·不能定其界域·惟知其時確嘗分爲十二區域耳·又卽九州分爲五服·以地形證之·四方相距·未必能平均如其里數·惟可知其治地·約分此五種界限·甸服直接於天子·侯綏爲諸侯治地·要荒服皆蠻夷·其文化相懸甚遠耳·當時諸侯號爲萬邦·亦非確數·其階級蓋分五等·其長曰牧·曰岳·曰伯·其國中制度不可考·以書觀之·岳牧之在中央政府·頗有大權·而中央政府亦可黜陟之·中央政府與各州諸侯之關係·以巡狩逆職爲最重之事·觀尙書之文·當時帝者巡狩之要義有三·一·致祭·如歲二月至於岱宗·柴·望秩於山川是·二·壹法·如協時月·正日·同律度量衡是·三·修禮·如修五禮·五玉三帛二生一死贊·如五器·卒乃復是·三者之中·以第二義爲最切於民生日用·並可以推見當時諸侯之國·往往各用其

相傳之正朔·各用其律度量衡·不必與中央政府之定制相同·故虞帝定制·越五年一往考察·務使之齊同均一·此即統一中國之大綱也· 中國文化史

又曰·唐虞之官吏·殆多由大臣舉用·其用人雖多出於貴族·然必以其言論及事功·參稽而用之·且懲戒之法甚嚴·失職者不免鞭撻·甚且著之刑書·其考績必以三年者·取其官久而事習·然後可以定其優劣也·官法雖嚴·而君臣之分際·初不若後世之懸隔·相與對話·率以爾汝之稱·且設四鄰以爲人主之監督·(尙書大傳·古者天子必有四鄰·前曰疑·後曰丞·左曰輔·右曰弼·天子中立而聽朝·則四聖維之·是以慮無失計·舉無過事·)故君主無由專制·而政事無不公開也· 同上

益曰○·吁·戒哉○·傲戒無虞○·罔失法度·罔遊于逸·罔淫于樂○·任賢勿貳·去邪勿疑·疑謀勿成○·百志惟熙○·罔違道以干○百姓之譽·罔拂○百姓以從己之欲·無怠無荒·四夷來王○· 書經大禹謨

○益告舜之言·○先吁後戒·欲使聽者精審也·○傲與警同·言未有可虞之時·必傲必戒·○罔·勿也·法度·法則制度也·淫·過也·當四方無虞之時·法度易至廢弛·故戒其失墜·逸樂易至縱恣·故戒其遊淫·樂音落·○諫·圖爲也·有所圖爲·揆之於理而未安者·則不復成就之·○言百種意志惟益廣也·○干·求也·○罔·符勿反·逆也·○言無怠惰荒廢·則四夷來歸·

宋王氏安石曰·罔失法度以下·修之身者也·任賢勿貳以下·修之朝者也·罔違道以下·施之天下者也·書經傳說彙纂

禹曰⊙·於·帝念哉⊙·德惟善政·政在養民⊙·水火金木土穀惟修⊙·正德利用厚生惟和⊙·九功惟敘·九敘惟歌⊙·戒之用休·董之用威⊙·勸之以九歌·俾勿壞⊙
· 同上

⊙禹告舜之言·⊙於音烏·歎美辭·禹歎美益言儆戒之道·謂帝當深念益之所言也·⊙德非徒善而已·惟當有以善其政·政非徒法而已·在乎有以養其民·下文六府三事·即養民之政也·⊙水火金木土穀爲六府·惟修者·水克火·火克金·金克木·木克土·而生五穀·或相制以洩其過·或相助以補其不足·而六者無不修矣·⊙正德者·父慈子孝·兄友弟恭·夫義婦聽·所以正民之德也·利用者·工作什器·商通貨財之類·所以利民之用也·厚生者·衣帛食肉·不饑不寒之類·所以厚民之生也·此三事惟當諧和之·⊙因九功·合上述之六府與三事也·敘者·言九者各順其理·歌者·以九功之敘而詠之歌也·⊙董·督也·威·古文作畏·其勤於是者·則戒喻而休美之·其怠於是者·則督責而懲戒之·⊙又以事之出於勉強者不能久·故復即其前日歌詠之言·協之律呂·播之聲音·用之鄉人·用之邦國·以勸相之·使其歡欣鼓舞·趨事赴功·不能自己·而前日之成功·得以久存而不壞·

明丘氏濬曰：民之爲民也，有血氣之軀，不可以無所養，有心知之性，不可以無所養，有血屬之親，不可以無所養，有衣食之資，不可以無所養，有用度之費，不可以無所養，一失其養，則無以爲生矣，是以自古聖帝明王，修德以爲政，立政以爲治，孜孜焉一以養民爲務。 大學衍義補

人心惟危，道心惟微。○惟精惟一，允執厥中。○ 同上 舜告禹之言

○心者，人之知覺，主於中而應於外者也。指其發於形氣者而言，則謂之人心，指其發於義理者而言，則謂之道心。人心易私而難公，故危。道心難明而易昧，故微。○惟能精以察之，而不雜形氣之私，一以守之，而純乎義理之正，道心常爲之主，而人心聽命焉，則動靜云爲，自無過不及之差，而信能執其中矣。

宋黃氏幹曰：聖人知發於形氣者惟危，發於義理者惟微，故欲人於此用工，而精以察之於始，一以守之於終，凡一念之發，必察其發於形氣乎，發於義理乎，發於形氣，則摧折之，發於義理，則擴充之，如是，則精之事得矣，又從而堅持固執，念念不忘，使前之擴充者，常昭著光明，前之摧折者，必潛遁退聽，而至於無焉，此一之事也，既精且一，則心之所發，身之所爲，無不合乎中矣。 書經傳說彙纂

宋真氏德秀曰：人心惟危以下十六字，乃堯舜禹傳授心法，萬世聖學之淵源。 大學衍義

夏伯定先生靈武曰：人心道心，皆感物而動，而其所以不同者，則以一動於欲，而一動於理也。又曰：危者，人欲之易熾也；微者，天理之易失也。精一執中，所以去人欲之私，而全其天理之公也。

錢澤先生集

胡樸安先生曰：人心，人欲也；人欲即是物質，物質無論如何發達，皆是互相抵觸而危險的，故曰惟危。道心，天理也；天理即是精神，精神無論如何文明，皆是隱不可見而微妙的，故曰惟微。物質之中有精神，精神之中亦有物質，使二者融和無間，不見二者之雜，故曰惟精。不以精神爲體，物質爲用，而精神自然是主，物質常隨精神，而不見有二者之分，故曰惟一。非取精神之一半，物質之一半，而謂之中，亦非於精神物質之外，別有所取，而謂之中，即融和精神與物質，而不見其有融和之迹，允執其中，則危者安，微者著矣。

儒家修養法

傳案大禹謨，卽世所稱僞古文尙書的一篇，知其爲僞古文，而仍選入者，亦自有說。龔氏自珍曰：莊君存與傳山右閻氏之緒學，閻氏所廓清，已信於海內，言官學臣議上言於朝，重寫二十八篇於學官，頒賜天下，考官命題，學僮誦誦，僞書無得與，公以翰林學士，直上書房爲師傅，聞之，忽然起，遽然思，鬱然歎，悚然而寤，謀，自語曰：古籍墜湮什之八，頗籍僞書存者什之二，大禹謨廢，人心道

心之旨。殺不辜寘失不經之戒亡矣。太甲廢。儉德永圖之訓墜矣。仲虺之誥廢。謂人莫己若之戒亡矣。說命廢。股肱良臣啓沃之誼喪矣。旅獒廢。不寶異物賤用物之戒亡矣。罔命廢。左右前後皆正人之美失矣。今數言幸而存。皆聖賢之眞言。言尤疴癢關後世。宜貶須臾之道。以授肄業者。公退直上書房。日著書。曰尙書。既見如干卷。數數稱禹謨。虺誥伊訓。頗爲承學者詬病。而古文竟獲仍學官不廢。夫莊龔二氏。皆清代之著名今文學家也。而其言若此。則僞古文尙書。亦自有其不可磨滅處可知。俾因選其尤有益世教者。以資研究焉。

訓定書文集資政大夫禮部侍郎武進莊公神道碑銘

夫莊龔二氏。皆清代之著名今文學家也。而其言若此。則僞

禹曰○。洪水滔天。浩浩懷山襄陵○。下民昏墊○。予乘四載○。隨山刊木○。暨益。奏庶鮮食○。予決九川。距四海○。濬畎澮。距川○。暨稷。播奏庶艱食○。鮮食○。

懋遷有無○。化居○。烝民乃粒○。萬邦作乂○。書經皋陶謨 注疏本作益稷

○禹於帝舜之前答皋陶之言。○洪水。大水。滔天。言水勢泛溢。上漫於天也。懷。包也。襄。上也。○下民昏墊。皆困於水災。墊。都念反。○四載。水乘舟。陸乘車。泥乘輻。山乘楛。輻。史記作楛。漢書作輻。以板爲之。其狀如箕。隨行泥上。楛。史記作楛。漢書作楛。以鐵爲之。其形如錐。長半寸。施之履下。以上山不蹉跌也。○隨。循也。刊。除也。蓋水湧不洩。泛濫彌漫。地之平者。無非水也。其可見者山耳。故必循山伐木。通蔽障。開道路。而後水工可興。○暨。與

也。奏。進也。庶。衆也。血食曰鮮。音佩。水土未平。民未粒食。與益進衆鳥獸魚鼈之肉於民。使食以充餉也。④九川。九州之川。距。致也。致之於四海。⑤濬。深也。古者一畝之間。廣尺深尺曰畝。工犬反。方百里之間。廣二尋深二仞曰澮。故外反。距川。致之於川也。⑥艱食。難得之食。言與稷穡予衆難得之食。⑦鮮。息淺反。少也。言食少也。⑧調有餘。補不足。⑨化。徙也。居。貯也。徙所居積之貨也。⑩吳師曰。烝。衆也。粒立同字。立。定也。言衆民乃定。⑪久。治也。言萬邦用治。

柳翼謀先生曰。禹傷父功不成。勞身焦思。以求繼續先業而竟其志。其法蓋先行調查測量。而後從事於疏鑿。其所治之諸水。具詳於禹貢。史家推論其功。尤以導河爲大。按河自龍門至今河間天津等地。其長殆二千里。皆禹時以人力開鑿而成。專治一河。其工之鉅。已至可駭。矧兼九州之山水治之。北至河套。南至川滇。西至青海。東至山東。其面積至少亦有七八百萬方里。鯨治之九年。禹治之十三年。合計二十二。而九州之地盡行平治。以今人作事揆之。斷不能如此神速。故西洋歷史家。於禹之治水。極爲懷疑。按治水之難。以人工及經費爲首。近世人工皆須以金錢雇之。故興工必須鉅款。吾國古代每有力役。但須召集民人。無須予以金錢。故書史但稱禹之治水。不聞唐虞之人議及工艱費鉅者。此其能成此等大功之最大原因也。西人但讀禹貢

·不知其時治水者·實合全國人之力·故疑禹爲非常之人·若詳考他書·則知其治水·非徒恃一二人之功·觀史記·書經注疏·即可見矣·禹之治水·不徒治大水也·並田間之畎澮而亦治之·孔子之稱禹·不頌其治江河·而獨頌其盡力溝洫·蓋畎澮溝洫之利·實較江河鉅流爲大·使僅有九川距海·而無畎澮距川·則農田水利·仍無由興·而治川之功爲虛費矣·然此義若再爲西人言之·則必更驚禹之神奇·謂禹遍天下之溝洫而一一治之·不知禹之濬九川及濬畎澮·皆身爲之倡·而人民相率效之·雖其勤苦異於常人·而以大多數之人民之功·悉歸於禹·則未知事實之真相耳· 中國文化史

禹曰·予娶塗山○·辛壬癸甲○·啓呱呱而泣·予弗子○·惟荒度土功○·書經皋陶謨

○予字下本有創若時三字·娶字下本有于字·今從史記夏本紀校·塗山·國名·○辛壬癸甲·當係紀年·非紀日·蓋娶後三年·始生啓耳·○孟子稱禹治水·三過其門而不入·是至門聞啓泣聲·不暇子愛之也·○荒·大也·言以故大成水土功也·

九州攸同○·四隩旣宅○·九山刊旅○·九川滌源○·九澤旣陂○·四海會同○·六府孔修○·庶土交正○·底慎○財賦·咸則三壤○·成賦·中邦錫土姓○·祇台德先·不距朕行○·書經禹貢 禹所自述之言

○九州·冀兗青徐揚荆豫梁雍也·攸·所也·九州所同·與下爲目·其言九山九川九澤·是同之

事也。①四陝·四方土也。宅·居也。言四方之士·已盡可居也。陳於六反。②九山·九州之山。刊旅者·表道也。③九川·九州之川。滌源者·滌滌泉源而無壅遏也。④九澤·九州之澤。跋按同字·披·散也。⑤四海之水·無不會同·而各有所歸。言九州四海·水土無不平治也。⑥六府·水火金木土穀·孔修·大修治也。⑦庶·衆也。言衆土美惡及高下·得其正也。⑧底·致也。旗·貫也。⑨咸·皆也。則·準也。三壤·上中下三等。⑩中邦·中國也。錫土姓者·言諸侯胙土·錫之姓氏。⑪台晉怡·我也。距·違也。言自我德首倡天下·皆不違我道也。

吳師北江曰·祇台德先二句·乃禹功所以能成之故·苟非以德爲先·化成天下·將所至爲人所距·禹亦匹夫耳·安能成此震天爍地之偉績乎哉·呂氏春秋云·禹之決江水也·民聚瓦礫·事成功立·爲萬世利·此足見禹功之成之不易矣·左傳云·美哉禹功·明德遠矣·亦以德爲言·蓋能道神禹之志者也。尚書大義

柳翼謀先生曰·吾國之名爲中國·始見於禹貢·唐虞之時·所以定國名爲中者·蓋其時哲士·深察人類偏激之失·務以中道詔人御物·以爲非此不足以立國·故制爲累世不易之通稱·一言國名·而國性卽以此表現·其能統制大字·混合殊族者以此·其民多鄉原·不容有主持極端之人·或力求偏勝之事·亦以此也。中國文化史

又曰·治水之功·除水患·一也·利農業·二也·便交通·三也·觀禹貢所載各州

貢道·各州之路·無不達於河·亦無不達於冀州帝都者·以政治言·則帝都與侯國消息靈通·居中馭外·故能構成一大帝國·以經濟言·則九州物產·轉輸交易·生計自裕·故人民咸遂其生·而有於變時雍之美·猶之近世國家·開通鐵道·而政治經濟·咸呈極大之變化·禹貢所稱治水之功效·洵非虛語也·同上

周公若曰○·拜手稽首·告嗣天子王矣○·用咸戒于王·曰王左右○·常伯常任○·進人○·綴○·虎賁○·周公曰·嗚呼休茲○·知恤解哉○·古之人迪惟○·有夏·乃有室大競籲俊○·尊上帝·迪知忱恂○·于九德○·之行·乃敢告厥后曰·拜手稽首后矣·曰宅乃事·宅乃牧·宅乃準○·茲惟后矣○·謀面用丕訓德·則乃宅人·茲乃三宅○·義民○·桀德○·惟乃弗作往往·是惟暴德罔後○·亦越成湯陟○·丕盪上帝之耿命○·乃用三有宅·克卽宅·曰三有俊·克卽俊○·嚴惟丕式○·克用三宅三俊·其在商邑·用協于厥○·邑·其在四方·用丕式見德○·嗚呼·其在受德○·惟羞刑暴德之人·同于厥邦○·乃惟庶習逸德之人·同于厥政○·帝欽罰之·乃侂我有夏○·式○·商受命·奄甸○·萬姓·亦越文王武王·克知三有宅心·灼見三有俊心○·以敬事上帝·立民長伯·立政○·任人○·準夫○·牧作○·三事○·虎賁·綴衣·趣馬○·小尹○·左右攜僕○·百司○·

庶府④。大都④。小伯④。藝人④。表臣百司④。太史④。尹伯④。庶
 常④。吉士④。司徒④。司馬④。司空④。亞旅④。夷微廬烝④。三臺阪尹④。文王惟厥宅
 心④。乃克立茲常事司牧人。以克俊有德④。文王罔攸兼于庶言④。庶獄庶慎。
 惟有司之牧夫。是訓用遠④。庶獄庶慎。文王罔敢知于茲。亦越武王。率惟救功④。
 不敢替厥義德④。率惟謀從容德④。以並受此丕丕基④。嗚呼。孺子王矣。繼
 自今。我其立政立事準人牧夫④。我其克灼知厥若④。丕乃俾亂④。相我受民④
 ⑤。和我庶獄庶慎。時則勿有間之自一話一言⑤。我則末惟成德之彥。以乂我受民④
 ⑥。嗚呼。予且以前人之微言④。咸告孺子王矣。繼自今。文子文孫其勿誤④于庶
 獄庶慎。惟正④是乂之。自古商人。亦越我周文王。④立政立事牧夫準人。則克宅
 之。克由繹之④。茲乃俾乂④。國則罔有立政用儉人。不訓于德。是罔顯在厥世④
 ⑤。繼自今。立政其勿以儉人。其惟吉士。用勸相我國家④。今文子文孫孺子王矣。
 其勿誤于庶獄。惟有司之牧夫④。其克詰爾戎兵。以陟禹之迹④。方行天下。至于
 海表。罔有不服④。以覲文王之耿光。以揚武王之大力④。嗚呼。繼自今。後王立
 政。其惟克用常人④。周公若曰。太史司寇蘇公④。式敬爾由獄④。以長④。我
 王國。茲式有慎。以列用中罰④。

①此篇周公所作。而記之者周史也。故稱若曰。②周公既拜手稽首而後發言。還自言拜手稽首。示已重其事。欲令受其言。故盡禮致敬以告王也。嗣天子王矣。言嗣天子今已爲王矣。③曰越通借字。越。及也。曰王左右。及王左右也。④常伯常任。侍中之職。⑤準人。漢石經作辟人。謂近侍也。⑥綴衣。掌衣服者。綴朱衛反。⑦虎賁。守宮者。賁音奔。⑧休茲。猶云美哉。⑨愷。愷也。知愷鮮哉。猶云知德者鮮矣。⑩惟爲語助詞。⑪乃。猶其也。有室。謂卿大夫。大。猶徧也。競。並也。籟音噓。和也。俊。敬也。⑫迪知。誠知也。忱恂。誠行也。恂與行通。⑬九德。卽臯陶謨所載。寬而栗。柔而立。愿而恭。亂而敬。擾而毅。直而溫。簡而廉。剛而塞。強而義。⑭宅度同字。乃。猶汝也。事。職也。牧。治也。治者。功狀也。準者。法也。言度汝職事功狀法制也。⑮茲者。如也。惟。爲也。言如此而後可以爲君。⑯謀面。驅勉也。丕。奉也。訓德。卽俊德也。乃。能也。義與俄同。蒙也。言驅勉以奉俊德。則能度人。此夏之三度所以無邪人也。⑰桀卽夏桀。德。升也。猶云興也。⑱往任謂老成人。惟其不用老成人。是以暴德彰聞。喪亡無後。⑲亦越。繼前之詞。成湯卽商湯。以武功成。故曰成湯。陟亦升也。⑳丕。大也。釐。飭也。敬也。耿。光也。㉑以事牧準度人。曰三宅。以三者進人。曰三俊。卽。就也。言湯所用三宅。能成乎其宅。于所稱三俊。能成乎其俊也。㉒嚴業同。創也。式。法也。言創爲大法。㉓用。以也。協。和也。厥。其也。㉔德亦和也。言以大法而見和。㉕受德。刺字。警音敏。

代也。⊙羞宿同字。刑。成也。所與共國者。惟宿成暴德之諸侯。⊙庶。衆也。所以共政者。惟衆習逸德之臣下。或曰。庶習卽左右近侍。⊙帝。上帝也。欽。興也。倅。普庚反。使也。言上帝與罰。乃使我周有此諸夏。⊙式讀爲拭。刷清也。⊙奄。大也。句。治也。⊙三有宅心。三有俊心。禹湯審官之心也。文王武王克知之。灼見之。⊙政與長對文。管子知時者可立以爲長。無私者可置以爲政。是其例。下文乃備列立長伯立政之目。⊙任人。常任也。⊙準人。⊙牧伯。⊙大夫。⊙趣馬。掌馬之官。⊙小官之長。⊙摯猶廝也。摯僕。廝僕也。⊙百官有司。⊙主祭契藏吏。⊙大國。⊙小國。⊙卜祝巫匠。執技以事上者。⊙表。外也。上百司。蓋內百司。此言外百司。⊙史官。⊙師尹。⊙庶。衆也。常。祥也。⊙司徒司馬司空。此三卿也。亞。次卿。旅。衆大夫也。⊙烝。君也。言夷則微盧之君。三羣則阪尹也。⊙惟下依漢石經去克字。惟厥宅心。言惟其能度于心。⊙乃能立此常職司牧諸人。用能進有德也。⊙不兼庶言。文王不敢下侵庶職也。⊙庶獄。獄訟也。庶愼。庶成也。卽今之簿書。庶獄庶愼。皆庶言也。之。是也。牧。法也。有司之牧夫者。有主是法人也。調。順也。言庶獄庶愼。均委有司。惟所從違也。⊙率。循也。教。謀也。教亡婢反。⊙義德。法教也。⊙容讀爲容。謀。勉也。勉從審德之人。⊙丕。大也。以普受此大業也。⊙立政。建立長官也。立事。建立羣職也。準人。度乃準也。牧夫。度乃牧也。⊙若。道也。言我能灼然知其道。⊙丕。斯也。

傳·從也。亂·治也。言斯乃從治也。㊶相·治也。治我所受天民。猶後文又我受民。㊷事
 關刑獄。雖一話一言之微。亦不得以己意闕于其間。蓋非此不足以盡勿虞庶獄之義。而保全司法獨
 立之精神也。㊸末惟·終有也。又音刈。治也。我終有成德之美士。以治我所受之民矣。㊹且
 ·周公之名。以前二字。本作已受。微本作微。依漢石經校。㊺誤處同字。虞·憂也。度也。㊻
 正猶康誥之正人。當職者也。㊼古謂夏。言自夏及商人。及我周文王。㊽由與純同。言能度
 之。能納繹之。㊾此乃從治。㊿自古爲國。無有立政用檢利小人者。小人而謂之檢者。形容其
 沾沾便捷之狀也。檢利小人。不順于德。是無能光顯于厥世矣。檢息康反。㊽勗音邁。勉也。王
 當繼今以往。立政勿用檢利小人。其惟用吉士。使勉力以輔相我國家。㊾重言以申明之。此語後
 嗣之繼體爲王者。非僅爲今王言也。獨舉庶獄。以貶庶愼。蓋刑獄固尤重歟。㊿詰·校核也。禹
 跡·禹服舊跡。㊿方·猶橫也。海表·四裔也。言德威所及。無不服也。㊿覲·見也。耿光·
 德也。大烈·業也。㊿常·祥也。常人卽吉士。猶云善人也。㊿周公更召司寇蘇公而語之。太
 史蓋蘇公之兼官。㊿敬·矜也。郵由同字。由獄。猶云郵罰也。㊿長·益也。㊿列者·前後
 相比。猶今言例也。中罰者·無過不及之謂。(此篇注釋大都依照 吳師尙書大義)
 宋真氏德秀曰·成王卽政之始。周公恐其未知文王之心法。故作此書。以立政爲名。
 所陳皆命官用人之事。而必以宅心爲先。蓋用人乃立政之本。而宅心又用人之本也。

大學衍義

宋金氏履祥曰：古人詰兵，蓋有國之常政。軍伍藏於井甸，陣法講於蒐狩，射御習於鄉學，巡邊四征，寓於巡狩會同，但恐守文之主，或自廢弛爾。況其時准奄未盡平，

故周公言及之。書經傳說彙纂

吳師北江曰：此篇以勿虞庶獄爲主，以今語詮之，所以保全司法獨立之精神。特申明其權限，而懼王及左右之亂之也。故誠王而兼及羣臣，乃至綴衣虎賁之屬，特加意焉。以此等近侍警御，其榮惑王之見聞，而撓亂刑獄，爲彌易也。故繁複其詞，以庶習儉人爲戒，而要之以克用常人。又恐言之而王或不察也。復召司寇蘇公於前而顯命之，使自慎其官守，詔蘇公卽所以警王也。當日周公用意固極周至，而文章之精巖奇，亦千古所未有矣。尙書大義

鴟鴞鴟鴞○，旣取我子，無毀我室○。恩斯勤斯，鸞子之閔斯○。

○鴟鴞，鴞鷂，惡鳥，重言之者，乃深惡而痛斥之詞。鴟尺夷反，鴟吁嬌反。○甯亡二子，不可以毀我周室。二子指管叔蔡叔，以武庚挾管蔡以毀周也。○鸞，愛也。鸞音育。稚也。稚子謂成王。閔，憂也。言甯起蕭牆，爲稚子之病，安得不愛護勤勞之乎。

迨○天之未陰雨，徹彼桑土○，綢繆牖戶○。今女○下民，或敢侮予。

◎道音符·及也。◎微·取也。桑土·桑根也。◎綢繆·繆繆也。○縹·巢之通氣處。戶·其出入處也。繆莫侯反。○女音汝。

宋朱子曰·爲鳥言·我及天未陰雨之時·而往取桑根·以纏綿巢之隙穴·使之堅固·以備陰雨之患·則此下土之民·誰敢有侮予者·亦以比己深愛王室·而預防其患難之意。
詩經集傳

予手拮据◎·予所持荼◎·予所蓄租◎·予口卒瘡◎·曰予未有室家◎。

◎拮据音結居·手口共作之貌。◎持·力活反。取也。荼音徒·萑苕可積巢者也。◎蓄·積也。租·麥也。◎卒·盡也。瘡音徒·病也。◎室家·巢也。

朱子曰·亦爲鳥言·作巢之始·所以拮据以持荼蓄租·勞苦而至於盡病者·以巢之未成也·以比己之前日·所以勤勞如此者·以王室之新造而未集故也。同上

予羽謙謙◎·予尾脩脩◎·予室翹翹◎·風雨所漂◎搖·予維音曉曉◎。

◎謙謙·殺也。誰在消反。◎脩脩·傲也。脩素凋反。◎翹翹危也。◎漂匹遙反。◎曉曉·懼也。或曰·急也。曉呼堯反。

朱子曰·亦爲鳥言·羽殺尾傲·以成其室而未定也·風雨又從而漂搖之·則我之哀鳴·安得而不急哉·以比己既勞悴·王室又未安·而多難乘之·則其作詩以喻王。

亦不得而不汲汲也。同上

鷓鴣四章·章五句詩經離風

漢司馬氏遷曰·成王少·周公乃踐阼當國·管叔及其羣弟流言於國·周公乃告太公望召公奭曰·我之所以弗辟音避而攝行政者·恐天下畔周·無以告我先王·所以爲之若此·於是卒相成王·管蔡武庚等果率淮夷而反·周公乃奉成王命·興師東伐·作大誥·遂誅管叔·殺武庚·放蔡叔·乃爲詩貽王·命之曰鷓鴣·史記魯周公世家

馬師通伯曰·武王崩後·三監卽叛·周公卽征·此詩乃周公克殷將歸·先爲此以貽王·述其不得已而用兵之故·凱還入告之辭·憂懼如此·蓋懲前毖後·不可以商亂旣平而忘戒也·東征之役·古今聚訟·夫變起倉卒·公旣攝政·不應引嫌自避·則鄭氏立以爲避居東都者非也·然骨肉之間·一聞流言·遽興師征·朱子晚年又疑其事·竊謂無可疑也·周公之東征·特提兵鎮攝·使其禍不至蔓延·而又不亟於致討·萬一叛人革面·猶可曲全·所以爲仁至義盡·不然·一戎衣而有天下·殄殷小醜·奚待二年哉·史臣知之·故不曰東征·而曰居東·不曰誅武庚管蔡·而曰罪人斯得·聖人哀矜惻怛之心·並當日情事·皆昭然若揭矣·詩毛氏學

唐蔚芝先生曰·周公之誅管蔡·周公之不得已也·旣傷且悔·引咎自責·首章追念

文考文母恩勤養子之艱。不圖天倫攬變。無道善全。次章寧成王于未毀之先。同心
圍政。內疑既釋。外患自消。三四兩章。歷述己之勞瘁。以王室新造。多難迭乘。
哀鳴自訴。以冀感動王心。噭音堵口。不忍卒讀。至性至情。感人者深已。詩經大義
夏暑雨。小民惟曰怨咨。冬祁寒。小民亦惟曰怨咨。厥惟艱哉。思其艱以圖其易。民
乃寧。書經君牙。穆王告君牙之詞。

○祁。大也。暑雨祁寒。天之常道。而小民怨咨。治民欲使無怨。其惟艱哉。○思念其難以圖其易。
民乃安寧。

宋呂氏祖謙曰。此穆王深知民之艱難也。時方暑雨。小民之沾體塗足者。殆其怨咨乎。
不以處廣廈而忘之也。時方祁寒。小民之裂面墮指者。殆其怨咨乎。不以處溫室而
忘之也。穆王一遇寒暑。深恤民瘼。如聞其愁歎。思欲人人而濟。憂乎其難。舉以告
君牙。蓋欲其共此心也。書經傳說彙纂

出自北門。憂心殷殷。終寔且貧。莫知我艱。已焉哉。天實爲之。謂之何哉。

○自。從也。北門背陽向陰。喻已仕於閭君。猶行而出北門也。○殷殷。憂也。○終猶既也。寔者
無財可以爲禮。貧者。無財可以自給。歎其貧窶而人莫知之也。寔音亘。

王事適我。政事一埤益我。我入自外。室人交徧隨我。已焉哉。天實爲之。謂之何

哉。

○王事，國有王命役使之事。適，之也。政事，其國賦稅之事。一，猶皆也。俾，音錙，厚也。言繁簡鉅細，莫不叢集於一身也。○謫音摘，責也。言自外回家，室人亦交責我也。

王事敦○我，政事一俾遺○我，我入自外，室人交徧摧○我，已焉哉，天實爲之，謂之何哉。

○敦，猶投擲也。○遺，加也。○摧，沮也。

北門三章，章七句。 詩經邶風

宋楊氏時曰：忠信重祿，所以勸士也。衛之忠臣，至於貧窶而莫知其艱，則無勸士之道矣。然不擇事而安之，無懟憾之辭，知其無可奈何而歸之於天，所以爲忠臣也。

詩經集傳

唐蔚芝先生曰：王事之重，政務之煩，以一身肩之，其才可想。乃君上不能體恤周至，使其終窶且貧，內不足以畜妻子，而有交謫之憂，外不足以謝勤勞，而有敦迫之苦，乃隨遇而安，盡心職守，迨至無可奈何，則歸諸於天，絕無怨尤之語，處變而不失其道，可不謂賢乎。 詩經大義

小戎伐收○，五檠梁斨○，游環脅驅○，陰朝漆續○，文茵暢轂○，駕我騏驎○，言

念君子。溫其如玉。在其板屋。亂我心曲①。

①小孩。羣臣之兵車。淺音淺。淺也。收。軫也。謂車前後兩端橫木。所以收斂所載者也。②五。五束也。紫音木。歷錄也。梁駟。駟上句衡。一駟五束。束有歷錄。③游環。鞵環也。以皮爲環。當兩服馬之背上。所以禦出也。脊驅。亦以皮爲之。著服馬之外脊。所以止入也。④陰。揜軌也。韜音胤。以皮二條前係驂馬之頸。後係陰版之上。所以引也。鑿音沃。白金也。續。續韜也。鑿續。陰版之上有續韜之處。消白金沃灌其環以爲飾也。⑤車中所坐虎皮褥。茵音因。⑥暢。長也。鞅音谷。車輪之中。外持輻。內受軸者也。⑦騏音其。文也。馬左足白曰驥。之樹反。以上六句。國人誇兵車之善。言以此伐戎。何有不克者乎。⑧君子。婦人目其夫也。溫其如玉。美之之辭。板屋者。西戎之俗。以板爲屋。念想君子伐得而居之。心曲。心中之委曲。憂則心亂也。此四句。婦人闕其君子之言也。

四牡孔阜。六轡在手。騏驎是中。駟驥是驂①。龍盾之合。鑿其饅鞞②。言念君子。溫其在邑。方何爲期。胡然我念之③。

①赤馬黑鬣曰騏。音留。中。兩服馬也。黃馬黑喙曰驎。古花反。驎。黑色也。騂。兩駢也。此亦國人誇馬之善。云我君子兵車。所駕四牡之馬甚肥大。而又良善。御人執其六轡在手而已。不假控制之也。②盾。順尤反。干也。龍盾。畫龍其盾也。合而載之。以爲車上之衛。饅。古穴反。所以

賁內轡之環。鞞音納。駘內轡也。置籠於駘前以係鞞。故謂之籠鞞。亦消沃白金以爲飾也。①邑。西戎之邑。方。將也。婦人閔念其君子云。我念君子。其體性溫然。在敵人之邑。將以何時爲歸期乎。何爲使我思念之極也。

伐駘孔羣①。公矛鏞鏞②。蒙伐有苑③。虎韞鏞膺④。交鞞二弓。竹閉緝膝⑤。言念君子。載寤載興。厭厭良人。秩秩德音⑥。

①伐駘。四馬皆以淺薄之命爲甲也。孔。甚也。羣。和也。②公矛。三隅矛也。鏞鏞。以白金沃矛之下端平底者也。公音求。鏞音敦。③蒙。討羽也。討。雜也。伐。中干也。盾之別名。苑。文貌。緝。雜羽之文於盾上也。④虎。虎皮。韞。勅亮反。弓室也。膺。於澄反。馬帶也。以革爲之。著於胸前。故曰膺。鏞。鏞金以飾此帶也。鏞。魯豆反。⑤交鞞。交二弓於鞞中。必二弓。以備填也。閉。弓檠也。緝。古木反。繩也。膝。直登反。約也。以竹爲閉。而以繩約之於弛弓之裏。檠弓體使正也。以上六句。亦國人誇兵甲之善也。⑥載寤載興。言思之深而起居不寧也。厭厭。安靜也。秩秩。有序也。此婦人閔其君子之勞。又思其性與德也。厭於鹽反。秩陳乙反。

小戎三章。章十句 詩經秦風

宋朱子曰。西戎方強。則征伐宜休矣。而不休。征伐不休。則國人宜怨矣。而不怨。反爲詩以美其主。而聖人亦有取焉。何哉。襄公承命以報君父之讎。其所以不能自己

者。豈忿念之私心哉。乃人儉之正。天理之發。以大義驅其人而戰之。慮之強弱。戰之勝負。皆不暇有所顧。而惟知仇讎之不可以不復。此襄公所以能用其人。而秦人所以樂爲之用也。聖人有取乎此。亦春秋大復讎而與討賊之意歟。 詩經傳說彙纂

唐蔚芝先生曰。秦襄公備具兵甲。征討西戎。國人忘其軍旅之苦。反矜誇車甲之盛。婦人絕無怨曠之思。惟閔念君子之勞。首章詳述車制。次章言馬之駕馭得宜。三章言戎器之整齊。而每章之下四句。胥惓惓於君子。念其居處之陋。念其歸期之遠。念其德音之美。先公義。後私情。民心如是。秦之所以強也。 詩經大義

俾按秦君之注重武備。與秦民之忠勇奮發。讀此詩可見一斑。秦之所以滅六國而一。華夏也。固自有其強盛之道在。非僅恃形勢之利。暴戾之力也。

江漢浮浮。武夫滔滔。匪安匪遊。淮夷來求。既出我車。既設我旗。匪安匪舒。淮夷來鋪。

○浮浮。衆強貌。滔滔。廣大貌。王氏引之謂此詩經文錯謬。當作江漢滔滔。武夫浮浮。○匪。非也。言非敢斯須自安。非敢斯須遊止。來求淮夷也。淮夷。夷之在淮上者也。○車。戎車也。鳥隼曰旗。○舒。寬舒也。鋪。病也。

宋輔氏廣曰。首章言師衆之行。其志專。其氣銳。有不戰。戰必勝矣。故次章便言其

成功· 詩經傳說彙纂

江漢湯湯· 武夫洸洸①· 經營四方· 告成于王②· 四方既平· 王國庶定③· 時靡有爭· 王心載寧④·

①湯湯· 水流盛也· 洸洸· 武貌· 湯音傷· 洸音光· ②召穆公既克淮夷· 又以戰勝之威· 經營四方之國· 有不服者· 則從而伐之· 每有所克· 則告其成於周宣王· ③庶· 幸也· 定· 安定也· ④載之· 言則也· 時無叛戾乖爭者· 我王之心· 則安寧矣· 此召公盡忠之言· 述其志也·

宋曹氏粹中曰· 宣王厲志恢復· 始則北伐獫狁· 次則南征蠻荆· 至於常武江漢· 而夷之居淮南北者· 悉已討定之矣· 故召虎於是以經營四方之武功· 告成於王也· 詩經傳說彙纂

江漢之泂①· 王命召虎· 式辟四方· 徼我疆土②· 匪疚匪棘· 王國來極③· 于疆于理· 至于南海④·

①泂音虎· 水涯也· ②虎· 召穆公之名· 式· 用也· 辟與闢同· 徼· 非其田也· 言江漢既平· 王又命召公闢四方之侵地· 而治其疆界· ③疚· 病也· 棘· 急也· 極· 中也· 言非以病之· 非以急之也· 但使其來取正於王國而已· ④遂露理之· 盡南海而止·

宋嚴氏粲曰· 古人伐叛討貳之後· 則必去其苛政· 平其賦斂· 以慰民心· 故此章言徼

法之事。

詩經傳說彙纂

江漢六章·章八句（錄一章至三章）詩經大雅蕩之什

俾按周文王三分天下有其二·以服事殷·孔子稱爲至德·然大雅皇矣·密人不恭·敢距大邦·侵阮徂共·王赫斯怒·爰整其旅·以按徂旅·以篤周祜·以對於天下·一怒而安天下之民·其威武爲何如·常武·召穆公美宣王也·其言曰·王奮厥武·如震如怒·進厥虎臣·浮遠反奮闕怒之貌如墟火交反虎·鋪敦淮濱·仍執醜虜·截彼淮浦·王師之所·頗烈烈有英氣·而此篇所詠·尤見尙武之精神·可知古之聖賢·未嘗傷尙文德·亦甚重武功也·

國君死社稷○·大夫死衆○·士死制○·禮記曲禮下

○謂國亡與亡·○謂討罪禦敵·敗則死之·○言既受命·難毋苟免也·

傳按禮運曰·國有患·君死社稷·謂之義·古者爲君主政體·故以國君死社稷爲義·今爲共和國家·以人民爲主體·卽人人有爲國而死之義務矣·

魯莊公及宋人戰於乘丘○·縣賁父御·卜國爲右○·馬驚·敗績·公隊○·佐車授綏○·公曰·末之下也○·縣賁父曰·他日不敗績·而今敗績·是無勇也·遂死之○·圍人浴馬·有流矢在白肉○·公曰·非其罪也○·遂誅之○·士之有誅·自此始也·

禮記檀弓上

○乘丘·魯地·戰在魯莊公十年·○右謂車右·勇力者爲之·○隊晉陞·○佐車·副車·綏·揜以升車之索也·○言上國徵末無勇·○縣實父卜國二人遂赴敵而死·○掌養馬者·○流矢中馬股間之肉·○知非二人之罪·○誅其赴敵之功以爲諡·諡力軌反·

宋朱氏申曰·公責卜國·而責父自責·馬之馳騁·在御不在右也· 禮記義疏

知悼子○卒·未葬·平公○飲酒·師曠李調侍○·鼓鐘○·杜蕢○自外來·聞鐘聲·曰安在·曰·在寢○·杜蕢入寢·歷階而升·酌曰·曠飲斯○·又酌曰·調飲斯○·又酌·堂上北面坐飲之○·降·趨而出·平公呼而進之曰○◎·蕢·曠者爾心或開予·是以不與爾言○·爾飲曠何也○·曰○·子卯不樂○·知悼子在堂○·斯其爲子卯也大矣○·曠也·太師也○·不以詔·是以飲之也○·爾飲調何也○·曰·調也·君之亵臣○也·爲一飲一食·忘君之疾·是以飲之也○·爾飲何也○·曰·蕢也·宰夫也·非刀匕是共·又敢與知防·是以飲之也○·平公曰·寡人亦有過焉·酌而飲寡人·杜蕢洗而揚觶○·公謂侍者曰·如我死·則必毋廢斯爵也·至於今·旣畢獻·斯揚觶·謂之杜舉○· 禮記檀弓下

○知悼子·卽晉大夫荀息·知晉智·○平公是晉國之君·姓姬名彪·○二人與平公飲·○樂作·○

平公之宰夫·黃音快·○燕於臠·○杜蕢酌酒而告師曠曰·曠飲此酒·○又酌酒而告李調曰·調飲此酒·○自酌酒·在堂上北面·坐而飲之·○平公呼杜蕢入而酌之·○蕢·臠也·言爾之初入·我意爾必有所諫教開發於我·我是以不先與爾言·○爾之飲曠·何說也·○杜蕢答曰·下二日同·○夏桀於乙卯日死·商紂以甲子日死·謂之疾日·君不舉樂·○時知悼子在墻·○言大臣之喪·重於疾日·○師曠爲晉之太師·○詔·告也·罰其不告之罪·○亦平公問杜蕢之言·○近習之臣·○貪於飲食·而忘君違禮之疾·故罰之·○平公問杜蕢·爾自飲何也·○非·猶不也·宰夫職在刀匕·今不專供刀匕之職·而敢與知諫爭防閑之事·是僥官矣·故自罰也·○揚輝·舉輝也·盥洗而後舉·致凜敬也·輝音志·○平公自知其過·既命蕢酌酒飲己·又欲以此爵爲後世戒·故記者云·至今晉國行燕禮之終·必舉此輝·謂之杜舉者·言此輝乃昔者杜蕢所舉也·

傳按正義曰·此節論君有大臣之喪·不得有作樂飲酒之事·足徵古者君臣相與·各有相敬相愛之禮·非出於片面者也·杜蕢能納君於禮·可謂忠矣·平公自知其非·且以此爵爲後世戒·亦明君也哉·

戰于郎○·公叔禺人遇負杖入保者息○·曰○·使之雖病也·任之雖重也·君子不能爲謀也·士弗能死也·不可○·我則旣言矣○·與其鄰重汪錡○往·皆死焉·魯人欲勿殤

重汪錡·問於仲尼④·仲尼曰·能執干戈以衛社稷·雖欲勿殤也·不亦可乎· 同上

④魯哀公十一年·齊伐魯·戰於郎·郎·魯近邑也·⑤公叔馮人·魯昭公之子·遇·見也·馮人見魯人走避齊師·而入保城邑者·疲倦之餘·負其杖而休息·馮晉遇·⑥馮人之言·⑦君子·謂卿大夫·言衛役之煩·雖不能堪·稅斂之數·雖過於厚·若上之人協心以禦寇·猶可塞責也·今卿大夫不能盡策·士不能捐身以死難·豈人臣事君之道哉·甚不可也·⑧我既出此言矣·可不思踐吾言乎·⑨重通作董·躋晉紀·⑩魯人以汪錡有成人之行·欲以成人之喪禮葬之·⑪孔子·

宋陳氏祥道曰·君子之於人·視於人·不視其年·年雖壯而無成·處之以童可也·鄭忽之狡童是也·年雖稚而有成·處之以成人可也·汪錡之勿殤是也· 禮記著疏

偉按汪錡無戰守之責·以衛社稷而死·雖一弱小之童子·魯人欲勿殤之·孔子亦以勿殤爲可·足徵爲國捐軀者·必受國人之尊敬·而亦聖賢之所深許也·

陽門之介夫①死·司城子罕②入而哭之哀·晉人之規③宋者·反報於晉侯曰·陽門之介夫死·而子罕哭之哀·而民說④·殆不可伐也·孔子聞之曰·善哉規國乎⑤·詩云·

凡民有喪·扶服⑥救之·雖微晉而已·天下其孰能當之⑦· 同上

①陽門·宋之國門名·介夫·甲士之守衛者·②宋武公諱司空·改其官名爲司城·子罕卽樂喜也·是戴公之後·③規·闕視也·④說音悅·⑤善其知微·⑥詩經邶風谷風篇·⑦扶服·致力之義·⑧

言不獨管而已。天下其孰能當之者乎。

元陳氏憐曰：孔子善之。以其識治體也。孰能當之。甚言人心之足恃也。禮記集說

爲人臣下者。有諫而無訕。有亡而無疾。頌而無讒。諛而無驕。怠。則張而相之。廢。則掃而更之。謂之社稷之役。禮記少儀

①訓。所諫反。爲道說過惡及誇毀也。②亡。去也。疾。憎惡也。③謂管詔。謂以惡爲美。稽求見容。④謂君若從己之諫。不得恃己言行謀用而生驕慢也。⑤怠。惰也。相。助也。⑥政治若已廢壞。則當掃蕩。而更創立新政。⑦以其有功勞於社稷。

州吁未能和其民。厚問定君子石子。石子曰。王覲爲可。曰。何以得覲。曰。陳桓公有寵于王。陳衛方睦。若朝陳使請。必可得也。厚從州吁如陳。石碯使告于陳曰。衛國褊小。老夫耄矣。無能爲也。此二人者。實弑寡君。敢即濁之。陳人執之。而請泣于衛。九月。衛人使右宰醜泣殺州吁于濮。石碯使其宰獍羊肩。泣殺石厚于陳。君子曰。石碯純臣也。惡州吁而厚與焉。大義滅親。其是之謂乎。

左傳隱公四年

①州吁。衛之公子。魯隱公四年春。弑衛桓公而自立。②石厚。石碯之子。石子卽石碯。厚以州吁不安。詬其父也。③磻。七略反。④於周王處行覲禮。⑤石厚問語。⑥石碯答辭。⑦如。往也。⑧言國

小身老。無能爲役。敢請陳因其來朝而就圖討之。①泄晉利。臨也。請衛人自臨討之。②右宰。官名。醜是人名。③鬻羊肩是石磻之家宰。鬻奴侯反。④子從弑君之賊。國之大逆。不可不除。故曰大義滅親。

周任⑤有言曰。爲國家者。見惡。如農夫之務去草焉。芟夷蕪崇⑥之。絕其本根。勿使能殖⑦。則善者信⑧矣。左傳隱公六年

⑤周大夫。⑥芟音衫。刈也。夷。殺也。蕪。積也。崇。聚也。⑦殖。孳生也。⑧信音申。信仲同義。惡者既屈。則善者自伸矣。

爲政者。不賞私勞。不罰私怨。左傳昭公五年引周任語

衛文公大布⑨之衣。大帛⑩之冠。務材⑪訓農⑫。通商⑬惠工⑭。敬教⑮勸學⑯。授方⑰任能⑱。⑲元年。革車⑳㉑三十乘。季年㉒。乃三百乘。左傳閔公二年

⑨粗布。⑩厚縞。⑪務植材用。⑫訓民勸農。⑬通商販取之路。令貨財往來。⑭加恩惠於百工。賞其利器用也。⑮敬民五教。⑯勸民學問。⑰授民以事。皆有方法。⑱其所委任。信能用人。㉑兵車。㉒在魯僖公二十五年。

三十三年春。秦師過周北門⑳。左右免胄而下㉑。超乘㉒者三百乘。王孫滿尚幼。觀之。言於王㉓曰。秦師輕而無禮㉔。必敗。輕則寡謀。無禮則脫㉕。入險而脫。又不能

謀·能無敗乎·及滑^①·鄭商人弦高將市於周^②·遇之·以乘韋先·牛十二犢師^③·
曰·寡君聞吾子將步師出於敝邑^④·致犒從者·不腆^⑤·敝邑爲從者之淹^⑥·居
則具一日之積·行則備一夕之衛^⑦·且使遽告于鄭^⑧·鄭穆公使視客館·則束載厲
兵秣馬矣^⑨·使皇武子辭焉^⑩·曰·吾子淹久於敝邑·唯是脯資餼牽竭矣·爲吾子
之將行也^⑪·鄭之有原圃·猶秦之有具圃也^⑫·吾子取其麋鹿以閒敝邑·若何^⑬·
杞子奔齊·逢孫揚孫^⑭·孟明曰·鄭有備矣·不可冀也^⑮·攻之不克·圍之
不繼^⑯·吾其還也^⑰·滅滑而還·左傳僖公三十三年

○魯僖公三十年·秦使大夫杞子戍鄭·三十二年冬·杞子自鄭使告於秦曰·鄭人使我掌其北門之管
·若滑師以來·國可得也·秦穆公乃召孟明西乞白乙出師東行·周北門·王城之北門也·^①胃·兜
饗·免·去也·下·下車也·王城爲周王所在之地·秦師經過其門·禮宜解甲束兵·去盜疾趨·以
示敬意·時秦已目無王室·故僅令左右去胃下車·^②超乘·謂車正行之時·一躍而上也·^③王孫滿
·周大夫·卽魯宣公三年答楚問鼎者·時年尙少·出觀秦兵·^④周襄王·^⑤輕指超乘·無禮·謂過
周王城之門不解甲束兵·^⑥脫·忽略也·^⑦秦師至滑·滑·姬姓之國·或曰·鄭國邊境之邑·^⑧鄭
國之商人弦高·將經商於周·^⑨乘·四也·韋是熟製皮革·古者將獻遺於人·必有以先之·以乘
韋先·謂先送四皮革·再送牛十二頭·以犒秦師也·^⑩步師猶行師也·弦高偶遇秦師·而言鄭君

聞秦將率師親臨鄭國者·示鄭已知秦之謀略也。⊙⊙騰晉黍·厚也·不腆·言不豐厚也。⊙⊙淹留也。⊙⊙秦師尙留居鄭·則爲秦具一日芻米薪菜之積·若徑行過鄭·則爲秦備一夕捍禦外侮之衛。⊙⊙遽是傳車·弦高旣犒秦師·即使傳車告其事於鄭君。⊙⊙使人視秦杞子等之館舍·果見杞子等收拾擔裝·以盛軍中餼糧·與磨刀饑馬·以待秦師之至而爲之內應矣·束·包裹·載·裝載也·秣晉末。⊙⊙鄭穆公使大夫皇武子向杞子等致辭。⊙⊙乾肉曰脯·貨財曰資·米曰餼·牛羊豕曰牽·謂君等久留鄭國·今作此遠行之狀·想是慮及供給耗竭·示已知其情也。⊙⊙原圃具圍皆圍名·圍者·所以養鳥獸也。⊙⊙若何猶如何·言君等自取麋鹿以爲行資·令敝邑得閒暇·免於供應之勞·如何。⊙⊙逢孫揚孫二子·是與杞子同戍鄭者。⊙⊙言鄭國已有準備·無襲取之希望。⊙⊙攻而伐之·則不可必勝·環而圍之·則兵少莫有後繼。⊙⊙言不如返秦。

傳按弦高·商人也·惟樵遷是務·非有守土之責者也·然忠義奮發·旣矯命犒師·以挫強敵之謀·且使遽告鄭·俾其君知所警備·知勇兼備·洵不愧爲愛國之士矣·先哲有言·天下興亡·匹夫有責·民主國家之國民·固人人應自竭其力以衛國者也·吾儕宜如何奮勉哉·

戰於穀⊙也·晉梁弘御戎·萊駒爲右·戰之明日·晉襄公縛秦囚·使萊駒以戈斬之·囚呼·萊駒失戈·狼暉⊙取戈以斬囚·禽之⊙·以從公乘·遂以爲右⊙·箕之役⊙·先軫

黜之。而立續簡伯。狼曠怒。其友曰。嗇死之。曠曰。吾未獲死所。其友曰。吾與女爲難。曠曰。周志有之。勇則害上。不登於明堂。死而不義。非勇也。共用。之謂勇。吾以勇求右。無勇而黜。亦其所也。謂上不我知。黜而宜。乃知我矣。子姑待之。及彭衙。既陳。以其屬馳秦師。死焉。晉師從之。大敗秦師。君子謂狼曠於是乎君子。詩云。君子如怒。亂庶盪沮。又曰。王赫斯怒。爰整其旅。怒不作亂。而以從師。可謂君子矣。左傳文公二年

魯僖公三十三年四月。晉敗秦師於殽。曠尺其反。禽。獲也。因上文秦駒失戈。故言禽之。曠代秦駒爲右。與公乘戰。晉襄公喜其勇。遂以爲車右。僖公三十三年八月。晉敗狄於箕。立續簡伯爲車右。言吾未得可死處。欲共殺先軫。女晉汝。周書。明堂是祖廟。共用。死國用也。言今見黜而合宜。則吾不得復言上不我知。秦孟明視師師伐晉。晉侯禦之。戰於彭衙。詩經小雅巧言篇。市專反。疾速也。沮。止也。言君子如有所怒。禍亂庶幾其疾止也。詩經大雅皇矣篇。言文王赫然奮怒。則整師旅以討亂。

宋呂氏祖謙曰。曠。烈士也。回犯上之氣。而爲徇國之勇。雖非中節。要非常人之所能望也。東萊博議

箴尹克黃。使於齊。還。及宋。聞亂。其人曰。不可以入矣。箴尹曰。棄君之命。獨

離受之。君。天也。天可逃乎。遂歸復命。而自拘於司敗。王。思子文之治楚國也。

曰。子文無後。何以勸善。使復其所。改命曰生。左傳宣公四年

○箴尹是官名。克黃。鬬氏。令尹子文之孫也。○子文弟子良之子越椒作亂。○司敗卽司寇。刑官

。○楚莊王。○使克黃復其所任箴尹之官。○易其名也。

傳按克黃所言。自是封建時代之尊君思想。然不避禍害。歸國復命。不可謂非忠也。

冬。楚子。爲陳夏氏亂。故伐陳。謂陳人無動。將討於少西氏。遂入陳。殺夏徵舒。

轅諸栗門。因縣陳。陳侯在晉。申叔時使於齊。反。復命而退。王使讓之。

曰。夏徵舒爲不道。弑其君。寡人。以諸侯討而戮之。諸侯縣公。皆慶寡人。女。

獨不慶寡人。何故。對曰。猶可辭乎。王曰。可哉。曰。夏徵舒弑其君。其罪大

矣。討而戮之。君之義也。抑人亦有言曰。牽牛以蹊人之田。而奪之牛。牽牛以蹊

者。信有罪矣。而奪之牛。罰已重矣。諸侯之從也。曰討有罪也。今縣陳。貪其富也。

以討召諸侯。而以貪歸之。無乃不可乎。王曰。善哉。吾未之聞也。反之可乎。對曰。

可哉。吾儕小人所謂取諸其懷而與之也。乃復封陳。鄉取一人焉以歸。謂之夏州。

故書曰。楚子入陳。納公孫甯儀行父于陳。甯有禮也。左傳宣公十一年

○楚莊王。○魯宣公十年夏。陳夏徵舒弑其君靈公。○少西。徵舒之祖子夏之名。○穀。車裂也。栗門是陳之城門。言車裂夏徵舒於陳之栗門也。○滅陳以爲楚縣。○陳靈公之子成公。○申叔時是楚大夫。○反。返也。○讓。以辭相責也。○寡人。寡德之人。古諸侯自稱之謙辭。○楚縣大夫皆僭稱公。○女音汝。○言尙可有辭以自解乎。○踐音分。踐也。○叔時謙言小人意淺。謂賢如取人物於其懷而還之。爲愈於不還。○每鄉取一人以歸楚。而成一州。謂之夏州。○春秋之書法。○沒其縣陳本意。全以討亂存國爲文。善其得禮。

清丘之盟。晉以衛之救陳也。討焉。○使人弗去。曰。罪無所歸。將加而師。○孔達曰。苟利社稷。請以我說。○罪我之由。我則爲政。而充大國之討。○將以誰任。我則死之。十四年春。孔達縊而死。○衛人以說于晉而免。遂告于諸侯曰。寡君有不令。○臣達。構我做邑于大國。○既伏其罪。○敢告。衛人以爲成勞。復室其子。使復其位。○左傳宣公十三年十四年。

○魯宣公十二年。晉原穀宋華椒衛孔達曹人同盟於清丘。曰恤病討貳。嗣陳貳於楚。宋爲盟故伐陳。衛人救之。十三年冬。晉因尋清丘之盟以資衛。○而。汝也。言將伐之。○衛之正卿。○欲自殺以說晉。○尤。禦也。謂禦宋之討陳也。○以繩繞頸而死也。○縊音倚。○不善。○使我衛國結怨於晉。○已就刑辟。○成。平也。勞。功也。衛侯以其有平定國家之功。復以女妻其子。使襲父之

祿位。

晉人歸楚公子穀臣與連尹襄老之尸于楚。以求知罃。於是荀首佐中軍矣。故楚人許之。○王送知罃。曰。子其怨我乎。對曰。二國治戎。臣不才。不勝其任。以爲俘馘。○執事不以釁鼓。使歸即戮。君之惠也。臣實不才。又誰敢怨。王曰。然則德我乎。對曰。二國圖其社稷。而求紓其民。各懲其忿。以相宥也。兩釋纍囚。以成其好。○二國有好。臣不與及。其誰敢德。王曰。子歸。何以報我。對曰。臣不任。○受怨。君亦不任受德。無怨無德。不知所報。王曰。雖然。必告不穀。對曰。對曰。以君之靈。○鼎臣得歸骨于晉。寡君之以爲戮。死且不朽。○若從君之惠而免之。以賜君之外臣首。○首其請於寡君。而以戮於宗。○亦死且不朽。若不獲命。而使嗣宗職。○次及於事。而帥偏師以修封疆。○雖遇執事。其弗敢違。○其竭力求致死。無有二心。以盡臣禮。所以報也。○王曰。晉未可以爭。○重爲之禮而歸之。○左傳成公三年

○魯宣公十二年。晉楚戰於郟。楚獲晉知罃。罃之父知莊子囚楚公子穀臣。射殺連尹襄老。載其尸而歸。至是晉歸二者於楚。以贖知罃。晉盩。○荀首卽知莊子。荀首食邑於知。其後遂以邑爲氏。佐。輔也。中軍爲古行軍時發號施令之所。是時荀首佐晉中軍。楚人畏其權勢。故許歸其子。

楚共王遂知罃而問之，以下三王曰，亦共王問知罃之辭。知罃答楚共王之辭。下三對曰同。⑤二國謂晉楚。戎，兵也。俘，俘敵。軍所虜獲者。生擒之敵人曰俘。殺敵而割其左耳曰馘。俘音孚。馘音國。⑥以血塗鼓爲靈鼓。⑦卽。就也。卽戮。謂就刑也。⑧晉楚二國皆爲社稷之謀。而欲紓緩其民。各懲戒往日戰爭之咎。以相赦宥而釋憾也。⑨彙。繫也。囚謂俘虜之人。言晉釋殺臣。楚釋知罃。以成二國之和好。⑩言兩國本不爲己而和。又敢歸德於誰人。⑪楚王問知罃歸晉國後。將如何報答我。⑫任猶當也。⑬不穀。諸侯自稱之謙辭。⑭彙。福也。⑮死尙不朽。以示其至死不忘。⑯稱於異國之君曰外臣。首謂荀首。⑰宗謂知氏之宗廟。⑱嗣。繼也。宗職。祖宗之職。言晉君不許戮。而使嗣其祖宗之職務。⑲偏師。一部分之軍隊。言己以次第而及於晉國之政事。統率一部分之軍隊。以修治晉國之疆場。⑳執事。謂楚之將帥。違。避也。言雖遇楚國之將帥。不敢以私廢公。而有所趨避。㉑當竭盡其力。致身死地。以與楚戰。不敢有攬貳之心。以盡人臣事君之禮。卽所以報楚之德也。㉒楚共王聞知罃之言而告其臣下曰。晉有臣如此。未可與爭也。㉓以厚禮待知罃。而送還晉國。

傳按知罃之言。磊落已極。一以見在囚之不辱。一以示強晉之無畏。雖所處之地無甚危險。不難作慷慨激昂之辭。然非內存忠愛之心。亦決不能如此之暢快也。

二月乙酉朔。晉悼公卽位于朝。始命百官。施舍已責。逮饑寡。振廢滯。

匡①乏困·救災患·禁淫慝·薄賦斂·宥④罪戾·節⑤器用·時用民①◎·欲無犯時①
①·使魏相士飭魏頡趙武爲卿①◎·荀家荀會變鬻韓無忌爲公族大夫·使訓卿之子弟共
儉孝弟①◎·使士渥濁爲太傅·使儵范武子之法①◎·右行辛爲司空·使修士蒞①◎之
法·弁糾①◎御戎·校正①◎屬焉·使訓諸御知義·荀賓爲右·司士①◎屬焉·使訓勇
力之士時使①◎·卿無共御·立軍尉以攝之①◎·祁奚爲中軍尉·羊舌職佐之·魏絳爲
司馬·張老爲候奄①◎·鐸遏寇爲上軍尉·籍偃爲之司馬①◎·使訓卒乘·親以聽命①
◎·程鄭爲乘馬御①◎·六駟①◎屬焉·使訓羣駟知禮·凡六官之長①◎·皆民譽①◎
也·舉不失職·官不易方①◎·爵不踰德①◎·師不陵正①◎·旅①◎不偪師·民無謗
言·所以復霸也·左傳成公十八年

①晉國之君·姓姬名周·②始爲政·③施恩惠·舍勞役·④已·止也·言止誦責·⑤蠹及微賤·⑥
起用舊德·⑦匡·亦救也·⑧寬宥·⑨節省·⑩使民以時·⑪不縱私欲·以奪農時·⑫此四
人之父祖·皆有功於晉國·⑬共晉恭·弟晉悌·⑭士會爲晉景公太傅·作執秩之法·⑮士蒞
爲晉獻公司空·⑯欒糾·⑰校正是主馬官·校戶孝反·⑱司士是車右之官·⑲勇力多不顧
命·故訓之以共時之使·⑳省卿戎御·令軍尉攝御而已·㉑中軍主斥候之官·㉒上軍司馬·
㉓相親以聽上命·㉔乘車之僕·㉕六閭之驛·驛側留反·㉖晉時置六卿爲軍帥·故總舉六

官。則知羣官皆得其人。⊙民之所譽者。⊙官守其業。無相踰易。⊙君德授爵。⊙師。二千五百人之師。正。軍將。命卿也。陵。侵越也。⊙旅。五百人之師。

傳按晉悼公才大識高。始爲國君。卽行仁政。舉賢才。提綱挈領。氣象朗然。故雖當厲公昏亂之後。仍能復文公之霸業也。

祁奚請老。晉侯問嗣焉。稱解狐。其讎也。將立之而卒。又問焉。對曰。午也可。於是羊舌職死矣。晉侯曰。孰可以代之。對曰。赤也可。於是使祁午爲中軍尉。羊舌赤佐之。君子謂祁奚於是能舉善矣。稱其讎。不爲詔。立其子。不爲比。舉其偏。不爲黨。商書曰。無偏無黨。王道蕩蕩。其祁奚之謂矣。解狐得舉。祁午得位。伯華得官。建一官而三物成。能舉善也夫。唯善。故能舉其類。詩云。惟其有之。是以似之。祁奚有焉。左傳襄公三年

⊙祁奚爲中軍尉。請老。致仕也。⊙晉悼公問誰可繼其職者。⊙祁奚舉解狐可以繼任。⊙解狐卒。⊙晉侯又問誰可繼任。⊙祁奚答以午可繼任。午者。祁奚之子也。⊙晉侯又問祁奚誰可以代羊舌職。⊙祁奚答以赤可繼任。赤者。羊舌職之子伯華。⊙詔。媚。⊙親比。⊙偏。屬也。黨。阿私也。⊙尙書洪範篇。⊙平正無私。⊙一官謂軍尉。物。事也。言得舉得位得官。三事皆成。⊙詩經小雅裳裳者華篇。⊙言惟有德之人。能舉似己者也。

偉按禮記儒行篇曰：儒有內稱不辟

辟音避下同

親。

外舉不辟怨。程功積事。

程算其功積累其事

賢而進達之。不望其報。君得其志。

謂此賢者輔助其君使君得遂其志

苟利國家。不求富貴。其舉賢

援能有如此者。宋方氏慤申其義曰：不以一身之小嫌。妨天下之真才。故誰親也

亦在所稱。不以一心之私忿。害天下之公義。故雖怨也。亦在所舉。

禮記

疏 祁奚

熟讀詩書。而所爲如此。眞儒者也。又按祁奚舉讎。漢蕭何舉曹參。庶幾近之

寧見史記蕭相國世家

而其舉子也。則效之者不可勝數也。夫知子莫若父。倘才學果能勝任

之割。於是不必因其爲己之子而故抑之。惟後世大僚。往往懷舐犢之愛。未能操刀而使

之割。於是政治敗壞。民心離散。至國家傾覆。亦隨之滅亡。愛之歟。抑害之歟

。良可嘆也。

秋·樂盈①出奔楚·宣子②殺箕遺黃淵嘉父司空靖祁豫董叔祁師申書羊舌虎叔熊③

·囚伯華叔向④籍偃·人謂叔向曰·子離於罪·其爲不知乎⑤·叔向曰·與其死亡

若何⑥·詩⑦曰·優哉游哉·聊以卒歲·知也⑧·樂王錡⑨見叔向曰·吾爲子請·

叔向弗應·出·不拜⑩·其人皆咎叔向·叔向曰·必祁大夫⑪·室老⑫聞之

·曰·樂王錡言於君·無不行·求救吾子·吾子不許⑬·祁大夫所不能也·而曰

必由之·何也·叔向曰·樂王錡·從⑭君者也·何能行·祁大夫外舉不棄讎·內

必由之·何也·叔向曰·樂王錡·從⑭君者也·何能行·祁大夫外舉不棄讎·內

舉不失親。其獨遺我乎。詩①曰：有覺德行。四國順之②。夫子。覺者也③。晉侯④問叔向之罪於欒王黼。對曰：不棄其親。其有焉⑤。於是祁奚老矣。聞之。乘駟⑥而見宣子。曰：詩⑦曰：惠我無疆。子孫保之⑧。書⑨曰：聖有蕃勳。明徵定保⑩。夫謀而鮮過⑪。惠訓不倦者。叔向有焉。社稷之固也。猶將十世宥之。以勸能者⑫。今壹不免其身。以棄社稷。不亦惑乎。鮮魋而馬與⑬。伊尹放太甲而相之。卒無怨色⑭。管蔡爲戮。周公右王⑮。若之何其以虎⑯也。棄社稷。子爲善。誰敢不勉。多殺何爲。宣子說⑰。與之乘。以言諸公而免之⑱。不見叔向而歸⑲。叔向亦不告免焉而朝⑳。左傳襄公二十一年

○欒盂。晉國大夫。○宣子卽范匄。○十子皆欒盂之黨。○叔向是羊舌虎之兄。○雖。猶遭也。○說其受囚而不能去。○言雖囚何若於死亡。○詩經小雅采芣篇。○言君子優游於衰世。所以避害卒其壽。是亦知也。○晉大夫。黼晉附。○樂王黼出。叔向不拜。○祁奚。○叔向之家臣。○不許。謂不應不拜。○順從。○詩經大雅抑篇。○言德行直。則天下順之。○夫子謂祁大夫。覺。較然正直也。○晉平公。○言叔向篤親親。必與叔虎同謀。○駟。人質反。傳車也。○詩經周頌烈文篇。○言文武有惠訓之德。加於百姓。故子孫保賴之。○逸書。○魯。莫胡反。謀也。勳。功也。言聖哲有謀功者。當明信定安之。○

有譽勳。⊙因子孫有罪猶將加以寬宥。以勸勉才能之士。⊙言不以父罪廢其子。餘古本反。

⊙言不以一怨妨大德。⊙言兄弟罪不相及。⊙羊舌虎。⊙說晉悅。⊙共載入見晉侯

。請免叔向之罪。⊙祁奚不見叔向。言爲國。非私叔向。⊙叔向不告謝祁奚。明不爲己。

晉侯⊙之弟揚干。亂行於曲梁。⊙魏絳戮其僕。⊙晉侯怒。謂羊舌赤曰。合諸侯。以

爲榮也。揚干爲戮。何辱如之。必殺魏絳。無失也。⊙對曰。絳無貳志。事君不辟。⊙

難。有罪不逃刑。其將來辭。何辱命焉。⊙言終。魏絳至。授僕人⊙書。將伏劍。⊙

士魴張老止之。公讀其書曰。日君乏使。使臣斯司馬。⊙臣聞師衆以順爲武。⊙軍

事有死無犯爲敬。⊙君合諸侯。臣敢不敬。君師不武。執事不敬。罪莫大焉。臣懼

其死。以及揚干。無所逃罪。⊙不能致訓。至於用鉞。⊙臣之罪重。敢有不從。⊙

⊙。以怒君心。請歸死於司寇。⊙公跣而出。⊙曰。寡人之言。親愛也。吾子之

討。軍禮也。寡人有弟。弗能教訓。使干大命。寡人之過也。子無重寡人之過。⊙

敢以爲請。⊙晉侯以魏絳爲能以刑佐民矣。反役。⊙與之禮食。⊙使佐新軍。

張老爲中軍司馬。士富爲候奄。左傳襄公三年

⊙晉悼公。⊙行。陳次也。曲梁是晉地。⊙僕。御也。以車亂行。是御者之罪。故魏絳戮之。⊙

言執之勿失也。⊙辟與避同。⊙言絳將自來陳辭。何辱君命使人執之。⊙晉侯僕御。⊙謂御劍刃

身伏其上而取死也。①斯，此也。使臣爲此司馬之官。②③同族其家，願從上命，莫敢違逆，是爲威武。④守官行法，雖死不取有違，是爲恭敬。⑤⑥臣懼不討而有死罪，又以此罪累及揚干，是罪重將無所逃也。⑦⑧斬揚干之僕，錢音越。⑨⑩言不敢不從戮。⑪⑫致尸於司寇，使戮之。⑬⑭晉侯感悟，乃匆遽不暇踞履，跣足走出。⑮⑯聽絳死爲重過。⑰⑱請使無死。⑲⑳反自雞澤之役。㉑㉒欲顯魏絳，故特爲設禮食。

傳按魏絳守法之精神，處事之幹練，足爲在下位者之模範，而晉侯感悟之敏捷，舉措之適當，爲領袖者，亦宜效法也。

宋皇國父爲太宰，爲平公築臺，妨於農收，子罕請俟農功之畢，公①弗許，築者謳②曰：澤門之皙③，實與我役，邑中之黔④，實慰我心，子罕聞之，親執扑，以行⑤爲築者，而挾⑥其不勉者，曰：吾儕小人，皆有闔廬，以辟燥濕寒暑，今君爲一臺，而不速成，何以爲役⑦，謳者乃止，或問其故，子罕曰：宋國區區，而有誦有祝⑧，禍之本也。

左傳襄公十七年

①宋平公。②謳，烏侯反，齊聲歌唱也。③皇國父白皙，而居近澤門。④子罕黑色，而居邑中，黔音琴。⑤扑，普卜反，杖也。行，下孟反，巡行也。⑥挾，私乙反，決罰也。⑦役，事也。⑧誦興役者，祝綏役者。

僂按常人之情·恆以祝己詛人為快·子罕知詛祝並興·足以釀成亂源·故執扑挾不勉者·以止築者之誣·其忠心雅量·均足式也·

荀偃瘡疽①·生瘍於頭②·濟河·及著雍·病·目出③·大夫先歸者皆反·士句④請見·弗內⑤·請後·曰·鄭甥可⑥·二月甲寅卒·而視不可含⑦·宣子盥而撫之⑧曰·事吳·敢不如事主⑨·猶視·欒懷子⑩曰·其爲未卒事於齊故也乎·乃復撫之曰·主苟終·所不嗣事于齊者·有如河⑪⑫·乃瞑·受舍·宣子出·曰·吾淺之爲丈夫也⑬⑭·
左傳襄公十九年

①惡創·瘡音且·疽七徐反·②瘍音羊·疽屬·在頭曰瘍·③因病痛而目睛努出·④士句爲晉中軍佐·⑤內與納同·⑥問以誰爲後嗣·荀偃答曰·鄭甥可·鄭甥卽荀吳·以吳之母爲鄭女也·⑦目開口噤·⑧宣子卽士句·盥音管·洗手也·撫之·撫荀偃之尸也·⑨吳·荀吳·大夫稱主·⑩欒·續也·襄公十八年·晉伐齊·有如河·言水逝而不返·以死爲誓也·⑪自恨以私待人·⑫太史⑬書曰·崔杼弑其君⑭·崔子殺之·其弟嗣⑮書而死者二人·其弟又書·乃舍之·南史氏⑯聞太史盡死·執簡⑰以往·聞旣書矣·乃還·左傳襄公二十五年

⑰齊之史官·⑱齊莊公與崔杼之妻通·杼因弑之·⑲嗣續也·⑳齊史之在外者·㉑古之誓者·必以汗青之簡·

善爲政者，賞不僭而刑不濫，賞僭則懼及淫人，刑濫則懼及善人。左傳襄公二十六年蔡公孫歸生語

○僭：子念反，謂僭差也。

子產○使都鄙有章○。上下有服○。田有封洫○。廬井有伍○。大人○之忠儉者，從而與之。奢侈者，因而斃之○。豐卷將祭，請田○焉。弗許，曰：惟君用鮮○，衆給而已○。○子張○怒，退而徵役○。子產奔晉，子皮止之，而逐豐卷。豐卷奔晉，子產請其田里○。三年而復之，反其田里，及其入○焉。從政一年，輿人○誦之曰：取我衣冠而褚之○。取我田疇而伍之○。孰殺子產，吾其與之。及三年，又誦之曰：我有子弟，子產誨之。我有田疇，子產殖之。子產而死，誰其嗣之。左傳襄公三十年

○公孫僑以子皮之讓，秉鄭國之政。○國都及邊鄙，車服尊卑各有分部。○公卿大夫，服不相踰。○封，疆也。○洫，溝也。○廬，舍也。○九夫爲井，使五家相保。○卿大夫，○因其有罪而斃之。○田獵，○鮮謂野獸。○衆臣祭，以芻豢爲足。○豐卷，字子張。○召兵欲攻子產。○請於公，不沒收。○田里所收入。○衆人。○褚，張呂反，齊也。奢侈者畏法，故蓄藏。○並畔爲疇，兼并者失志，故取田疇而伍結之。

傳按子產所爲，係因時制宜，古今異勢，不盡足效，然其公忠體國之心，實足以令

人感動，而所以處置豐卷者，尤不愧爲宰相之風度也。

公○薨之月，子產相鄭伯○以如晉，晉侯以我喪故，未之見也○。子產使盡壞其館之垣○，而納車馬焉。士文伯讓之○曰：做邑以政刑之不脩，寇盜充斥○，無若諸侯之屬辱在寡君者何。是以令吏人完客所館○，高其閭闔○，厚其牆垣，以無憂客使○。今吾子壞之，雖從者○能戒，其若異客○何。以做邑之爲盟主，繕完葺牆○，以待賓客，若皆毀之，其何以共○命。寡君使句請命○，對曰○，以做邑褊○小，介於大國，誅求無時○，是以不敢寧居，悉索做賦○，以來會時事○。逢執事之不問，而未得見○，又不獲聞命○，未知見時，不敢輸幣，亦不敢暴露，其輸之，則君之府實也，非薦陳之，不敢輸也○，其暴露之，則恐燥濕之不時，而朽蠹以重做邑之罪，僑○聞文公○之爲盟主也，宮室卑庫○，無觀臺榭○，以崇大諸侯之館，館如公寢○，庫廢繕修○，司空以時平易道路○，圻人以時填館宮室○，諸侯賓至，甸設庭燎○，僕人巡宮○，車馬有所○，賓從有代○，巾車脂轄○，隸人牧圉各瞻其事○，百官之屬各展其物○，公不留賓，而亦無廢事○，憂樂同之，事則巡之○，教其不知，而恤其不足，賓至如歸，無筮菑患○，不畏寇盜，而亦不患燥濕，今銅鞮之宮○數里，而諸侯舍於隸人○

⑤ 西不容車，而不可踰越，盜賊公行，而天虜不戒，⑥ 寶見無時，命不可知，⑦ 若又勿壞，是無所藏幣以重罪也，敢請執事，將何以命之，⑧ 雖君之有魯喪，亦做邑之憂也，若獲薦幣，修垣而行，⑨ 君之惠也，敢懼勤勞，文伯復命，趙文子曰：信，⑩ 我實不德，而以隸人之垣，以贏，⑪ 諸侯，是吾罪也，使士文伯謝不敏焉，晉侯見鄭伯有加禮，厚其宴好而歸之，乃築諸侯之館，叔向曰：辭之不可以已也如是夫，子產有辭，諸侯賴之，若之何其釋，⑫ 辭也，詩，⑬ 曰：辭之輯矣，民之協矣，辭之繹矣，民之莫矣，⑭ 其知之矣，⑮ 左傳襄公三十一年

① 魯襄公，② 鄭簡公，③ 晉平公以魯有襄公之喪，故未之見，④ 鄭伯所寓館舍之垣，⑤ 士文伯，名句，字伯瑕，與范宣子同族同名，譏，責也，⑥ 充，滿也，斥，見也，充斥，言其多也，⑦ 館舍，⑧ 閉閉皆門名，閉戶且反，闕獲耕反，⑨ 無令客使憂寇盜，⑩ 鄭之從者，⑪ 他國之賓客，⑫ 謂以草覆牆，而繕治完固也，⑬ 共晉供，應也，⑭ 本國國君使句請開毀垣之命，⑮ 子產答辭，⑯ 綳狹，⑰ 誅，責也，謂大國責令貢獻無常時，⑱ 索，求也，言盡搜求鄭國之財賦，⑲ 隨時來朝會，⑳ 僑是子產之名，㉑ 晉文公，㉒ 庫音婢，小也，㉓ 無築見也，不敢以非禮輸納於府庫，㉔ 言文公之客館，如今日晉君之路膠，㉕ 館中士為桑，構屋為榭，以為游觀之地，榭音謝，㉖ 言文公之客館，如今日晉君之路膠，㉗ 館中

藏幣之庫。養馬之廄。莫不繕治修葺。①②司空掌邦土。故使之以時平治道路。易。治也。③④埆人。泥匠。埆音烏。塹。莫歷反。塗也。館宮室。館舍之宮室也。⑤⑥甸人設火於庭。⑦⑧宮館有僕人巡夜。⑨⑩賓之車馬。皆有地以安處。⑪⑫賓之僕從。各有人以代役。⑬⑭巾車。主車之官。脂轄。以油膏塗客之車轄也。⑮⑯徒隸之人與牛之牧。馬之圉。各瞻視客之所爲以供其事。⑰⑱展。陳也。謂羣官各陳其物以待賓。⑲⑳賓得速歸。則事不廢。㉑㉒事之得失。當則巡其當否。㉓㉔無寧。寧也。言待賓如此。寧當復有舊患耶。㉕㉖晉離宮。韃丁兮反。㉗㉘舍如隸人之舍。㉙㉚厲。猶災也。戒。備也。㉛㉜召見之命。不得而知。㉝㉞問晉命已所止之宜。㉟㊱薦。進也。行。去也。言若得見晉君而進幣。仍將館垣修治。然後歸國。㊲㊳趙武謂信如子產之言。㊴㊵顯晉益。受也。㊶㊷釋。棄也。㊸㊹詩經大雅板篇。㊺㊻輯。和也。協。合也。擇音亦。悅也。莫猶定也。言辭輯睦。則民協同。辭說釋。則民安定也。㊼㊽謂詩人知辭之有益。

尙按辦外交者。貴有計畫。能專對。辦弱國之外交者。尤貴知己知彼。有膽有識。夫以鄭之弱小。而子產敢在主盟之晉國盡壞其館垣。及聞士文伯之責讓。更能不屈不撓。據理力爭。晉之君臣。不特不以爲忤。且待之有加禮焉。誰實爲之。孰令致之。緬懷前修。景仰曷已。

子產之從政也。擇能而使之。馮簡子能斷大事。子大叔美秀而文。公孫揮能知四國

之符①，而辨於其大夫之族姓班位貴賤能否言，而又善爲辭令言，習謀能謀，謀於野則獲，謀於邑則否②。鄭國將有諸侯之事，子產乃問四國之於子羽③，且使多爲辭令，與裨謹乘以適野，使謀可否，而告馮簡子，使斷之，事成，乃授子大叔，使行之。

• 以應對賓客，是以鮮有敗事④。左傳襄公三十一年

①其貌美，其才秀。②知諸侯之所欲爲。③凡諸侯之臣，族姓之同異，班位之高下，人物之貴賤，才具之能否，皆能辨別。④又長於應對。⑤謀於寬閑之野，則得其所謀，謀於喧囂之邑，則不得其所謀。諛市林反。⑥公孫揮時爲行人，卽今日之外交官也。⑦失敗之事。

苟利社稷，死生以⑧之。左傳昭公四年鄭子產語

⑧以，用也。

九月，楚平王卒，令尹子常欲立子西⑨。曰：「太子壬⑩弱，其母非適尊也。王子建實聘之⑪，子西長而好善，立長則順，建善則治，王順國治，可不務乎？」子西怒，曰：「是亂國而惡君王也。」國有外援，不可瀆也⑫。王有適嗣，不可亂也。敗親速讎⑬。亂嗣不祥，我受其名⑭。賂吾以天下，吾滋⑮。不從也。楚國何爲，必殺令尹，令尹懼，乃立昭王。左傳昭公二十六年

⑨子西，平王之長庶子。⑩子常之言。⑪太子壬卽楚昭王。⑫適音的，與嫡同。⑬本王子建所聘。

而平王奪之。①廢嫡立庶。是亂楚國之政。言王子建勝之。是彰平王之惡。②太子王之母爲秦女。外援卽指秦國。濟。慢也。③不立王。秦將來討。是速離也。④受惡名。⑤滋。益也。

傳按吾國古代。頗重宗法。嫡庶之分甚嚴。子西乃心君國。做履尊榮。固楚國之忠臣。亦平氏之孝子也。

利其祿。必救其患。左傳哀公十五年季子(子路)語

桓公二年。春。王正月。戊申。宋督弑其君與夷。及其大夫孔父。及者何。累也。弑君多矣。舍此無累者乎。曰。有。仇牧。荀息。皆累也。舍仇牧荀息無累者乎。曰。有。有則此何以書。賢也。何賢乎孔父。孔父可謂義形於色矣。其義形於色奈何。督將弑殤公。孔父生而存。則殤公不可得而弑也。故於是先攻孔父之家。殤公知孔父死。己必死。趨而救之。皆死焉。孔父正色而立於朝。則人莫敢過而致難於其君者。孔父可謂義形於色矣。公羊傳桓公二年

① 誣父督。宋戴公之孫。② 與夷是宋殤公之名。③ 孔父嘉。孔子六世祖。④ 連累。⑤ 仇牧事見下第二節。⑥ 荀息事見左傳。

九月。宋人執鄭祭仲。祭仲者何。鄭相也。何以不名。賢也。何賢乎祭仲。以爲知權也。其爲知權奈何。古者鄭國處於留。先鄭伯有善于鄆公者。通乎夫人。以取其國

而遠鄭^①焉。而野留^②。莊公^③死。已葬。祭仲將往省於留。塗出於宋。宋人^④執之。謂之曰。爲我出忽而立突^⑤。祭仲不從其言。則君必死。國必亡^⑥。從其言。則君可以生易死。國可以存易亡。少遠^⑦。則突可故^⑧。出。而忽可故反。是不可得則病^⑨。然後有鄭國^⑩。古人^⑪之有權者。祭仲之權是也。權者何。權者。反於經然後有善者也。權之所設^⑫。舍死亡無所設。行權有道。自貶損以行權^⑬。不害人以行權^⑭。殺人以自生。亡人以自存。君子不爲也。公羊傳桓公十一年

○祭仲。名足。仲其字也。○權者。稱也。所以別輕重。喻祭仲知國重君輕。○夫人即叔姪。○遷鄭都於鄭。○野。郟也。以留爲邊邑。○鄭莊公。○宋莊公。○忽是鄭昭公之名。突即鄭厲公。宋外甥也。○是時宋強鄭弱。祭仲不從其言。必爲宋殺。宋納突出忽。即可因之滅鄭。○遠。遠也。○故猶仍也。○病猶辱也。○言祭仲之意。以爲突可出。忽可反。若不可得。則以爲大恥。○畫其意必欲出突而反忽也。謀國之權如是。然後能保有鄭國。○古人謂伊尹。○設。施也。○身蒙遂君之惡以存鄭。○已立突。不害忽。

江叔海先生論曰。祭仲之逐君。所以保有鄭國。猶愈於國之亡。正孟子所謂君爲輕也。較之後世以擁護一人之位而不惜糜爛全國者。其賢不肖爲何如耶。雖然。權亦惡可輕言哉。春秋繁露曰。夫權雖反經。亦必在可以然之域。不在可以然之域。雖死亡終

弗爲也。然則苟不在可以然之域。而謬託行權。以便其私者。寔非祭仲之罪人與。
孔學發微

秋八月。甲午。宋萬弑其君接^㊶及其大夫仇牧。及者何。累也。弑君多矣。舍此無累者乎。孔父苟息皆累也。舍孔父苟息無累者乎。曰有。有則此何以書。賢也。何賢乎仇牧。仇牧可謂不畏彊禦^㊷矣。其不畏彊禦奈何。萬嘗與莊公^㊸戰。獲乎莊公。莊公歸。散舍諸宮中^㊹。數月。然後歸之。歸反爲大夫於宋。與閔公博。婦人皆在側。萬曰。甚矣。魯侯之淑^㊺。魯侯之美也。天下諸侯宜爲君者。唯魯侯爾。閔公矜^㊻此婦人。妬其言。顧曰。此虜也^㊼。爾虜焉故。魯侯之美惡乎至^㊽。萬怒。搏閔公。絕其脰^㊾。仇牧聞君弑。趨而至。遇之于門。手劍而叱之^㊿。萬臂撥^㊽。仇牧。碎其首^㊾。齒著乎門闔^㊿。仇牧可謂不畏強禦矣。公羊傳莊公十二年

○接是宋閔公之名。○強暴。○魯莊公。○散。放也。舍。止也。言釋放而止於宮中也。○魯侯卽魯莊公。淑。善也。○矜。色自美大之貌。○此。指萬。閔公顧謂側婦人曰。此虜也。○爾謂萬也。○惡。殆何也。何所至。若言何至是也。更向萬曰。爾嘗處於魯侯。故稱譽之。魯侯之美何至是乎。○脰。頸也。○手劍。手持劍也。叱。罵也。言手持劍而罵萬。○以臂撥而殺之。○頭。○

○門闔。

聘禮。大夫受命不受辭。出竟。有可以安社稷利國家者。則專之可也。公羊傳莊公十年

九年
○以外事不紊制。不豫設。故云爾。○境。

秋七月。齊侯○使國佐○如師。己酉。及國佐盟于爰婁。鞏去國五百里○。爰婁去國五十里。壹戰。縣地五百里。焚雍門○之茨○。侵車○東至海。君子聞之。曰。夫甚甚之辭焉○。齊有以取之也。齊之有以取之何也。敗衛師于新築○。侵我北鄙○。敖卻獻子○。○齊有以取之也。爰婁在師之外○。卻克曰。反魯衛之侵地。以紀侯之獻○來。以蕭同姪子之母爲質○。使耕者皆東其畝○。然後與子盟。國佐曰。反魯衛之侵地。以紀侯之獻來。則諾。以蕭同姪子之母○爲質。則是齊侯之母也。齊侯之母。猶晉君之母也。晉君之母。猶齊侯之母也○。使耕者盡東其畝。則是終土齊也○。不可。請壹戰。壹戰不克。請再。再不克。請三。三不克。請四。四不克。請五○。五不克。舉○國而授。於是而與之盟。穀梁傳成公二年

○齊頃公。○國佐是齊大夫。○魯成公二年六月。晉卻克與魯季孫行父衛孫良夫費公子手及齊侯驪於茲。鞏。齊地。國謂齊國都也。○齊城門。○茨。在私反。蓋也。○侵伐之車。○夫猶凡也。師及國門又至海。甚之又甚也。○成公二年夏四月。齊敗衛師於新築。新築。衛地。○成公二年春。

齊侯伐魯北鄙。春秋爲魯史。故稱魯爲我。⊙成公元年冬十月。魯季孫行父禿。齊郤克眇。衛孫良夫跛。曹公子手僂。同時而聘於齊。齊使禿者御禿者。使眇者御眇者。使跛者御跛者。使僂者御僂者。蕭同姪子處臺上而笑之。郤獻子卽郤克。敖。侮慢也。⊙言晉師已逼其國。⊙顯晉彥。玉甌也。齊滅紀。故得其寶。⊙蕭國之君名同。其姪姊所生女嫁齊。而生頃公。故謂之蕭同姪子。之母二字。係衍文。質音致。典押以取信曰質。⊙欲以利其戎車。便侵伐。⊙之母二字亦衍文。⊙言尊同也。⊙以齊爲土地。⊙齊爲晉所敗。兵臨城下。所以更能五戰者。以齊爲大國。故拾餘燧。尙足以當諸國之師也。⊙之舉。盡也。

按郤克懷挾私怨。藉戰勝之威。以要脅齊國。其氣燄之威。不難想見。國佐折之以禮義。告之以不憚五戰。郤克乃不得不就範而與之盟。由此可知。天下惟能戰者斯能言和也。

中國之固有道德卷二

孝

有子○曰：其爲人也孝弟，而好犯上者鮮矣○。不好犯上，而好作亂者，未之有也○。君子務本，本立而道生○。孝弟也者，其爲仁之本與○。 論語學而

○有若，魯人。孔子弟子。論語於孔門弟子，惟有子曾子稱子。此必孔子弟子於孔子歿後，尊事二子如師。故通稱子也。○其，發聲也。善事父母爲孝，善事兄長爲弟。弟與梯通。好謂心欲也。犯，侵也。上謂凡在己上者。鮮，少也。言爲人善事父母兄長，而欲侵犯在上之人者少也。○作亂，爲悖逆爭鬥之事。言不好侵犯在上之人，而好爲悖逆爭鬥之事者，必無其人。故曰未之有也。○務，專力也。本，猶根也。立，猶定也。道者，人所由行之路。事物之理，皆人所由行，故亦曰道。生，出也。言君子專力於根本，根本既定而道出也。○恐，人未知其根本，故言孝弟也者，其爲仁之本與。與爲疑辭，謙退不敢實言。故云與也。

清陸氏隴其曰：今人但以孝弟爲庸德庸言，不知犯上作亂之事，紛紛於世，皆從不孝弟起。仁民愛物之事莫能行，亦從不孝弟起。苟孝弟之風行，便可以弭天下之大禍。建天下之大業。孝弟者，萬福之原也。 松陽講義

章太炎先生炳麟曰。愛親敬長。人之良知良能。故孝弟爲人之本。廣論語解

程樹德先生曰。古未有不孝於親而能忠於國者。亦未有不敬其兄而能篤於故舊者。語云。求忠臣必於孝子之門。又云。聖人以孝治天下。有子之言。洵治國之寶鑑也。

論語集釋

傳按孝經云。教民親愛。莫善於孝。教民禮順。莫善於弟。今日吾國國民之大患。在不親不愛。無禮不順。欲挽救之。必自提倡孝弟始。

子曰。弟子入則孝①。出則弟②。謹而信③。汎愛衆而親仁④。行有餘力。則以學文

① 同上

①弟子。謂人幼少爲弟爲子時也。②孝是孝父母。父母在內。故云入也。③弟者。言事諸兄師長皆弟順也。諸兄師長。義兼疎屬。故云出也。④謹而信者。理兼出入。言恭謹而誠信也。⑤汎。廣也。衆謂衆人。親。近也。仁謂仁者。言博愛衆人而親近仁者也。⑥行謂能行上述孝弟謹信愛衆親仁諸事。以。用也。文謂詩書六藝之文。言能行上述諸事而精力有餘。則用以學詩書六藝之文也。

宋尹氏焯曰。德行。本也。文藝。末也。窮其本末。知所先後。可以入德矣。論語集註
宋黃氏震曰。此章教人爲學。以躬行爲本。躬行以孝弟爲先。文則行有餘力而後學之

黃氏日鈔

孟懿子問孝。○子曰：無違。○樊遲御。○子告之曰：孟孫問孝於我，我對曰無違。○樊遲曰：何謂也。○子曰：生，事之以禮；死，葬之以禮；祭之以禮。○論語爲政

○孟懿子即魯大夫仲孫何忌。仲孫氏以庶長加蓋。懿，乃其死後之謚。問孝者，問孝道於孔子也。

○孔子答以無得違禮。○孔子弟子，姓樊，名須，字子遲，御者，爲孔子御車也。○孔子以孟懿子

之問，及己之答，辭告樊遲也。○樊遲不知孔子之意而問之。○此孔子爲言無違之事實。

宋朱子曰：人之事親，自始至終，一於禮而不苟，其尊親也至矣。是時三家僭禮，故

夫子以是警之。論語集注

宋真氏德秀曰：昏定而晨省，冬溫而夏清，出告而反面，下氣怡聲，問衣燠寒，疾痛疴癢而敬抑搔之，出入則或先或後而敬扶持之，飲食則問所欲而敬進之，有命之，應唯敬對，進退周旋謹齊，升降出入揖遜，不敢囁嚅嚏咳欠伸跛倚睇視，不敢唾洩，此生事之禮也。喪三日而殯，凡附於身者必誠必信，三月而葬，凡附於棺者必誠必信，此死葬之禮也。及時將祭，君子乃齋，防其邪物，訖其嗜欲，耳不聽樂，心不苟慮，必依於道，手足不苟動，必依於禮，散齋七日以定之，致齋三日以齊之，齋者，精明之至，然後可以交神明，此祭之禮也。自天子而至於庶人，其物之隆殺不同，然禮之所得爲者，則不容一毫之不盡也。大學衍義

馬浮先生曰：拈出一禮字，養生送死之義盡矣。

復性書院講錄

孝子之事親也，有三道焉。生則養，沒則喪，喪畢則祭。養則觀其順也，喪則觀其哀也。祭則觀其敬而時也。盡此三道者，孝子之行也。

禮記祭統

○以時思之。

孟武伯○問孝，子曰：父母惟其疾之憂○。

同上

○孟武伯卽孟懿子之子仲孫彘。武其謹也。於兄弟次爲長，故稱伯。○集注：父母愛子之心，無所不至，惟恐其有疾病，常以爲憂也。人子體此，而以父母之心爲心，則凡所以守其身者，自不容於不謹矣。豈不可以爲孝乎。劉氏正義謂父母二字當略讀，以人子憂父母之疾爲孝。惟，獨也。

明李氏顥曰：子有身而父母惟其疾之憂，子心已不堪自問，若不能自謹而或有以致疾，則不孝之罪愈無以自解矣。故居恆須體父母之心，節飲食，寡嗜慾，慎起居，凡百自愛，必不使不謹不調，上貽親憂，父母所憂，不僅在饑寒勞役之失調，凡德不加進，業不加修，遠正狎邪，交非其人，疏於檢身，言行有疵，莫非是疾，知得是疾，謹得此身，始慰得父母，始不愧孝子。

四書反身錄

清張氏英曰：養身之道，一在謹嗜慾，一在慎飲食，一在慎忿怒，一在慎寒暑，一在慎思索，一在慎煩勞，有一於此，足以致病，以貽父母之憂，安得不時時謹慎也。

唐蔚芝先生曰：曹氏叔彥謂孩提幼兒，往往多病，而所苦不能自言，父母心該求之，曲中其隱以療之，自少至長，不知幾經憂勞，人子思此，則父母之疾，其憂當何如乎？况子疾父母憂之而愈，父母之疾，子或憂之而仍不能愈，人子思之，其憂當何如乎？痛自衰世人心陷溺，竟有久病無孝子之謬，所謂哀莫大於心死者，苟尚有人心，清夜思之，其可以爲人，可以爲子乎？曹君之言，至爲沈痛，試思久病而果無孝子，父母之痛苦爲何如？竊謂惟父母久病，人子夙夜侍疾，乃益見其孝，宜反言之曰：久病在牀見孝子，勸孝編

子游○問孝·子曰·今之孝者·是謂能養○至於犬馬·皆能有養·不敬·何以別乎○
同上

○孔子弟子言偃·字子游·○是猶祇也·養謂飲食供奉·言今之孝者·祇謂能飲食供奉而已·○集注·人畜犬馬·皆能有以養之·若能養其親而敬不至·則與養犬馬者何異·而清李氏光地論語劄記云·能字接犬馬說·似非謂人能養犬馬也·蓋言禽獸亦能相養·但無禮耳·人養親而不敬·何以自別於禽獸乎·似較集注爲長·

宋眞氏德秀曰·父母至重也·犬馬至輕也·孔子以至輕喻至重·所以深警世人之以養

爲孝者·子游聖門高弟·宜不至是·然一念之微·少以能養爲足·則已墮不敬之域矣·非必輕忽簡慢而後謂之不敬也·故禮記亦曰·養可能也·敬爲難·大學衍義

明張氏居正曰·凡父母之於子·憐憫姑息之情常勝·故子之於父母·狎恩恃愛之意常多·其始雖無輕慢之心·其後漸成驕縱之習·孔子之言·實深究人情之偏·而預防其漸也·四書集註直解

子夏○問孝·子曰·色難○·有事弟子服其勞·有酒食先生饌·會是以爲孝乎○·同上
○孔子弟子卜商·字子夏·○漢包氏咸謂承順父母色·乃爲難·朱子則云事親之際·惟色爲難·是以色屬之人子也·○先生謂父兄·饌·飲食也·會是猶言乃是也·言有事則子弟服勞·有酒食則父兄飲食之·乃是以爲孝乎·

明李氏顥曰·服勞奉養·古人尙不以爲孝·若并服勞奉養而有遺憾·罪通於天矣·

四書反身錄

唐蔚芝先生曰·人子之養親·當視於無形·先意承旨·服勞奉養·未足爲孝也·論語

新讀本

孝子之有深愛者·必有和氣·有和氣者·必有愉色·有愉色者·必有婉容·孝子如執玉·如奉盈○·洞洞屬屬然如弗勝·如將失之·嚴威儼恪·非所以事親也·成人之道

也。禮記卷表

○奉盈滿之物。○敬謂嚴肅。威謂威重。儼謂儼正。恪謂恭敬。此四者之容貌。使人望而畏之。是成人之道。非孝子之道也。儼魚檢反。恪苦各反。

元陳氏澹曰。和氣愉色婉容。皆愛心之所發。如執玉奉盈。如弗勝將失。皆敬心之所存。愛敬兼盡。乃孝子之道。禮記集說

子事父母。雞初鳴。咸盥漱。櫛縱筓總。拂髦。冠綉纓。端鞶紳。搢笏。左右佩用。左佩紛帨。刀礪。小觶。金燧。右佩玦。捍。管。籥。大觶。木燧。信。屨著綦。婦事舅姑。如事父母。雞初鳴。咸盥漱。櫛縱筓總。衣紳。左佩紛帨。刀礪。小觶。金燧。右佩箴管。線纒。施鞶裘。大觶。木燧。衿纓。綦屨。以適。父母舅姑之所。及所。下氣怡聲。問衣燠寒。疾痛苛癢。而敬抑搔之。出入。則或先或後而敬扶持之。進盥。少者奉菜。長者奉水。請沃盥。盥卒授巾。問所欲而敬進之。柔色以溫之。醴醢酒醴。茗羹。菽麥黃。稻黍稷。唯所欲。棗栗飴蜜以甘之。董萱粉榆。免蔬滌。隨以滑之。脂膏以膏之。父母舅姑必嘗之而後退。

禮記內則

①威·皆也。盥音管·洗手也。漱·所救反。滌口也。②栉·側乙反。梳也。篦·所買反。黑續
翰髮者·以篦翰髮作髻訖·卽橫插笄以固髻·總亦續爲之·以束髮之本·而垂餘於髻後以爲飾也
·拂髦·振去髦上之塵也。髦音毛·用髮爲之·象幼時剪髮爲鬢之形。栉訖加篦·次加笄·加總·
然後加髦著冠·冠之纓結於頷下以爲固·結之餘者下垂謂之綖·笄古分反。綖耳佳反。③端·玄
端服也·服玄端著鞞·又加紳大帶也。鞞音畢·以韋爲之·④搢音薦·插也·插笏於帶中·笏音忽
·所以記事也。⑤所佩之物·皆是備尊者使令之用。⑥紛以拭器·或作粉·斲音稅·以拭手·皆巾
也。⑦小刀與礪石。⑧櫛音兮·狀如錐·象骨爲之·小櫛·所以解小結者。⑨用以取火於日中者
·燧音遂。⑩玦音決·射者著於右手大指·所以鉤弦而開弓體也。⑪捍音汗·拾也·韜左臂
而收拾衣袖以利技也。⑫筆彊·⑬遵音逝·刀室。⑭所以解大結者。⑮鑽火之器·暗則
用金燧以取火·陰則用木燧以鑽火。⑯偁·彼力反·行賸也·偁束其脛·自足至膝·故謂之偁
·⑰躡·九具反·履也·綦音忌·鞞頭之飾。⑱衣紳·玄端緝衣之上加紳帶·古代士妻之服
·⑲箴·之林反·箴管·箴在管中也。⑳續音曠·綿也。㉑繫裘皆裘屬·施繫裘者·爲貯
絨線續也。繫音繫·裘陳乙反。㉒衿·其鳩反·結也·纓·香囊也。㉓適·至也。㉔怡·悅
也。㉕煩音郁·暖也。㉖苛·疥也·癢以想反。㉗抑·按也·搔·摩也。㉘繫音繫·承
盥水者。㉙溫·承藉之義·謂以柔順之色·承藉尊者之意也。㉚釶·之然反·厚笄也·醜音

移·薄粥也。⑤醴音禮·甜酒也。⑥以菜雜肉爲羹也·毛音冒。⑦菽音叔·豆之總名。⑧藟音葵·大麻子。⑨穠音述·稷之黏者。⑩飴音怡·錫也。⑪藟音謹·菜名。⑫藟音丸·似藟而葉大·楡之白者名粉·扶云反·免音問·新鮮者·藟音考·乾陳者·言藟藟粉楡四物·或用新·或用舊也·滫·思酒反·久泔也·澆音醜·滑也·澆澆·澆之滑者也。⑬澆者爲脂·釋者爲膏。

節按古今異制·食用亦異宜·誠不必亦步亦趨·但古人事親之方法·有足資參考者·特錄之以見往哲事親之道·並以告時賢之能孝其親者·

子曰·孝哉閔子騫○·人不問於其父母昆弟之言○·

論語先進

○孔子弟子閔損·字子騫·與顏淵同列德行之科。○昆·兄也·父母兄弟稱其孝友·人皆信之·無異詞者·蓋其孝友之實·積於中而著於外·故孔子歎而美之·

節按藝文類聚引說苑云·閔子騫兄弟二人·母死·其父更妻·復有二子·子騫爲其父御車·失轡·父持其手·衣甚單·父則歸呼其後母兒·持其手·衣甚厚温·卽謂其婦曰·吾所以妻汝·乃爲吾子·今汝欺我·去·無留·子騫曰·母在一子單·母去四子寒·其父默然·故曰·孝哉閔子騫·一言其母還·再言三子温·韓詩外傳云·子騫早喪母·父娶後妻·生二子·疾惡子騫·以蘆花衣之·父察之·欲逐後母·

子壽曰：母有一子寒，母去三子單，父善之而止，母改悔之，遂成慈母。古書所載，閔子之行誼如此。孔子於弟子中獨稱閔子孝，決非無故也。

滕定公薨○。世子謂然友○曰：昔者孟子嘗與我言於宋○。於心終不忘。今也不幸至於大故○。吾欲使子問於孟子。然後行事○。然友之鄒。問於孟子。孟子曰：不亦善乎。親喪固所自盡○也。曾子曰：生。事之以禮。死。葬之以禮。祭之以禮○。可謂孝矣。諸侯之禮。吾未之學也。雖然。吾嘗聞之矣。三年之喪。齊疏之服○。飢粥之食○。自天子達於庶人。三代共之。然友反命○。定為三年之喪。父兄百官○。皆不欲。曰：吾宗國魯先君莫之行。吾先君亦莫之行也。至於子之身而反之。不可。且志曰：喪祭從先祖○。曰：吾有所受之也○。謂然友曰：吾他日未嘗學問。好駝馬試劍。今也父兄百官不我足○也。恐其不能盡於大事。子為我問孟子。然友復之鄒問孟子。孟子曰：然○。不可以他求者也○。孔子曰：君薨。聽於冢宰○。歡粥。面深墨○。即位○而哭。百官有司莫敢不哀。先之也。上有好者。下必有甚焉者矣。君子之德風也。小人之德草也。草尚之風必偃○。是在世子。然友反命。世子曰：然。是誠在我。五月居廬○。未有命戒○。百官族人可謂曰知○。及至葬。四方來觀之。顏色之戚。哭泣之哀。弔者大悅。孟子滕文公上

○魯國之君·文公父也·公侯死曰薨·○世子·卽滕文公·然友·世子之傳·魯滕文公爲世子·將至楚·過宋而見孟子·孟子道性善·言必稱堯舜·世子自楚反·復見孟子·孟子曰·道一而已·滕猶可以爲善國·○大喪·○辦喪事·○自盡者·蓋悲哀之情·痛疾之意·非自外至·人子所當自盡其情也·○生事之以禮數旬·乃孔子告樊遲之言·曾子述以教其門人·孟子遂以爲曾子之言耳·○齊晉資·衣下縫也·不緝曰斬衰·緝之曰齊衰·疏·○也·○布也·言居父母之喪·應服下端絳縵之纁布衣也·衰音崔·○鉞·陟也·方言·粥稠者曰饘·稀者曰飩·言食稀粥也·飩諸延反·○然友奉命受孟子之言後·反滕報告文公·○父兄是世子之長輩·百官是滕國之官員·○魯·周公之後·滕·叔繻之後·俱出文王·而周公大聖·敬聖人·故以魯爲宗國·或曰·魯祖周公爲長·兄弟宗之·故滕謂魯爲宗國·滕之父兄百官·以爲二國不行三年之喪·乃上世所傳受·不可改也·然志所言之先祖·本如周公叔繻能行三年之喪者·志·記也·○此世子答父兄百官語·言吾非欲違背祖宗·是有人指教也·吾與下謂然友曰吾字正一人·故加曰字以明之·○謂對我不滿意也·○雖然其不我足之言·○言當實之於己·○冢宰·六卿之長·○歡·川悅反·飲也·深墨·甚黑色也·言飲薄粥而面色深黑也·○就喪位·○尙·加也·僂·伏也·言草如加之以風·則必僂伏也·○諸侯五月而葬·未葬·居倚廬於中門之外·○居喪不言·故未有命令教戒·○可·猶合也·知與善通·言合辭曰善·

悼按論語陽貨篇宰我問三年之喪章。子生三年，然後免於父母之懷。夫三年之喪，天下之通喪也。孝經喪親章。喪不過三年。示民有終也。古聖人定喪期爲三年。觀此可以知其故矣。宋真德秀氏釋之曰。欲報之德。昊天罔極。此雖終身之喪。未足_大以紓無窮之悲。其所以三年而止者。特聖人立爲中制。使不可過焉耳。_{衍義}其言尤爲明切。蓋聖人體人情以制禮。欲賢者可以俯就。不肖者亦能勉焉。固有至理在也。洎世風澆薄。生存之父母。尙視之無異於陌路。而何喪禮之足云。若滕文公之所爲。庶不愧爲孝子。抑亦先聖之功臣也歟。

萬章問曰。舜往于田。號泣于旻天。何爲其號泣也。孟子曰。怨慕也。萬章曰。父母愛之。喜而不忘。父母惡之。勞而不怨。然則舜怨乎。曰。長息因問於公明高。曰。舜往于田。則吾旣得聞命矣。號泣于旻天于父母。則吾不知也。公明高曰。是非爾所知也。夫公明高以孝子之心爲不若是忍。我竭力耕田。共爲子職而已矣。父母之不我愛。於我何哉。帝使其子九男二女。百官牛羊倉廩備。以事舜於畎畝之中。天下之士多就之者。帝將胥天下而遷之焉。爲不順於父母。如窮人無所歸。天下之士悅之。人之所欲也。而不足以解憂。好色。人之所欲。妻帝之二女。而不足以解憂。富。人之所欲。富有天下。而不足以解憂。貴。人之所欲。貴

爲天子。而不足以解憂。人悅之好色富貴。無足以解憂者。惟順於父母。可以解憂。○
·人少。則慕父母。知好色。則慕少艾。○
·有妻子。則慕妻子。仕。則慕君。不得於
君。則熱中。○
·大孝終身慕父母。五十而慕。○
·者。子於大舜見之矣。孟孺章上

○耕歷山時。○仁覆閩下。則稱旻天。號。呼也。號泣于旻天者。且言且泣訴之於天也。○怨己之
不得其親而思慕也。○此四句見禮記祭義。乃曾子語。但上不字作弗。勞字作懼。下不字作然。○
孟子答辭。○公明高弟子。○曾子弟子。○恕首介。無愁之貌。公明高以爲孝子不得意於父母。自
當怨悲。不應愜然無憂也。○自責不知己有何罪。○唐堯。○史記五帝本紀。堯乃以二女妻
舜。以觀其內。使九男與處。以觀其外。○百官致牛羊倉廩。備具饋禮。以奉事舜於畎畝之中。
○五帝本紀又云。一年而所居成聚。二年成邑。三年成都。是天下之士就之也。○
人通用。須。待也。謂待天下悉治而遷位禪之。○言其怨慕迫切之甚。○欲。貪也。○孟子
推舜之心如此。以解上文之意。極天下之欲。不足以解憂。而惟順其父母。可以解憂。○
·少艾。是美好之青年女子。○不得。失意也。熱中。中心躁急而熱也。○舜攝政時。年
五十。五十而慕。則其終身慕可知矣。
唐蔚芝先生曰。孝字本義。從老省。從子。子者。孺也。孺慕之心爲最誠也。人子自
少至老。專其心以順父母。乃謂之孝。人子稱父母曰親。妊胎於母腹。親之至也。生

於膝下。親之至也。弱冠以後。日疎其親。歎何如矣。迨父母沒。則由疎而遠。痛何如矣。古聖人定父母之名曰親。言終身宜親之也。此人子之所以終身宜孝其親。而虞舜之五十而慕。所以爲大孝也。孟子新讀本

錢穆先生曰。此章發明舜之一片孝心。甚爲真摯。讀者卽以反求諸心可也。孟子研究

子路曰。傷哉貧也。生無以爲養。死無以爲禮也。孔子曰。啜菽飲水盡其歡。斯之謂孝。斂首足形。還葬而無槨。稱其財。斯之謂禮。禮記檀弓下

○孔子弟子仲由。字子路。○啜。昌劣反。菽。音叔。豆也。熬豆而食曰啜菽。○斂。舉卽葬。還。音旋。○槨。音郭。外棺也。○稱其家之財物所有以送終。稱尺證反。

宋陳氏祥道曰。君子之於親。養在志。不在體。葬在誠。不在物。禮記義疏

父母有過。下氣怡色柔聲以諫。諫若不入。起而敬起孝。說則復諫。不說。與其得罪

於鄉黨州閭。寤孰諫。父母怒不說。而撻之流血。不敢疾怨。起敬起孝。禮記內則

○起。猶更也。○說。音悅。下同。○二十五家爲閭。四閭爲族。五族爲黨。五黨爲州。五州爲鄉。謂不諫而使父母得罪於鄉黨州閭也。○撻。謂純熟股動而諫。○撻。吐達反。擊也。

宋馬氏驥孟曰。荀子曰。可以從而從。是不子也。未可以從而從。是不衷也。不子。不孝也。不衷。亦不孝也。夫明乎從不從之義。而以恭行之。然後可以諫。禮記義疏

傳按曲禮下·子之事親也·三諫而不聽·則號泣而隨之·論語里仁·事父母幾諫·見志不從·又敬不違·勞而不怨·均與此節相表裏·而孝經諫諍章·父有爭子·則身不陷於不義·故當不義·則子不可以不爭於父·其言尤爲切實·蓋父母有過·人子固當諫諍·惟諫諍之方法·宜柔聲怡色耳·

凱風自南①·吹彼棘心②·棘心夭夭③·母氏劬勞④·

①南風謂之凱風·長養萬物者也·②棘·小木·叢生多刺·難長養·而心又其稚弱而未成者·③夭夭·盛貌·天於驕反·④劬勞·病苦也·劬其俱反·

宋朱子曰·衛之淫風流行·雖有七子之母·猶不能安其室·故其子作此詩·以凱風比母·棘心比子之幼時·蓋曰母生衆子·幼而育之·其劬勞甚矣·本其始而言·以起自責之端也·詩經集傳

凱風自南·吹彼棘薪①·母氏聖善·我無令②人·

①棘可以爲薪·已成就矣·②令·善也·

宋嚴氏粲曰·棘心·喻子之幼小·棘薪·喻子之成立·凱風吹彼棘心·至於成薪·可見長養之功·而所吹之棘非美材·僅堪爲薪·猶母氏養我七子·至於成人·可見聖善之德·而我七子無令善之人也·詩經傳說彙纂

爰[⊙]有寒泉·在浚[⊙]之下·有子七人·母氏勞苦·

[⊙]清王氏念孫曰·爰·曰也·[⊙]浚音峻·衛邑·

朱子曰·諸子自責·言寒泉在浚之下·猶能有所滋益於浚·而有子七人·反不能事母·而使母至於勞苦乎·於是乃若微指其事·而痛自刻責·以感動其母心也·詩經

集傳

颯[⊙]黃鳥·載好其音[⊙]·有子七人·莫慰母心·

[⊙]颯[⊙]·好貌·以興顏色悅也·好其音者·興其辭令順也·颯胡顯反·皖華板反·

朱子曰·言黃鳥猶能好其音以悅人·而我七子獨不能慰悅母心哉·同上

凱風四章·章四句·詩經邶風

元劉氏玉汝曰·此詩本欲幾諫·而先自責·幾諫之詞寡·而自責之詞多·蓋幾諫固人子所當然·而自責尤人子之難事·何則·幾諫猶見父母之有過·自責則不見父母之過·而惟見其爲己之罪·尤足以感動親心·固有不待幾諫而父母自喻於道者矣·讀是詩者·孝弟之心可以油然而生也·詩禮精

曾子[⊙]曰·孝子之養老也·樂[⊙]其心·不違其志·樂其耳目·安其寢處·以其飲食忠養之·孝子之身終·終身也者·非終父母之身·終其身也·是故父母之所愛亦愛之·父母

之所敬亦敬之。至於犬馬盡然。而况於人乎。禮記內則

○曾參·孔子弟子·○樂·晉洛·下同·

元陳氏澹曰·樂其心·喻父母於道也·不違其志·能養志也·飲食忠養以上·是終父母之身·愛所愛·敬所敬·則終孝子之身也·禮記集說

孟子曰·事孰爲大·事親爲大·守孰爲大·守身爲大○·不失其身而能事其親者·吾聞之矣·失其身而能事其親者·吾未之聞也○·孰不爲事○·事親·事之本也·孰不爲守·守身·守之本也·會子養會哲○·必有酒肉·將徹·必請所與○·問有餘·必曰有○·會哲死·會元○養會子·必有酒肉·將徹·不請所與·問有餘·曰亡矣○·將以復進也○·此所謂養口體○◎者也·若會子·則可謂養志○◎也·事親若會子者可也·孟子離婁上

○唐蔚芝先生曰·重標四大字·見人生大事·未有大於事親守身者也·事親是奉養父母·守身者·持守其身·使不陷於不義也·○一失其身·則虧體辱親·雖日用三牲之養·亦不足以爲孝·◎謂天地間之事·孰非吾人所當爲者·○會哲·名點·會子之父·亦孔子弟子·○每食必有酒肉·食畢將徹去·必請於父曰·此餘者與誰·所以體親心也·○或問此物尙有餘否·必曰有者·恐父因已無·遂不肯費子而言己所欲也·○會元·會子之子·○亡同無·言實無者則直道其無·○將

以復進·亦曾元之言·謂苟有意與人·將再烹飪以復進·○○如是·則親或因此沮遏·而志不伸·故爲養口體而已·○能順親志於未言之先·

宋程子曰·子之身所能爲者·皆所當爲·無過分之事也·故事親若曾子·可謂至矣

·而孟子止曰可也·豈以曾子之孝爲有餘哉· 孟子集注

清焦氏循曰·禮記哀公問·孔子云·君子無不敬也·敬身爲大·身也者·親之枝也

·敢不敬與·不能敬其身·是傷其親·傷其親·是傷其本·傷其本·枝從而亡·孟

子之言·蓋本於此· 孟子正義

唐蔚芝先生曰·古來稱大孝者·虞舜而外·惟推曾子·蓋曾子之爲人·天性最爲誠

篤·天下未有至孝之人·而不發於至誠者也·曾子讀喪禮·至於泣下霑襟·此其爲

至誠之極則也·顧吾讀史書中孝友傳·無一人能與曾子媲美者·何哉·蓋有天性摯

而學問未成者·亦有學問成而天性未摯者·曾子·天性學問兼至者也· 孟子新讀本

又曰·後世之人·養其父母·當以曾子爲法·養父母之志·使之愉快·則親年眉壽

矣· 孟子救世編

父命呼○·唯而不諾○·手執業則投之·食在口則吐之·走而不趨○·親老·出不易方

○·復不過時○·親瘠○·色容不戚·此孝子之疏節○也· 禮記玉藻

○句呼。謂遣人呼。言父召子也。○唯諾皆應辭。唯進而恭。諾後而慢。唯子癸反。○趨則有容。走則無容。言但急走往。不暇疾趨也。○有定所也。恐父母召己而莫知所在。故不易方。○復。反也。過時。則恐失期而貽親之憂。○因齋音劑。病也。○疏。通也。疏節。猶言通體如此。以此乃子道之常也。

唐蔚芝先生曰。戰國策。王孫賈之母謂賈曰。汝晨出而不歸。則吾倚門而望。汝暮出而不歸。則吾倚閭而望。夫父母常懸懸于其子。而人子轉不懸念其親。獨何心歟。

勸孝編

夫爲人子者。出必告。反必面○。所遊必有常○。所習必有業○。禮記曲禮上

○出則告遠。反則告歸。又以自外來。欲省顏色。故言面。○遊必有方。○所學必有正業。

孝子之祭也。盡其慤而慤焉○。盡其信而信焉。盡其敬而敬焉。盡其禮而不過失焉○。進退必敬。如親聽命。則或使之也○。禮記祭義

○慤慤者。謂心盡其慤。而慤焉。謂外亦慤焉。○禮有常經。不可以私意爲隆殺。故曰盡其禮而不過失焉。○進退之間。其敬心之所存。如親聆父母之命。而若有使之者也。

唐蔚芝先生曰。祭禮者。所以補事親之缺也。樹欲靜而風不息。子欲養而親不在。仁人孝子愴懷靡已。欲致其終身思慕之誠。於是祭禮興焉。而說者竟斥之曰迷信。何其

謬歟。彼西人設几筵，懸遺像，供花果，則尊之以爲紀念。迨吾國人鋪几筵，懸遺像，陳俎豆，則譏之以爲迷信。嗚呼！何其顛倒若是乎。勸孝編

會子曰：孝有三，大孝尊親，其次弗辱，其下能養。同上

宋黃氏裳曰：會子言孝道三，謂人子立身行道，有大功於國，大德於民，俾人稱美其先而尊重之，爲上也。生，事之以禮，死，葬之以禮，祭之以禮，全父母遺體，殯身無毀者，次之。生事父母，盡其色養者，爲下也。言尊親爲大，則弗辱能養兼之矣。次言不能尊貴其親，而惟弗辱能養爲二也。其下者，謂不能尊親不辱，惟能供養，是孝之末節矣。但論孝行升降輕重，不分別名位尊卑。禮記義疏

父母雖沒，將爲善，思貽父母令名○。必果○。將爲不善，思貽父母羞辱，必不果。禮記內則

○善名。○果決爲之。

會子曰：身也者，父母之遺體也。行父母之遺體，敢不敬乎？居處不莊，非孝也。事君不忠，非孝也。涖官不敬，非孝也。朋友不信，非孝也。戰陳無勇，非孝也。五者不遂，戒及於親○。敢不敬乎？享孰羶臠，嘗而薦之，非孝也。養也○。君子之所謂孝也者，國人稱頌然○曰：幸哉有子如此，所謂孝也已。衆之本教曰孝○。其行曰養○。養可

能也。敬爲難。敬可能也。安爲難。安可能也。卒爲難。父母既沒。慎行其身。不遺父母惡名。可謂能終矣。仁者。仁此者也。禮者。履此者也。義者。宜此者也。信者。信此者也。強者。強此者也。樂自順此生。刑自反此。作。同上

①遂。猶成也。此五者皆足以辱親。故曰及及其親。戎晉災。②亨孰。臘鄉之美。先自口嘗。而後薦之父母。此非孝也。供養而已。亨音烹。孰與熟同。③願。猶諫也。稱願。稱揚羨慕也。然。猶而也。④言孝爲教衆之本。⑤行。猶用也。言用之於奉養之間。⑥孝莫大於寧親。故安爲難。或曰。安爲難者。謂非勉強矯拂之敬也。⑦謂不特終父母之身。孝子自終其身也。⑧以上七此字。皆指孝而言。

宋方氏慤曰。仁者仁此。居處所以莊也。禮者履此。莅官所以敬也。義者宜此。事君所以忠也。信者信此。朋友所以信也。強者強此。戰陳所以勇也。五者不遂。裁及於親。况其身乎。禮記義疏

魯按自吾國迭受外侮。論世者每歸咎孔孟之提倡文治。而尤集矢於孝道。不知孔子有殺身成仁之教。孟子有舍生取義之訓。正氣凜然。寧得譏爲文弱。而禮記所載。尤多剛毅果敢之言。如曲禮曰。介冑則有不可犯之色。雜記曰。外患弗辟。選音表記曰。軍旅不辟難。禮器曰我戰則克。聘義曰。勇敢強有力者。天下有事。則用之於

戰勝·用之於戰勝則無敵·實爲至精之軍國民教育·至孝之爲道·其意義尤爲宏遠·會子者·孔子之入室弟子·而孟子之所師承者也·今觀此節所云·其偉大爲何如·而戰陳無勇非孝也之說·尤足以闢妄人之口而奪之氣·夫聖賢立言·各有精義·必融會貫通·而後能深知其意·振民氣以抗強敵·舍實行孔孟之道奚由哉·

夫鼎有銘⊖·銘者自名也·自名以稱揚其先祖之美⊖·而明著之後世者也·爲先祖者·莫不有美焉·莫不有惡焉·銘之義·稱美而不稱惡·此孝子孝孫之心也·唯賢者能之·銘者·論譏⊖其先祖之有德善功烈勳勞慶賞聲名·列於天下·而酌之祭器⊖·自成其名⊖焉·以祀其先祖者也·顯揚先祖·所以崇孝也·身比焉·順也⊖·明示後世·教也⊖·夫銘者·壹稱而上下⊖皆得焉耳矣·是故君子之觀於銘也·旣美其所稱·又美其所爲⊖·爲之者·明足以見之⊖⊙·仁足以與之⊖⊖·知足以利之⊖⊖·可謂賢矣·賢而勿伐⊖⊙·可謂恭矣·

禮記祭統

⊖銘·謂書之刻之以識事者也·⊖謂稱揚其先祖之德·著己名於下·⊖譏音揆·錄也·⊖酌·斟酌其輕重大小·祭器·鼎彝之屬·⊖自成其顯揚先祖之孝·⊖比·毗志反·次也·謂己名次於先祖之下也·自名以稱揚先祖之德·孝順之行也·⊖示後世而使子孫效其所爲·是教也·⊖上謂先祖·下謂己身·⊖美此人之爲此銘·⊖⊙見其先祖之善·非明不能也·⊖使君上與己銘也·非仁莫致·

○利己之得次名於下，非知莫及。○代，自誇也。

宋葉氏夢得曰：美其所稱者，以其不遺祖考之善也。美其所爲者，以其不誣祖考之實也。有善而弗知，不明也。故言明足以見之。知而不傳，不仁也。故言仁足以與之。知之而能傳，又誣其實，則亦不知也。故言知足以利之。知既利之，而欲代其善，則必喪其善，故其銘而其辭敬者，亦所謂賢而勿伐也。

禮記義疏

節按祭統又云：子孫之守宗廟社稷者，其先祖無美而稱之，是誣也。有善而弗知，不明也。知而弗傳，不仁也。此三者，君子之所恥也。知古之有銘，必其先人有可稱之實。懼後世之不知，因銘而見之，或納于廟，或存于墓，一也。及世之衰，子孫徒欲褒揚其親，遂以銘爲誇耀之具，於是銘多失實，卽有真實不誣者，亦不甚爲世所信矣。嘗讀會氏鞏寄歐陽舍人書，深有所感，因略識於此。

子云：善則稱親，過則稱己，則民作○孝。

禮記坊記

○作，興起也。

子云：睦於父母之黨，可謂孝矣。○故君子因睦以合族。詩○云：此令○兄弟，綽綽○有裕，不令兄弟，交相爲瘡○。

同上

○父黨母黨，皆父母之所愛，睦之，則父母之心悅，故可爲孝。○詩經小雅角弓篇，○令，善也。

④寬容之貌。韓昌灼反。⑤捺音庚，病也。

子云。父母在。不稱老。言孝不言慈。閨門之內。戲而不數。君子以此坊民。民猶薄於孝而厚於慈。同上

⑥孝所以事親。慈所以畜子。言孝不言慈。慮其厚於子而薄於親也。⑦戲。謂為孺子之言笑。冀以娛親也。數。謂有憂戚之聲。⑧坊與防同。言君子以道防民之失。猶以隄防過水之流也。

鄉飲酒之禮。六十者坐。五十者立侍以聽政役。所以明尊長也。六十者三豆。七十者四豆。八十者五豆。九十者六豆。所以明養老也。民知尊長養老。而后乃能入孝弟。民入孝弟。出尊長養老。而后成教。成教而后國可安也。君子之所謂孝者。非家至而日見之也。合諸鄉射。教之鄉飲酒之禮。而孝弟之行立矣。禮記鄉飲酒義

①鄉人以時會聚飲酒之禮。②坐于堂上。六十者坐。則七十以上亦坐可知。③立者。立于堂下。示有陪侍之義。聽受六十以上者政事役使也。④豆。古食肉器。⑤長音掌。齒高也。⑥弟音悌。順也。⑦孝當作教。⑧鄉射。古之州長。春秋以禮會民。而射于州序之禮。

宋方氏慤曰。尊長在儀。養老在物。故坐立之不同。所以明尊長。豆數之不一。所以明養老。禮記義疏

穎考叔為穎谷封人。聞之。有獻於公。公賜之食。食舍肉。公問之。對曰。小人

有母。皆嘗小人之食矣。未嘗君之羹。請以遺之。公曰。爾有母遺。寡而我獨無。穎考叔曰。敢問何謂也。公語之故。且告之悔。對曰。君何患焉。若闕地及泉。隧而相見。其誰曰不然。公從之。公入而賦。大隧之中。其樂也。融。姜出而賦。大隧之外。其樂也。洩洩。遂爲母子如初。君子曰。穎考叔。純孝也。愛其母。施及莊公。詩曰。孝子不匱。永錫爾類。其是之謂乎。左傳隱公元年

○典封疆之官。○鄭莊公忿其母姜氏惡已愛弟。有不及黃泉無相見也之誓。旣而悔其誓重。爲穎考叔所聞也。○鄭莊公。○遺。饋也。以食餉曰饋。通作遺。○繫。語助詞。○語以弟共叔段謀襲鄭。母姜氏將啓之。及已克段。因怨母設誓之事。○陰音遂。地道也。教公掘地道。與置母之處相通。由此相見。以踐誓言。○莊公從其言。掘地道與母相見。○賦詩。○和樂。○洩音異。舒散也。○詩經大雅既醉篇。○匱。竭也。永。長也。錫。予也。言孝子爲孝無有竭極之時。故能以此孝道。長賜予其俱有孝心之族類。

按鄭莊公陰賊險狠。黃泉之誓。令人切齒。經考叔之啓沃。尙能悔過從善。是天良猶未泯也。而考叔以孝子之心。全人母子之恩。使不孝者亦知感化。可謂能發揚其孝道矣。

季武子無適子○。公彌○長而愛悼子○。欲立之。訪於申豐○。曰。彌與紇。吾皆愛之。

·欲擇才焉而立之·申豐趨退·歸·盡室將行④·他日又訪焉·對曰·其然·將具敝車而行⑤·乃止⑥·訪於臧紇⑦·臧紇曰·飲我酒·吾爲子立之·季氏飲大夫酒·臧紇爲客⑧·既獻⑨⑩·臧孫命北面重席⑪⑫·新樽絜之⑬⑭·召悼子·降逆之⑮⑯·大夫皆起·及旅⑰⑱·而召公鉏·使與之齒⑲⑳·季孫失色㉑㉒·季氏以公鉏爲馬正㉓㉔·愠㉕㉖而不⑰出·閔子馬見之·曰·子無然·禍福無門·唯人所召·爲人子者·患不孝·不患無所⑳⑰·敬共父命·何常之有㉘㉙·若能孝敬·富倍季氏可也·姦回不軌·禍倍下民可也·公鉏然之·敬共朝夕·恪居官次㉚㉛·季孫喜·使飲已酒·而以具往·盡舍旃㉜㉝·故公鉏氏富·又出爲公㉞㉟左宰·左傳襄公二十三年

①正妻所生之長子·適丁歷反·②公鉏·③紇·④季氏屬大夫·⑤將盡攜其全家而走·⑥申豐答言·必欲如此·已將其敝車而去·不敢與聞·⑦止不立紇·⑧臧紇卽臧孫·⑨爲上賓·⑩已獻酒·⑪命設重席於堂上北面·⑫酒樽既新·復潔凜之·⑬臧孫下迎悼子·⑭樽絜酬禮畢·而通行爲旅·⑮使從庶子之禮·列在悼子之下·⑯季武子恐公鉏不從·⑰家司馬·⑱懼·紆運反·怨怒也·⑲所·位處·⑳言廢置在父·無常位也·㉑恪·謹也·官次·官舍也·㉒季武子使公鉏爲已設燕禮·以享燕之具往公鉏家·而盡棄其具以與公鉏·旃·之也·舍晉捨·㉓公·

會子曰：慎終追遠，民德歸厚矣。

論語學而

○慎，謹也。老死曰終，慎終者，言人子對於父母之喪事，當盡其禮也。○遠猶久也。追遠者，言祭祀祖先，雖時已久遠，必須追祭也。○謂人民化之，其德亦歸於厚。

唐蔚芝先生曰：聖門立教，首重人倫，而孝弟人倫之本也。慎終追遠，孝之本也。甚哉會子之言似夫子也。蓋天下固有不治父母之喪者矣。有春露秋霜，歲時伏臘，不祀

其先人者矣。民德之薄如此，孰使之然，亦可痛矣哉。

論語新讀本

又曰：說者云：年

世綿渺，音容未接，何追慕之有。吾嘗正告之曰：萬物本乎天，人本乎祖，高會者，

吾祖考之祖與父也。吾欲致孝於吾父吾祖，而不追祭高會，則吾祖吾父必有隱痛於地

下者。是爲忘本。人而忘本，何以爲人乎。論語載祭如在，祭神如神在。子曰：吾不

與祭，如不祭。蓋子孫之精神，與祖考之精神，可以通微而合莫也。後人欲廢祭祀，

其精神與祖考斷絕，其與絕嗣何異。民德之所以日薄，人心之所以日漓，實由於此。

勸孝編

馬浮先生曰：孝弟薄而喪祭之禮廢，則倍死忘生者衆。教民不信，則必自重喪祭始矣。

復性書院講錄

子曰：父母之年，不可不知也。一則以喜，一則以懼。

論語里仁

①知猶記憶也。言父母之年齡。不可不記憶。②喜。樂也。懼。恐也。見父母之壽考。所以喜樂。但年老將近衰亡。又不免恐懼矣。

唐蔚芝先生曰。喜懼二字。須看得活。以常理言之。父母在五十以前。則喜時多而懼時少。在五十以後。則喜時少而懼時多。然當父母強健。則往往而喜。當父母疾病。則往往而懼。故一則以喜。一則以懼。常往來於胸中。所謂喜懼交併也。更有在無形之中。人子不可不知者。大抵父母年齡之修短。係於心境之鬱舒。心境而愉快也。則年齡自然久長。心境而抑鬱也。則年齡自然迫促。故父母之壽與不壽。視乎人子之孝與不孝。由是思之。其為喜乎。其為懼乎。當兢兢業業。求所以永父母之天年矣。故曰不可不知也。勸孝編

☵☵ 蠱之初六 ①。幹父之蠱。有子。考无咎。厲終吉 ②。象曰 ③。幹父之蠱。意承考也 ④。周易上經

①六為陰爻。初謂六爻中最下之一爻。蠱音古。②幹如木之幹。枝葉之所附而立者也。蠱者。前人巳壞之緒。父歿稱考。子幹父蠱之道。能堪其事。則為有子。而其考得无咎。不然。則為父之累。故必傷厲則得終吉也。③蠱卦初六爻象之辭。④前人以失而致蠱。未必無悔過之心。幹父之蠱。乃承考之意。而償之無過之地也。

高亨先生曰：幹父之蠱，謂子幹其父之事，有子而賢，能幹父之事，則父自無咎，雖危亦終吉矣。周易古經今注

傳按唐虞時，鯀以治水無功而被殛，大禹繼之，卒平水患，此幹父之蠱之實例也，九二○，幹母之蠱，不可貞○，象曰：幹母之蠱，得中道也。同上

○九爲陽爻，二謂自下而上第二爻，○不可貞固盡其剛直之道。

馬師通伯曰：二以剛中幹蠱，不可貞，言不可變也，二變成艮，上下皆止，蠱將益甚，全其骨肉之恩，而不成其蠱之事，九二之得中道，如是而已。周易費氏學

陟彼轔令，瞻望父令○，父曰嗟予子，行役夙夜無已，上慎旃哉，猶來無止○。

○山無草木曰轔，音戶，孝子行役，不忘其親，故登山以望其父之所在，○夙，早也，上，猶尙也，旃，之然反，之也，孝子想像其父念己之言曰，嗟乎，我之子，行役早夜不已，然勿息，則終有來時，是勉以義也。

陟彼屺○令，瞻望母令，母曰嗟予季○，行役夙夜無寐○，上慎旃哉，猶來無棄○。

○山有草木曰屺，音起，○少子，○不能甘寐，○棄家不還。

陟彼岡○令，瞻望兄令，兄曰嗟予弟，行役夙夜必偕○，上慎旃哉，猶來無死。

○山脊曰岡，○必偕，言與其同役者偕，無獨行也。

涉帖三章·章六句·詩經魏風

元劉氏玉汝曰·孝子行役·不忘其親·登山而望其親之所在·因想像其親念己祝己之辭·在外而常存此心·則必能謹其身矣·卽此以觀其人·則在家而能事親事兄也必矣

·詩經結

蓼蓼者莪·匪莪伊蒿○·哀哀父母·生我劬勞○·

○蓼·長大貌·莪·五河反·美菜也·匪與非同·蒿·呼毛反·賤草也·蓼音六·○哀哀·懷報德也·劬勞·病苦也·

宋朱子曰·人民勞苦·孝子不得終養而作是詩·言昔謂之莪·而今非莪也·特蒿而已·以比父母生我·以爲美材·可賴以終其身·而今乃不得其養以死·於是乃言父母生我之劬勞·而重自哀傷也·詩經集傳

蓼蓼者莪·匪莪伊蔚○·哀哀父母·生我勞瘁○·

○蔚音尉·牡飯也·三月始生·七月始華·如胡麻華而紫赤·八月爲角·似小豆角·銳而長·一名馬薪蒿·○瘁·似醉反·病也·劬勞而至於瘁·勞苦見於貌矣·

緝之聲矣·維繫之恥○·鮮民○之生·不如死之久矣·無父何怙○·無母何恃·出則銜恤·入則靡至○·

○餽小器大。皆酒器也。罄。苦定反。盡也。言已不得終盡子道。亦在上者之取也。餽蒲丁反。音雷。○鮮。息淺反。寡也。有少福之意。故無情恃者曰鮮民。○怙音戶。賴也。○愾。憂也。○靡。無也。出門則中心銜憂。入門則堂宇空曠。不復覩見。如行田野。無有所至。所以悲悵也。

父令生我。母令鞠我。拊我畜我。長我育我。○顧我復我。出入腹我。○欲報之德。昊天罔極。

○鞠音菊。養也。○拊音撫。拊循也。畜。起也。育。覆育也。言拊循興起以悅其意。長育以充其體也。○顧。旋視也。復。反覆也。腹。厚也。言出則還顧之。入則反覆之。皆厚我也。或曰腹。懷抱也。○罔。無也。極。窮也。

唐蔚芝先生曰。此九我字。喚醒人子之良心。如晨鐘暮鼓。至于生鞠拊畜長育顧復腹九字。蓋親心無時無刻。莫不繫于其子之身。而顧我復我腹我三者。令爲人子者讀之。不覺潸然淚下矣。所謂欲報之德昊天罔極也。 勸孝編

南山烈烈。飄風發發。○民莫不穀。我獨何害。○

○烈烈。高大貌。發發。疾貌。人民自苦見役。視南山則烈烈然。飄風則發發然寒且疾也。○穀。善也。言民皆得養其父母。而我獨何爲遭此害也哉。

南山律律。飄風弗弗。○民莫不穀。我獨不卒。○

⊙律律猶烈烈·非弗猶發發。⊙卒·終也·言終養也。

蓼莪六章·四章章四句·二章章八句。詩經小雅谷風之什

元劉氏玉汝曰·哀哀痛父母之死·劬勞念父母之存·勞瘁念父母存時生我之勞·以哀痛之情·念劬勞之恩·如之何而不重自哀傷乎·故哀哀二字·見創鉅痛深而無所措·劬勞二字·見恩深德厚而尤可思·詞簡而情切·理至而哀誠·故後章申言再述而不能已焉·三章言父母既歿·已無怙恃·生不如死·其哀痛迫切之情如此·卽前哀哀父母之意·四章言父母存時·生鞠顧復之恩如此·卽前生我勞瘁之意·昊天罔極·言恩如天之大·所以極言父母之德·廣大無窮·已無以報之也·末二章言父母存時·已遭害而不得終養·不言哀痛·而有哀痛無窮之意·故以此二章觀前四章·則哀哀父母之痛·固不忍言·以前四章觀此二章·則我獨不穀之痛·愈非言之所能盡矣·此所以能感人之深·三復而不忍讀也。詩綴結

明姚氏舜牧曰·爲人子者·常存匪我伊蒿之心·則自不敢爲匪以辱其親矣·常存昊天罔極之念·則自不敢少偷惰以終其身矣。詩經傳說纂纂

唐蔚芝先生曰·此詩爲千古孝思絕作·首尾各二章·前用比·後用興·前說父母劬勞·後說人子不幸·遙遙相對·中二章·一寫無親之苦·一寫育子之艱·備極沉痛·幾

於一字一淚。晉王裒以父死非罪。每讀詩至哀哀父母。生我劬勞。未嘗不三復流淚。受業者爲廢此篇。詩之感人如此。詩經大義

凡爲人子之禮。冬溫而夏清。昏定而晨省。禮記曲禮上

○溫以禦其寒。清以致其涼。清七性切。○安定其衽席。省問其安否。省悉井切。

備按東漢黃香。博通經典。事父至孝。夏月扇枕席。冬則以身溫被。蓋父母養育子女。在嚴寒酷暑之際。體貼尤爲周至。此古時所以有冬溫夏清之禮。而黃氏則能實行者也。

父母存。不許友以死。不有私財。同上

○不爲其友報仇。

元陳氏澹曰。親在而以身許人。是有忘親之心。親在而以財專己。是有離親之志。

禮記集說

傳按史記刺客列傳。聶政殺人避讎。與母姊如齊。以屠爲事。嚴仲子事韓哀侯。與韓相俠累有郤。求人可以報俠累者。或言聶政勇敢士也。嚴仲子至門具酒。奉黃金百鎰。爲聶政母壽。辟人言有讎。聶政曰。臣所以降志辱身。居市井屠者。徒幸以養老母。老母在。政身未敢以許人也。竟不肯受。久之。聶政母死。既葬。除服。

乃至濮陽見嚴仲子·獨行杖劍至韓·刺殺俠累·世徒知聶政爲刺客·而不知其事母以禮·實有孝子之行也·

父之讎弗與共戴天⊖·兄弟之讎不反兵⊖·交友之讎不同國· 同上

⊖誓不與讎俱生·此所以弗共戴天也·⊖反兵·反家取兵器·謂常以殺之之兵器自隨也·

宋游氏桂曰·不共戴天·則暴者不敢害人之父母矣·不反兵·則暴者不敢害人之兄弟矣·不同國·則暴者不敢害人之交遊矣·聖人之意·以爲無故而殺人者·君誅之·君誅之不得·則子報之·子報之不得·則兄弟報之·兄弟報之不得·則交遊報之·古者於五典之中而爲之朋友·非苟然也· 禮記義疏

冬·十有一月·庚午·蔡侯⊖以吳子⊖及楚人戰于伯莒⊖·楚師敗績·吳何以稱子·夷狄也而憂中國·其憂中國奈何·伍子胥父誅乎楚⊖·挾弓而去楚·以干⊖闔廬·闔廬曰·士之甚⊖·勇之甚·將爲之興師·而復讎于楚·伍子胥復⊖曰·諸侯不爲匹夫興師·且臣聞之·事君猶事父也·虧君之義·復父之讎·臣不爲也·於是止·蔡昭公朝乎楚·有美裘焉·囊瓦⊖求之·昭公不與·爲是拘昭公於南郢⊖·數年然後歸之·於其歸焉·用事乎河⊖·曰·天下諸侯苟有能伐楚者·寡人請爲之前列⊖·楚人聞之·怒·爲是興師·使囊瓦將而伐蔡·蔡請救于吳·伍子胥復曰·蔡非有罪也·楚

人爲無道。君如有憂中國之心。則若時可矣。於是與師而救蔡。曰。事吾猶事父也。此其爲可以復讎奈何。曰。父不受誅。子復讎可也。父受誅。子復讎。推刃。古之道也。復讎不除害。朋友相衛而不相迥。古之道也。公羊傳定公四年

○蔡昭公。○崗嶺。○伯萬。楚地。○伍子胥之父伍奢。爲楚平王所殺。○不待禮見曰干。○言其賢士之甚。○復。白也。答也。○夔瓦。楚令尹。○楚都。○時北至晉。請伐楚。因蔡河。○猶前驅。○猶曰若是時可與師矣。○罪不當誅。○一往一來曰推刃。○同師曰朋。同志曰友。相衛。言不使爲讎所勝。迥即徇。從死也。

子思曰。喪三日而殯。凡附於身者。必誠必信。勿之有悔焉耳矣。三月而葬。凡附於棺者。必誠必信。勿之有悔焉耳矣。喪三年以爲極。亡則弗之忘矣。故君子有終身之憂。而無一朝之患。故忌日不樂。禮記檀弓上

○孔子之孫。名伋。子思其字也。○棺。斂也。○衣衾之具。○明器用器之屬。○事亡如事存。雖已葬而不忘其親。○君子終身念親。而無一朝減性之患。故不常毀。然忌日爲終身之喪。故忌日不樂。

宋陳氏祥道曰。君子於親。有終制之喪。三年是也。有終身之喪。忌日是也。禮記義疏高子臯。之執親之喪也。泣血三年。未嘗見齒。君子以爲難。同上

○孔子弟子·姓高·名柴·子臯其字也·○凡人涕淚·必因悲聲而出·若血出則不由聲·子臯悲無聲·其涕亦出·如血之出·故云泣血·○言笑之微也·

晉獻公之喪·秦穆公使人弔公子重耳○·且曰○·寡人聞之·亡國恆於斯·得國恆於斯○·雖吾子儼然○在憂服之中·喪亦不可久也·時亦不可失也·孺子其圖之○·以告舅犯○·舅犯曰·孺子其辭焉○·喪人無寶·仁親以爲寶○·父死之謂何·又因以爲利·而天下其孰能說之○·孺子其辭焉·公子重耳對客○◎曰·君惠弔亡臣重耳·身喪父死·不得與於哭泣之哀·以爲君憂○○·父死之謂何·或敢有他志○○以辱君義·稽顙○而不拜·哭而起·起而不私○○·子顯○○以致命於穆公·穆公曰·仁夫公子重耳·夫稽顙而不拜·則未爲後也·故不成拜○○·哭而起·則愛○○父也·起而不私·則遠利也○○·禮記檀弓下

○獻公薨時·公子重耳避難在狄·故穆公使人往弔之·重耳卽晉文公·○言且者·非特弔耳·曰·使者傳穆公之言·○恆於斯·言常在此死生交代之際·○端靜持守之貌·○喪·失位也·下文喪人身喪義同·喪不可久時不可失者·勉其奔喪反國以謀襲位·故言孺子其圖之也·○重耳之舅狐偃·字子犯·重耳聞使者之言而入告之·○子犯言當辭而不受·○失位去國之人·無以爲寶·惟仁愛思親·乃其實也·○父死謂是何事·正是凶禍大事·豈可因此凶禍以爲反國之利·天下之人·孰能解

說我爲無罪乎。⊙客，穆公之使者，垂耳旣聞舅犯之言，乃出而答客。⊙言已出亡在外，不得居喪次，致君之憂慮也。⊙求位之志。⊙積管啓，至也。額，桑黨反。額也，積額，謂額至地也。⊙不再與使者私言。⊙使者公子繁，字子驪，故讀顯爲驪。⊙喪禮，先積額，後拜，謂之成拜，爲後者成拜，所以謝弔禮之重。重耳以未爲後，故不成拜。⊙愛父，猶言哀痛其父。⊙不私與使者言，是無反國之意，是遠利也。

魏武子⊙有嬖妾無子，武子疾，命穎⊙曰：必嫁是，疾病⊙，則曰必以爲殉。及卒，穎嫁之。曰：疾病則亂，吾從其治也。左傳宣公十五年

⊙魏嬖，⊙武子之子，⊙疾甚也，⊙必以此妾殉葬，殉晉徇。⊙言病重則神昏亂，我從其治命也。紀侯大去其國，大去者何，滅也。孰滅之，齊滅之。曷爲不言齊滅之，爲襄公諱也。春秋爲賢者諱，何賢乎襄公，復讎也。何讎爾，遠祖也。哀公享乎周，紀侯譖之。⊙以襄公之爲於此焉者，事祖禰之心盡矣，盡者何，襄公將復讎乎紀。卜之曰：師喪分焉，寡人死之，不爲不吉也。⊙遠祖者幾世乎，九世矣。⊙九世猶可以復讎乎，雖百世可也。家畜亦可乎，曰：不可。國何以可，國君一體也。先君之恥，猶今君之恥也。今君之恥，猶先君之恥也。國君何以爲一體，國君以國爲體，諸侯世。⊙故國君爲一體也。今紀無罪，此非怒與。⊙曰：非也。古者有明天子，則紀侯必誅，必無紀者，紀侯之

不誅。至今有紀者。猶無○明天子也。古者諸侯必有會聚之事。相朝聘之道。號辭必稱先君以相接○。然則齊紀無說焉○。不可以並立乎天下。故將去紀侯者。不得不去紀也○。有明天子。則襄公得爲若行乎○。曰。不得也。不得則襄公曷爲○爲之上無天子。下無方伯○。緣恩疾者可也。公羊傳莊公四年

○史記齊世家。哀公時。紀侯諸之周。周烹哀公。亨。普庚反。竟而殺之也。○。乃禮切。父也。生稱父。死稱考。入廟稱禰。○師喪三旬。皆齊襄公命卜之詞。言苟得滅紀。雖師喪若死。猶以爲吉。分。半也。言師喪亡其半。○周烹哀公。而立其弟靜。是爲胡公。歷胡公獻公武公厲公文公成公莊公僖公。至襄公凡九世。○大夫家。○哀公。○襄公。○雖百世。號猶稱齊侯。○此非怒其先祖。遷之於子孫與。○言由無也。古者由猶二字通。○號。玉帛之號。辭。賓主之辭。接。交接也。○說。卽號辭也。齊之先君。爲紀所害。則齊紀先世。有不共戴天之讎。不忍復稱先君。故無辭以相接也。○言若去其君。則不得存其國。○猶曰得爲如此行乎。○何以。○一方諸侯之長。○疾。痛也。言時無明王賢伯。以誅無道。緣其有恩痛於先祖者。可以許其復讎矣。

中國之固有道德卷三

仁

堯舜帥天下以仁而民從之○。桀紂○帥天下以暴而民從之。其所令反其所好。而民不從○。是故君子有諸己而后求諸人。無諸己而后非諸人。所藏乎身不恕。而能喻諸人者。未之有也○。大學

○唐堯虞舜。古之聖君。帥。率也。有領導之意。言堯舜以仁愛領導天下。人民從之而爲仁愛之事。
○夏桀商紂。皆亡國之君。○令謂號令。其所好者是惡。所令者是善。則所令之事反其所好。雖欲以令禁人。人不從也。如君好貨。而禁民貪財。不能止也。○諸。於也。言君子有善行於己。然後可以責人之善。無惡行於己。然後可以正人之惡。皆推己以及人。所謂恕也。不如是。則所令反其所好。而民不從矣。喻。曉也。

清王氏步青曰。喻字最宜着眼。雖有桀紂之君在上。其所布爲教條者。亦何嘗不要人爲善。要人去惡。而神志不相聯屬。百姓亦非必有心拗他。却只是如不會懂得。雖三令五申無益也。乃知感應之機。其道在恕。其原仍是一誠。大學章句本義匯參

子曰。里仁爲美○。擇不處仁。焉得知○。論語里仁

◎里者·民之所居·言居於仁者之里·是爲美·◎擇·東選也·焉·安也·言不於仁者之里選擇居處·安得爲知·知與智同·

宋黃氏幹曰·居必擇鄉·居之道也·薰陶染習以成其德·矧恤保愛以全其生·豈細故哉· 論語集註大全

明李氏顥曰·里有仁風·則人皆知重禮義而尙廉恥·縱有一二頑梗·亦皆束於規矩·不至肆無忌憚·而資質之美者·益薰陶漸染以成其德·居於此者·不惟可以養德保家·亦且可以善後·子孫而賢且智·固足以有成·卽昏且愚·亦不至被小人引入匪彝·辱宗敗家·故人或未有定居·擇里而不居於是者·其爲無識不待言·卽已有定居·而其鄉實無仁風·卻貪戀苟安·不能舍互鄉而入康莊·亦爲驚馬戀豆·智不能舍也·故古今推孟母之三遷·其智爲千古之獨絕與· 四書反身錄

子曰·不仁者·不可以久處約·不可以長處樂◎·仁者安仁·知者利仁◎· 同上

◎約·窮困也·樂·富貴也·不仁者久處窮困之境·必爲非作惡·長處富貴之中·亦必驕奢淫佚·◎仁者安其仁而無適不然·知者利其仁而不易所守·故能久處約而不爲貧賤所移·常處樂而不爲富貴所淫也·

清陸氏隴其曰·學者未能安仁·且須利仁·見得天理重·則人欲自輕·天理大·則人

欲自小·約樂之境·雖能牽制人·卻牽制我不得·若不於此著力·卻咎境之累人·是豈境之咎哉·
松陽講義

子曰·唯仁者·能好人·能惡人⊖·
同上

⊖唯之爲言獨也·好·愛也·惡·憎也·仁者無私心·故愛憎能當於理·

錢穆先生曰·仁者直心中·以真情示人·故能自有好惡·不仁者以有自私自利之心·故求悅人·則同流俗·合污世·而不能自有好惡·
論語要略

子曰·苟志於仁矣·無惡也·
同上

宋朱子曰·苟·誠也·志者·心之所之也·其心誠在於仁·則必無爲惡之事矣·

論語集注

清俞蔭甫先生述曰·此章與上章文義相承·此惡字卽上能惡人之惡·賈子道術篇曰·心兼愛人謂之仁·然則仁主於愛·古之通論·使其中有惡人之一念·卽不得謂之志於仁矣·
羣經平議

子曰·富與貴·是人之所欲也·不以其道·得之不處也·貧與賤·是人之所惡也·不以其道·得之不去也⊖·君子去仁·惡乎成名⊖·君子無終食之間違仁·造次必於是·顛沛必於是⊖·
同上

○富者多財·貴者位高·乏財曰貧·無位曰賤·言富貴是人所共欲·貧賤爲人所共惡·君子非不欲處富貴去貧賤也·惟不以其道·則得富貴而不處·得貧賤而不去耳·○言君子所以爲君子·以其仁也·若食富貴而厭貧賤·則自離其仁·豈得成君子之名乎·○終食者·一飯之頃·造次·倉卒急遽之時·顛沛·傾覆流離之際·言君子卽在一飯之頃·倉卒急遽之時·傾覆流離之際·亦不離乎仁也·造七到反·

清劉氏寶楠曰·終食之間·常境也·造次顛沛·變境也·君子處常境·無須臾之間違仁·故雖值變境·亦能依於仁而行之·所以能審處富貴·安守貧賤也·

論語正義

節按論語述而篇·子曰·飯疏食飲水·曲肱而枕之·樂亦在其中矣·不義而富且貴·於我如浮雲·孟子滕文公篇·孟子曰·非其道·則一簞食不可受於人·皆此章之意也·

子曰·知者樂水○·仁者樂山○·知者動·仁者靜○·知者樂·仁者壽○·

論語雍也

○樂·五教反·喜好也·知者達於事理·而周流無滯·其性有似於水·故樂水·知與智同·○仁者安於義理·而厚重不遷·其性有似於山·故樂山·○動靜以體言·知者常務前進·故動·仁者心無貪欲·故靜·○樂壽以效言·知者明辨是非可否之判·熟知成敗得失之機·動而自得·故樂·仁者心地光明·無機械變詐之謀·貪功求利之心·靜而有常·故壽·樂皆洛·

宰我問曰：仁者雖告之曰：井有仁焉，其從之也。子曰：何爲其然也。君子可逝也，不可陷也。可欺也，不可罔也。同上

○孔子弟子宰予：字子我。有仁之仁當作人。從：謂墮之於井而救之也。也與歟同義。是疑問助詞。宰我以仁者必濟人於患難。故問仁者設有人來告曰：井中有人，將自投井而救之歟。然：如是也。孔子言何爲如是乎。○逝：往也。陷謂陷於井。言君子可使往視之，不肯自投於井而從之也。○欺：謂誑之以理之所有。罔：謂昧之以理之所無。言惟可欺之使往視，不可得誑罔令自投下也。江希張先生曰：孔子說：未知焉得仁，並常常仁智並舉。西方的蘇格拉底及柏拉圖，以仁即是智，爲他們的根本學說。仁智本是一物。仁者見之謂之仁，智者見之謂之智。四書新編

子貢曰：如有博施於民，而能濟衆，何如。可謂仁乎。子曰：何事於仁，必也聖乎。堯舜其猶病諸。夫仁者，己欲立而立人，己欲達而達人，能近取譬，可謂仁之方也已。

· 同上

○博：廣也。施：惠也。孔子弟子子貢問若有廣布恩惠於民，又能拯濟羣衆之難，可以謂爲仁人否乎。○病：心有所不足。言此何止於仁，必也聖人能之乎。雖堯舜之聖，其心猶有所不足於此也。清會氏國藩曰：立者，足以自立也。達者，四達不悖，遠近信之。人心歸之。詩云：

自西自東·自南自北·無思不服·禮云·推而放諸四海而準·達之謂也·我欲足以自立·則不可使人無以自立·我欲四達不悖·則不可使人一步不行·此立人達人之義也

· 論語述義引 ·

馮友蘭先生曰·爲仁之方·在於能近取譬·卽謂爲仁之方法·在於推己及人也·因己之欲·推以知人之欲·卽己欲立而立人·己欲達而達人·卽所謂忠也·因己之不欲·推以知人之不欲·卽己所不欲·勿施於人·卽所謂恕也·實行忠恕·卽實行仁·中國哲學史

子曰·志於道^㊸·據於德^㊹·依於仁^㊺·游於藝^㊻· 論語述而

㊸志者·心之所之之謂·道則人倫日用之間所當行者是也·㊹據者·執守之意·據德·則行道而有得於心者也·㊺依者·不違之謂·依仁·則私欲盡去而心德乃全也·㊻游者·玩物適情之謂·藝指禮樂射御書數而言·

宋朱子曰·學莫先於立志·志道則心存於正而不他·據德則道得於心而不失·依仁則德性常用而物欲不行·游藝則小物不遺而動息有養·學者於此不失其先後之序·輕重之倫·則本末兼賅·內外交養·不自知其入於聖賢之域矣· 論語集注

清劉氏寶楠曰·此夫子誨弟子進德修業之法· 論語正義

子曰·仁遠乎哉^㊼·我欲仁·斯仁至矣^㊽· 同上

○仁者·本我心所固有·非在外也·故而不求·故有以爲遠者·○我欲仁·可反而求之·仁卽至矣·
子曰·君子篤於親·則民興於仁·故舊不遺·則民不偷·論語秦伯

○君子·謂在上之人·篤·厚也·親爲親屬·興·起也·言在上之人能厚待親屬·則人民聞風興起·自然仁愛矣·○故舊猶故交也·遺·棄也·偷·薄也·言不遺棄故交舊人·則民風不至刻薄也·

清儒氏朝亮曰·三代而下·東漢民俗·其興於仁而不偷者乎·非漢君子爲之先乎·光武帝初起時·兄伯升爲更始所害·光武懼更始·不敢顯其悲戚·每獨居·輒不御酒肉·枕席有涕泣處·此其篤於親也·嚴光少與光武同遊學·及光武卽位·引光論舊·因共偃臥·此其故舊不遺也·漢君子於是乎可風·此東漢民俗所由美也·論語集注補正疏
周公○謂魯公○曰·君子不施○其親·不使大臣怨乎不以○·故舊無大故·則不棄也

○無求備於一人○·論語微子

○周公姓姬·名旦·周文王之子·武王之弟·○周公子伯禽·封於魯·故曰魯公·○施與弛·古通用·遺棄也·○以·用也·言不使大臣怨不見用·○故舊卽故人舊友·大故謂大過失·言故人舊友如無大過失·則不可棄也·○求·責也·備·盡也·言不可責盡善於一人也·

宋胡氏寅曰·此伯禽受封之國·周公訓戒之辭·魯人傳誦·久而不忘也·其或夫子嘗與門弟子言之歟·論語集注

清黃氏式三曰：司馬君實曰：人之材性，各有所能，雖舉夔稷契，止能各守一官。

況於衆人，安可求備，故孔門以四科論士，漢室以數路得人，然則無求備之義亦大

矣。論語後案

曾子曰：士不可以不弘毅，任重而道遠。仁以為己任，不亦重乎？死而後已，不亦遠乎？同上

○孔子弟子曾參。○研究學問之人曰士。弘，大也。毅，強而能斷也。言學者不可無大志毅力。因其責任重而前程遠也。○仁者，人心之全德，而必欲以身體而力行之，可謂重矣。○一息尚存，此志不容少懈，可謂遠矣。

章太炎先生曰：說文：弘，弓聲也。後人借強爲之，用爲彊義。此弘卽今之強也。說文：毅，有決也。任重須彊，不彊則力絀，致遠須決，不決則志渝。廣論語駢枝

錢穆先生曰：弘，恕道也。毅則忠道也。人生之責任，不徒成己而已也。尤貴其成己而成物焉。而物又至不齊也。我有所欲，人亦各有所欲焉。我有所能，人亦各有所能焉。將以我之所欲，我之所能，強天下使齊於我，其害可以賊物，不足以成物也。故仁者必弘必恕，然而生斯世也。爲斯世也善，斯可矣。此又鄉原也。故仁者必忠必毅。惟忠與毅，故在己者，雖絲毫而必盡。惟弘與恕，故在人者，雖分寸而勿犯。論語

子曰：知者不惑①，仁者不憂②，勇者不懼③。論語子罕

①明足以燭理，故不惑。知與智同。②理足以勝私，故不憂。③氣足以配道義，故不懼。

顏淵問仁④。子曰：克己復禮爲仁⑤。一日克己復禮，天下歸仁焉⑥。爲仁由己，而由

人乎哉⑦。顏淵曰：請問其目⑧。子曰：非禮勿視，非禮勿聽，非禮勿言，非禮勿動

。顏淵曰：回雖不敏，請事斯語矣⑨。論語顏淵

④孔子弟子顏淵，問孔子爲仁之道。⑤克己卽約身，猶言修身也。復，反也。吾將有所視聽言動，

而先反乎禮，謂之復禮。人能克己復禮，是爲仁矣。⑥歸，猶與也。言一日克己復禮，則天下之人

皆與其仁者，極言其效之甚速而至大也。⑦又言爲仁由己，而非他人所能預，亦見其機之在我而無

難也。⑧目，條件也。顏淵又請求孔子指示克己復禮之條件。⑨勿者，禁止之辭。⑩請事此語，猶

言請從事於此語，卽力行此四者也。

宋程子曰：非禮勿視聽言動，四者身之用也。由乎中而應乎外，制於外所以養其中也

。論語集注

宋謝氏良佐曰：克己，須從性偏難克處克將去。同上

錢穆先生曰：不窺人秘密，不聽人私語，不議論人長短，不侵犯人自由，此其義人皆

知之。然人徒以此相責難。相怨恨。不能反己自責自任。此不仁之類也。當知人類相處。雖其間息息相關涉。相交通。然必有一彼我所均當遵守。而不可踰越之界限焉。是謂禮節。禮節貴能彼我兩方各自遵守。仁者則遵守我一方之界限而不踰越者也。

論語要略

子曰。回也其心三月不違仁。其餘則日月至焉而已矣。論語雅也

○回是顏回。卽顏淵也。三月。言其久也。心不違仁者。言無私欲而全其心之德也。○其餘指顏淵以外之諸弟子而言。日月至焉者。或一日全不違仁。或一月全不違仁。雖能造其域。而不能如顏淵之久也。

子曰。賢哉回也。一簞食。一瓢飲。在陋巷。人不堪其憂。回也不改其樂。賢哉回也。同上

○簞。竹器。食音。飯也。瓢。器名。剖瓠瓜以爲之。言顏子家貧。惟有一竹器貯飯。一瓠瓢盛飲耳。○所居陋狹。故曰陋巷。○言他人見之。亦代爲憂愁也。○樂。歡樂也。不改其樂。言處之泰然。不改其歡樂也。○再言賢哉回也。所以深歎美之也。

明薛氏瑄曰。雖富累千金。而心爲物役。寒冰焦火。猶不樂也。顏子雖簞瓢陋巷。而舉天下之物。不足以動其中。俯仰無愧。胸次灑然。樂可知矣。四書明義大全精義

孟子曰：愛人不親，反其仁；治人不治，反其智；禮人不答，反其敬。○行有不得者，皆反求諸己。○其身正而天下歸之。○詩云：永言配命，自求多福。○孟子離婁上

○我愛人而人不親我，當反求諸己，恐我之仁猶未至也。○智敬做此。○行有不得，謂不得其所欲。○如不親不治不答是也。○皆反求諸己者，言反其仁反其智反其敬也。○其身既正，則天下之人皆歸向之矣。○詩經大雅文王篇。○永，長也。○言，我也。○配，當也。○能長我所當之天命，而自求之，故有多福也。

唐蔚芝先生曰：吾儒學問無窮盡，聖賢度量無津涯，常反其仁，則其仁愈厚；常反其智，則其智愈深；常反其敬，則其敬愈密；無底止也。反求諸己者，本身作則之要。有諸己而后求諸人也。修身之徹始而徹終者也。孔子之告顏子曰：克己復禮為仁。能反求諸己，而後能克己。蓋兼聖功王道而言。一日克己復禮，天下歸仁焉。所謂身正而天下歸之也。為仁由己而由人乎哉。學問政治進於此，則聖功遠而王道全矣。孟子新讀本

錢穆先生曰：荀子法行篇，曾子曰：同遊而不見愛者，吾必不仁也；交而不見敬者，吾必不長也；臨財而不見信者，吾必不信也。三者在身，曷怨人？怨人者窮，怨天者無識，失之己而反諸人，豈不亦迂哉。亦即孟子此章之意也。孟子研究

仲弓⊖問仁。子曰。出門如見大賓。使民如承大祭⊖。己所不欲。勿施於人⊖。在邦無怨。在家無怨⊖。仲弓曰。雍雖不敏。請事斯語矣。 同上

⊖孔子弟子冉雍。字仲弓。⊖出門謂出大門。大賓。謂尊貴之賓客。承。奉也。大祭。謂重要之祭祀。出門如見尊貴之賓客。使民如奉重要之祭祀。此皆所以明敬。言爲仁之道。莫尙乎敬也。⊖施。猶加也。言自己所不欲者。勿加之於人。以他人亦不欲也。⊖邦。國也。言仁者愛人。而人亦愛之。故在國在家。皆無怨恨。

錢穆先生曰。此章亦論爲仁之方。并及行仁之驗。大抵仁者貫通人我。故如見大賓。如承大祭。到處敬畏。不敢稍自恣肆。便是仁者心地。 論語要略

樊遲⊖問仁。子曰。愛人⊖。問知⊖。子曰。知人⊖。樊遲未達⊖。子曰。舉直錯諸枉。能使枉者直⊖。樊遲退。見子夏曰。鄉也吾見於夫子而問知。子曰。舉直錯諸枉。能使枉者直。何謂也⊖。子夏曰。富哉言乎⊖。舜有天下。選於衆。舉皋陶。不仁者遠矣⊖。湯有天下。選於衆。舉伊尹⊖。不仁者遠矣。 同上

⊖樊遲。孔子弟子。⊖孔子告以爲仁之道是愛人。⊖樊遲又問求知之道如何。知與智同。⊖孔子告以知人。⊖達。通也。未達。未通達孔子之意。遲蓋以愛欲其周。而知有所擇。故疑二者之相悖爾。⊖舉是選用。錯是設置。舉正直之人用之。廢置邪枉之人。則皆化爲直。舉直錯枉者。知也。使

杆者直。則仁矣。如此。則二者不惟不相悖。而反相爲用矣。㊦樊遲自孔子處退後。又往見同學卜子夏。而述孔子之言以問之。鄉許亮切。昔也。或作方纒解。亦通。㊧富。盛也。歎其所包者廣。不止言知。㊨舜爲帝時。皋陶爲士。執法不阿。不仁者遠。言人皆化而爲仁。不見有不仁者。若其遠去爾。所謂使杆者直也。㊩商湯之相。姓伊名摯。尹其字也。

宋尹氏惇曰。學者之問也。不獨欲聞其說。又必欲知其方。不獨欲知其方。又必欲爲其事。如樊遲之問仁知也。夫子告之盡矣。樊遲未達。故又問焉。而猶未知其何以爲之也。及退而問諸子夏。然後有以知之。使其未喻。則必將復問矣。旣問於師。又辨諸友。當時學者之務實也如是。論語集註

清陸氏隴其曰。觀於後世。因舉錯而紛紛多事者。不可勝數。漢之黨錮。宋之元祐。皆由小人不肯俯首屈伏於君子。以至激成禍變。樊遲此語。亦切問也。然不知此要。看舉錯何如耳。舉錯而稍涉於意氣。則不惟不能化人。而或至於生變。舉錯而一出於大公。則不但_不憂其不服。而且可立見其革心。松陽講義

樊遲問仁。子曰。居處恭。執事敬。與人忠。雖之夷狄。不可棄也。論語子路

○居處謂所居之處。執。猶行也。言居處與行事。皆當恭敬。不可放肆懈惰也。○言與人交接。須盡忠也。○之。往也。言上述恭敬三者。雖至夷狄無禮義之處。猶不可棄而不行。

明李氏顯曰：居處恭·執事敬·與人忠·此操存之要也·獨居一有不恭·遇事一有不敬·與人一有不忠·便是心之不存·不論有事無事·恆端謹無欺·斯心無放逸·

四書反身錄

子曰·剛毅木訥·近仁○· 同上

○剛者無欲·毅者果敢·木者質樸·訥者言語遲鈍·不致妄說·四者質之近乎仁者也·

宋真氏德秀曰·仁者·本心之全德·必致知·必力行·然後能造乎其地·豈剛果樸鈍所能遽得哉·然誠而不僞·質而不華·則其本心未失·於仁爲不遠矣·故曰近仁·

又云·子曰·巧言令色·鮮矣仁·學而與此章之意·實相表裏· 大學衍義

子曰·有德者必有言○·有言者不必有德○·仁者必有勇○·勇者不必有仁○· 論語

憲問

○既有德·則言語必中理·故必有言·○能言者·或便佞口給而已·不必皆有德也·○仁者心無私累·見義必爲·其勇往直前·皆仁心之所發也·○勇者或備有血氣之強而已·不必皆有仁也·

姚師仲實曰·此章言德仁爲本·言勇爲末·本可該末·不可因末以信本·爲修己者發·亦爲取人者發· 論語述義

子路曰·桓公殺公子糾·召忽死之·管仲不死·曰未仁乎○·子曰·桓公九合諸侯·不

以兵車⑤。管仲之力也。如其仁。如其仁⑥。 同上

⑤春秋左傳謂齊襄公無道。鮑叔牙奉公子小白奔莒。及無知弑襄公。管夷吾召忽奉公子糾奔魯。後齊人救無知。魯伐齊。納子糾。未克。而小白自莒先入。是爲桓公。使魯殺子糾而請管召。召忽死之。管仲請囚。鮑叔牙薦於桓公以爲相。子路疑管仲忘舊主而事桓公。不得爲仁也。⑥桓公爲會。實不止九。諸家泥於數字。徒滋聚訟。集注謂九與糾古字通用。最爲直截。不以兵車。言不假威力也。⑦如猶乃也。謂如其仁。明專以功業言之。重言之者。所以深許之也。

子貢曰。管仲非仁者與。桓公殺公子糾。不能死。又相之⑧。子曰。管仲相桓公。霸諸侯。一匡天下⑨。民到于今受其賜⑩。微管仲。吾其被髮左衽矣⑪。豈若匹夫匹婦之爲諒也。自經於溝瀆而莫之知也⑫。 同上

⑧子貢之意。以爲管仲不死猶可。又相桓公。則已甚矣。與周賅。相。輔也。⑨霸與伯同。長也。霸諸侯。言爲諸侯之長。匡。正也。桓公北伐山戎。南伐楚。尊王室。攘夷狄。皆所以正天下也。⑩受其賜。謂不被髮左衽之惠。⑪微。無也。吾者。吾中國也。被髮者。緇髮而被之於體後也。左衽。衣襟向左也。被髮左衽。皆夷狄之俗。言無管仲。則中國皆將淪於夷狄也。⑫匹夫匹婦。是無知識之平民。諒。小信也。經。縊也。溝瀆。田間水道。自經於溝瀆者。言自縊於溝瀆之旁而死也。莫之知。人不知也。

明顧氏炎武曰：君臣之分，所關者在一身，華裔之防，所繫者在天下，故夫子之於管仲，略其不死子糾之罪，而取其一匡九合之功，蓋權衡於大小之間，而以天下爲心也。夫以君臣之分，猶不敵華裔之防，而春秋之志可知矣。日知錄

清劉氏寶楠曰：管仲志在利齊國，管子大匡篇可以考見而其後，功遂濟天下，使先王衣冠禮樂之盛，未淪於夷狄，故聖人以仁許之，且以其功爲賢於召忽之死矣。然有管仲之功，則可不死，若無管仲之功，而背君事讎，貪生失義，又遠不如召忽之爲諒也。

論語正義

陳師介石獻宸曰：春秋時，楚居南服，恃江漢之固，與周天子抗命，齊桓公伐之，楚人乞盟而還，是時漢陽諸姬，皆盡於楚，衆諸侯畏楚，莫敢問，桓公用管仲，霸諸侯，內睦其民，兵戎大振，孔子曰：微管仲，吾其被髮左衽矣，嗚呼，豈不然哉。

北京大學中史學講義

子曰：志士仁人，無求生以害仁，有殺身以成仁。論語衛靈公

◎有志之士。◎成德之人。◎求生者。言求之而已可生也。但己生而害於仁，則志士仁人決不求生也。◎殺身者。殺其身也。殺身而可以成仁，志士仁人而不惜其身之死矣。

宋張氏栻曰：人莫不重於其生也，君子亦何以異於人哉，然以害仁，則不敢以求生。

以成仁。則殺身而不避。蓋其死有重於生故也。夫仁者。人之所以生者也。苟虧其所
以生者。則其生也亦何爲哉。南軒論語解

唐蔚芝先生曰。理當死而求生。是害其本心之德也。當死而死。心安而德全矣。此聖
門氣節之學。所以維天地之正氣者也。論語新讀本

錢穆先生曰。小己處大羣之中。有舍己爲羣之義務焉。求生害仁者。貪小己之生命而
害大羣者也。殺身成仁者。犧牲小己之生命以利大羣者也。此章與前兩章比看。知仁
者有時殺身。而不必定殺身。吾人之死不死。當審其有利於羣與否。非謂仁必死。非
謂死則仁也。論語要略

傳按易經困之象曰。澤無水。困。君子以致命猶音遂志。孔子殺身成仁之說。蓋本
諸此。

子貢問爲仁。子曰。工欲善其事。必先利其器。居是邦也。事其大夫之賢者。友其
士之仁者。同上

○爲猶行也。問爲仁者。問所以行仁之道。○工指百工。器即工作之器具。言工人欲製造精巧之物
品。必先銳利其工作之器具。此比喻之辭也。○是猶此也。邦。國也。謂居此國也。則擇其大夫中
之賢者而師事之。擇其士之仁者而與之友。則能收切磋之益矣。

清劉氏開曰：此章告子貢以爲仁之資。子貢生質最美。夫子稱爲瑚璉之器。但好方人而悅不若己者處。恐其自是而輕視當時之人。故告以隨所居之邦。必得賢仁之資。以收事友之效。庶幾可以成其材德之善。如工之善事利器。不自恃其器之良。而必取利於他物以自利也。 論語補注

子曰：民之於仁也。甚於水火。○水火吾見蹈而死者矣。○未見蹈仁而死者也。○ 同上
○民卽人也。人非水火。則不能生活。其於仁也亦然。但水火是外物。而仁則在己。且無水火。不過害人之身。而不仁則失其心。所以仁比水火更爲重要。○蹈。踐也。踐水者或溺死。蹈火者或焚斃。○劉氏寶楠曰：惠氏棟周易述。仁乃乾之初生之道。故未見蹈仁而死。極其變。如求仁得仁。殺身成仁。乃全而歸之之義。不可言死。

子曰：當仁不讓於師。 同上

宋朱子曰：當仁。以仁爲己任也。雖師亦無所遜。言當勇往而必爲也。 論語集注

清劉氏寶楠曰：此章是夫子示門人語。蓋事師之禮。必請命而後行。獨當仁則宜急行。故告以不讓於師之道。恐以展轉誤人生死也。 論語正義

子張問仁於孔子。孔子曰：能行五者於天下。爲仁矣。○請問之。○曰：恭寬信敏惠。○恭則不侮。○寬則得衆。○信則人任焉。○敏則有功。○惠則足以使人。○ 論語陽貨

○言爲仁之道有五。○子張復請問五者之目。○孔子告以所謂五者。卽恭寬信敏惠也。○自己若恭以待人。人亦恭以待己。則不致受人侮慢矣。○能寬宏大量。則爲衆人所歸服。○言而有信。則爲人所倚信。○應事敏捷。則多成功。○有恩惠及人。則人忘其勞。而樂爲所使矣。

清黃氏式三曰。恭而不肆。仁之慎也。寬而不隘。仁之宏也。信而不僞。仁之誠也。敏而不緩。仁之勤也。惠而不刻。仁之厚也。論仁者或謂以恭爲本。或謂以惠爲實。

式三謂欲行仁道。必以五者旋相爲宮。不得偏主一端也。論語後案

子夏曰。博學而篤志。○切問而近思。○仁在其中矣。○論語子張

○博。廣也。篤。厚也。志。識也。言廣學而厚識之。使不忘也。○切問者。切實問於己所未悟之事。近思者。實心體認。以類而推也。○四者皆學問思辨之事耳。未及乎力行而爲仁也。然從事於此。則心不外馳。而所存自熟。故曰仁在其中矣。

宋蘇氏軾曰。博學而志不篤。則大而無當。泛問遠思。則勞而無功。論語集注

宋朱子曰。此是尋出求仁之門路。告人從此用力。則自有效。朱子語類

梁惠王曰。晉國。天下莫強焉。○叟之所知也。及寡人之身。東敗於齊。長子死焉。西喪地於秦七百里。南辱於楚。○寡人恥之。願比死者一洒之。○如之何則可。孟子對曰。地方百里而可以王。○王如施仁政於民。省刑罰。薄稅斂。○深耕易耨。○壯者以暇

日修其孝悌忠信④。入以事其父兄。出以事其長上。可使制梃以撻秦楚之堅甲利兵矣⑤。彼⑥奪其民時。使不得耕耨以養其父母。父母凍餓。兄弟妻子離散。彼陷溺其民。王往而征之。夫誰與王敵⑦⑧。故曰仁者無敵。王請勿疑⑨⑩。孟子梁惠王

④ 魏本晉大夫。至魏斯。與韓氏趙氏共分晉地。號曰三晉。故惠王猶自謂晉國。晉自文公以後。稱霸中原甚久。莫強者。言當時各國無強於晉者也。⑤ 惠王三十年。齊破魏軍。虜太子申。十七年。秦取魏少梁。後魏又數獻地於秦。又與楚將昭陽戰敗。亡其七邑。⑥ 比猶爲也。酒與洗同。言欲爲死者雪恥也。⑦ 百里。小國也。然能行仁政。則天下之民歸之矣。⑧ 省刑罰。薄稅斂。此二者。仁政之大目也。省。所梗反。減也。少也。⑨ 易耨。芸苗去其野草。令簡易也。耨。奴豆反。⑩ 盡己之謂忠。以實之謂信。⑪ 制讀爲掣。梃。杖也。撻。擊也。謂可使提掣木杖。以擊秦楚大國之堅甲利兵也。⑫ 敵國。⑬ 陷。陷於阱。溺。溺於水。暴虐之意。正也。言以彼暴虐其民。而率吾尊君親上之民往正其罪。彼民方怨其上而樂歸於我。則誰與我爲敵哉。⑭ 仁者無敵。蓋古語也。百里可王。以此而已。恐王疑其迂闊。故勉使勿疑也。

清王氏步青曰。省刑薄斂。及孝弟忠信。皆戰國諸侯王之所謂迂遠而關於事情者也。而豈知自強之道。莫大於此。孟子集注本義隨參

孟子曰。尊賢使能。俊傑在位①。則天下之士。皆悅而願立於其朝②矣。市。塗而不

征·法而不虐^⑤·則天下之商·皆悅而願藏於其市矣·關·讓而子征^⑥·則天下之旅^⑦·皆悅而願出於其路矣·耕者助而不稅^⑧·則天下之農·皆悅而願耕於其野矣·廛^⑨·無夫里之布^⑩·則天下之民·皆悅而願爲之氓^⑪矣·信能行此五者·則鄰國之民仰之若父母矣·率其子弟·攻其父母·自生民以來·未有能濟者也·如此·則無敵於天下·無敵於天下者·天吏^⑫也·然而不王者·未之有也·孟子公孫丑上

⑤ 言是有道德者·能是有才幹者·俊傑·才德異於衆者·在位·在上位也·
⑥ 朝晉滿·朝廷也·
⑦ 關·市宅也·征是征稅·古者無征·衰世征之·禮記王制曰·市廛而不稅·周禮載師曰·國宅無征·法而不虐者·當以什一之法征其地耳·不當征其廛宅也·
⑧ 關·境界上之門也·義·伺察也·但譏禁異言·察異服·而不征稅·
⑨ 行旅之人·
⑩ 耕者助而不稅·卽井田之制·但使出力以助耕公田·而不稅其私田也·
⑪ 布·錢也·周禮·宅不毛者有里布·民無職事者·出夫家之征·鄭氏謂宅不種桑麻者·罰之使出一里二十五家之布·民無常業者·罰之使出一夫百畝之稅·一家力役之征也·戰國時一切取之·市宅之民·已賦其廛·又令出此夫里之布·非先王之法也·
⑫ 氓·晉言·民也·
⑬ 天吏·言奉行天命者·

唐蔚芝先生曰·此章自首節外·要以輕賦稅爲主·蓋稅輕則民悅·稅重則民怨·怨氣日積·而國於是乎亂·先王取於民少·而不虞其不足者·蓋自來生財之道·在乎

開利源·而理財之方·則在乎崇節儉·然惟能先用天下之才·乃可以力行儉德·而理天下之財·故孟子尤以尊賢使能·俊傑在位·爲先務之急也。孟子新讀本

齊宣王○問曰·齊桓晉文○之事·可得聞乎·孟子對曰·仲尼之徒·無道桓文之事者○·是以後世無傳焉·臣未之聞也·無以·則王乎○·曰·德何如則可以王矣○·曰·保民而王·莫之能禦也○·曰·若寡人者·可以保民乎哉○·曰·可○·曰·何由知吾可也○·曰·臣聞之胡斂○◎曰·王坐於堂上·有牽牛而過堂下者·王見之·曰牛何之○·對曰·將以釐鐘○·王曰·舍之·吾不忍其觶觶若○·無罪而就死地·對曰·然則廢釐鐘與○·曰·何可廢也·以羊易之·不識有諸○·曰·有之○·曰·是心足以王矣○·百姓皆以王爲愛○也·臣固知王之不忍也·王曰·然·誠有百姓者○·齊國雞禍小○·吾何愛一牛·卽不忍其觶觶若·無罪而就死地·故以羊易之也·曰·王無異於百姓之以王爲愛也·以小易大·彼惡知之·王若隱其無罪而就死地·則牛羊何擇焉○·王笑曰·是誠何心哉·我非愛其財而易之以羊也·宜乎百姓之謂我愛也○·曰·無傷也·是乃仁術也○·見牛未見羊也·君子之於禽獸也·見其生不忍見其死·聞其聲不忍食其肉·是以君子遠庖廚也○·王說○·曰·詩云·他人有心·予忖度之○·夫子○之謂也·夫○我乃行之·反而求之·不得吾心·夫子言之·

於我心有感感^①焉。此心之所以合於王者何也。曰^②。有復^③於王者曰。吾力足以舉百鈞。而不足以舉一羽^④。明足以察秋毫之末。而不見輿薪^⑤。則王許^⑥之乎。曰。否^⑦。今恩足以及禽獸。而功不至於百姓者。獨何與。然則一羽之不舉。爲不用力焉。輿薪之不見。爲不用明焉。百姓之不見保。爲不用恩焉。故王之不王。不爲也。非不能也^⑧。曰。不爲者與不能者之形何以異^⑨。曰。挾太山以超北海。語人曰我不能。是誠不能也^⑩。爲長者折枝。語人曰我不能。是不爲也。非不能也^⑪。故王之不王。非挾太山以超北海之類也。王之不王。是折枝之類也。老吾老。以及人之老。幼吾幼。以及人之幼。天下可運於掌^⑫。詩云。刑于寡妻。至于兄弟。以御于家。邦。言舉斯心加諸彼而已^⑬。故推恩足以保四海。不推恩無以保妻子。古之人所以大過人者無他焉。善推其所爲而已矣。今恩足以及禽獸。而功不至於百姓者。獨何與。權然後知輕重。度然後知長短。物皆然。心爲甚。王請度之^⑭。抑王興甲兵。危士臣。構怨於諸侯。然後快於心與^⑮。王曰。否。吾何快於是。將以求吾所大欲^⑯也。曰。王之所大欲。可得聞與^⑰。王笑而不言。曰。爲肥甘不足於口與。輕煖不足於體與。抑爲采色不足視於目與。聲音不足聽於耳與。便嬖不足使令於前與。王之諸臣皆足以供之。而王豈爲是哉^⑱。曰。否。吾不爲是也^⑲。曰。然則王之所大欲可知已^⑳。

· 欲辟土地①②· 朝秦③④· 莅⑤中國而撫四夷也· 以若所爲· 求若所欲· 猶緣木而求魚也⑥⑦· 王曰· 若是其甚與· 曰· ⑧⑨殆有⑩⑪甚焉· 緣木求魚· 雖不得魚· 無後災· 以若所爲· 求若所欲· 盡心力而爲之· 後必有災· 曰· 可得聞與⑫⑬· 曰· 鄭人與楚人戰· 則王以爲孰勝⑭⑮· 曰· 楚人勝⑯⑰· 曰· 然則小固⑱⑲不可以敵大· 寡固不可以敵衆· 弱固不可以敵彊· 海內之地· 方千里者九· 齊集⑳㉑有其一· 以一服八· 何以異於鄒敵楚哉· 蓋㉒⑳亦反其本矣· 今王發政施仁· 使天下仕者皆欲立於王之朝㉓㉔· 耕者皆欲耕於王之野· 商賈㉕㉖皆欲藏於王之市· 行旅皆欲出於王之塗㉗㉘· 天下之欲疾其君者· 皆欲赴愬於王㉙㉚· 其若是· 孰能禦之㉛㉜· 王曰· 吾惛㉝㉞· 不能進於是矣· 願夫子輔吾志· 明以教我· 我雖不敏· 請嘗試之· 曰㉟㊱· 無恆產而有恆心者· 惟士爲能㊲㊳· 若民· 則無恆產· 因無恆心· 苟無恆心· 放辟邪侈㊴㊵· 無不爲已· 及陷於罪· 然後從而刑之· 是罔民㊶㊷也· 焉有仁人在位· 罔民而可爲也· 是故明君制㊸㊹民之產· 必使仰足以事父母· 俯足以畜妻子· 樂歲㊺㊻終身飽· 凶年免於死亡· 然後驅而之善· 故民之從之也輕㊼㊽· 今也制民之產· 仰不足以事父母· 俯不足以畜妻子· 樂歲終身苦· 凶年不免於死亡· 此惟救死而恐不贍㊾㊿· 奚㊽㊾暇治禮義哉· 王欲行之· 則盍㊿㊽反其本矣· 五畝之宅· 樹之以桑· 五十者可以衣帛矣㊽㊾· 雞豚狗彘之畜

無失其時。七十者可以食肉矣④。百畝之田。勿奪其時⑤。八口之家可以無饑矣。謹庠序之教。申之以孝悌之義。頒白者不負戴於道路矣⑥。老者衣帛食肉。黎民⑦不饑不寒。然而不王者。未之有也。孟子梁惠王上

④齊國之君。姓田。名辟疆。諡曰宣。諸侯僭稱王也。⑤齊桓公管文公爲春秋五霸中之最負盛名者也。⑥仲尼爲孔子之字。道。言也。董子曰。仲尼之門。五尺童子。羞稱五霸。爲其先許力而後仁義也。亦此意也。⑦以同己。無己。必欲言之而不止也。王。謂王天下之道。⑧齊宣王問辭。⑨孟子因宣王之問。而說明王道在乎保民。保。安也。愛護也。⑩宣王問辭。⑪孟子答辭。⑫宣王問辭。⑬胡齋。齊宣王之近臣。齋。音核。⑭之。往也。⑮新鑛鑄成。殺牲取血。以塗其罌。⑯姚師仲實曰。若字句絕。齋。音核。猶詩之抑若。舍今作捨。齋。音解。恐懼貌。若。猶然也。⑰與今作歟。下同。⑱孟子述胡齋之言。自王坐於堂上。至以羊易之。而問宣王。不知果有此事否也。⑲宣王答以確有其事。⑳是心。卽愛牛之心。王見牛之齋。而不忍殺。卽所謂憫隱之心仁之端也。擴而充之。可以保四海。故孟子指而言之。欲王察識於此而擴充之也。㉑愛。猶吝惜也。㉒言以羊易牛。其跡似吝。誠有如百姓所譏者。㉓褊。狹也。褊小。猶言狹小。齊本大國。此係宣王自謙之言。㉔此孟子之言。異。怪也。無異。言不必怪異。以小易大。指以羊易牛。彼指百姓。惡音烏。何也。隱。痛也。不忍也。擇。猶分也。言牛羊皆無罪而死。何所分別而

以羊易牛乎。⑤宣王問牛羊何擇之言。不能自釋其當時之以羊易牛。是何居心。故不覺失笑曰。是誠何心哉。我非吝惜一牛之值。而易以較小之羊。宜乎百姓之說我吝惜乎。⑥無傷。言雖有百姓之言不爲害。仁術。行仁之法術。⑦宰殺之所曰庖。烹飪之所曰廚。自無傷至遠庖廚也。皆孟子之言。⑧說同悅。⑨詩經小雅巧言篇。忖度猶思量也。言他人之心。我能思量之也。⑩宣王對孟子之尊稱。⑪夫晉扶。或謂屬上句讀。亦通。⑫威威。心動貌。⑬孟子問宣王之辭。⑭復。白也。告也。⑮三十斤爲鈞。百鈞。三千斤。至重難舉。羽。鳥羽也。一羽至輕易舉。⑯毛至秋而未更小。難見者也。輿。晉余。車也。薪。晉新。柴也。輿薪謂一車之柴。大而易見。⑰自吾力至輿薪。是有復於王者之言。⑱許。信也。⑲宣王答辭。⑳今恩至非不能也。又是孟子之言。故王之王。孟子稱宣王。不王之王。是王天下。卽統一天下之意。㉑宣王問孟子之言。形狀也。㉒挾。以腋持物也。超。跳躍而過也。挾太山以超北海。非人力所能爲也。㉓以長者之命。折草木之枝。是輕而易舉也。㉔以養老之禮敬老曰老。吾老謂我之父兄。人之老謂人之父兄。以懷幼之道待幼曰幼。吾幼謂我之子弟。人之幼謂人之子弟。運。轉也。運於掌。言易也。㉕詩經大雅思齊篇。刑。正也。寡妻。嫡妻也。古者諸侯一娶九女。一爲嫡妻。八爲妾。以女兄弟從。故可曰兄弟。或曰。寡妻。寡德之妻。謙辭也。御。進也。刑。今作型。此言國君能修身以爲嫡妻之典型。至於兄弟。進而推及於國家。卽大舉由齊家而治國之意。彼謂家人國人。言但舉己心加於

人耳。①○權是秤錘。度音渡。丈尺也。度之。謂稱量之也。②○自抑爲發語辭。與。動也。危者。危害之也。士臣。戰士。構怨猶云結怨。快於心。言快樂其心也。自挾泰山至快於心與。是孟子之言。③○大欲是極大之欲望。④○孟子問宣王之言。⑤○孟子因宣王笑而不言。又故意問之。肥甘是肥美之肉食。輕煖是輕煖之衣裘。便嬖是近習嬖幸之人。⑥○宣王答辭。⑦○已爲語助辭。⑧○辟與闢同。開廣也。辟土地。卽開疆拓土。⑨○朝音潮。致其來朝也。齊楚皆大國。朝秦楚。使秦楚來朝。⑩○莅音利。臨也。⑪○若。如此也。所爲。指興兵結怨之事。緣木求魚。猶緣樹木而求水中之魚。必不可得也。自然則王之所大欲至求魚也。是孟子之言。⑫○孟子之言。⑬○殆爲發語辭。有同又。⑭○宣王問孟子之言。⑮○孟子反問宣王。鄒。小國。楚。大國。孰。誰也。⑯○宣王答辭。⑰○固者。必然之辭。⑱○集。取也。⑲○蓋爲發語辭。⑳○朝音潮。朝廷也。㉑○行貨曰商。居貨曰賈。賈音古。㉒○塗同途。㉓○疾。恨也。仇也。赴。趨也。懇與訴同。言告訴於王也。㉔○禦。止也。謂反本道行仁政如此。則天下之民皆歸之。誰能止之哉。自然則小固不可以敵大至孰能禦之。皆孟子之言。㉕○昏與昏同。不明也。㉖○自此以下皆孟子之言。㉗○恆。常也。產。生業也。恆產。可常生之業也。恆心。人所常有之善心也。士嘗學問。知義理。故雖無常產而有恒心。㉘○放是放蕩。辟與僻同。乖僻也。邪。不正也。侈。奢也。㉙○罔猶羅網。謂張羅網以陷民也。㉚○成法曰制。此動詞也。㉛○豐樂之歲。樂音洛。㉜○輕。易也。言民易於從善

也。⊕⊕贍，足也。⊕⊕奚，何也。⊕⊕蓋，何不也。⊕⊕五畝之宅，是一夫所受。二畝半在田。二畝半在邑。田中不得有木，恐妨五穀。故於牆下植桑，以供蠶事。人至五十歲始衰弱，非帛不煖。五十衣帛，有養老之意。⊕⊕不失其生產之時。人至七十歲，非肉不能滋補，七十食肉，亦所以養老也。⊕⊕古時一夫常規定種田百畝，勿奪其時。言不奪其農作之時。⊕⊕庠序是古代學校之名。稱，殷曰序，周曰庠。中，反覆說明也。弟與悌通。善事父母曰孝，善事兄長曰悌。孝悌是仁之根本。頌同班，頌白，頭髮半白也。負，任在背。戴，任在首。既富而教以孝悌，則人知愛親敬長而代其勞，不使之負戴於道路矣。⊕⊕黎，黑也。黎民，黑髮之人。猶言少壯之民也。

宋宣氏德秀曰：世以爲王道甚高而難行。孟子斷之以一言曰：保民而王。保云者，愛護育養之意。王道不外乎保民，而保民又不外乎此心。卽宣王愛牛不忍殺之心，知其可以保民無難也。或者見宣王以羊易牛，謂其出於貪吝，而孟子獨曰：是心足以王矣。所以警覺宣王，使知只此一心，便足以王天下。其所指示亦精切矣。而宣王猶不悟本心之所以然也。於是孟子復曰：無傷也。是乃仁術也。是又警覺宣王，使知前日以羊易牛，是乃行仁之術。宣王聞此，乃始悅孟子之知其心，而亦未知王道之外乎是也。孟子復爲一羽與薪之譬，以明愛物之難而仁民之易。老老幼幼而下，則告宣王以行仁之序。發政施仁而下，則告宣王以保民之實。所謂王道者蓋如此。豈有甚高難行者

哉。惜乎宣王終不悟也。 大學衍義

錢穆先生曰：此孟子教齊宣王以爲政重在經濟民生，而歸其本於推廣其一己仁民愛物之心也。 孟子研究

節按孟子曰：民非水火不生活，昏暮叩人之門戶求水火，無弗與者，至足矣。聖人治天下，使有菽粟如水火，菽粟如水火，而民焉有不仁者乎。 孟子盡心上 是言民有爲善之資，皆樂於行仁，亦是注重民生。

齊宣王問曰：交鄰國有道乎？孟子對曰：有。惟仁者爲能以大事小，是故湯事葛。文王事昆夷，惟智者爲能以小事大，故太王事獯鬻，句踐事吳，以大事小者，樂天者也。以小事大者，畏天者也。樂天者保天下，畏天者保其國。詩云：畏天之威，于時保之。 孟子梁惠王下

○齊宣王問孟子：與鄰國交接有道乎？孟子答曰有之。○仁人寬洪憫恤，而無較計大小強弱之私，故小國雖或不恭，而所以撫字之心自不能已。○湯是商朝第一世之王，葛是當時之小國，湯居亳，與葛爲鄰，葛伯放而不祀，湯遣之牛羊，又使亳衆往爲之耕。○昆夷是一種夷狄，周文王受命四年，昆夷伐周，一日三至周之東門，文王閉門修德，而不與戰，且遣使聘問，而不棄交鄰之禮。○智者明義理，識時勢，故遇大國侵陵，仍不廢所以事之禮。○大王，即古公亶父，周文王之祖也。

·修后稷公劉之業·西北戎狄蠶鬻攻之·欲得財物·予之·蠶首薰·鬻音育·^①越王勾踐爲吳王夫差所擊敗·退保會稽·身自臣吳·句音鉤·^②自然合理·故曰樂天·樂音洛·^③不敢違理·故曰畏天·^④詩經周頌我將篇·^⑤時·是也·

江希張先生曰·保其國·是以小事大的原則·所以惟智者爲能·倘若不能保其國而事大·如六國之事秦·南宋之事金·則直是誤國賣國·何保國之有· 四書新編

按以大事小·乃世界最進步之國際道德·而實行此道德者·成湯文王外·若興滅國·繼絕世·亦屢見於吾國之史冊·吾中國民族性之敦厚·與固有道德之偉大·此可爲確切之證明·彼好侵略者讀之·當自愧不仁·即主張國家平等者·或亦感雅量之不及歟·

鄭與魯閔^①·穆公^②問曰·吾有司^③死者三十三人·而民莫之死也·誅之·則不可勝誅^④·不誅·則疾視其長上之死而不救^⑤·如之何則可也·孟子對曰·凶年饑歲·君之民老弱轉乎溝壑^⑥·壯者散而之四方者·幾千人矣·而君之倉廩實·府庫充^⑦·有司莫以告·是上慢而殘下也^⑧·會子曰·戒之戒之·出乎爾者·反乎爾者也^⑨·夫民今而後得反之也·君無尤焉^⑩·君行仁政·斯民親其上·死其長矣· 同上

^①國·胡弄反·國也·言鄭國與魯國戰鬪也·^②鄭國之君·^③鄭之官吏·下文長上·即此有司·^④

人多不可盡誅。飽不謀其民。則我無疚。視其長上之死而不救之。必轉。飽饑輟轉而死也。或曰。轉。棄也。謂死而棄其尸於溝壑也。④倉廩。存糶米之處。府庫。存財貨之處。充。滿也。⑤上慢。猶言慢上。有司不告於君。是慢上也。殘。傷害也。殘下。謂傷害人民也。⑥言自己所作。必自食其報。⑦尤。過也。言君無過責之也。

宋張氏栻曰。天下未有出而無反者。人特不察耳。是以君子敬其所出也。曰夫民令而後得反之也。可謂深切矣。然而曾子戒之戒之之語。非特爲人上者不可須臾忘也。檢身者亦當深體之耳。南軒孟子說

唐蔚芝先生曰。倉庫實。府庫充。有司莫以告。非必盡有司之無良也。君之意旨在聚斂。不敢以告也。不敢以告。而吾民輾轉溝壑之狀。君不得而聞。是謂蒙蔽。蒙蔽者。其罪出乎爾者也。反乎爾者。所謂反動力是也。反動力之在天地間。如空氣然。無隙不入。庸人昧焉。知有我而不知有人。於是乎人心不平。而爭奪相殺。遂不絕於世。夫民令而後得反之也。壓制之極。民不敢動。而乃假手於敵國之人。所謂天道好還。非意料所能及者也。孟子新讀本

孟子曰。以力假仁者霸。霸必有大國。以德行仁者王。王不待大。湯以七十里。文王以百里。以力服人者。非心服也。力不贍也。以德服人者。中心悅而誠服也。如七

十子之服孔子也。詩云。自西自東。自南自北。無思不服。此之謂也。孟子公孫丑上。○力。謂土地之大。甲兵之盛。假仁者。本無是心。而借其事以爲功者也。霸。若齊桓晉文是也。○以己之德。行仁政於民。則可以致王。○賙。足也。○詩經大雅文王有聲篇。○言從四方來者。其心思無有不服武王之德者。亦心服之謂也。

宋真氏德秀曰。霸者以力。故必大國乃能爲之。王者以德不以力。何待於大乎。以力服人者。有意於服人。而人不敢不服。以德服人者。無意於服人。而人不能不服。此天理人欲之分。而王霸之所以異也。大學衍義

孟子曰。仁則榮。不仁則辱。今惡辱而居不仁。是猶惡溷而居下也。同上

○行仁政。則國昌民安。得其榮樂。○行不仁。則國破民殘。蒙其恥辱。○惡。厭也。下是卑下近水泉之地。

孟子曰。人皆有不忍人之心。先王有不忍人之心。斯有不忍人之政矣。以不忍人之心。行不忍人之政。治天下可運之掌上。所以謂人皆有不忍人之心者。今人乍見孺子。將入於井。皆有怵惕惻隱之心。非所以內交於孺子之父母也。非所以要譽於鄉黨朋友也。非惡其聲而然也。由是觀之。無惻隱之心。非人也。無羞惡之心。非人也。無辭讓之心。非人也。無是非之心。非人也。○惻隱之心。仁之端也。羞惡之心。

·義之端也。辭讓之心，禮之端也。是非之心，智之端也。○人之有是四端也，猶其有四體○也。有是四端而自謂不能者，自賊者也。○謂其君不能者，賊其君者也。○凡有四端於我者，知皆擴而充之○矣。若火之始然○，泉之始達○，苟能充之，足以保四海。苟不充之，不足以事父母○。同上

○仁心。○仁政。○言以是治天下，易於轉丸於掌上。○乍，猝也。有忽然之意。○孺子，始能行而未有知識之小子。○怵惕，恐懼也。惻隱，皆痛也。怵惕惻隱之心，卽所謂不忍人之心也。○要，○內同納。內交。結交也。○要，求也。要譽，求好名譽也。○惡，有不仁之聲名。○羞，恥己之不善。惡，憎人之不善。辭，解使去己也。讓，推以與人也。是，知其善而以爲是。非，知其惡而以爲非。○闕隱羞惡辭讓是非之心，人皆有之。無此四者，惟禽獸耳。非人也。○惻隱羞惡辭讓是非，情也。仁義禮智，性也。心，統性情者也。端，首也。言發見之初，始露其首也。因其情之發，而性之本然可得而見。猶有物在中而端見於外也。○四肢。○賊，害也。自謂不能爲善，是自賊害其性，使不爲善。○謂君不能爲善，害其君使陷於惡也。○擴音廓，充，大也。言推廣其範圍也。○然，燃之本字。燒也。○達，流出也。或作通字解。○四端在我，隨處發見。知皆卽此擴充。四海雖遠，亦吾度內。無難保者，不能充之，則雖事之至近而亦不能矣。

錢穆先生曰：惻隱羞惡辭讓是非之心，人類心理高尚之表現也。孟子卽指人類高尚之

心的表現。以明示人人有超入高尚之可能。此即暫推久。以證明性善之說也。故孟子論性善。在於舉一人以推之於人人。指一時以推之於時時。實爲吾人立一最高之標的。而鼓勵吾人盡力以趨赴之者也。 孟子研究

孟子曰。矢人豈不仁於函人哉。矢人惟恐不傷人。函人惟恐傷人。巫匠亦然。故術不可不慎也。孔子曰。里仁爲美。擇不處仁。焉得智。夫仁。天之尊爵也。人之安宅也。莫之禦而不仁。是不智也。不仁不智。無禮無義。人役也。人役而恥爲役。由弓人而恥爲弓。矢人而恥爲矢也。如恥之。莫如爲仁。仁者如射。射者正己而後發。發而不中。不怨勝己者。反求諸己而已矣。 同上

○矢。箭也。矢人。作箭之人。矢人惟恐所作之箭。不能傷害被射之人。○函。音含。甲也。函人。作甲之人。函人惟恐所作之甲。被箭射破。至傷被甲之人。○巫。爲人祈祝。利人之生。匠者作棺槨。欲其早售。利人之死。○選。習技術。不可不慎。○仁。義禮智。皆天與人之良貴。而仁又兼統四者。故曰天之尊爵。○仁。有天理自然之安。無人欲陷溺之危。故曰人之安宅。○禦。止也。莫之禦。無止之者也。○言。爲人所役使者。○以。射喻人爲仁。不得其報。當反責己仁恩之未至。唐蔚芝先生曰。孔子曰。少成若天性。習慣成自然。術者。爲人善惡之分途。詎可不慎乎哉。與惡人處而欲其善。譬猶操楚語者。不能復求其齊語也。曾子曰。與惡人游

· 如入鮑魚之肆· 久而不聞· 則與之化矣· 擇術可不慎乎· 孟子新註本

孟子曰· 桀紂之失天下也· 失其民也· 失其民者· 失其心也· 得天下有道· 得其民· 斯得天下矣· 得其民有道· 得其心· 斯得民矣· 得其心有道· 所欲與之聚之^㊸· 所惡勿施^㊹也· 民之歸仁也· 猶水之就下· 獸之走曠^㊺也· 故爲淵^㊻毆魚者· 獺也^㊼· 爲叢^㊽毆爵者· 鸛也^㊾· 爲湯武毆民者· 桀與紂也· 今天下之君有好仁者· 則諸侯皆爲之^㊿毆矣· 雖欲無王· 不可得已· 今之欲王者· 猶七年之病^㊽· 求三年之艾^㊾也· 苟爲不畜· 終身不得^㊿· 苟不志於仁· 終身憂辱· 以陷於死亡· 詩^㊿云· 其何能淑· 載胥及溺^㊿· 此之謂也· 孟子離婁上

㊸與· 猶爲也· 民之所欲· 皆爲致之· 如聚斂然· ㊹爾· 語助辭· 言民之所惡則勿施也· ㊺曠· 古與曠通· 廣野也· ㊻淵· 深水也· 毆與驅同· 獺音齒· 形如小狗· 水居食魚· 魚爲獺所驅· 則入於淵矣· ㊼叢· 茂林也· 爵與雀同· 鸛· 諸延反· 食雀之猛鳥· 雀爲鸛所驅· 則匿於林矣· ㊽謂其病可支七年· ㊾艾· 草名· 可以灸人病· 乾久益善· 三年之艾· 謂艾至三年乃可用· ㊿畜· 藏也· 言假使不藏艾草· 則三年之艾終身不得矣· ㊿詩經大雅桑柔篇· ㊿淑· 善也· 載· 則也· 胥· 相也· 溺· 陷也· 言今之君臣· 其何能爲善乎· 則相與陷於亂亡而已·

傳按禮記檀弓下· 孔子過泰山側· 有婦人哭於墓者而哀· 夫子式而聽之· 使子路問

之。曰：子之哭也。壹似重有憂者。而曰然。昔者吾舅夫之父死於虎。吾夫又死焉。曰舅。今吾子又死焉。夫子曰：何爲不去也。曰：無苛政。夫子曰：小子識之。苛政猛於虎也。宋方氏慤申其義曰：虎之害人也。人能逃之。政之害人也。無可逃之地。此所以寧遭虎之累傷。而不忍舍其政之無苛也。禮記 民之歸仁。此亦一明證也。

孟子曰：自暴者○。不可與有言也。自棄者。不可與有爲也。言非禮義。謂之自暴也。吾身不能居仁由義。謂之自棄也。仁。人之安宅也。義。人之正路也。曠○安宅而弗居。舍正路而不由○。哀哉。同上

○暴。猶害也。自暴者。猶言自害其身之人也。○曠。空也。○舍同捨。由。行也。

孟子曰：人之所不學而能者。其良能也。所不慮而知者。其良知也○。孩提○之童。無不知愛其親者。及其長也。無不知敬其兄也。親親○。仁也。敬長。義也。無他。達之天下也○。孟子盡心上

○良者。本然之善。能是能力。知是知識。○二三歲之間。知孩笑。可提抱者也。○親其親。○達。通也。但通此親親敬長之心。推之天下人而已。

孟子曰：君子之於物也。愛之而弗仁○。於民也。仁之而弗親○。親親而仁民。仁民而愛物。同上

○物謂禽獸草木。愛而弗仁。謂當愛育之。而不知人相與之仁也。○於民當仁愛之而弗親。以愛有差等也。

宋真氏德秀曰。天下之理一。而分則殊。凡生於天壤之間者。莫非天地之子。而吾之同氣者也。是之謂理一。然親者吾之同體。民者吾之同類。而物則異類矣。是之謂分殊。以其理一。故仁愛之心無不徧。以其分殊。故仁愛之施則有差。若以親親之道施於民。則親疏無以異矣。是乃薄其親。以仁民之道施於物。則貴賤無以異矣。是乃薄其民。故於親則親之。於民則仁之。而於物則愛之。合而言之則皆仁。分而言之則有序。此二帝三王之道。所以異於楊墨也。 大學衍義

孟子曰。伯夷辟紂。居北海之濱。聞文王作。與曰。盍歸乎來。吾聞西伯善養老者。太公辟紂。居東海之濱。聞文王作。與曰。盍歸乎來。吾聞西伯善養老者。天下有善養老。則仁人以爲己歸矣。五畝之宅。樹牆下以桑。匹婦蠶之。則老者足以衣帛矣。五母雞。二母彘。無失其時。老者足以無失肉矣。百畝之田。匹夫耕之。八口之家。可以無飢矣。所謂西伯善養老者。制其田里。教之樹畜。導其妻子。使養其老。五十非帛不煖。七十非肉不飽。不煖不飽。謂之凍餒。文王之民無凍餒之老者。此之謂也。 同上

○伯夷·孤竹君之子·辟與避同·紂是商代末世之王·○作興皆起也·作屬文王·與屬伯夷·○益·何不也·來爲語末助詞·○西伯卽文王·紂命爲西方諸侯之長·得專征伐·故稱西伯·○太公卽呂尙·○己之所歸·○彘音滯·豕也·○田謂百畝之田·里謂五畝之宅·○樹謂耕桑·畜卽雞彘·

漢趙氏岐曰·善養老者·教導之·使可以養其老者耳·非家賜而人益之也· 孟子註

唐蔚芝先生曰·舉一事而數善備焉者·其惟養老乎·孝弟之行所以深入人心者·惟在於此矣·昔殷紂嚚耆長而亡國·周厲王廢老成典型而流於虺·秦穆公違中壽而軍敗·詢黃髮而霸成·然則養老之禮·其可廢乎·洎乎後世·沿古時戎狄之俗·貴少賤老·而國事日益禁·是故枋政者·不欲治天下則已·欲治天下·必自敬禮老成始矣· 禮記大義

傳按養老之制·禮記王制則文王世子諸篇均詳言之·孟子亦屢言之·古代之敬禮老成人·稍習經史者·固無不知之矣·晚近世風丕變·人事紛紜·老成人多主持重·憚於改進·或不免有迂緩之弊·然閱歷深而思慮遠·要自有不可輕忽者在·用少壯者之銳氣·而尊重老成人之經驗·或亦宏濟艱難之一道乎·

君子學以聚之·問以辨之·寬以居之·仁以行之· 周易乾文言

○辨·剖決也。

元吳氏澄曰·學聚之以知其理·仁行之以行其事·問辨之·以審別所當行於學聚之後·寬居之·以存貯所已知於仁行之先·周易折中

顏淵季路○侍·子曰·蓋各言爾志○·子路曰·願車馬衣輕裘·與朋友共·敝之而無憾○·顏淵曰·願無伐善○·無施勞○·子路曰·願聞子之志○·子曰·老者安之·朋友信之·少者懷之○·論語公冶長

○劉氏賓楠曰·季路卽子路·季者·少長之稱·○孔子欲覘二子之志·故問其何不各言之也·○古本無輕字·裘是皮衣·敝·壞也·憾·恨也·言願以己之車馬衣裘與朋友共同用之·卽破壞而無所恨也·○伐·誇也·善謂有能·○施亦張大之意·勞謂有功·○子路問孔子之志向如何·○老者人年五十以上之通稱·少者指年少之人·言老者養之以安·朋友與之以信·少者懷之以恩·或曰·安之·安我也·信之·信我也·懷之·懷我也·

宋程子曰·夫子安仁·顏淵不違仁·子路求仁·論語集注

宋真氏德秀曰·學者且當從子路學起·必如子路之忘私·然後方可進步·不然·則物我之私橫於胸中·如蠶賊·如戈戟·安能有善不伐有勞不矜如顏子乎·况聖人地位·尤非始學之事·故必先學子路之忘私而後可·論語集註大全

唐蔚芝先生曰：車馬輕裘，做之無憾，祛爾我之見，公之至也。無伐善，無施勞，勞而不伐，有功而不德，厚之至也。而孔子之志，則老安友信少懷，蓋欲使萬物各得其所，天地之德也。反覆此章，豈特知聖賢分量之不同，蓋修身進德之次第，備於此矣。

· 論語新讀本

子食於有喪者之側，未嘗飽也○。 論語述而

○孔子臨喪則哀，食之不甘，故未嘗飽也。

○按禮記檀弓下：吊於人，是日不樂，行弔之日，不飲酒食肉焉。皆為錄與此節意

義相近。

子於是日哭，則不歌○。 同上

○哭謂弔哭，一日之內，餘哀未忘，故不歌也。

○按禮記曲禮上：臨喪不笑，望柩不歌，鄰有喪，春不相。以音聲相勸相蓋里有殯

· 不巷歌。歌於適墓不歌，執紼紼音弗不笑，與此節意義略同。

子釣而不綱○，弋不射宿○。 同上

○釣者，一竿屬一鉤而取魚也，綱者，以大繩屬細網，絕流而漁者也。言孔子取魚，止用釣而不

用網。○弋，以生絲繫矢而射也，宿謂栖宿之鳥。

子見齊衰者，冕衣裳者，與瞽者，見之雖少必作，過之必趨，論語子罕

○齊衰，周親之喪服，齊音咨，衰音催，○冕，冠也，衣，上服，裳，下服，冕前衣裳，貴者之盛服，○瞽音古，無目者，○少謂年少，作，起也，趨，疾行也，言見此三種人，雖是少年，坐則必爲之起立，經過其前必疾行也。

江希張先生曰：現在歐洲諸文明國，街上如有發喪出殯的，所有經過的路人，男子皆脫帽示敬，女子則畫十祝福，凡國家有任何典禮，衆人見國旗，聞國歌，卽肅然起立，凡見瞽者跛者，則乘車讓其先登，旣上車讓其先坐，這種良好的社會習慣，足以表現一國的文化程度，我們對於鰥寡孤獨廢疾的同類，如何可不表同情，對於代表國體或其典禮的人與物，如何可不表敬意，孔子欲以仁愛恭敬，移風易俗，如何能不如此，四書新編

師冕見○，及階，子曰階也，及席，子曰席也，皆坐，子告之曰，某在斯，某在斯，○師冕出，子張問曰，與師言之道與，○子曰，然，固相師之道也，○論語衛

靈公

○師，樂師，瞽者，名冕，見，謂來見孔子也，○再言某在斯，歷告以坐中人之姓名及所在處，○道謂禮也，師冕旣出，子張問孔子曰，此是與樂師言之禮歟，○相，助也，孔子答子張曰

·然·此固助導樂師之禮也·

傳按孔子之學·以仁爲主·故言仁最精·而指示門弟子求仁之方亦最切·其在人而以仁稱之者·惟微子箕子比干伯夷叔齊管仲顏回數人·以令尹子文陳文子之賢·均謂爲未知·焉得仁·子路冉求公西赤諸高弟·則曰不知其仁·觀論語所載·可考而知也·卽上述數事·雖一鱗一爪·而聖人之仁民愛物·亦足以略見其端矣

子曰·君子成人之美·不成人之惡·小人反是· 論語顏淵

○成者·誘掖獎勵以成其事也·君子見人行善·則助其成功·而不助人作惡也·○小人嫉賢樂禍·而成人之惡·不成人之美·故曰反是·

錢穆先生曰·君子成人之美者·仁也·不成人之惡者·直也·小人不仁不直·故不足
以成人之美·而反成人之惡焉· 論語要略

孟子曰·以佚道使民·雖勞不怨·○·以生道殺民·雖死不怨殺者·○· 孟子盡心上

○凡有關國之利害·民之存亡·則率之以戰戍勞作·民知所以保己也·雖勞而不怨矣·○殺此罪人者·其意欲生民也·故雖伏罪而死·不怨殺者·

積善之家·必有餘慶·積不善之家·必有餘殃·臣弑其君·子弑其父·非一朝一夕之故

其所由來者漸矣。由辯之不早辯也。周易坤文言

宋程子曰：天下之事，未有不由積而成。家之所積者善，則福慶及於子孫。所積不善

，則災殃流於後世。周易程朱傳義折衷

章太炎先生曰：世濟其美，則父慈子孝，兄友弟恭矣。此所謂餘慶。世濟其惡，則子

有弑父者矣。此所謂餘殃。對漢昌言

三三益之象曰：益，損上益下，民說无疆。自上下下，其道大光。周易下經

象：吐亂反。斷也。斷定一卦之義，所以名爲象也。居上者能自損益下，則民必說之无疆矣。

說與悅通。自上而降已以下，宜其道之大光顯也。

三三旅之象曰：山上有火，旅。君子以明慎用刑而不留獄。同上

旅卦艮下離上，艮爲山，離爲火。

元張氏清子曰：明則無遺情，慎則無濫刑，明慎既盡，斷決隨之。聖人取象於旅，正

恐其留獄也。周易折中

傳按禮記月令，謂仲春之月，命有司省囹圄，去桎梏。在手曰桎，在足曰梏，皆木械。毋肆掠，掠音亮，撻也。

帝曰：皋陶，惟茲臣庶，罔或干予正。汝作士，明于五刑，以弼五教。期于予

治·刑期于無刑·民協于中⑤·時乃功⑥·懋⑦哉·辜陶曰·帝德罔愆⑧·臨下以簡⑨
·御衆以寬·罰弗及嗣·賞延于世⑩·宥過無大·刑故無小⑪·罪疑惟輕·功疑惟
重⑫·與其殺不辜·寧失不經⑬·好生之德·洽于民心·茲用不犯于有司⑭·帝
曰·俾予從欲以治⑮·四方風動⑯·惟乃之休⑰·
書經大禹謨

⑤帝舜·⑥罔·無也·干·犯也·正·政也·⑦士·理官·弼·輔也·聖人之治·以德爲化民之本
·而刑特以輔其所不及而已·⑧期·當也·⑨言其始雖不免於用刑·而實所以期至於無刑之地·故
民亦皆能協於中道·⑩是汝之功·⑪懋·勉也·⑫愆·過也·⑬簡者·不煩之謂·⑭嗣世皆謂子
孫·然嗣親而世疏·延·遠及也·父子罪不相及·而賞則遠延於世·⑮過者·不識而誤犯也·故
者·知之而故犯也·過誤所犯·雖大必有·不忌故犯·雖小必刑·⑯罪已定矣·而於法之中·有
疑其可重可輕者·則從輕以罰之·功已定矣·而於法之中·有疑其可輕可重者·則從重以賞之·
⑰辜音孤·罪也·經·常也·謂法可以殺·可以不殺·殺之則恐陷於非罪·不殺又恐失於輕縱·二
者皆非聖人至公至平之意·而殺不辜者·尤聖人之所不忍·故與其殺之而害彼之生·甯姑全之而自
受失刑之責·⑱好生之德·入於民心·天下之人·無不愛慕感悅·興起於善·而自不犯於有司也
·⑲使我從心所欲以治·⑳教化四達·如風鼓動·㉑休·美也·言是汝之美也·

宋林氏之奇曰·聖人制刑·非期於刑殺人·凡以輔吾教之不逮而已·出教則入刑·出

刑則入教。使民趨教。而刑爲無用。是聖人之本心也。皋陶能體此意。使人知髮與伯夷之教。而不知有皋陶之刑。此舜之威德。惟皋陶能推明其意。而見於治功者然也。

書經傳說彙纂

傳按書經康誥。王武

王

曰。嗚呼封。

康叔之名

敬明乃罰。人有小罪。非眚。

非以過差爲之

乃惟終

乃欲終身行之

自作不典。法式爾。

常有厥罪小

乃不可不殺。乃有大罪。非終。乃惟眚

哉。適爾。

偶既道極厥辜

道直也已直窮其罪矣謂推問得實也

時是

乃不可殺。足爲宥過無大刑故無小二

句注脚。

王曰。吁。來。有邦有土。告爾祥刑。在今爾安百姓。何擇非人。何敬非刑。何度非及。兩造具備。師聽五辭。五辭簡孚。正于五刑。五刑不簡。正于五罰。五罰不服。正于五過。五過之疵。惟官惟反。惟內惟貨。惟來。其罪惟均。其審克之。五刑之疑有赦。五罰之疑有赦。其審克之。簡孚有衆。惟貌有稽。無簡不聽。具嚴天威。墨辟疑赦。其罰百緡。閱實。其罪。剕。辟疑赦。其罰惟倍。閱實其罪。剕。辟疑赦。其罰倍差。宮。辟疑赦。其罰六百緡。閱實其罪。大辟。疑赦。其罰千緡。閱實其罪。墨罰之屬。剕。千。剕。罰之屬。千。剕。罰之屬。五百。宮。罰之屬。三百。大辟之罰。其屬。二百。五

刑之屬三千①②。上下比罪③。無僭亂辭④。勿用不行⑤。惟察惟法。其審克之⑥。上刑適輕下服⑦。下刑適重上服⑧。輕重諸罰有權⑨。刑罰世輕世重⑩。惟齊非齊⑪。有倫有要⑫。罰懲非死。人極于病⑬。非佞折獄。惟良折獄⑭。罔非在中⑮。察辭于差⑯。非從惟從。哀敬折獄。明啓刑書胥占⑰。咸庶⑱。中正。其刑其罰。其審克之⑲。獄成而孚。輸而孚⑳。其刑上備㉑。有并兩刑㉒。王曰。嗚呼。敬之哉。官伯族姓㉓。朕言多懼。朕敬于刑。有德惟刑㉔。今天相民。作配在下。明清于單辭㉕。民之亂㉖。罔不中聽獄之兩辭。無或私家㉗。于獄之兩辭。獄貨非寶。惟府辜功㉘。報以庶尤㉙。永畏惟罰㉚。非天不中。惟人在命㉛。天罰不極。庶民罔有令政在于天下㉜。書釋呂刑 周穆王嘗諸侯及大官大族之言

①周穆王。②呼。歎也。③有國土諸侯。告汝以善用刑之道。④言當擇人。⑤敬。矜也。言當矜刑。⑥吳師北江曰。及。宜也。言當度其宜。⑦兩造者。兩爭者皆至也。周官以兩造聽民訟。具備者。詞證皆在也。師。斯也。五辭。入於五刑之辭。造七報反。⑧簡。核也。孚。驗也。正。要也。五辭簡核。信有罪驗。則要於五刑也。⑨不簡者。辭與刑參差不應。刑之疑者也。罰。贖也。疑於刑。則要於罰也。⑩不服者。辭與罰又不相應。罰之疑者也。過。誤也。謂聽獄者有五等失誤。

則下文所述之官反內貨來也。⊖⊖瘵，才斯反，病也。⊖⊖吳師曰，惟，有也，官讀爲道，謂出人罪也。反，謂幡異也。內，周內也，謂入人罪也。貨，賚也，來本作求，求讀爲賕，以財物枉法相謝也。賚謂聽獄者，謝謂訟者也。⊖⊖吳師曰，克核同字。⊖⊖刑疑有赦，正于五罰也。⊖⊖刑疑有赦，正于五過也。⊖⊖因貌，訊也，言核驗或多，惟訊鞠有以稽合之。⊖⊖言獄不核驗，不論以爲罪也。⊖⊖上帝臨汝，不敢有辜，髮之不盡。⊖⊖墨，刻額而涅之，卽黥也。辟，婢亦反，刑也。疑赦，言疑則赦從罰也。⊖⊖六兩曰錢，胡闕反。⊖⊖卽簡孚，簡孚，閔實，密克，文異而義同。⊖⊖則，魚器反，割鼻也。⊖⊖倍，二百錢。⊖⊖荆，扶沸反，則足也。⊖⊖倍而又差，五百錢也。⊖⊖宮，淫刑也。男子割勢，婦人幽閉。⊖⊖大辟是死刑。⊖⊖屬，類也。⊖⊖總計之也。⊖⊖比，例也。罪無正例，則以上下爲比例。⊖⊖吳師曰，鞠，勅之辭，必傳爰書，不得變亂。⊖⊖不行者，已廢之法，戒勿用之。⊖⊖吳師曰，察，別也，法，合也，宜別宜合，當審核也。⊖⊖事在上刑，而情適輕，則服下刑。⊖⊖事在下刑，而情適重，則服上刑。⊖⊖刑有輕重，以諸罰權之，權者，進退推移，以求其輕重之宜也。⊖⊖隨世而爲輕重，所謂刑新國用輕典，刑亂國用重典，刑平國用中典也。⊖⊖吳師曰，惟，是也，齊，一也，上下有等，是齊也，輕重隨宜，非齊也。⊖⊖倫，條理也，要，總會也。⊖⊖極，忌也，罰錢之懲，雖不至死，然人亦忌畏於病苦也。⊖⊖倭，利口也，非利口辯給之人可以折獄，惟溫良長者能折獄也。⊖⊖中，平也，折獄之道，無不在於平也。

①②差謂其差錯交互之處。③吳師曰。從。從也。非有從權。若從懼然。所謂哀矜也。敬卽矜字。
④⑤啓。別也。胥。皆也。明別刑書條例。皆占度之。⑥⑦庶。翼也。⑧⑨刑之罰之。又當審克之。⑩⑪成謂定獄。輸。更也。謂平反也。孚。信也。⑫⑬上備。卽上服也。或曰。言上其斷獄之書。當備情節也。⑭⑮一人而犯兩罪。斷獄以重條。而輕者并入之。或曰言罪雖重。亦并兩刑而上之也。⑯⑰此呼大官大族而告之。⑱⑲用刑正所以明德。⑳㉑明清者。明察也。清靖同字。審也。單辭。無證之辭。㉒㉓亂。治也。㉔㉕私家。私據之也。㉖㉗府。取也。功。事也。獄貨非可寶也。但取爲辜權事而已。㉘㉙尤試同字。罪也。㉚㉛畏。威也。威之以罰也。㉜㉝中。均也。在。終也。非天之不均。乃人自終其命。㉞㉟若使天罰不極。則衆人無有爲善政於天下者矣。

宋呂氏祖謙曰。穆王作書於旣毫。閱世故而察物情者亦熟矣。故古今狂獄。言之略盡。用刑者所宜盡心焉。書經傳說彙纂

吳師北江曰。蔡氏極論贖刑之非義。書經集傳然金作贖刑。自虞舜已然。且觀呂刑本指。五辭簡核。信有罪驗。則正之于五刑。不應五刑者。則正之于五罰。使出金贖罪。又不應五罰者。則正之于五過。從而赦免之。是其情罪當者。固無可議。罪當而情有可原者。始議贖罪之罰。情罪皆可原。則徑免之。而五過之疵。又付審核。刑罰之疑。亦付審核。核驗或多。以訊爲稽。無簡不聽。則亦慎之至矣。雖意主寬厚。固未嘗任

法以貸刑也。又曰：罰懲非死，人極于病二語，辨釋贖刑之旨，可謂明快之至。蓋罰緩贖罪，自古至今所不能廢。今世新律，以罰緩抵罪者尤多。斯固制刑者之精意也。其刑上備者，蓋輕重同犯，以輕罪并入重刑，不復科其輕者，有并兩刑者，兩罪同等，則但科以一罪，不復責其餘，皆取寬厚之意也。又曰：今天相民，作配在下，言天賦人權，本不當以刑罪苛虐之也。然既主張贖刑矣，又恐治獄者，貪於貨財以故入人罪也。故又明獄貨之非寶，以豫防之。報以庶尤永畏惟罰者，猶云此特懲之使畏而已。非天之不愛民也，乃民之不自愛者也。若天罰不極，則庶民罔有令政在于天下者矣。此刑之所以不得已，而必以謂有德惟刑者歟。今法學家謂至治之極，當并刑罰而廢免之，其義亦同此矣。

尙書大義

傳按刑者：天下之慘事也。死者不可復生，斷者不可復續，仁人之所痛心者也。然上古盛世，仍不免於刑者，蓋有不得已之苦衷在焉。易經繫辭曰：小人不恥不仁，不畏不義，不見利不勸，不威不懲，小懲而大誡，此小人之福也。又曰：小人以小善爲无益而弗爲也，以小惡爲无傷而弗去也，故惡積而不可掩，罪大而不可解，世不能無小人，卽不能無刑罰。大禹謨曰：刑期于無刑，期無刑而先之以刑者，期無刑，仁心也，刑則仁術也。

彼茁者葭①。壹發五豝②。于嗟乎騶虞③。

① 苗音抽。生出壯盛之貌。葭音加。蘆也。亦名葦。② 發。發矢。豝音巴。牡豕也。一發五豝。言一發矢而射五豝獸。五豝惟二發。不忍盡殺也。③ 騶虞。獸名。白虎黑文。不食生物。于音吁。

此記蒐田之時。

彼茁者蓬④。一發五豝⑤。于嗟乎騶虞⑥。

④ 蓬。草名。⑤ 一歲曰豝。音宗。小豕也。

騶虞二章。章三句。詩經召南

元劉氏玉汝曰。此詩專詠諸侯之仁。葭豝見其及物。騶虞見其本心。本心之仁。推行有序。親親而仁民。仁民而愛物者。序也。由本心之仁推行。已及於物。則其親親仁民。不言可知矣。狀仁之全。莫善於此詩。詩綴緒

是月⑦也。命樂正入學習舞⑧。乃脩祭典。命祀山林川澤。犧牲毋用牝⑨。禁止伐木。毋覆巢。毋殺孩蟲胎夭飛鳥⑩。毋麝毋卵⑪。毋聚大眾。毋置城郭⑫。掩骼埋胔⑬。

禮記月令

⑦ 孟春之月。⑧ 樂正。樂官之長。入學習舞。教學者以習舞之事。⑨ 不欲傷其生育。牝類忍反。⑩ 孩蟲。蟲之稚者。胎。謂在腹中未生者。夭。方生者。飛鳥。初學飛之鳥。⑪ 麝音迷。獸子之通稱。

● 惡者皆不得傷殺，所以蕃庶物。○爲助農事之始也。○骨枯曰櫛，骨格，肉腐曰糜，才踣反。
冬，晉春饑○，使乞糴○于秦，秦伯○謂子桑○，與諸乎，對曰，重施而報，君將何求。
● 重施而不報，其民必攜○，攜而討焉，無衆必敗，謂百里○，與諸乎，對曰，天災流行，國家代有，救災恤鄰，道也，行道有福，平鄭之子豹在秦，請伐晉○，秦伯曰，其君是惡，其民何罪，秦於是乎輸粟于晉，自雍○及絳○相繼，命之曰汎舟之役，左傳
僖公十三年

○麥禾皆不熟。○糴音狄，買穀也。○秦穆公。○卽公孫枝。○攜，離也。○百里奚。○平鄭，晉大夫，爲晉所殺，約請伐晉，欲爲父報怨也。○雍是秦國都城。○絳是晉國都城。

邾文公卜遷于繹○。史○曰：利於民而不利於君，邾子曰：苟利於民，孤○之利也。天生民而樹○之君，以利之也，民旣利矣，孤必與焉，左右曰：命可長也，君何弗爲○。邾子曰：命在養民○，死之短長，時也，民苟利矣，遷也，吉莫如之，遂遷于繹，五月，邾文公卒，君子曰：知命○。左傳文公十三年

○繹音亦，邾邑也。○邾太史掌龜卜者。○禮，凡自稱，小國之君曰孤，○樹，立也。○左右之意，謂不遷，命可長，勸君勿遷。○君之命，在於養民。○君子謂邾文公知天命之在民，不以死生惑其心，所謂知命也。

宋公子鮑^㊸禮於國人^㊹。宋饑。竭其粟而貸之。年自七十以上。無不饋^㊺也。時加羞^㊻珍異。無日不數^㊼於六卿之門。國之材人^㊽。無不事也。親自桓^㊾以下。無不恤也。

左傳文公十六年

○采昭公之庶弟。○總言接待之也。○羞。進也。○數音朔。不疏也。○材人。有賢材者。○桓指宋桓公。鮑之曾祖。

鄭子展卒。子皮即位^㊿。於是鄭饑而未及麥。民病^㊽。子皮以子展之命^㊾餼國人粟。戶一鐘^㊿。是以得鄭國之民。故罕氏常掌國政。以爲上卿。宋司城子罕聞之。曰。鄰於善。民之望也^㊿。宋亦饑。請於平公^㊿。出公粟以貸。使大夫皆貸。司城氏貸而不書^㊿。爲大夫之無者貸。宋無饑人。叔向聞之。曰。鄭之罕^㊿。宋之樂^㊿。其後亡者也。二者其皆得國^㊿乎。民之歸也。施而不德。樂氏加焉。其以宋升降乎^㊿。左傳襄公二十九年

○子皮即罕虎。代父爲上卿。○民病於乏食。○在喪。故以父命。○餼。許氣反。猶饋也。○六斛四斗曰鐘。○言鄭於善人。民亦望君爲善。○平公是宋國之君。○貸而不書於策。○指鄭子皮。○指宋子罕。○得掌國政。○隨宋盛衰。

君子之惡惡也疾始^㊿。善善也樂終^㊿。公羊傳僖公十七年

○上惡。烏路反。憎也。謂絕其始。則不終於惡。防微止漸之義。○謂始有善事。則終身善之。

君子之善善也長·惡惡也短·惡惡止其身⊙·善善及子孫·公羊傳昭公二十年

⊙不遷怒·

晉士匄帥師侵齊·至穀⊙·聞齊侯⊙卒·乃還·還者何·善辭也·何善爾·大其不伐喪也·此受命乎君而伐齊·則何大乎其不伐喪·大夫以君命出·進退在大夫也·公羊傳襄

公十九年

⊙穀是齊地·⊙齊襄公·

漢何氏休曰·士匄聞齊侯卒·引師而去·恩動孝子之心·服諸侯之君·是後兵寢數年·故善之也·

中國之固有道德卷四

愛

子曰 道千乘之國⊖，敬事而信⊙，節用而愛人⊙，使民以時⊙。 論語學而

⊖道·治也·千乘·諸侯之國·其地可出兵車千乘者也·⊙敬其事而信於民·⊙用指國用·節用者·不奢侈也·人謂人民·愛人者·愛護人民也·⊙使者·令也·時謂農隙之時·言令民服役·當在農隙之時·蓋我國是農業國家·不妨害農務·實政府所宜注意者也·

宋楊氏時曰·上不敬則下慢·不信則下疑·下慢而疑·事不立矣·侈用則傷財·傷財必至於害民·故愛人必先節用·然使之不以其時·則力本者不獲自盡·雖有愛人之心·而人不被其澤矣· 論語集注

萬章問曰·象⊖日以殺舜爲事·立爲天子·則放之·何也⊙·孟子曰·封之也·或曰放焉⊙·萬章曰·舜流共工于幽州·放驩兜于崇山·殺三苗于三危·殛鯀于羽山·四罪而天下咸服⊙·誅不仁也·象至不仁·封之有庠·有庠之人奚罪焉·仁人固如是乎·在人則諒之·在弟則封之·曰⊙·仁人之於弟也·不藏怒⊙焉·不宿怨⊙焉·親愛之而已矣·親之欲其貴也·愛之欲其富也·封之有庠·富貴之也·身爲天子·弟爲匹夫·可謂

親愛之乎。敢問或曰：放者何謂也？曰：象不得有爲於其國。天子使吏治其國。而納其貢稅焉。故謂之放。○豈得暴彼民○哉。雖然。欲常常而見之。故源源而來○。不及貢。以政接于有庠○。此之謂也。孟子萬章上

○象。贅叟後妻所生之子。舜之異母弟也。○萬章疑舜放象而不誅。或曰：放。流也。○孟子言舜實封之。而或者誤以爲放也。○此五句。書經堯典之文。○孟子之言。○藏匿其怒。○留蓄其怨。○萬章問放之意。○孟子答辭。○象不得自施政教。舜使人代爲之治。而納其所收之貢稅於象。有似於放。故或者以爲放也。○有庠之民。○來朝觀。○此二句。蓋古書之辭。謂不待及諸侯朝貢之期。而以政事接見有庠之君。孟子引以證源源而來之意。見其親愛之無已如此也。

宋真氏德秀曰：聖人不以公義廢私恩。故不以象之惡而不與之以富貴。亦不以私恩廢公義。故使之不得有爲於其國。以暴其民。舜之於象。仁之至。義之盡也。大學衍義

唐蔚芝先生曰：父子一體之所分。兄弟亦一體之所分。故休戚相共。不藏怒。不宿怨。仁人對於常人。無不如此。惟常人則可疏之遠之。而兄弟則惟有親愛之而已矣。親愛者。至性之所發也。夫兄之對於弟如此。則天下萬世之爲人弟者。親愛其兄當何如乎。孟子新讀本

賢者狎而敬之。畏而愛之。○愛而知其惡。憎而知其善。○積而能散。○安安而能遷。○

禮記曲禮上

○言賢者於其所狎能敬之。於其所畏能愛之。狎·習也。近也。○於其所愛·能知其惡·於其所憎·能知其善。○雖積財而能散施。○上安指心·下安指處·言雖安其所安·而能從義也。

子曰·立愛自親始○·教民睦也○·立敬自長始○·教民順也○·教以慈睦·而民貴有親○·教以敬長·而民貴用命○·孝以事親·順以聽命·錯諸天下·無所不行○·禮記祭義

○孔疏·人君欲立愛於天下·從親爲始·言先愛親也·○已愛親則人亦愛親·是教民睦·○欲立敬於天下·從長爲始·言先自敬長·○已能敬長·民亦敬長·是教民順·○睦則恩慈·故云慈睦·民既慈睦·則貴所有之親·○敬長·則民心和順·不有悖逆·故貴用上之教命·○言皆行也。

元陳氏澹曰·此言愛敬二道·爲齊家治國平天下之本·禮記集說

古之爲政·愛人爲大·不能愛人·不能有其身·不能安土·不能安土·不能樂天·不能樂天·不能成其身·禮記哀公問 孔子告哀公之言

元吳氏澄曰·愛人者·天下之人與我同一氣·故均愛之·有其身·謂吾身所受于天者·能全所付而有之也·能全所付·則隨其所處之地而能安·故曰安土·能安土·則此身常在天理中·無入而不自得·故曰樂天·夫如是盡性踐形·全體大用·於身無一虧

缺。故曰成身。禮記義疏

唐蔚芝先生曰。乾坤之所以不息者。愛情相團結。敬心相操持而已。孝經曰。愛親者。不敢惡於人。敬親者。不敢慢於人。孟子曰。仁者愛人。有禮者敬人。又曰。愛人不親反其仁。禮人不答反其敬。其身正而天下歸之。可見爲政必本於修身。而修身必始於愛敬。愛與敬爲政本。此大學忠恕之義。卽一貫之道也。治民者其能外於是哉。

禮記大義

子曰。夫民。教之以德。齊之以禮。則民有格。教之以政。齊之以刑。則民有遜。故君民者。子以愛之。則民親之。信以結之。則民不倍。恭以涖之。則民有孫。甫刑曰。苗民匪用命。制以刑。惟作五虐之刑曰法。是以民有惡德。而遂絕其世也。

禮記釋文

○整齊。○格。正也。○逃遁苟免。○謂慈以愛之。○倍音佩。背也。○涖音利。臨也。○孫音遜。順也。○書經呂刑。○高辛氏之末。諸侯有三苗者作亂。其治民不用政令。專制御之以嚴刑。乃作五虐蚩尤之刑。以是爲法。於是民皆爲惡。起倍畔也。三苗由此見滅無後。罪。非也。命謂政令也。

凡生天地之間者。有血氣之屬必有知。有知之屬莫不知愛其類。今是大鳥獸。則失喪

其羣匹。越月踰時焉。則必反巡。過其故鄉。翔回焉。鳴號焉。踳躅焉。踳躅焉。然後乃能去之。小者至於燕雀。猶有啁噍之頃焉。然後乃能去之。故有血氣之屬者。莫知於人。故人於其親也。至死不窮。禮記三年問

○則字與若字義同。○匹。偶也。○不行也。躳直亦反。躳治六反。○行不進也。踳音馳。踳音廚。○鳥聲。啁音周。噍音啾。○知音智。

傳按自世風丕變。道德淪亡。至權利衝突時。竟有父子相夷而宣告脫離者。至夫婦兄弟朋友間之乖戾悖謬。更不可究詰。今斥任何人爲鳥獸。無不勃然而怒。而孰知鳥獸之能愛其類也。嗚呼。

臣聞愛子。教之以義方。弗納於邪。驕奢淫佚。所自邪也。四者之來。寵祿過也。

左傳隱公三年 石碏諫衛莊公語

○義者。事之宜也。義方。謂義之矩度。○義不當爲而爲謂之邪。○驕謂恃己陵物。奢謂矜矜僭上。淫謂嗜欲過度。佚音逸。謂放恣無繫。

幼子常視毋誑。童子不衣裘裳。立必正方。不傾聽。禮記曲禮上

○視與示同。常示之以不可欺誑。所以習其誠。會子兒啼。妻云。兒莫啼。吾當與汝殺豕。兒聞輒止。妻後向會子說之。會子曰。勿教兒欺。卽殺豕食兒。是不許也。○裘太溫。非童子所宜。

• 裳之飾。非童子所便。

宋戴氏溪曰：常不毋誑，所以養其心也。不衣裘裳，所以養其體也。蓋不開其情僞之端，以育其正性，不傷其陰陽之和，以長其壽命。此古之成人所以多有德也。立必正方，不傾聽，則敬以直內，無傾邪之患矣。

禮記義疏

子皮欲使尹何爲邑○。子產曰：少○。未知可否。子皮曰：愿○。吾愛之。不吾叛也。使夫○往而學焉。夫亦愈知治矣。子產曰：不可。人之愛人，求利之也。今吾子愛人則以政○。猶未能操刀而使割也。其傷實多○。子之愛人，傷之而已。其誰敢求愛於子。子於鄭國，棟也。棟折榱崩○。僑○將厭焉○。敢不盡言。子有美錦，不使人學製焉。大官大邑，身之所庇也。而使學者製焉，其爲美錦，不亦多乎○。○。僑聞學而後入政。未聞以政學者也。若果行此，必有所害。譬如田獵，射御貫○，則能獲禽。若未嘗登車射御，則敗績厭覆是懼，何暇思獲。子皮曰：善哉。虎○不敏，吾聞君子務知大者遠者，小人務知小者近者。我小人也。衣服附在吾身，我知而慎之。大官大邑，所以庇身也。我遠而慢之。微○子之言，吾不知也。

左傳襄公三十一年

○爲邑大夫。○尹何年少。○愿，謹善也。○夫晉扶，猶彼也。此謂尹何。○以政與之。○多自傷。○榱，所迫反。榱也。棟所以架榱。棟毀折則榱崩壞矣。○僑是子產之名。○厭，於甲反。屢壞。

則人將覆壓。故云。⊙言官邑之重。多於美錦。⊙貫。古患反。習也。⊙虎是子皮之名。⊙微。無也。

備按史記循吏列傳稱子產治鄭二十六年而死。丁壯號哭。老人兒啼。曰。子產去我死乎。民將安歸。人民之愛戴如此。蓋能洞悉治本。愛人以德也。

孔子曰。君子有三戒。⊙少之時。血氣未定。戒之在色。⊙及其壯也。血氣方剛。戒之在鬪。⊙及其老也。血氣既衰。戒之在得。⊙ 論語季氏

⊙君子之人。自少及老。有三種戒慎之事。⊙血與氣。乃人之形體所賴以生存者也。少年血氣未定。正是知好色。慕少艾之時。偶一不慎。則陷入情網而不能自拔矣。故戒之在色。此一戒也。⊙禮記曲禮云。三十曰壯。凡人在三十歲至四十歲時。血氣最旺。好勝心亦最盛。故戒之在鬥。鬥。猶爭也。不僅指手搏械鬥而言。意氣之爭。亦是鬥也。此二戒也。⊙得。貪得也。年老之時。血氣已衰。常思爲子孫謀福利。往往貪財好利。故戒之在得。此三戒也。

宋范氏祖禹曰。聖人同於人者。血氣也。異於人者。志氣也。血氣有時而衰。志氣則無時而衰也。少未定。壯而剛。老而衰者。血氣也。戒於色。戒於鬪。戒於得者。志氣也。君子養其志氣。故不爲血氣所動。是以年彌高而德彌劭也。 論語集注

孔子曰。君子有九思。⊙視思明。⊙聽思聰。⊙色思溫。⊙貌思恭。⊙言思忠。⊙事思

敬④。疑思問④。念思難④。見得思義⑤。同上

④君子嚴於所思。而約之有此九端。⑤明。清明也。視無所蔽。則明無不見。⑥聰。明也。通也。聽無所壅。則聰無不聞。⑦色。即面上之顏色。言面色要溫和也。⑧貌。即容貌。言待人接物。容貌不忘恭敬也。⑨言是言語。忠者誠實之謂。謂發言須誠實也。⑩敬。恭也。言行事要恭敬。不可輕忽也。⑪言有疑惑時。常想向有識者問明白也。⑫忿。怒也。言當忿怒時。想及因忿怒而發生之患難。不肯逞一朝之忿。忘其身以及其親也。⑬言遇可得之利益。則思其得之是否能合於義。而不欲苟得也。

唐蔚芝先生曰。視聽色貌言事六者。皆當盡其天則。疑問所以盡其好學之誠。思難思義。則遏欲之功也。論語新說本

備按三戒九思。皆君子自愛愛人之道也。

孟子曰。舜發於畎畝之中①。傅說舉於版築之間②。膠鬲舉於魚鹽之中③。管夷吾舉於士④。孫叔敖舉於海⑤。百里奚舉於市⑥。故天將降大任⑦。於是人也。必先苦其心志。勞其筋骨。餓其體膚。空乏⑧其身。行拂⑨亂其所爲。所以動心忍性。曾益其所不能⑩。⑪人恆過⑫。然後能改。困於心。衡於慮⑬。而後作⑭。徵於色。發於聲⑮。而後喻⑯。入則無法家拂士。出則無敵國外患者。國恆亡⑰。然後知生於憂患而

死於安樂也①②。孟子告子下

舜即虞舜。一畝之間。廣尺深尺曰畝。昔猶。今諷犬。舜初爲農人。耕於歷山也。③傳說築傅巖。商王武丁舉以爲相。版築者。以兩板相夾。而置土其中。以杵擊之。說蓋曾爲泥水匠也。④膠鬲。商之賢人。遭紂之亂。販賣魚鹽。周文王遇而舉之。⑤管夷吾即管仲。爲春秋時之大政治家。初助公子糾。與齊桓公爭國。失敗後。被囚於獄。後桓公舉以爲相國。士即獄官也。⑥孫叔敖耕於海濱。楚莊王舉之。以爲令尹。⑦百里奚知虞將亡。去而適秦。秦穆公舉以爲相。而戰國時則有百里奚自鬻於秦。爲人養牛之傳說。孟子雖深斥之。然此曰舉於市。莊子亦言百里奚飯牛而牛肥。則養牛自是實事也。⑧大任。使之任大事也。⑨空。窮也。行而無資曰乏。⑩拂。逆也。⑪唐時芝先生曰。能動能忍。而後能增益其所不能。否則不能者終於不能而已。動。驚也。忍。耐也。曾與增同。⑫恒。常也。言常自覺其過失也。⑬二句悔自內出。衡與橫同。猶察也。⑭作。奮起也。⑮二句罪自外至。微。驗也。言聲色俱厲也。⑯喻與諷同。曉也。⑰入謂國內也。法家。法度大臣。拂同弼。拂士。輔弼之士。出謂國外也。言內無正直之臣輔佐。外無敵國可憂。則凡庸之君。驕慢荒怠。國常以此亡也。⑱明王氏樵四書紹聞編云。今人多以憂患爲逆境。安樂爲順境。不知生人乃在憂患。死人乃在安樂。蓋憂患逆其情欲。而在其戒慎之心。此所以生也。安樂順其情欲。而滋其怠肆之意。此所以死也。倅按憂患而不乾乾惕厲。則其慮不遠。未必能生。安樂而

不懈怠放肆。則其志不荒。仍可不死。惟稍有志氣者。憂患多知自奮。非識量遠大者。安樂鮮不怠肆。孟子之言。洵警世之良箴也。

清羅氏澤南曰。凡人當富貴時。其欲易遂。人亦皆順其意。所以於世事之艱難險阻。多有不知。惟當困苦時。行事皆不如意。險阻艱難。嘗之殆盡。是以於人情世故。無不備悉其曲折。大凡人之真情。晏安之時易汨。急迫之時常發。心有所不忍爲之事。境遇迫之以必爲。則惻隱之心。不禁油然而生。心有所不能受之事。境遇驅之以必受。則羞惡之心。不禁愧然以動。耳目口體之欲。亦氣稟之性所不能無者。命實不猶。只得忍耐。他如躁暴難制。到幾經頓挫。氣自能平。由是而動心。則本然之良日充。由是而忍性。則物欲之私日窒。前日之所不能。今則增益其所不能。可以當大任而不可難矣。貧賤憂戚。玉汝於成。豈虛語哉。孟子新讀本引

唐蔚芝先生曰。此章教訓國民。最爲有益。吾國國民精神。所以因循而不能振作者。皆由於依賴之劣性。依賴則不能自立。不能自立。則欺詐誑騙。靡所不爲。故人道以自立爲最要。天降大任。特孟子之借詞。在人之自任耳。苦其心志。勞其筋骨等。乃人生必須經驗之事。若人而不能苦。不能勞。不能餓。直廢物耳。故堅苦卓絕。爲人道中第一格。人格

傳按孟子所引六人。當其微時。舜爲農夫。傅說爲工匠。膠鬲爲商人。管夷吾爲囚犯。孫叔敖爲海濱之民。而百里奚有爲奴之說。囚與奴無論矣。卽農工商與海濱之民。亦流俗之所輕視者也。及其受大任。成大業。卒流芳百世。可見有志氣者。決不爲惡劣環境所屈伏。而能奮發以自造環境。此卽聖賢豪傑之所以超越常人也。至勞其筋骨。餓其體膚二句。實與西哲所云偉大之事業。寓於健全之身體暗合。誰謂古昔聖賢不注意體育哉。

孟子曰。養心莫善於寡欲。其爲人也寡欲。雖有不存焉者寡矣。其爲人也多欲。雖有存焉者寡矣。孟子盡心下

○欲。如口鼻耳目四支之欲。與慾同。謂嗜欲也。○不存與存。均指本心而言。嗜欲寡。則外物不能誘之。故本心存而不放。嗜欲多。則心爲外物所誘。故本心存者少矣。

宋王氏應麟曰。養心莫善於寡欲。注云。欲。利也。雖非本指。廉者招福。濁者速禍。亦名言也。道家者流。謂丹經萬卷。不如守一。愚謂不如孟子之七字。不養其心。而言養生。所謂舍爾靈龜。觀我朵頤也。困學紀聞

唐蔚芝先生曰。養心。積極之事也。寡欲。消極之事也。未有不寡欲而能養心者也。存者何。存理義之心也。聖賢亦不能無欲。惟於念慮未發之先。莊敬以清明之。念慮

已發之後。察識以辨別之。合於理者存之。不合於理者去之。則夫理義之心。雖有不存焉者寡矣。人之嗜欲。以聲色貨利爲大端。而貨利之爲害尤烈。專利而不厭。計較日益精。機變日益巧。於是其心刻。久之。而其心邪。又久之。而其本心愈斷愈喪。雖有存焉者寡矣。 孟子新讀本

傳按莊子大宗師篇云。其耆欲深者。其天機淺。宋史皇甫坦傳。召問以長生久視之術。坦曰。先禁諸欲。勿令放逸。足徵道家之修養術。亦以寡欲爲先務也。

三三益之象曰。風雷益。君子以見善則遷。有過則改。 周易下經

○益卦巽下巽上。巽爲風。震爲雷。

元胡氏炳文曰。雷與風自有相益之勢。速於遷善。則過當益寡。決於改過。則善當益純。是遷善改過。又自有相益之功也。 周易折中

蔽芾甘棠。勿剪勿伐。召伯所茇。

○蔽芾。小貌。或曰盛貌。甘棠。杜梨也。芾音廢。○薈。薈其枝葉。伐。伐其條幹。○召伯姓姬。名爽。食采於召。後封于燕。○芾。蒲扇反。草舍也。

蔽芾甘棠。勿剪勿敗。召伯所憩。

○敗。折也。○憩音器。息也。

蔽芾甘棠·勿剪勿拜⊙·召伯所說⊙·

⊙拜之言拔也·或曰·拜·屈也·⊙說晉稅·舍也·

甘棠三章·章三句· 詩經召南

宋朱子曰·召伯循行南國·以布文王之政·或舍甘棠之下·其後人思其德·故愛其樹而不忍傷也· 詩經集傳

元劉氏玉汝曰·甘棠所以蔽芾者·以人愛之故也·屢稱蔽芾·數戒以勿·辭意愈至·則不特愛之於今日者愈深·而愛之於後來者·尤未見其已也·諷詠之自可見· 詩經精

是月⊙也·日長至⊙·陰陽爭⊙·死生分⊙·君子齊戒⊙·處必掩身·毋躁·止聲色·毋或進·薄滋味·毋致和·節者⊙欲·定心氣· 禮記月令

⊙仲夏之月·⊙至·猶極也·夏至日長之極·⊙陰氣始起於下·盛陽強蓋其上·故爭·⊙物之感陽氣而方長者生·感陰氣而已成者死·此死生分判之際也·⊙湛然純一之謂齊·肅然警惕之謂戒·齊音齋·⊙者音嗜·

元陳氏澹曰·齋戒以定其心·掩蔽以防其身·毋或輕躁於舉動·毋或御進於聲色·薄其調和之滋味·節其諸事之愛欲·凡以定心氣而備陰疾也· 禮記集說

晉公子重耳之及於難也·晉人伐諸蒲城⊙·蒲城人欲戰·重耳不可·曰·保君父之命而

享其生祿⊖。於是乎得人。有人而校⊖。罪莫大焉。吾其奔也⊖。遂奔狄⊖。從者狐偃趙衰顛頤魏武子司空季子⊖。狄人伐廆咎如⊖。獲其二女叔隗季隗。納諸公子。公子取季隗。生伯儵叔劉⊖。以叔隗妻趙衰。生盾。將適⊖齊。謂季隗曰。待我二十五年不來而後嫁。對曰。我二十五年矣。又如是而嫁。則就木⊖焉。請待子。處狄十二年而行⊖。⊖。過衛。衛文公⊖不禮焉。出於五鹿⊖。乞食於野人。野人與之塊⊖。公子怒。欲鞭之。子犯曰。天賜也。稽首受而載之⊖。及齊⊖。齊桓公妻之。有馬二十乘⊖。公子安之。從者以爲不可。將行。謀於桑下。蠶妾在其上⊖。以告姜氏。姜氏殺之⊖。而謂公子曰。子有四方之志。其聞之者。吾殺之矣。公子曰。無之。姜曰。行也。懷與安。實敗名⊖。公子不可。姜與子犯謀。醉而遣之。醒。以戈逐子犯⊖。⊖。及曹。曹共公⊖聞其駢脅⊖。欲觀其裸⊖。浴。薄而觀之⊖。僖負羈⊖之妻曰。吾觀晉公子之從者。皆足以相國。若以相。夫子⊖必反其國。反其國。必得志於諸侯。得志於諸侯。而誅無禮。曹其首也⊖。子盍蚤自貳焉⊖。乃饋盤飧。寘璧焉⊖。公子受飧反璧。及宋。宋襄公⊖贈之以馬二十乘。及鄭。鄭文公⊖亦不禮焉。叔詹⊖諫曰。臣聞天之所啓。人弗及也。晉公子有三焉。天其或者將建諸⊖。君其禮焉。男女同姓。其生不蕃。晉公子。姬出也。而至於今⊖。一也。辭外之患

·而天不靖晉國·殆將啓之⑤⑥·二也·有三士⑦⑧·足以上人·而從之·三也·晉鄭
同儕⑨⑩·其過⑪⑫⑬子弟·固將禮焉·況天之所啓乎·弗聽·及楚·楚子嚭之⑭⑮·曰
·公子若反晉國·則何以報不穀⑯⑰·對曰·子女玉帛·則君有之·羽毛齒革·則君地
生焉·其波及晉國者·君之餘也·其何以報君·曰·雖然·何以報我·對曰·若以君之
靈⑱⑲·得反晉國·晉楚治兵·遇於中原·其辟君三舍⑳㉑·若不獲命㉒㉓·其左執鞭
弭·右屬橐韃·以與君周旋㉔㉕·子玉請殺之㉖㉗·楚子曰·晉公子廣而儉·文而有禮
㉘㉙·其從者肅而寬·忠而能力㉚㉛·晉侯無親·外內惡之㉜㉝·吾聞姬姓·唐叔之後
·其後衰者也·其將由晉公子乎㉞㉟·天將興之·誰能廢之·違天必有大咎·乃送諸秦
㊱㊲·秦伯㊳㊴納女五人·懷贏㊵㊶與焉·奉匭沃盥㊷㊸·旣而揮之·怒曰·秦晉匹也
·何以卑我㊹㊺·公子懼·降服而囚㊻㊼·他日·公享之·子犯曰·吾不如衰之文也·
請使衰從·公子賦河水㊽㊾·公賦六月㊿①·趙衰曰·重耳拜賜·公子降拜稽首·公降
一級而辭②③焉·衰曰·君稱所以佐天子者命重耳·重耳敢不拜因④·二十四年春王正
月⑤⑥·秦伯納之·不書·不告入也⑦⑧·及河⑨⑩·子犯以璧授公子·曰·臣負羈絏
從君巡於天下·臣之罪甚多矣·臣猶知之·而況君乎·請由此亡·公子曰·所不與舅氏
同心者·有如白水·投其璧於河⑪⑫·濟河·圍令狐⑬⑭·入桑泉⑮⑯·取白衰⑰⑱·

二月甲午·晉師軍於廬柳④。秦伯使公子繫如晉師⑤。師退·軍於郇⑥。辛丑·狐偃及秦晉之大夫盟於郇·壬寅·公子入於晉師⑦。丙午·入於曲沃⑧。丁未·朝於武宮⑨。戊申·使殺懷公於高梁⑩。不書·亦不告也。左傳僖公二十三年二十四年

○晉公子重耳·即晉文公·其父獻公以寵姜驪姬之譖·殺太子申生·重耳奔蒲·獻公使人披伐之·事在僖公五年。○保猶特也·享·受也·生祿·養生之祿邑。○校謂計較·引申爲爭取勝負之義。○重耳除垣而走·寺人披斬其祛。○狄·中國古代種族名·多散處北方。傳按史記十二諸侯年表·晉獻公二十二年·重耳奔狄·二十五年·伐狄·以重耳故·足徵獻公惑於驪姬·欲得重耳而甘心焉·重耳不奔中原各國·而獨奔狄·蓋知晉國強大·懼引渡也。○五人皆晉臣·而從重耳出奔者·狐偃字子犯·重耳之舅也·重耳歸國稱霸·偃之謀爲多·趙衰字子餘·魏武子·即魏犢·武子·其諡也·與頤頡並以材武稱·司空季子·即胥臣曰季·因官司空·故有此稱·衰晉崔·頡晉榮。○屬咎如·狄之別種·姓隗·屬晉籍·咎晉高。○季隗生二子·長曰伯儻·次曰叔劉·隗五罪反·僑晉壽·○適·往也。○就木·謂入棺死也。○重耳於魯僖公五年奔狄·至是晉惠公欲使狄人殺之·故行·時僖公十六年也。○衛文公·姓姬名燬·性儉約·左傳稱其大布之衣·大帛之冠·爲衛國中興之主。○五鹿·衛地名。○塊·土塊也。○晉杜氏預注·得土爲有國之祥·故以爲天賜·稽首·叩頭也·重耳稽首謝天·受土塊而載于車·俾接子犯·眞政治家也·天賜一語·

妙用無窮。其尤顯著者。舉重耳之志。一也。固從者之心。二也。(國語晉語。子犯曰。天賜也。民以土服。又何求焉。天事必象。十有二年。必獲此土。二三子志之。)解野人之困。三也。夫以久處北狄之人。甫入中原。即受重大之侮辱。固人情之所難堪也。在變憤交煎之際。忽得斯言。困難立解。子犯可謂智矣。而重耳一聞此語。即見風轉舵。稽首受而載之。其機警亦不可及哉。(金松岑先生曰。史記十二諸侯年表。重耳聞管仲死。去菑之齊。則重耳之不早至齊。蓋亦以管仲爲一世之雄。恐不能容己故也。①②四馬爲乘。二十乘。八十四。③④竊妾。養蠶之婢妾。適采桑于其上。⑤⑥姜氏爲重耳之妻。時齊桓公已卒。姜氏恐孝公怒其去。故殺妾以滅口。⑦⑧懷。眷戀也。謂戀其所愛。安其所居。實足以敗壞功名。⑨⑩杜注。無去志。故怒。⑪⑫曹共公。姓姬名襄。共音恭。⑬⑭駢脅。腋下肋骨相連如一骨也。⑮⑯裸。赤體也。以非裸不可見其駢脅也。⑰⑱薄音卜。迫也。曹共公伺重耳沐浴而浴。乃迫近而觀之。或曰。薄。簾也。⑲⑳僖負羈。曹大夫。韞音基。㉑㉒夫子指重耳。㉓㉔言曹將先受討伐。僖公二十八年。晉果伐曹。㉕㉖自貳。自別異於曹也。謂僖負羈何不及早自別異于曹。蚤與早通。㉗㉘人臣無境外之交。故置璧煢中。不欲令人見也。熟食曰煢。音孫。㉙㉚宋襄公。姓子名茲父。春秋五霸之一。㉛㉜鄭文公。姓姬名捷。㉝㉞叔詹。鄭大夫。與堵叔師叔同執鄭政。有賢聲。㉟㊱言重耳有三種特點。天意或欲建立之也。㊲㊳重耳爲大戎狐姬所生。大戎乃周武王之子唐叔之子孫別居於狄者。周爲姬姓。故曰姬出。其父母同姓結婚

·宜不蕃盛矣。而重耳得生存於今日。⑤⑥啓。開也。謂重耳遭蘧蕪之難。出奔在外。而天不安靖晉國。使多禍亂。是欲開導重耳使之復國也。⑤⑦三士。指狐偃趙衰賈佺。正義引晉語。宋公孫圜言於襄公曰。晉公子好善不厭。父事狐偃。師事趙衰。而長事賈佺。此三人者。實左右之。公子居則下之。動則諮焉。⑤⑧杜注。儕。等也。松岑先生曰。周之東遷。晉鄭焉依。故云。⑤⑨過。謂經過也。⑥⑩楚子指楚成王。大欽賓曰饗。晉享。⑥⑪穀。善也。不穀謂不善。古時諸侯自稱之謙辭。倬按楚子此問。蓋欲以探重耳之志也。⑥⑫蔽。威震也。⑥⑬辟同避。三十里爲一舍。三舍。九十里也。言晉兵當退九十里而避楚兵。所以報君之德也。⑥⑭若退避三舍之後。而楚猶不止兵。是不得命也。⑥⑮杜注。弭。弓末無緣者。屬。著也。周旋。相追逐也。弭晉救。屬晉燭。屬晉高。蔽前之器。擬晉健。藏弓之器。倬按重耳答辭。磊落之極。大丈夫甯爲玉碎。不爲瓦全。在稠人廣衆之中。決無向人屈伏之理。况楚爲野心國家。若稍懦怯。卽爲挾制矣。安能於得國之後。與之爭雄長乎。重耳迭遭顛沛。卒成霸業。其氣概自有過人之處也。⑥⑯子玉。楚臣。畏重耳志大。故請殺之。⑥⑰晉公子。指重耳。廣大者易至於憎侈。而公子能修之以儉。文華者易至於傲慢。而晉公子之從者則忠實而有能力。⑥⑱晉侯。指晉惠公。重耳之弟。其國外之諸侯。國內之臣民。皆厭惡之。⑥⑲唐叔名虞。周武王之子。其兄成王封之於唐。是晉之祖先。言吾聞姬姓之中。唐叔

之後奮衰敗在他國之後。其將由重耳而中興乎。⑤倅按楚子送重耳至秦。蓋恐子玉殺之。而違天獲咎也。⑥秦伯即秦穆公。姓嬴名任好。娶重耳之姊。爲春秋五霸之一。⑦懷嬴是晉懷公在秦時所娶之婦。⑧奉同捧。匯音移。盛水器也。沃。澆水也。盥音灌。洗手也。言懷嬴捧盛水。爲重耳澆水洗手也。⑨揮與麾通。言重耳洗手後。麾之使去。懷嬴怒其卑視。故有秦晉匹也何以卑我之言。⑩杜注。去上服。自拘囚以謝之。倅按重耳欲依秦國。不得不爾也。⑪河水。逸詩。義取河水朝宗於海。海喻秦。⑫六月。見詩經小雅。道尹吉甫佐周宣王征伐。喻公子還晉。必能匡王國。⑬辭。答謝也。下階一級而答謝。⑭六月之詩。首章言匡王國。次章言佐天子。故趙衰言秦伯以此望重耳。重耳敢不拜謝秦伯之厚賜乎。⑮王正月。周襄王之正月。孔子因魯史作春秋。故以魯紀年。而仍書王正月。示周之正朔猶行於天下也。⑯謂春秋不書秦納重耳於晉。因秦晉未來告。來告。告魯國也。此爲左氏釋春秋書法之辭。⑰將欲渡河。⑱羈。馬絡頭也。羈。馬羈也。負羈從君巡於天下。言從君奔走天下也。指河水爲誓。猶詩言謂予不信。有如皦日之意。松岑先生曰。狡兔死。走狗烹。高鳥盡。良弓藏。史事不數見。况晉文之雄主乎。子犯乃先發制人。白水一誓。勝於丹書鐵券之賜也。倅按重耳雖有雄才大志。然公子氣仍未去也。觀其安於齊而不欲行。其懷與安亦可親矣。子犯以甥舅之親。深知其性情。目擊其行爲。預防得國之後。安富尊榮。或竟無所作爲。遂不惜於渡河之前。要其設誓。俾重耳之功業得以成就。己之才猷亦

獲展布·用心亦良苦矣·昔賢詆其奸詐·殊非篤論·謂爲自全之計·或亦淺之乎視子犯矣·④⑤令狐·晉地·在今山西猗氏縣·⑥⑦桑泉·在今山西解縣西·⑧⑨曰衰·在解縣東南·⑩⑪晉師·晉懷公之軍隊·軍於唐柳·欲以拒重耳也·唐柳在今猗氏縣境·⑫⑬公子繫·秦大夫·如·往也·言秦穆公使公子繫往晉懷公之軍隊中也·⑭⑮⑯今解縣西北之郛城·郛晉荀·⑰⑱倬按盟晉荀·誓約也·子犯與秦晉之大夫相誓約·而重耳乃得安然入晉師矣·⑲⑳曲沃·今山西聞喜縣·㉑㉒武宮·重耳祖晉武公之廟·㉓㉔懷公·惠公之子·繼惠公爲晉君·高粱·今山西臨汾縣高粱都·唐蔚芝先生曰·讀此文應玩其困心橫慮·徵色發聲之處·且徵建大事業者·必出於憂患之中·可增志氣十倍·國文經緯貫通大義

魯按重耳之成功·主要之原因有三·自愛·一也·愛人·二也·爲人所愛·三也·在流亡之時·雖備嘗艱險·仍不失英雄之志·是自愛也·以叔隗妻趙衰·投璧誓水·以留狐偃·是愛人也·至於爲人所愛·從亡之人無論矣·季隗願待·姜氏請行·是其妻愛之也·離晉甚久·歸國極順·是國人愛之也·齊桓公宋襄公楚子秦伯均加優遇·是異國之君愛之也·僖負羈饋餼置璧·叔詹諫鄭文公禮之·是異國之臣愛之也·惟能自愛愛人·故能受人愛戴·功侔齊桓·非偶然也·又按常人之情·得志則趾高氣揚而驕人·失意則垂頭喪氣而自卑·不知處順境時·附我者固衆·忌我者亦

多·必不可驕人以賈將來之禍·在逆境時·人既不敬我愛我·必自愛·自愛·乃能維持現在之地位·試思重耳乞食之時·其困苦何如·其自尊自愛又何如·願風塵中之志士·善則效之·

中國之固有道德卷五

信

子貢問政。○子曰：足食足兵。民信之矣。○子貢曰：必不得已而去。於斯三者何先？○曰：去兵。○子貢曰：必不得已而去。於斯二者何先？○曰：去食。自古皆有死。民無信不立。○

論語類淵

○端木賜字子貢。問爲政之道。○孔子答以足食足兵民信之矣。三者爲政治之綱要。食卽糧食。兵兼指士卒軍器言之。民信之者。使人民信仰政府也。○又問至必不得已時。三者之中。須去其一。則宜以何者爲先。○孔子答以去兵。○再問至必不得已時。二者之中。仍須去一。則宜以何者爲先。○孔子答以去食。又告之以自古皆有死。民無信不立。民無食必死。然死者人之所必不免。無信。則雖生而無以自立。不若死之爲安。故甯死而不失信於民。使民亦甯死而不失信於我也。明李氏顥曰：兵食固爲政先圖。而固結人心。尤經濟要務。蓋民心乃國脈所繫。國所恃以立者也。必平日深得民心。上下相信。斯有事民咸急公。不忍離貳。未亂可保不亂。旣亂可保復治。否則人心一失。餘何足恃。隋洛口倉。唐瓊林庫。財貨充盈。米積如山。而且戰將林立。甲騎雲屯。不免國亡家破者。人心不屬故也。善爲政者。尙

念之哉。四書反身錄

唐蔚芝先生曰：天下所以難治者，在於民不知有信。自古皆有死，民無信不立。聖人之言，和易以緩，未有若斯之斬截者也。於字義人言爲信，無信而無以爲言，無信而無以爲人也。民無信不立，無信而不能立國，無信而不能立於天地之間也。論語新讀本江希張先生曰：世界之大，民族之多，無論何時何地，人類如欲相處相安，全待忠信。西諺曰：忠信是最好的方針。西哲康德會舉例以明之。他說：今有人欲苟免急難，而漫作僞諾，果有利乎？蓋目前之急，未必可以僞諾免，而一旦失信於人，其所遺之後患，當更甚於今日之所求免者。然則何若守道以行事，養成不僞習慣之爲愈耶。且試問我今所行之僞，若普徧應用，我能甘心否？蓋此而普徧，則世間當不復有可信賴之事，行見他人以我之道，還諸我之身耳。夫必自敗無疑也。孔子說：民無信不立。因爲無信則不能相安，不相安則自相疑忌殘殺，而天下亂矣。四書新編

子夏曰：君子信而後勞其民，未信，則以爲厲己也。信而後諫，未信，則以爲謗己也。論語子夏

○君子謂在位之人，信謂誠意愧怍而人信之也。厲猶病也。言在上位者，當先示信於民，然後勞役其民，則民忘其苦。若民未信己，而遽勞役之，則民以爲病己而牽其私矣。○對於國君，必先使其

信已。而後可以諫君之失。若未信已。而遽稱其過失以諫諍之。則君必以爲毀謗。而反招禍患矣。明鹿氏善繼曰。勞與諫本不可少。然兩事在民與君卻難受。故不可驟用。信就平日言。除勞外。尙有應先布之恩澤。除諫外。尙有應先盡之職業。此是用力處。到得既信。而勞不爲厲。諫不爲謗。是得力處。論語述義引

子曰。君子進德修業。忠信。所以進德也。修辭立其誠。所以居業也。周易乾文言

清錢氏澄之曰。一念不肯自欺。則用力真實。是進德之事。一言不肯自欺。則言行合

一。是居業之事。周易費氏學引

馬浮先生曰。誠者。真實无妄之理。業卽是行。居者。止其所而不遷之謂。言君子修治其言辭。與實理相應。此理確立。然後日用之間。不更走作也。復性書院講錄

三三大有之六五○。厥孚交如○。威如吉○。象曰。厥孚交如。信以發志也○。威如之吉。易而无備也○。周易上經

○六爲陰爻。五謂自下而上第五爻。○厥。其也。孚。信也。居尊以柔。處大以中。无私於物。上下應之。故其孚交如也。○居上之道。太柔則賤。當以威濟之則吉。○一人之信。足以發上下之志也。○太柔則人將易之。而无畏備之心。

明蔡氏清曰。上下交孚。推厥本原。則由上發其孚。周易費氏學引

清丁氏壽昌曰：六五爲大有之主，上下五陽應之，不獨九二也。故彖傳曰：柔得尊位大中而上下應之，卽指此文。 讀易會通

三三習坎☵之象曰：習坎，重險也☵。水流而不盈，行險而不失其信☵。維心亨，乃以剛中也。行有尙，往有功也☵。天險不可升也。地險山川丘陵也。王公設險以守其國。險之時用大矣哉☵。 同上

☵坎是險陷之名。習者，便習之義。險難之事，非經便習，不可以行。須便習於坎，事乃得用。故云習坎。☵上下皆坎，兩險相重也。☵坎水，流水也。晝夜常流，流則不盈，故曰水流而不盈。水之流迂迴曲折，不知更歷幾險，而終至於海。行險而不失其信者也。☵以剛中之道而行，則可以濟險難而亨通，以剛中之才而往，則有功，故可嘉尙。☵用險之時，其用甚大，故贊其大矣哉。

清彭氏申甫曰：險難之際，心不亨則先自亂，非往有尙，則坐困而已。孚而心亨，內卦之陽象也。制心之學也。往有尙，外卦之陽象也。制事之用也。心爲處事之本，有孚又爲心亨之本。 周易費氏學引

俾按履常處順而有言必信，中人亦能爲之。然實踐者已不多見，行險而不失其信，非有心亨之德者不能也。其可貴爲何如哉。

三三豐之六二，豐其蔀，日中見斗☵。往得疑疾☵。有孚發若，吉☵。象曰：有孚發若

信以發志也④。 周易下經

①豐·大也。 離音部。 障礙也。 斗·星之明者。 昏時乃見。 大其障礙。 故日中而見斗。 ②二雖至明中正之才。 所遇乃柔暗之主。 既不能下己以求。 若往求之。 則反得疑猜忌疾。 ③惟積其誠意以感發之。 則吉。 ④以己之孚信。 感發主之心志。

三三兌之九二·孚兌·吉·悔亡⑤。 象曰·孚兌之吉·信志也。 同上

⑥二承比陰柔·陰柔·小人也。 說之則當有悔。 但二有剛中之德。 孚信內充。 雖比小人。 自守不失。 故吉而悔亡。

馬師通伯曰·孚積於中·剛陽不變·則人信其志·而失位之悔亡·說之大·能順天應人·必以孚爲本·孟子曰·反身而誠·樂莫大焉·孚之謂也·民不信其志·而能忘勞

忘死·兌之象曰說以先民民忘其勞說以犯難民忘其死未之有也·是故二之孚兌·兌之本也· 周易賁氏學

三三中孚之象曰·中孚·柔在內而剛得中⑥·說而巽·孚乃化邦也⑦·豚魚吉·信及豚魚也⑧·利涉大川·乘木舟虛也⑨·中孚以利貞·乃應乎天也⑩· 同上

⑥二柔在內·中虛爲誠之象·二剛得中·中實爲孚之象·⑦上巽下說·爲上至誠以順巽於下·下有孚以說從其上·如是·其孚乃能化於邦國也·說音悅·⑧信能及於豚與魚·信道至矣·所以吉也·

⑨用中孚以涉難·若乘木舟虛也·舟虛則無沈覆之患矣·⑩誠者·天道也·誠之者·人道也·中孚

所謂誠之者·盡人以合天·故曰乃應乎天·

子言之·歸乎○·君子隱而顯○·不矜○而莊·不厲○而威·不言而信○· 禮記表記

○孔子身在他國·不被任用·故稱歸乎·○君子身雖幽隱·而道德潛通·聲名顯著·故曰隱而顯·

○矜·自尊大也·○厲謂顏色嚴厲·○不須出言·而人體信·

子曰·君子不失足於人·不失色於人·不失口於人·是故君子貌足畏也·色足懾也·

言足信也○·甫刑○曰·敬忌而罔有擇言在躬○· 同上

○君子謹獨·不待矜而莊·故不失足於人而貌足畏·不待厲而威·故不失色於人而色足懾·不待

言而信·故不失口於人而言足信·○甫刑·即呂刑·書經篇名·○忌之言戒也·言已外敬而心戒

慎·無有可擇之言加於身也·

子曰·口惠而實不至·怨菑○及其身·是故君子與其有諾責也·寧有已怨○· 國風○曰

·言笑晏晏·信誓旦旦·不思其反·反是不思·亦已焉哉○· 同上

○菑音災·○已音以·謂不許也·言諾而不與·其怨大於不許·○詩經衛風氓篇·○晏晏·和柔也

·旦旦·明也·始焉不思其反覆·今之反覆·是始者不思之過也·今則無如之何矣·故曰亦已焉哉

宋呂氏大臨曰·有求而不許·始雖喻人之意·而終不害乎信·故其怨小·諾人而不踐

始雖不拂人意。而終害乎信。故其責大。禮記集說

子曰：君子不以色親人。情疏而貌親。在小人則穿窬之盜也。與。子曰：情欲信。辭欲巧。同上

○穿垣墉而爲之盜也。穿音川。窬羊朱反。○卽大學意誠之謂。○巧當作考。卽曲禮則古昔稱先王之謂。

呂氏大臨曰：穿窬之盜。欺人之不見以爲不義而已。色親人者。巧言令色足恭。無誠心以將之。情疏貌親。主於爲利。亦欺人之不見也。同上

子曰：言從而行之。則言不可飾也。○行從而言之。則行不可飾也。○故君子寡言而行。以成其信。○則民不得大其美而小其惡。○禮記緇衣

○從。順也。謂順於理也。言順於理而行之。則言爲可用。而非文飾之言。○行順於理而言之。則行爲可稱。而非文飾之行。○寡言而行。卽訥於言而敏於行之意。以成其信。謂言行皆不妄也。○大其美者。所以要譽。小其惡者。所以飾非。君子寡言以示教。故民不得如此。

冬。晉侯○圍原。命三日之糧。原不降。命去之。諜○出。曰：原將降矣。軍吏曰：請待之。公○曰：信。國之寶也。民之所庇也。得原失信。何以庇之。所亡滋多。○退一舍○而原降。左傳僖公二十五年

○晉文公。○謀晉牒。問也。即今之偵探。○公即文公。○民無信不立。故以信庇其身。我命三日降原。復少待之。是得一原而失信於我師。無信何以庇民。得原所得少。失信所失多。○三十里爲一舍。

唯器○與名○。不可以假人。君之所司○也。名以出信○。信以守器○。器以藏禮○。禮以行義○。義以生利○。利以平○民。政之大節也。若以假人。與人政也。政亡。則國家從之。弗可止○也。已。左傳成公二年 仲尼語

○器是車服。○名是爵號。○司。主也。○名位不竊。爲民所信。○動不失信。則車服可保。○車服所以表尊卑。○尊卑有禮。各得其宜。○得其宜則利生。○平。成也。○○救止。

武○將信以爲本。循而行之。譬如農夫。是穰○是褻○。雖有饑饉。必有豐年○。左傳昭公元年 晉趙文子語

○趙武。○穢。彼驕反。耘也。○褻。古本反。獲苗爲褻。○言耕鉏不以水旱息。必獲豐年之收。以喻守信者有所屈必有所伸。

君子之言。信而有徵。故怨遠於其身。左傳昭公八年 晉叔向語

冬。公○會齊侯○。盟于柯○。何以不日○。易也○。其易奈何。桓○之盟不日。其會不致。信之也。其不日何以始乎此。莊公將會乎桓。曹子○進曰。君之意何如。莊公曰

·寡人之生·則不若死矣·曹子曰·然則君請當其君·臣請當其臣·莊公曰·諾·於是會乎桓·莊公升壇①·曹子手劍而從之·管子②進曰·君③何求乎·曹子曰·城壞壓竟④·君不圖⑤·與·管子曰·然則君將何求·曹子曰·願請汶陽之田·管子顧曰·君許諾⑥·桓公曰·諾·曹子請盟·桓公下⑦·與之盟·已盟·曹子操⑧劍而去之·要盟可犯⑨·而桓公不欺·曹子可讎·而桓公不怨·桓公之信著乎天下·自柯之盟始焉·
公羊傳莊公十三年

①魯莊公·②齊桓公·③柯爲齊地·④不背盟日·⑤易·和悅也·相親信無後慮之辭·⑥齊桓公·
⑦曹劌·史記作曹沫·⑧土基三尺·土階三等·曰壇·會必有壇者·爲升降揖讓·稱先君以相接·
所以長其敬·⑨管仲·⑩君謂莊公·⑪謂齊數侵魯·致令城壞·抑壓魯境·⑫君謂桓公·圖計也·⑬管子告桓公許曹子之請·⑭下壇·⑮據音飄·辟也·⑯據見要脅而盟爾·故云可犯·

春秋之義·信以傳信·疑以傳疑·
穀梁傳桓公五年

人之所以爲人者·言也·人而不能言·何以爲人·言之所以爲言者·信也·言而不信·何以爲言·信之所以爲信者·道也·信而不道·何以爲信·道之貴者時·其行勢也

穀梁傳傳公二十二年

○信從人言·說文以爲會意字·○道有時·事有勢·何貴於道·貴合於時·何貴於時·貴順於勢·誠者·自成也○·而道自道也○·誠者·物之終始·不誠無物○·是故君子誠之爲貴·誠者·非自成己而已也·所以成物也·成己·仁也○·成物·知也○·性之德也○·合外內之道也○·故時措之宜也○· 中庸

○誠者·自己完成人格之要件·故曰自成·○道者·自己當行之道路·故曰自道·道也之道音導·○誠能貫澈物之終始·一有不誠·則物爲之虛·如耳目·物也·若心逐於妄·則視不見·聽不聞·與無耳目同·故曰不誠無物·○以誠成己·則仁道立·○以誠成物·物亦助我·是知也·知與智同·○言誠者·是人仁義禮智信五性之德·○己·內也·物·外也·成己成物·無內外之殊·○措·用也·時措之宜·謂當乎義·協乎禮·用以成己成物皆宜也·

張新吾先生曰·人而有誠·靡不成就·人而無誠·則畢生無成績可言·如居家而有誠·則家以齊·處世而有誠·則受人歡迎·爲事業家而有誠·則事業隆盛·爲學而有誠·則學業成就·爲教育家而有誠·則人才輩出·爲將帥而有誠·則兵強而無敵·爲政治家而有誠·則國治而身榮·旨哉·誠者物之終始之謂乎·反之·居家而不誠·則家無以齊·處世而不誠·則無以與人交遊·爲事業家而不誠·則無以成其事業·爲學而不誠·則無以成其學業·爲教育家而不誠·則無以作育人才·爲將帥而不誠·則兵將

不戰而自焚。爲政治家而不誠，則國亂而無以治。甚矣不誠無物之謂乎。 學庸新義

子曰：由·誨女·知之乎⊖。知之爲知之·不知爲不知·是知也⊙。 論語爲政

⊖由是子路之名·孔子欲誨子路·故先呼其名也·誨·教也·言我教女之言·女知之否耶·⊙所知者則以爲知·所不知者則以爲不知·如此·則雖或不能盡知·而無自欺之蔽·亦不害其爲知矣·女·晉汝·是知也之知晉智·

子曰：片言可以折獄者·其由也與⊖。 論語顏淵

⊖集注·片言·半言·折·斷也·子路忠信明決·故言出而人信服之·不待其辭之畢也·姚師仲實曰·片言·猶一言也·片言折獄·如今人所謂一訊而服耳·

子路無宿諾⊖。 同上

⊖宿·留也·急於踐言·不留其諾也·

中國之固有道德卷六

義

生財有大道·生之者衆·食之者寡·爲之者疾·用之者舒·則財恆足矣①·仁者以財發身·不仁者以身發財②·未有好仁而不好義者也·未有好義其事不終者也·未有府庫財非其財者也③·孟獻子④曰·畜馬乘·不察於雞豚·伐冰之家·不畜牛羊⑤·百乘之家·不畜聚斂之臣·與其有聚斂之臣·寧有盜臣⑥·此謂國不以利爲利·以義爲利也·長國家而務財用者·必自小人矣⑦·彼爲善之⑧·小人之使爲國家·菑害並至⑨·雖有善者·亦無如之何矣⑩·此謂國不以利爲利·以義爲利也·大學

①呂氏大臨曰·國無遊民·則生者衆·朝無幸位·則食者寡·不奪農時·則爲之疾·量入爲出·則用之舒·生產之人多·坐食之人少·產物迅速·消耗緩慢·則財常充足矣·②發·起也·仁者散財以得民·使身安國泰·是以財發身也·不仁者·斂財以結怨·致身遭禍殃·是以身發財也·③上好仁以愛其下·則下好義以忠其上·所以事必有終·而府庫之財無不正當消耗之患也·④魯之賢大夫·仲孫氏·名蔑·⑤畜馬乘·士初試爲大夫者·伐冰之家·卿大夫以上喪祭用冰者·雞豚牛羊·民之畜養以爲財利者也·不察不畜·以己食祿·不與民爭利也·⑥百乘之家·有采地者也·聚斂之

臣·指善於搜刮百姓者·盜臣指盜竊公家財物者·國家利義不利財·盜臣損財而已·聚斂之臣乃損義·故甯有盜臣·而不畜聚斂之臣·④長國家·言爲人君長於國家者·卽一國之領袖也·自·由也·言由小人導之也·⑤彼·指用小人者·善之·謂利爲有益·善其說而行之也·⑥小人之使爲國家·猶云爲國家而惟小人是用·蓄害謂天畜人害·⑦言雖有賢人君子·亦無以善其後也·

孟子見梁惠王○·王曰·叟①不遠千里而來·亦將有以利吾國乎②·孟子對曰·王何必曰利·亦有仁義而已矣③·王曰何以利吾國·大夫曰何以利吾家·士庶人曰何以利吾身·上下交征④利·而國危矣·萬乘之國·弑其君者·必千乘之家⑤·千乘之國·弑其君者·必百乘之家⑥·萬取千焉·千取百焉·不爲不多矣⑦·苟爲後義而先利·不奪不饜⑧·未有仁而遺其親者也⑨·未有義而後其君者也⑩·王亦曰仁義而已矣·何必曰利· 孟子梁惠王上

○孟子·姓孟名軻·鄭人·受業于思之門人·後世稱爲亞聖·謂亞於孔子也·梁惠王·卽魏侯登·都大梁·僭稱王·諡曰惠·史記魏世家惠王三十五年·卑禮厚幣·以招賢者·而孟軻至梁·①見·老人之尊稱·②王所謂利·蓋富國強兵之術·③仁者·心之德·愛之理·義者·心之制·事之宜也·此二句乃一章之大指·④征·取也·上取乎下·下取乎上·故曰交征·⑤乘·兵車也·舊乘之國者·天子畿內地方千里·出車萬乘·千乘之家者·天子之公卿采地方百里·出車千乘也

· 弑音試· 下殺上也· ④千乘之國· 諸侯之國· 百乘之家· 諸侯之大夫也· ⑤言臣之於君· 每十分而取其一分· 亦已多矣· ⑥鬻音厭· 足也· 若以義爲後而以利爲先· 則不弑其君而盡奪之· 其心未肯以爲足也· ⑦遺· 猶棄也· 仁者必愛其親· 決無遺棄之事· ⑧後· 不急也· 義者必急其君· 卽無遺棄之事·

宋王氏應麟曰· 楚瓦

楚令尹
瓦

好賄郢城危· 晉盈

當作晉寅謂
晉之苟寅也

求貨霸業衰· 秦賂讒牧

李
牧

趙王爲虜· 漢金閭增

范

垓敗羽· 項

羽

利之覆邦· 可畏哉· 大學之末· 七篇

孟
子

之始· 所

以正人心· 塞亂原也· 困學紀聞

明呂氏留良曰· 惟義乃利· 天下更莫有利於義者· 然如此說· 則講義仍是講利· 好義原爲好利· 其爲人心之害反深矣· 然義之爲利· 理本如是· 又不可不明· 故聖賢必先說利之害義· 與懷義之必當去利· 然後轉出義本自利· 更不須講利· 其理乃圓滿無弊· 如孟子之仁義不遺親後君· 與此傳之以義爲利收結是也· 四書講義

江叔海先生曰· 易文言曰· 利者· 義之和也· 利與元亨貞並稱四德· 周語言義必及利· 是皆以義爲利· 非以利爲利也· 史記孟子荀卿列傳· 太史公曰· 余讀孟子書至梁惠王問何以利吾國· 未嘗不廢書而歎也· 曰· 嗟乎· 利誠亂之始也· 孔子罕言利者· 常防其原也· 故曰放於利而行多怨· 自天子至於庶人· 好利之弊· 何以異哉· 王節信潛

夫論亦曰：自古於今，上以天子，下至庶人，幾有好利而不亡，好義而不彰者，其微戒後世，可謂深切著明矣。奈何孳孳爲利罔知廉恥者，終不絕迹於天下也。孔學發源唐蔚芝先生曰：大學一書，以辨義利終。孟子一書，以辨義利始。大學曰：未有上好仁而下不好義者也。未有好義其事不終者也。孟子曰：未有仁而遺其親者也。未有義而後其君者也。遙遙相印證，蓋學說如此，師法如此也。 大學新讀本

俾按自權利之說沸騰於國中，狡譎之徒，更有所藉口，以自便私圖，於是權利之爭奪，層出不窮，而世事愈亂矣。不知西人雖力爭應得之權利，然不忘其應盡之義務，故仍能維持其富強之局勢。若徒知爭權利，而不肯盡義務，其禍患將有不忍言者。斯不特昌言以義爲利之先哲所痛心，抑亦爲主張權利義務相當之西人所齒冷矣。

子曰：非其鬼而祭之，詔也。○見義不爲，無勇也。○ 論語爲政

○人死稱鬼，非其鬼而祭之，言非其所當祭之鬼而祭之也。詔，求媚也。○言見所當爲而不爲，是無勇氣也。

官懋庸先生曰：非鬼而祭，意在邀福，卒之福不得邀，徒形於詔，未見義而不爲，無足怪也。見而不爲，一由於畏難，一由於避禍。畏難不過庸碌者流，避禍則賢者不免。夫遇禍而在所當避，避之可也。如不當避而避之，則畏葸退縮，是無勇矣。豈知邀

福者未必得福。避禍者未必免禍。小人枉爲小人哉。 論語

曹元弼先生曰：君子之於義，欲之有甚於生，其於不義，惡之有甚於死，志之所至，氣必至焉。見危授命，臨大節而不可奪。孔父仇牧，義形於色，勇之至也。若明見義之當爲，而隱忍苟活，蒙恥求全，所謂不成丈夫，無勇甚矣。 聖學挽狂錄

子曰：君子之於天下也，○無適也，○無莫也，○義之與比，○ 論語里仁

○謂君子於天下之人與天下之事也。○適，丁歷反，專主也。○莫，不肯也。○比，音界，從也。義之與比，猶云惟義是從耳。

宋謝氏良佐曰：適，可也。莫，不可也。無可無不可，苟無道以主之，不幾於猖狂自恣乎。聖人之學不然，於無可無不可之間，有義存焉。 論語集注

章太炎先生曰：詩衛風，誰適爲容，傳，適，主也。小雅，聖人莫之，傳，莫，謀也。

君子治天下，不建己，故無主，不用智，故無謀，動靜不離於理，是曰義之與比。

其後慎到聞其說，曹參施諸政。 廣論語辭林

子曰：君子喻於義，○小人喻於利，○ 同上

○經傳言君子有二義，一謂有才德者，一指有地位者。此謂有才德者也，喻猶曉也。義者，天理之所宜。○經傳言小人亦有二義，一謂微賤之人，一謂無德之人。此謂無德之人也。利者，人情之所

欲。

宋陸氏九淵曰：學者於此，當辨其志。人之所喻，由其所習。所習由其所志。志乎義，則所習者必在於義。所習在義，斯喻於義矣。志乎利，則所習者必在於利。所習在利，斯喻於利矣。故學者之志，不可不辨也。陸象山先生全集

馮友蘭先生曰：論者多謂孔子論治國之道，既庶矣，富之，既富矣，教之。論語孟子子路

所說王政，亦注重人民生活之經濟方面。故儒家非不言利，不知儒家不言利，乃謂各事只問其當否，不必問其結果，非不言有利於民生日用之事。此乃儒家之非功利主義。與墨家之功利主義相反對。中國哲學史

子曰：德之不脩，學之不講，聞義不能徙，不善不能改，是吾憂也。論語述而

①德是道德。修，治也。言道德不修治也。②講，習也。言學問不講習也。③黃氏式三曰：聞義不徙，拒所聞而自是。憚於徙而苟安也。徙，遷也。④黃氏曰：不改不善，意有所畏忌，有所牽戀也。⑤孔子自謂常以此四者爲憂。

宋尹氏焯曰：德必脩而後成，學必講而後明，見善能徙，改過不吝，此四者，日新之要也。論語集注

子路問成人○。子曰。若臧武仲之知。公綽之不欲。卞莊子之勇。冉求之藝。文之以禮樂。亦可以爲成人矣○。曰○。今之成人者何必然○。見利思義。見危授命。久要不忘平生之言。亦可以爲成人矣○。 論語憲問

○成人猶言全人。子路問孔子。有何種德行。乃可謂之全人也。○臧武仲卽魯大夫臧孫紇。知同智。公綽卽魯大夫孟公綽。不欲。不貪也。卞莊子。魯卞邑大夫。力能刺虎。冉求爲孔子弟子。藝。才藝也。言兼此四子之長。則知足以窮理。廉足以養心。勇足以力行。藝足以泛應。而又節之以禮。和之以樂。使德成於內。而文見乎外。則材全德備。而其爲人也亦成矣。○復加曰字。孔子旣答子路之問而復言也。或謂是子路之言。○言今之成人。不必能完備如此。○見利思義者。言義然後取。臨財不苟得也。見危授命者。言危難之際。不惜其生命也。久要。舊約也。平生。猶言平時。久要不忘平生之言。謂平時約言。久而不忘也。有是三者。亦可以爲成人之次矣。

章太炎先生曰。以今日通行之語言之。所謂成人。卽人格完善之意。 國學商兌

子曰。君子義以爲質○。禮以行之○。孫以出之○。信以成之○。君子哉○。 論語衛靈公

○義者。制事之本。故以爲質幹。○言依禮而行之也。○禮尙辭讓。去爭奪。故孫以出之。孫通作遜。謙遜也。○成之必在誠實。○能此四者。可謂君子哉。

子路曰。君子尚勇○乎。子曰。君子義以爲上○。君子有勇而無義爲亂。小人有勇而無

義爲盜⑤。 論語陽貨

○勇猛。○君子以義勇爲上。○君子謂在上者。小人指平民而言。在上之人。有權有勢。故有勇而無義。則爲亂逆。平民無權無勢。故有勇而無義。則爲盜賊。

君子之仕也。行其義也。道之不行。已知之矣。 論語微子

宋朱子曰。子路述夫子之意如此。 論語集注

馮友蘭先生曰。道之不行。已知之矣。而猶席不暇煖。以求行道。所以石門晨門謂孔子爲知其不可而爲之者也。 論語 憲問 董仲舒謂正其誼不謀其利。明其道不計其功。君子之

仕也。行其義也。卽正其誼明其道也。至於道之果行與否。則結果也。利也功也。不

必謀不必計矣。 中國哲學史

孟子曰。魚我所欲也。熊掌亦我所欲也。二者不可得兼。舍魚而取熊掌者也。○生亦我所欲也。義亦我所欲也。二者不可得兼。舍生而取義者也。生亦我所欲。所欲有甚於生者。故不爲苟得也。○死亦我所欲。所惡有甚於死者。故患有所不辟也。○如使人之所欲莫甚於生。則凡可以得生者。何不用也。使人之所惡莫甚於死者。則凡可以辟患者。何不爲也。○由是則生而有不用也。由是則可以辟患而有不爲也。○是故所欲有甚於生者。所惡有甚於死者。非獨賢者有是心也。人皆有之。賢者能勿喪耳。○一箪食。○一

巨的羹·得之則生·弗得則死·噍爾而與之·行道之人弗受也·蹴爾而與之·乞人不屑也◎。萬鍾則不辨禮義而受之·萬鍾於我何加焉◎。爲宮室之美·妻妾之奉◎。所識窮乏者得我與◎。鄉◎爲身死而不受·今爲宮室之美爲之·鄉爲身死而不受·今爲妻妾之奉爲之·鄉爲身死而不受·今爲所識窮乏者得我而爲之·是亦不可以已乎·此之謂失其本心◎。孟子告子上

◎熊掌卽熊蹯·珍異之食品·舍同捨·棄也·魚與熊掌皆美味·而熊掌尤美·◎生謂生命·有甚於生者·謂義也·不爲苟得·不苟得生也·◎惡·厭恨也·有甚於死者·謂不義也·辟與避同·下同·患有所不避·言雖死亦所不避也·◎設使人無良心·而但有利害之私情·則凡可以偷生免死者·皆將不顧禮義而爲之矣·◎由其必有之良心·是以能舍生取義·不肯苟生·不求苟免·◎言人人皆有此心·不過賢者能勿喪失而已·◎簞音丹·是竹器·食音嗣·豆爲木器·◎噍爾猶呼爾·咄咄之貌·行道之人·路中凡人也·以噍爾爲賤己·故不受·噍呼故反·◎蹴·子六反·躅也·以足踏之·乞人卽乞丐·以蹴爾爲不潔·亦不屑受也·◎六斗四升爲釜·十釜爲鍾·萬鍾·厚祿也·辨·別也·加猶益也·言萬鍾之厚祿·則世人往往不辨禮義而受之·其祿雖厚·於我身無所增益·◎奉·養也·◎得與德通·所識窮乏者·受我之惠·以我爲德也·與今作歟·◎鄉與嚮通·猶言前時·下同·◎羞惡之心·

朱子曰：此章言羞惡之心。人所固有。或能決死生於危迫之際。而不免計豐約於宴安之時。是以君子不可頃刻而不省察於斯焉。孟子集注

唐蔚芝先生曰：義利者。天理人欲之界。亦卽人禽之界也。人之生。其性渾然。四德皆備。泊乎嗜欲錮蔽。於是利心日甚。利心甚而本心日亡矣。而究其所以亡之之繇。則不外乎妄取。有一物焉。可以取。可以無取。取之而世之人以爲無傷也。我之心遂亦以爲無傷也。久之而不可取者亦將取之。而羞惡之良心於是悉泯矣。嘗見世之優於才而富於學者。未嘗不矯然自負。一旦利欲薰心。名譽掃地。甚至爲鄉里所不齒。此其漸皆起於妄取。吁。可痛也。可懼也。孟子新讀本

孟子曰：欲貴者。人之同心也。○。人人有貴於己者。弗思耳。人之所貴者。非良貴也。○。趙孟之所貴。趙孟能賤之。○。詩云。既醉以酒。既飽以德。言飽乎仁義也。所以不願人之膏粱。○之味也。令聞。○廣譽施於身。所以不願人之文繡。○也。同上

○人同有欲貴之心。○謂天爵。○人以爵位加己而後貴。卽世俗之貴。良貴。首貴也。猶云第一最貴耳。言世俗之貴。不是第一等貴也。○趙盾。字孟。爲晉卿。其子孫皆稱趙孟。爲晉國有權勢之貴族。其能以爵祿與人而使之貴者。則亦能奪之而使之賤矣。○詩經大雅既醉篇。○飽。充足也。○膏。肥肉。粱。美穀。○令聞。善譽。卽美名也。○文繡。衣之美者。

孟子謂宋句踐曰：子好遊^㉑乎？吾語子遊。人知之亦囂囂^㉒，人不知亦囂囂^㉓。曰：何如斯可以囂囂矣？曰：尊德樂義，則可以囂囂矣^㉔。故士窮不失義^㉕，達不離道^㉖，窮不失義，故士得己焉^㉗。達不離道，故民不失望焉^㉘。古之人得志，澤加於民，不得志，修身見於世^㉙。窮則獨善其身，達則兼善天下。孟子盡心上

①宋姓。句踐名。句音鉤。②遊說諸侯。③囂囂，自得無欲之貌。④德謂所得之善。尊之，則有以自重。而不慕乎人爵之榮。義謂所守之正。樂之，則有以自安。而不殉乎外物之誘。能尊德樂義，則可以囂囂矣。樂音洛。⑤士雖貧窮。不爲不義而苟得。⑥顯達之後。亦不離棄平素遵守之道德。⑦得己。言不失己也。即云不失自己之身分也。⑧民不失望。言人民素望其福利國家。今果如所望也。⑨得志。則德澤加於人民。不得志。則自修其身。使名實顯著。以自見於世。見音現。

唐蔚芝先生曰：窮不失義，達不離道，八字。吾人所當遵守。窮與達與吾性分無關也。吾惟知有道義而已。失義離道，不得謂士。或者曰：處窮難於處達。此說不然。達所不離之道。即窮所不失之義也。不失義，其體也。不離道，其用也。無二致也。夫士人處窮困之境。失其所守者固多。然一入仕途。名利引誘之。譏諂面諛之人蒙蔽之。其能不離道者。千百中無一二矣。此百姓之所以憔悴。而世界之所以多亂也。孟子新讀本

傳按世人當窮困時。往往多所干求。而不免失其身分。是不認識自己也。至顯達之

後·往往傲視一切·不免以富貴驕其親友·是不認識故人也·惟有志之士·能窮不失義·決無不認識自己之時·達不離道·決無不認識故人之事·而其要則在於修養也·

三三困之象曰·困·剛揜☱也·險以說☱·困而不失其所☱·亨·其唯君子乎·貞大人吉·以剛中也·有言不信·尚口乃窮也· 周易下經

○困卦坎下兌上·中爻離巽·坎陽既陷於陰·又居巽離兌三陰之下·故獨爲剛揜·揜於檢反·○說音悅·☱所·如艮止其所之所·不愧不作·泰然不失其常處也·

宋程子曰·卦所以爲困·以剛爲柔所揜蔽·君子之道困窒之時也·下險而上說·爲處險而能說·雖在困窮艱險之中·樂天安義·自得其悅樂也·時雖困·處不失義·則其道自亨·能如是者·其唯君子乎·困而能貞·大人所以吉也·蓋其以剛中之道也·當困而言·人所不信·欲以口免困·乃所以致窮也· 易程傳

馬師通伯曰·不失其所·而後能亨能貞·困而亨·君子也·若夫貞幹天下·非有位之大人不能·亨貞分屬大人君子·故曰困德之辯也· 周易費氏學

傳按史記游俠列傳·太史公曰·昔者虞舜窘於井廩·伊尹負於鼎俎·傳說匿於傅險·呂尚困於棘津·夷吾桎梏·百里飯牛·仲尼長匡·菜色陳蔡·此皆學士所謂

有道仁人也。猶然遭此災。况以中材而涉亂世之末流乎。其遇害何可勝道哉。子每讀書至此。未嘗不感慨而嘆曰。自古聖賢豪傑。當未遇時。殆未有不遭受困厄者。惟處困而能亨能貞。所以爲聖賢。爲豪傑。若窮困失志。或悲傷天絕。適足以爲世所笑耳。烏足道哉。

孟子曰。人皆有所不忍。達之於其所忍。仁也。○。人皆有所不爲。○。達之於其所爲。義也。人能充○無欲害人之心。而仁不可勝用也。人能充無穿踰○之心。而義不可勝用也。人能充無受爾汝之實。無所往而不爲義也。○。士未可以言而言。是以言餽○之也。可以言而不言。是以不言餽○之也。是皆穿踰之類也。○。孟子盡心下

○人皆有所憫隱而不忍。如能推所不忍於其所忍者。仁人也。以其所愛及其所不愛。仁之爲道如是也。○卽下穿踰之類。○充。滿也。有擴大之意。○穿。穿穴。踰。踰牆。皆爲盜之事。○爾汝。人所輕賤之稱。人雖或有所貪昧隱忍而甘受之者。然其中心必有慚忿而不肯受之之實。人能卽此而推之。使其充滿。無所虧缺。則無往而非義矣。○餽晉黍。探取之也。○此以言餽不以言餽。是以儇巧刺取人意。心術隱伏。以竊取人情。與竊人之物無異。

錢穆先生曰。孟子言爲。又言充。充者。卽爲之方也。孟子明舉堯舜。以爲人類最高之標準。使吾人有所企嚮。而盡力以爲之。而爲之方。則反而求之於己。又明舉惻

隱羞惡之心。人人之所具有者。卽本此推廣。以爲所以達其標準之道。故爲者。爲此人人之所可能。充者。充此人人之所固有也。凡欲明孟子性善之眞義者。亦在乎有爲與能充而已。此外則無他道也。 孟子研究

君子敬以直內。義以方外。敬義立而德不孤。 周易坤文言

宋程子曰。君子主敬以直其內。守義以方其外。敬立而內直。義形而外方。義形於外。非在外也。敬義既立。其德威矣。不期大而大矣。德不孤也。 周易本義

三三賁之初九。賁其趾。舍車而徒。象曰。舍車而徒。義勿乘也。 周易上經

○賁。彼僞反。飾也。九爲陽爻。初者。六爻中之最下一爻也。○剛德明體。自賁於下。爲舍非道之車。而安於徒步之象。

魏王氏弼曰。在賁之始。以剛處下。居於无位。棄於不義。安夫徒步。以從其志者也。 周易注疏

宋程子曰。君子守節處義。其行不苟。義或不當。則舍車輿而寧徒行。衆人之所羞。而君子以爲賁也。 易程傳

傳按否之象曰。天地不交。否。君子以儉德辟難。不可榮以祿。當小人道長之時。君子欲自守其節。必須先有儉德。而後能不爲富貴所惑。舍車輿而寧徒步。能徒步

也。惟能徒步。故義之所不可者。寧舍車輿而勿乘也。

天地之大德曰生。聖人之大寶曰位。何以守位曰人。何以聚人曰財。理財正辭。禁民爲非曰義。周易繫辭下傳

○人字或作仁。○治理其財。○正定號令之辭。

宋蘇氏軾曰。人之所同好者生也。所同貴者位也。所同欲者財也。天下之大情。盡於此矣。此三者常相爲用。生者人之本也。無財則無以生。無位則無以養生而理財。作易者蓋知此矣。旣言三者。而參之以仁義。其旨蓋有在矣。大學衍義補引

傳按同一言也。言之者地位不同。聽之者意趣有異。同一事也。爲之者地位不同。施行時順逆亦殊。此位之所以可寶也。然無人以守之。則未有能永保而不失者。此守位之所以恃人也。衣食住行。爲人生之要素。而皆有賴於貨財。此聚人之所以需財也。人人有欲富之心。而貨財不足以滿人人之欲。若無義以正之禁之。則爭奪之禍將層出不窮。而國家必至于大亂。此所以尤貴有義也。聖人能洞悉政治人情之本原。故其言深切簡要如此。

父慈子孝。兄良弟弟。夫義婦聽。長惠幼順。君仁臣忠。十者謂之人義。禮記禮運

○下弟音悌。

宋陳氏祥道曰：父慈子孝，兄良弟悌，夫義婦聽，閨門之義，長惠幼順，鄉黨之義，君仁臣忠，朝廷之義。禮記義疏

備按父慈子孝，言父宜慈其子，子當孝其父，雙方兼顧，非有所偏私。但教子之孝，而不言父應慈也。兄良弟弟，長惠幼順，君仁臣忠，義亦相同。至夫義婦聽，似重夫輕婦矣。然細味之，則夫而義，婦自可聽之，非不計夫之義不義，而強婦以必聽也。吾讀此而知先哲立言之公，且能體察人情也。

子云：君子不盡利以遺民。詩云：彼有遺秉，此有不斂穧，伊寡婦之利。故君子仕則不稼，田則不漁，食時不力珍，大夫不坐羊，士不坐犬。詩云：采芣菲，無以下體。德音莫遠，及爾同死。以此坊民，民猶忘義而爭利以亡其身。禮記坊記

○言君子不盡竭其利，當以餘利遺與民也。○詩經小雅大田篇。○秉，禾之束爲把者。○穧，鋪而未束者。言彼處有遺餘之秉把，此處有不收斂之鋪穧，寡婦不能耕者，卽拾取之以爲利，穧音劑，伊爲語辭。○祿足以代耕。○有禽獸，不必再取魚鼈。○食時，言食四時之膳，不力珍者，不更用力務求珍羞也。○坐羊坐犬，殺食而坐其皮也。○詩經邶風谷風篇。○芣，芳容反，芣菁菜也，菲亦菜名。詩之意與此所引之意不同，此謂采芣菲者，但當採取其葉，不可並采其下體之根莖。○言

盛德之聲遠播。無有違之者。則人皆知親其上死其長矣。⊙坊與防同。

儒有委之以貨財。淹之以樂好⊙。見利不虧⊙其義。劫⊙之以衆。沮⊙之以兵。見死不更其守。鷙蟲攫搏不程勇者⊙。引重鼎不程其力⊙。往者不悔。來者不豫⊙。過言不再⊙。流言不極⊙。不斷其威⊙。不習其謀⊙。其特立有如此者。禮記儒行

⊙淹謂浸漬之。樂五孝反。好呼報反。⊙虧。毀也。⊙劫脅。⊙沮謂恐怖之。⊙鷙蟲。猛鳥獸也。以脚取謂之攫。以翼擊謂之搏。程猶量也。不程勇者。當作不程其勇。此言鷙猛之鳥獸。當攫搏之。不程量其勇而後往。以况儒者勇足以犯難而無所顧也。攫俱縛反。⊙重鼎。大鼎也。引重鼎不程其力。以况儒者材足以任事而有所勝也。⊙往者不悔。非有所吝而不改。爲其動則當理。而未嘗至於悔也。來者不豫。非有所忽而不防。爲其機智足以應變。而不必豫防也。⊙過言出於己之失。知過則改。故不再。⊙流言出於人之毀。禮義不譽。故不極。極猶終也。言不終爲所毀。⊙斷。絕也。言其威容不可得而挫折。⊙言其謀必可成。不待嘗試。而後見於用。

唐孔氏穎達曰。此明特立不羣之事。人或以貨財委之。以愛樂玩好浸漬之。儒者雖見此利。不虧損己之義事。苟且而愛也。人或脅之以軍衆。沮之以兵刃。儒者雖見劫見沮以致於死。終不改其所志之志。而苟從之以免死也。禮記注疏

唐蔚芝先生曰。不虧其義。不更其守。是持志之事。不程勇。不程力。是養氣之道。

過言不再四句。是定慮之志。有斯三者。故能見利不虧其義。見死不更其守。臨財不苟得。臨難不苟免。義利生死二關。俱能透過。故曰特立。禮記大義

儒有可親而不可劫也。可近而不可迫也。可殺而不可辱也。其居處不淫。其飲食不溇。其過失可微辨而不可面數也。其剛毅有如此者。禮記儒行

○儒者立於義理。剛毅而不可奪。故以義交者。雖疏遠必親。非義加之。雖強禦不畏。故有可親可近可殺之理。而不可劫不可迫不可辱也。○淫。侈恣也。○溇。音辱。濃厚也。○數。所具反。而責也。

唐蔚芝先生曰。天下禍敗。皆自柔佞之人始。所以卑鄙無恥逢迎而牟利者。不過爲飲食起居而已。儒者寡欲而壯志。故剛毅嚴正。焉得而犯之。禮記大義

儒有忠信以爲甲冑。禮義以爲干櫓。戴仁而行。抱義而處。雖有暴政。不更其所。其自立有如此者。同上

○甲。鎧也。冑。兜鍪也。干櫓。小楯大楯也。忠信禮義。所以禦人之欺侮。猶甲冑干櫓可以捍患也。櫓音魯。○行則尊仁。居則守義。所以自信者篤。雖暴政加之。有所不變也。

宋胡氏銓曰。前言忠信以爲寶。立義以爲土地。亦見乃平居時。此言忠信以爲甲冑。禮義以爲干櫓。則行乎患難時。禮記義疏

子華使於齊①。冉子爲其母請粟②。子曰：與之釜③。請益④。曰：與之庾⑤。冉子與之粟五秉⑥。子曰：赤之適齊也。乘肥馬，衣輕裘⑦。吾聞之也。君子周急不繼富⑧。原思爲之宰⑨。與之粟九百⑩。辭⑪。子曰：毋。以與爾鄰里鄉黨乎⑫。論語雅也。

①孔子弟子公西赤，字子華，爲孔子出使於齊國。②冉子卽冉有，其母，指子華之母。粟本末米之名。諸穀亦得稱之。子華出使而母在家，故冉子爲之向孔子請粟也。③釜容六斗四升。孔子命予粟六斗四升。與通予。④益，加也。冉子嫌少，故請加之。⑤十六斗曰庾。孔子命與十六斗。⑥垂爲十六斛。五秉，合爲八十斛。冉子仍嫌其少，故自與粟八十斛。⑦適，往也。乘，駕也。孔子非冉子與之太多。言子華往齊時，乘駕肥馬，衣著輕裘，則是家道富有，其母不乏粟也。⑧周急，謂周濟困急。繼富，謂增其富。言君子當周濟人之困急，而不增益其富也。⑨原思，孔子弟子原憲。思其字也。孔子爲魯司寇時，以原思爲家宰。⑩孔子與之粟九百斗。⑪原思不受而辭之。⑫毋，止其辭讓也。五家爲鄰。五鄰爲里。萬二千五百家爲鄉。五百家爲黨。言常祿不當辭，有餘可以與鄰里鄉黨也。

唐蔚芝先生曰：取與皆當不苟。夫子告冉有，戒其與之過，其告原思，戒其廉之過。

一折衷於義也。 論語新讀本

子曰：三軍可奪帥也①。匹夫不可奪志也②。 論語子罕

○萬二千五百人爲軍。帥是軍隊之首領。三軍之帥雖甚威武，然以人爲衛，故可奪而取之也。○匹夫卽平民。若能堅守其志，則不可得而奪也。惟此所謂志，是守其道而不渝，非固執私見，任意妄爲之謂也。

宋侯氏仲良曰：三軍之勇在人，匹夫之志在己，故帥可奪而志不可奪。如可奪，則亦不足謂之志矣。論語集注

子曰：歲寒，然後知松柏之後彫也。同上

○歲寒是霜雪既降之時。松柏是松樹柏樹。彫，殘也。零落也。冬季天氣寒冷，衆木皆枝枯葉落，獨松柏舊葉未謝，新枝已繼，仍不見彫殘零落之態，因其質極堅剛也。

宋謝氏良佐曰：士窮見節義，世亂識忠臣。欲學者必周於德。論語集注

明李氏顥曰：漢唐宋明之末，非無松柏正人，在野則逸遺而不知收用，致其老於窮途，在朝則建白不采，多所擯斥，乃值變故，徒成就了忠臣義士之節。至此雖知某也義，某也忠，亦已晚矣。嗟何及矣。故士而以節義見，臣而以忠烈顯，非有國者之幸也。
· 興言及此，於焉三歎。四書反身錄

昔者孔子沒，三年之外，門人治任，將歸，入揖於子貢，相嚮而哭，皆失聲。然後歸。子貢反，築室於場，獨居三年。然後歸。他日子夏子張子游以有若似聖人，欲

以所事孔子事之④。彊會子⑤。會子曰：不可。江漢以濯之⑥。秋陽以暴之⑦。皜皜乎不可尙已⑧。○孟子滕文公上 孟子告陳相之言

④古者爲師心喪三年。若喪父而無服。故門人三年之外乃歸。⑤整治行李。⑥嚮同向。失聲。放聲也。⑦反。子貢送別諸同學而回也。場是孔子冢上之祭祀壇場。子貢於場左右築室。獨居三年。⑧有若似聖人。蓋其言行氣象有似之者。如檀弓所記。子游謂有若之言似夫子之類是也。⑨欲以事孔子之禮事有子。⑩勉強會子同意。曾子名參。⑪江漢水多。言濯之潔也。濯音濁。洗滌也。⑫周之七八月。卽夏歷五六月。故秋陽卽夏日。暴同曝。夏日燥烈。言暴之乾也。⑬皜皜卽顛顛。言孔子盛德。如天之元氣顛顛然。以天比孔子也。尙。加也。

傳按禮記檀弓上。事師無犯無隱。左右就養無方。服勤至死。心喪三年。古人尊師。其禮亞於君親。蓋師者。所以傳道授業解惑也。尊而敬之。理宜然也。而子貢會子之守義。其風尤侷乎遠矣。

鄭人使子濯孺子①侵衛。衛使庾公之斯②追之。子濯孺子曰：今日我疾作③，不可以執弓。吾死矣夫。問其僕④曰：追我者誰也。其僕曰：庾公之斯也。曰：吾生矣。其僕曰：庾公之斯。衛之善射者也。夫子⑤曰：吾生。何謂也。曰：庾公之斯學射於尹公之他⑥。尹公之他學射於我。夫尹公之他。端人也。其取友必端矣⑦。庾公之斯至。

曰：夫子何爲不執弓？曰：今日我疾作，不可以執弓。曰：小人學射於尹公之他，尹公之他學射於夫子，我不忍以夫子之道反害夫子，雖然，今日之事，君事也，我不敢廢，抽矢扣輪，去其金，發乘矢，而後反。

孟子離婁下

○鄭大夫，濯音濁。○衛大夫。○病發。○僕即御者。○夫子是御者稱子濯孺子。○亦衛人。○端，正也。○正人取友必正。故知庚公之斯必不忘本而害已。○夫子是庚公之斯稱子濯孺子。○子濯孺子答辭。○小人是庚公之斯自稱。○金，鏃也。○扣輪去鏃，雖中不傷。○四矢。

陳代曰：不見諸侯，宜若小然。今一見之，大則以王，小則以霸，且志曰：枉尺而直尋，宜若可爲也。孟子曰：昔齊景公田，招虞人以旌，不至，將殺之，志士不忘在溝壑，勇士不忘喪其元，孔子奚取焉？取非其招不往也。如不待其招而往，何哉？且夫枉尺而直尋者，以利言也。如以利，則枉尋直尺而利，亦可爲與？昔者趙簡子使王良與嬖奚乘，終日而不獲一禽，嬖奚反命曰：天下之賤工也。或以告王良，良曰：請復之。彊而後可。一朝而獲十禽，嬖奚反命曰：天下之良工也。簡子曰：我使掌與女乘，謂王良，良不可，曰：吾爲之範我馳驅，終日不獲一，爲之詭遇。一朝而獲十，詩云：不失其馳，舍矢如破。我不貫與小人乘，請辭。御者且羞與射者比，比而得禽獸，雖若丘陵，弗爲也。如

枉道而從彼何也。且子過矣。枉己者，未有能直人者也。

孟子滕文公下

○孟子弟子。○小節。○志。記也。○枉。屈也。直。伸也。八尺曰尋。枉尺直尋。猶屈己一見諸侯。而可以致王霸。所屈者小。所伸者大也。○昭公二十年左傳云。十二月。齊侯田於沛。招虞人以弓。不進。公使執之。辭曰。昔我先君之田也。旃以招大夫。弓以招士。皮冠以招虞人。臣不見皮冠。故不敢進。乃舍之。仲尼曰。守道不如守官。君子韙之。田。獵也。虞人。守苑囿之吏。卽管獵場之人也。○因此二句乃孔子歎美虞人之言。志士固窮。常念死無棺槨。棄溝壑而不恨。此勇士蓋兼有義者。元。首也。以義。則喪失其首而不顧也。○言孔子對於虞人何所取。取其非禮招己則不往也。○君子而不待其招。直事妄見諸侯者。何爲也。○與今作歎。○晉大夫趙鞅。簡其諱也。王良。善御者。與之乘。爲之御也。言趙簡子使王良爲嬖幸之臣名奚者御車出獵也。○禽者。鳥獸之總名。明爲人所禽制也。○反命。復命於趙簡子。○請再爲奚御車出獵。○奚奚不肯。強之而後許可。○自晨至食時。○掌。主也。主有專之意義。言使王良專主爲奚御車之職也。女晉汝。○範。法度也。以法度御之。則終日不得一禽。○橫而射之曰謫遇。古者射獵。面傷不獻。謂當面迎而射之。翦毛不獻。謂在旁而橫射之。二者皆爲逆射也。○詩經小雅車攻篇。○言御者不失其馳驅之法。而射者矢一舍出。必中禽順毛而入。順毛而出而禽破矣。○貫。習也。與慣同。言嬖奚不知正射。而喜人爲之謫遇。是小人也。我不慣爲此等小人御車。○御者

指王良·射者指嬖矣·羞晉修·恥也·比·必二反·阿私也·⑤土高曰丘·大阜曰陵·若丘陵·言所得禽獸之多·堆積如丘陵之高·⑥謂陳代之言過穆·

唐蔚芝先生曰·此章論出處大節·凜然斬絕·士人當讀書學道時·未嘗不詡詡自命·見委瑣齷齪者流·深譏痛詆·迨一入仕途·或盡失其初節·以視向之深譏痛詆者·鄙且什百倍焉·詎知富貴祿位·不可久長·品詣名譽·早已掃地·是豈本心之無良乎·利誘之也·故名利二字·千古士人爲其所陷沒·而不能自拔者·不可以恆河沙數計矣·

· 孟子新讀本

萬章①問曰·人有言·伊尹以割烹要湯②·有諸·孟子曰·否·不然③·伊尹耕於有莘④之野·而樂堯舜之道焉·非其義也·非其道也·祿之以天下弗顧也·繫馬千駟⑤弗視也·非其義也·非其道也·一介不以與人·一介不以取諸人⑥·湯使人以幣聘之⑦·鬻鬻⑧然曰·我何以湯之聘幣爲哉·我豈若處吠畝之中·由是以樂堯舜之道哉·湯三使往聘之·旣而幡然⑨改曰·與我處吠畝之中·由是以樂堯舜之道·吾豈若使是君爲堯舜之君哉·吾豈若使是民爲堯舜之民哉·吾豈若於吾身親見之哉⑩·天之生此民也·使先知覺後知·使先覺覺後覺也·予天民之先覺者也⑪·予將以斯道覺斯民也·非予覺之而誰也·思天下之民·匹夫匹婦·有不被堯舜之澤者·若己推而內之

溝中①。其自任以天下之重如此。故就湯而說之。以伐夏救民②。吾未聞枉己而正人者也。况辱己以正天下者乎。聖人之行不同③也。或遠或近④。或去或不去⑤。歸潔其身而已矣⑥。吾聞其以堯舜之道要湯。未聞以割烹也。伊訓⑦曰。天誅造攻自牧宮。朕載自亳⑧。

孟子萬章上

①五子弟子。②割烹。割肉烹羹。爲庖人也。要。求也。史記股本紀云。伊尹欲干湯而無由。乃爲有莘氏之媵。負鼎俎以滋味說湯。致於王道。蓋戰國時有爲此說者。③不字衍。否然。卽不然也。④有莘國名。⑤駟。四匹馬也。千駟爲四千匹。⑥介與芥同。草也。言其辭受取與。無大無細。一以道義爲主也。⑦湯聞其賢。以元纁之幣帛往聘之。⑧纁。無欲自得之貌。⑨五高反。⑩幡然猶幡然。改變之貌。⑪言我身親見堯舜之道行於當世。不徒自樂而已。⑫知。謂識其事之所當然。覺謂悟其理之所以然。覺後知後覺。如呼寐者而使之寤。我乃天生此民中之先覺者也。⑬思天下之民以下。乃孟子之言。書經說命下。昔先正保衡作我先王。曰予弗克俾厥后爲堯舜。其心愧恥。若撻於市。一夫不獲。則曰時予之辜。孟子之言蓋取諸此。匹夫匹婦。男女百姓也。內晉納。⑭是時夏桀無道。暴虐其民。故欲使湯伐夏以救之。說晉稅。⑮不同者其迹。⑯遠謂隱遁。近謂仕而近君。⑰或去者。如伯夷不屑就。或不去者。如柳下惠之焉能浼我也。⑱其要歸在潔其身而已。⑲伊訓。書經篇名。⑳今書牧宮作鳴條。天誅者。順天

而誅也。造。作也。牧宮。桀之宮也。言天之誅桀。其造作攻討。乃自桀而起。故我始自毫討之。朕。我也。伊尹自謂。古人朕字。上下通稱。載。始也。毫。湯之都也。

梁任公先生啓超曰。國家本非有體也。藉人民以成體。故欲求國之自尊。必先自國民人人自尊始。伊尹曰。予天民之先覺者也。予將以斯道覺斯民也。非予覺之而誰也。顏淵曰。舜何人也。予何人也。有爲者亦若是。孟子曰。夫天未欲平治天下也。如欲平治天下。當今之世。舍我其誰也。若此者。就尋常庸子視之。不以爲狂。必以爲泰矣。而聖賢之所以爲聖賢者。乃在於此。英將烏爾夫之將征加拿大也。於前一夜拔劍擊案。闕步室內。自誇其大業必成。宰相驚特見之。語人曰。余深慶此行爲國家得人。驚特語侯爵某曰。君侯君侯。予確信惟予能救此國。舍予之外。無一人能當其任也。加里波的曰。余誓復我意大利。還我古羅馬。加富爾失意躬耕之時。其友贈書弔之。乃戲答曰。事未可知。天若假公以年。佇看他日加富爾爲全意大利之宰相矣。彼數子者。其所以高自位置。與夫世俗之多大言少成事者。皮相焉殆無以異。而不知其後此之建豐功。揚偉烈。能留最高之名譽於歷史上。皆此不肯自賊自暴自棄之一念驅遣而成就之也。嗟夫。國於天地。必有與立。歷覽古今中外之歷史。其所以能維繫國家於不敗之地者。何一非由人民之自尊而來。何一非由人

民中之尤秀拔者。以自尊之大義。倡率一世而來哉。又曰。吾欲明自尊之義。先言自尊之道。凡自尊者必自愛。凡自尊者必自治。凡自尊者必自立。凡自尊者必自牧。凡自尊者必自任。凡不自愛不自治不自立不自牧不自任者。決非能自尊之人也。五者缺一。而猶施施然自尊者。則自尊主義之罪人也。 飲冰室文集

唐蔚芝先生曰。人生當世。懼不能擔任天下之事而已。吾嘗謂人者任也。士者事也。必能擔任天下之事。始不愧爲士。不愧爲人。此章專以我字予字己字自字作線索。見古聖人於天下事。有挺然自任之志。而未又贊之曰。歸潔其身而已矣。見吾身之在天地間。至爲貴重。夫吾身曷爲而可貴。爲能任天下之事也。若萎茶不任事。何足以爲貴。且吾身曷爲而可貴。爲其學道也。若空疎無學。或雖學而無實用。烏足以任事。又烏足以爲貴。且吾身曷爲而可貴。爲其至潔也。若猥瑣齷齪。烏足以任事。更何足以爲貴。如是而知聖人潔身之行。必先嚴義利之辨。伊尹凡事折衷於道義。自一介之細。推而極於天下千駟之重。初無二致。非謂天下千駟之不足重也。以天下千駟猶不如吾身之重也。夫以吾身之重。加乎天下千駟之上。故吾身之潔。雖以天下千駟。而亦有所不屑也。吾聞潔其身而任天下之事者矣。未聞失其身而能任天下之事者也。是故士而有志於當世之事。先自不屑不潔始。 孟子新讀本

傳按禮記射義·男子生·桑弧蓬矢六·以射天地四方·天地四方者·男子之所有事也·是男子初生·爲父母者已期望其有擔當天下事之志·若不能奮發有爲·立身行道·卽不孝也·人不能離羣而獨立·其衣食住行·非盡能自織自耕自築自闢·必有賴於他人之力也·既有賴於他人之力以生存·而不能有利於他人·是人類之蠹·而國之賊也·才愈大者·責任心必愈重·伊尹以天下爲己任·大丈夫不當如是耶·今國家多難·有悲傷太息而驚惶失措者·是無勇氣也·般樂怠敖·不知禍之將至者·是無心肝也·竭吾之心力·以從事於救亡圖存之事業·斯有志之士所宜努力·而亦責無旁貸者也·

景春曰·公孫衍張儀·豈不誠大丈夫哉·一怒而諸侯懼·安居而天下熄·孟子曰·是焉得爲大丈夫乎·子未學禮乎·丈夫之冠也·父命之·女子之嫁也·母命之·往送之門·戒之曰·往之女家·必敬必戒·無違夫子·以順爲正者·妾婦之道也·居天下之廣居·立天下之正位·行天下之大道·得志與民由之·不得志獨行其道·富貴不能淫·貧賤不能移·威武不能屈·此之謂大丈夫·同上

○與孟子同時之人·○二人皆魏人·爲連衡之學者·戰國時著名之政客·○怒則說諸侯使相攻伐·

故諸侯懼。②安居不用辭說。則天下兵革熄。③是指衍儀等人。焉。安也。言行儀等安得爲大丈夫乎。④古者男子二十而冠。有冠禮。清江氏永曰。父命之者。迎賓冠子。父主其事。士冠禮諸祝辭。皆賓祝之。非父命也。⑤女子出嫁。母主其事。送之門者。廟門以內也。⑥女笄汝。女家。夫家也。婦人內夫家。外父母家。故以嫁爲歸。⑦夫子。夫也。⑧謂天地之間。至廣大也。⑨易家人象傳曰。男正位乎外。⑩仁義之道。⑪與民共由於大道。兼善天下也。⑫獨善其身。⑬淫。蕩其心。⑭因移。變其節。⑮屈。挫其志。

宋何氏鑄曰。戰國之時。聖賢道否。天下不復見其德業之盛。但見姦巧之徒。得志橫行。氣焰可畏。遂以爲大丈夫。不知由君子觀之。是乃妾婦之道。何足道哉。孟子集註

傳按公孫衍張儀。皆戰國時之辯士。聲勢烜赫。故當世目爲大丈夫。而孟子以妾婦比之者。以其所爲。大都悅人以取寵也。而真正之大丈夫。決非有深切之修養不可。蓋必有謹慎恭儉之德性。然後能處富貴而不淫。必有遠大清高之志節。然後能居貧賤而不移。必有剛強弘毅之氣概。然後能臨威武而不屈。此豈浮夸之士。矜一時之意氣。而苟以求名者之所能勉強哉。故欲爲大丈夫者。必自努力修養始。

孟子曰。人有不爲也。而後可以有爲。孟子離婁下

宋程子曰。有不爲。知所擇也。惟能有不爲。是以可以有爲。無所不爲者。安能有所

爲耶。 孟子集註

蔣伯潛先生曰：有所不爲者，行己有恥，以廉隅自飭者也。必如此，方可以有爲。若寡廉鮮恥，無所不爲之人，則敗事有餘，成事不足，決不能有所作爲。今世往往視有所不爲者，爲迂執，爲消極，以爲不足有爲，奔走鑽營，非但恬不知恥，且羣目爲幹練之才，此國事之所以不可爲也。 孟子新解

孟子曰：人不可以無恥，無恥之恥，無恥矣。 孟子盡心上

漢趙氏岐曰：人能恥己之無所恥，是爲改行從善之人，終身無復有恥辱之累矣。 孟子新解

孟子曰：恥之於人大矣。○爲機變之巧者，無所用恥焉。○不恥不若人，何若人有。○ 孟子盡心上

○恥者，吾所固有羞惡之心也。存之則進於聖賢，失之則入於禽獸，故所繫爲甚大。○言人之心思，惟務機械變詐以取巧，必至於欺詐陰險害人而後已。此種人乃無恥之尤，故無所用其羞恥之心。○既不以己之不如人爲恥，則終不如人而已矣。

唐蔚芝先生曰：學問之不若人也，材智之不若人也，行詣之不若人也，推而至於文化之不若人也，武力之不若人也，風俗之不若人也，國勢之不若人也，皆可恥之尤。

者也。中庸云：知恥近乎勇。惟知恥而後能愧奮。愧奮而後能自強。故欲求所以免恥之實，當知臥薪嘗膽之道矣。嗚呼，不恥不若人，則何有若人之一日乎。孟子新

讀本

臨財毋苟得⊖。臨難毋苟免⊖。很毋求勝⊖。分毋求多⊖。禮記曲禮上

⊖見利思義。⊖死守善道。⊖很，謂爭訟也。毋求勝，忿思難也。⊖為傷平也。

唐蔚芝先生曰：臨財臨難，戒以苟得苟免。廉恥明而後禮義立。此氣節之天則也。

禮記大義

禮不妄說⊖人。不辭費⊖。同上

⊖說晉悅。⊖君子之辭，達意則止，不多言也。

登城不指⊖。城上不呼⊖。同上

⊖有所指，則惑見者。⊖有所呼，則駭聞者。

將適舍⊖。求毋固。同上

⊖謂主人家。

傳按今世旅館林立，誠不難以己之財力，滿足欲望。然亦有寄宿親友之家者。若必固求平日之所欲，則必為主人所厭，仍不可不知此節之義也。

將上堂·聲必揚⊙· 同上

⊙揚其聲者·使在內之人知之也·

戶外有二屨·言聞則入·言不聞則不入⊙· 同上

⊙室有兩人·故戶外有二屨·所言不聞於外·必是密謀·故不入也·履音屨·

傳按西人之俗·至人室外·必先以指叩戶·其意蓋與此二節殊途同歸·

將入戶·視必下⊙·入戶奉扇·視瞻毋回⊙·戶開亦開·戶闔亦闔⊙·有後入者·闔而

勿遂⊙· 同上

⊙視下·不舉目也·⊙扇·古螢反·門闔木也·入戶之時·兩手當心·如奉扇然·雖視瞻而不爲迴轉·嫌於干人之私也·⊙開闔皆如前·不違主人之意·⊙遂·闔之盡也·嫌於拒後來者·故勿遂·

並坐不橫肱⊙· 同上

⊙橫肱則妨並坐者·肱古宏反·

侍坐於君子·君子欠伸⊙·撰⊙杖履·視日蚤莫⊙·侍坐者請出矣⊙· 同上

⊙氣乏則欠·體疲則伸·⊙撰·猶持也·⊙望日之早晚·莫音暮·⊙四者皆厭倦之容·恐妨君子就安·故請退·

毋側聽⊙·毋噉應⊙·毋淫視⊙·毋怠荒⊙· 同上

○嫌探人之私也。○噉音叫。號呼之聲也。應答之聲宜和平。高急者。悻戾之所發也。○流動邪視。○容止巖慢。

遊毋佶○。立毋跛○。坐毋箕○。寢毋伏○。同上

○遊。行也。佶音據。傲慢也。○跛。彼義切。偏任也。立當兩足整齊。不可偏任一足。○箕謂兩展其足。狀如箕舌也。○寢。臥也。伏。覆也。

明徐氏師會曰。行當恭謹。立當整齊。坐必斂足。寢不如尸。皆敬也。禮記義疏

入竟而問禁○。入國而問俗○。入門而問諱○。同上

○竟與境同。禁爲政教。○慮得罪於衆。○慮得罪於主人。

儼人必於其倫○。禮記曲禮下

○儼與擬同音。猶比也。倫猶類也。

凡視。上於面則教○。下於帶則憂○。傾則姦○。同上

○教音傲。慢也。○下於帶者。其神奪。知其有憂。○傾。欹側也。視流則容側。必有不正之心存乎胸中矣。

齊大饑。黔敖爲食於路。以待餓者而食之。有餓者蒙袂挾屨屨○。貿貿○然來。黔敖左奉食。右執飲。曰。嗟來食○。揚其目而視之○。曰○。予唯不食嗟來之食以至於斯也。

從而謝焉⑤。終不食而死⑥。會子聞之。曰。微與。其嗟也可去。其謝也可食⑦。

龍檀弓下

⑤蒙袂。以袂蒙面。不欲見人也。輯屨。輯斂其足。言困憊而行蹇也。⑥質質。目不明之貌。⑦歎憫之而使來食也。⑧餓者聞其嗟已。無敬已之心。於是發怒。揚舉其目而視黔敖。⑨餓者之言。⑩黔敖從遂餓者之後而道歉。⑪餓者終不肯食而死。⑫微與。猶言細故末節。謂嗟來之言雖不敬。然亦非大過。故其嗟雖可去。而謝焉則可食矣。

唐蔚芝先生曰。戴氏記此。悲餓者激烈而輕生。亦責黔敖輕心以將事也。孟子曰。羞惡之心。人皆有之。又曰。噫爾而與之。行道之人弗受。蹴爾而與之。乞人不屑也。曰弗受。曰不屑。皆羞惡之心所發也。然則施濟者。可不設身處地。而強恕以行之乎。

禮記大義

俾接餓者於黔敖從謝之後。仍不食而死。雖似過當。然不可謂非有志氣者。蓋富貴之人。常挾其財勢以欺衆。而不知貧賤有不可侮者也。而黔敖之所爲。亦不愧一時之善士也哉。

中國之固有道德卷七

和

喜怒哀樂之未發謂之中[○]。發而皆中節謂之和[◎]。中也者，天下之大本也[◎]。和也者，

天下之達道也[◎]。致中和，天地位焉，萬物育焉[◎]。中庸

○喜怒哀樂·緣事而生·未發之時·澹然虛靜·心無所慮·而當於理·故謂之中·樂音洛·◎發皆中節·無所乖戾·故謂之和·◎中爲大本者·以其含喜怒哀樂·禮之所由生·政教自此出也·◎五倫爲達道·皆以和行·◎致·推而極之也·位者·安其所也·育者·遂其生也·言能致極中和·則天地於此安其所·萬物於此遂其生矣·

傳 按成湯網開三面·武王歸馬放牛·中庸云萬物育焉·而孟子則昌言愛物·吾國聖哲·民胞物與·溫和之量·充塞天地·視歐洲之物競主義·以殘殺異類爲得計者·其仁暴相隔·豈不遠哉·

子路問強[○]·子曰·南方之強與·北方之強與·抑而強與[◎]·寬柔以教·不報無道·南方之強也·君子居之[◎]·衽金革·死而不厭·北方之強也·而強者居之[◎]·故君子和而不流[◎]·強哉矯[◎]·中立而不倚[◎]·強哉矯·國有道·不變塞焉[◎]·強哉矯·國無道·

至死不變④。強哉矯。 同上

○子路好勇。故問強。①與同歎。抑。語助辭。而。汝也。②寬柔以教。謂含容和順。以誨人之不及。不報無道。謂橫逆之來。直受之而不報。南方風氣柔和。故以含忍之力勝人爲強。君子之道也。③衽。猶席也。金。戈兵之屬。革。甲冑之屬。以甲鎧爲席。寢宿其中。而與人戰鬥。雖死而不厭恨。北方風氣剛勁。故以果敢之力勝人爲強。強者之事也。④流。猶移也。⑤矯。強貌。⑥守中。唐蔚芝先生曰。君子者。不囿於方隅者也。處世以和爲貴。然而而流。則與衆人皆濁矣。惟和而不流。所以爲中庸之道也。孟子曰。中天下而立。中立不倚。有特立獨行之概。不隨世俗爲俯仰。所以爲中庸之道也。不變塞焉。至死不變。是篤信乎中庸之學。而守死善道者也。如何而能不變。則出處隱見。當審其幾焉。易乾之象傳曰。天行健。君子以自強不息。此四者。皆所以自強也。無論南方之強。北方之強。皆當以是陶鎔之也。 中庸新讀本

傳按時至今日。有強權而後有公理。南方之強。已不甚合於時宜。而外侮頻仍。似應獎勵北方之強。以養成國民剛強之氣。而使之有慷慨赴難之勇。至於不流不倚不變。純乎義理。尤學省所宜講求也。

有子曰：禮之用，和爲貴。先王之道，斯爲美。小大由之。有所不行，知和而和，不以禮節之，亦不可行也。論語學而

○孔子弟子有若。○管子心術篇。登降揖讓。貴賤有等。親疏有體。謂之禮。用。行也。凡禮之體。主於敬。而其用則以和爲貴。和者。從容不迫之意也。○先王指古先聖王。斯。此也。指禮而言。美。善也。言古先聖王之道。禮爲最善也。○由。自也。自與從同。小大由之。謂小事大事無不從之也。○承上文而言。如此而復有所不行者。以其徒知和之爲貴而一於和。不復以禮節之。則亦非復禮之本然。所以流蕩忘反。而亦不可行也。

清黃氏式三曰。此爲放蕩者戒。陸稼書說是也。好放蕩者。其意以禮爲不和耳。視爲繁瑣拘苦。以舊坊無用而壞之。好脫略簡率之爲。卒生悖逆欺陵之釁。其人非特不循禮。并不得謂之能和。有子特揭禮中之和以示之。見節文自然。人各甘心行之。所以能範圍小大之事。不待矯拂。而外禮者之和。失其和矣。論語後案

子曰：君子和而不同。小人同而不和。論語子路

○和者。無乖戾之心。同者。有阿比之意。○小人嗜好相同。然各爭利。故不和。

宋黃氏幹曰。和之與同。公私而已。公則視人猶己。何不和之有。惟理是視。何同之有。私則喜狎昵。所以常同。好忌刻。所以不和。論語集註大全

丘也聞有國有家者○。不患寡而患不均。不患貧而患不安○。蓋均無貧。和無寡。安無傾○。

論語季氏 孔子告冉有之詞

○丘是孔子自稱其名。國謂諸侯。家，卿大夫也。○集注：寡謂民少。貧謂財乏。均謂各得其分。安謂上下相安。言爲諸侯卿大夫者。不患民少財乏。而患不均不安也。俞蔭甫先生羣經平議謂寡貧二字傳寫互易。貧以財言。不均亦以財言。財宜乎均。不均則不如無財矣。故不患貧而患不均也。寡以人言。不安亦以人言。人宜乎安。不安則不如無人矣。故不患寡而患不安也。○集注：均則不患於貧而和。和則不患於寡而安。安則不相疑忌。而無傾覆之患。

孟子曰：天時不如地利。地利不如人和○。三里之城。七里之郭○。環而攻之而不勝。夫環而攻之。必有得天時者矣○。然而不勝者。是天時不如地利也。城非不高也。池○非不深也。兵革非不堅利也○。米粟○非不多也。委而去之○。是地利不如人和也。故曰：域民不以封疆之界○。固國不以山谿之險。威天下不以兵革之利。得道者多助。失道者寡助。寡助之至。親戚畔○之。多助之至。天下順之。以天下之所順。攻親戚之所畔。故君子有不戰。戰必勝矣○。

孟子公孫丑下

○天時者。用兵得其時機。地利者。得地形之勝。人和者。全國民衆同心協力也。○三里七里。城郭之小者。郭。外城也。○環。圍也。言四面圍攻。曠日持久。必有得於天時者。○池。即城外之護

城河。④兵。兵器。革。甲也。堅指甲。利指兵器。⑤衆。穀也。⑥委。棄也。言不得民心。民不爲守也。⑦域。界限也。戰國時之君主。以封疆之界域民。禁往他國。然民實非封疆之界所能域。不以二字。含有不專恃之意。非盡不用此也。下同。⑧畔。同叛。⑨言不戰則已。戰則必勝。

宋張氏拭曰。孟子謂域民不以封疆。固國不以山谿。威天下不以兵革。而先王封疆之制。甚詳於周官。設險守國。與夫弧矢之利。並著於易經。何耶。蓋先王吉凶與民同患。其爲治也。體用兼備。本末具舉。道得於己。固有以一天下之心。而法制詳密。又有以周天下之慮。此其治所以長久而安固也。孟子之言。則舉其本而明之。有其本而後法制不爲虛器也。南軒孟子說

唐蔚芝先生曰。或謂孟子迂言也。孝弟忠信。可使制梃以撻秦楚之堅甲利兵。孝弟忠信。無形者也。堅甲利兵。有形者也。以無形當有形。以血肉當鋒鏑。是殘民命也。是人和未足恃也。不知天下惟無形之心。爲能統攝有形之具。孟子之意。以爲惟得人心。而後可以言戰學也。講戰法也。製戰具也。孟子非不言戰術也。得人心而益精於戰術也。然則孟子非欲以無形敵有形也。以無形之心。統攝有形之具。而後能無敵於天下也。否則委而去之。先失其無形者。卽併失其有形者也。無形可以用有形。有形不能用無形者也。然則孟子非迂言也。孟子新讀本

師克在和不在衆。左傳桓公十一年 楚圖康對莫敖語

冬·楚子○伐蕭·宋華椒以蔡人救蕭·蕭人囚熊相宜僚及公子丙·王○曰·勿殺·吾退·蕭人殺之·王怒·遂圍蕭·蕭潰·申公巫臣○曰·師人多寒·王巡三軍·拊○而勉之·三軍之士皆如挾纊○·遂傅○於蕭·左傳宣公十二年

○楚莊王·○卽楚莊王·○巫臣·楚中縣尹·○拊·撫慰也·○纊音曠·綿也·言說以忘寒·○傅音附·

三三感之象曰·咸·感也·柔上而剛下○·二氣感應以相與○·止而說○·男下女○·是以亨利貞·取女吉也○·天地感而萬物化生○·聖人感人心而天下和平○·觀其所感·而天地萬物之情可見矣○·周易下經

○咸卦艮下兌上·艮剛而兌柔·○與猶親也·言陰陽二氣·感應而相親也·○艮止於下·篤誠相下也·兌說於上·和說相應也·說音悅·○婚姻之義·男先求女·我國舊禮·凡納采·問名·納吉·納徵·請期·親迎諸禮·皆男下女之事·○言相感之道如此·是以能亨通而得正·取女如是則吉也·○天地二氣交感·而化生萬物·○聖人至誠以感億兆之心·而天下和平·○極言感通之理·

鳴鶴在陰·其子和之·我有好爵·吾與爾靡之○·子曰·君子居其室·出其言善·則千里之外應之·况其邇者乎·居其室·出其言不善·則千里之外違之·况其邇者乎·言出

乎身。加乎民。行發乎邇。見乎遠。言行。君子之樞機。樞機之發。榮辱之主也。言行。君子之所以動天地也。可不慎乎。 周易繫辭上傳

○此中孚九二爻辭也。際。共也。言鶴鳴於幽隱之處。不聞也。而其子相應和。中心之願相通也。好爵我有。與爾共之。悅好爵之意同也。有孚於中。物无不應。誠同故也。○樞謂戶樞。機謂斧牙

元保八氏曰。樞動而戶開。機動而矢發。小則招榮辱。大則動天地。皆此唱彼和。感應之最捷也。 周易折中

王曰○。君陳。爾惟弘周公丕訓○。無依勢作威。無倚法以削○。寬而有制。從容以和○。 書經君陳

○周公遷殷頑民於下都。親自監之。及周公歿。成王命君陳代之。此其策命中之詞。○弘。益張而大之也。不。大也。言爾惟張大周公之大訓。○勢。上所有。法。上所用。喜怒予奪。毫髮不於人而於己。卽不免作威以削矣。削。侵削也。○寬不可一於寬。必寬而有其制。和不可一於和。必從容以和之。而後可以和厥中。

常棣之華。鄂不韡韡○。凡今之人。莫如兄弟。

○常棣。棣也。子如櫻桃可食。華晉花。鄂。五各反。猶鄂鄂然花外發也。不。猶豈不也。韡韡。

光明貌·韞音偉。

唐孔氏穎達曰·常棣衆華俱發·實韞韞而光明·以與兄弟衆多·而相和睦·豈不強威而有光輝乎·兄弟和睦·則強威如是·然則凡今時天下之人·欲致此韞韞之威·莫如兄弟之相親·言兄弟相親·則致榮顯也·

毛詩注疏

死喪之威·兄弟孔懷○·原隰哀矣·兄弟求矣○·

○威·畏也·孔·甚也·懷·思也·言死喪可畏之事·惟兄弟之親·甚相思念也·○哀·薄候反·聚也·至於積尸哀聚於原野之間·亦惟兄弟爲相求也·

脊令在原○·兄弟急難○·每有良朋·况也永歎○·

○脊令音積零·水鳥也·原·高原也·水鳥在高原·失其常處·飛則鳴·行則搖·有急難之意·故以起興·○言兄弟相救於急難·○每·雖也·况·滋也·永·長也·言雖有良朋·徒滋長歎而已·宋呂氏祖謙曰·疏其所親·而親其所疏·此失其本心者也·故此詩反覆言朋友之不如兄弟·使之反循其本也·本心既得·則由親及疏·秩然有序·兄弟之親既篤·朋友之義亦敦·初非薄於朋友也·苟雜施而不孫·雖曰厚於朋友·如無源之水·胡可保哉·

詩經集傳

兄弟鬩于牆·外禦其務○·每有良朋·烝也無戎○·

中國之固有道德 和

○闕·許歷反·闕狠也·務·侮也·兄弟雖有闕狠於內·然有外侮·則同心禦之矣·○烝·之承反·久也·我·相助也·

喪亂既平·既安且寧·雖有兄弟·不如友生·

宋歐陽氏修曰·及乎喪亂平而安寧·則反視兄弟不如友生·此乃責之辭· 詩經傳既

彙纂

馬師通伯曰·視兄弟不如友生·乃世俗之情·其實兄弟尚恩·朋友以義·各有其當盡之道·不可重友而遂輕兄弟也· 詩毛氏學

饋爾藟豆·飲酒之飫○·兄弟既具·和樂且孺○·

○饋·賓胤反·陳也·籩與豆·皆盛食之器·飫·於慮反·饜也·○具·俱也·樂音洛·孺·小兒也·言不惟和樂·其情親義厚·無異於孺子嬉戲之時也·

妻子好合·如鼓瑟琴○·兄弟既翕·和樂且湛○·

○言妻子好合·如琴瑟之和也·○翕音吸·合也·湛音耽·樂之甚也·

宜爾室家○·樂爾妻帑○·是究是圖·亶其然乎○·

○兄弟具而後樂且孺也·○帑音奴·子也·兄弟翕而後樂且湛也·○究·深也·圖·謀也·亶·信也·言兄弟於人·其重如此·試以是究而圖之·豈不信其然乎·

常棣八章·章四句· 詩經小雅鹿鳴之什

宋真氏德秀曰·周公使二叔監殷·二叔以殷畔·使他人處此·必且疾視同姓·惟恐疏棄之不亟·而公作此詩·以燕兄弟·方綱繆反復·謂如常棣華鄂之相依·脊令首尾之相應·雖念闕於門牆之內·至於外侮·則同力以禦之·愴然閔惻之至情·溫然篤敍之深恩·溢於言外· 大學衍義

明朱氏善曰·必厚於兄弟·而後朋友之好愈篤·妻孥之樂可久·苟兄弟閤燿于內·則不惟朋友不得以盡其情·而妻孥且不得以久其樂矣· 詩經傳說彙纂

大學之法·禁於未發之謂豫○·當其可之謂時○·不陵節而施之謂孫○·相觀而善之謂摩○·此四者·教之所由興也·發然後禁·則扞格而不勝○·時過然後學·則勤苦而難成·雜荒而不孫○·則壞亂而不脩·獨學而無友·則孤陋而寡聞·燕朋逆其師○·燕辟廢其學○·此六者·教之所由廢也·君子既知教之所由興·又知教之所由廢·然後可以爲人師也·故君子之教喻也·道而弗牽○·強而弗抑○·開而弗達○·道而弗牽則和·強而弗抑則易○·開而弗達則思·和易以思·可謂善喻矣· 禮記學記

○未發·情慾未生·豫者·先事之謂也·○時者·不先不後之期也·○孫·踰越也·節謂年才所堪·施猶教也·孫·順也·○觀人之善·而於己有益·如以兩物相摩·而各得其助也·○扞·胡半反·

拒扞也。格·胡容反·謂堅強難入也。不勝·不能承當其教也。⊙謂顯等陵節。⊙燕猶變也。謂燕
變朋友·不相尊敬·則違逆其師之教道。⊙辟·音義皆同譬·謂義理深奧處·直言難曉時·須假設
譬喻·然後可解·而怠學之徒·好變慢師之譬喻·是廢其學也。或曰·謂昵於敖辟·自以爲是·不
力於學·辟音僻·⊙道即引導·牽謂牽偏·謂導之以入道之所由·而不偏急率令其速曉。⊙使學
者神識堅強·隨才而與之·不甚推抑其義而教也。⊙⊙開發事端·不事事即使通達。⊙⊙導入正道
·寬柔教之·則彼心和·而意乃覺悟·強其神識·而不抑勒之·則受者和易·亦易有成。

宋陳氏祥道曰·道而使之和·則所從者樂·強而使之易·則所進者銳·開而使之思·
則所得者深· 禮記義疏

唐蔚芝先生曰·君子之教也·貴在養其自治之能力·道而弗牽者·指導而不牽引之·
故能和·強而弗抑者·勉強而不抑制之·故能易·開而弗達者·開示而不盡達以告語
之·故能思·此三者·皆所以養其自治之精神也·能養其自治之精神·則學者皆有心
得·較之外襲而取·稍久即忘者·不可同日而語也· 人格

凡音者·生人心者也·情動於中·故形於聲·聲成文謂之音·是故治世之音安以樂·其
政和⊙·亂世之音怨以怒·其政乖⊙·亡國之音哀以思·其民困⊙·聲音之道·與政通
矣⊙· 禮記樂記

○治世政事和諧。故形於聲音者安以樂。○亂世政事乖戾。故形於聲音者怨以怒。○將亡之國。其民困苦。故形於聲音者哀以思。○言八音和否隨政也。

人生而靜。天之性也。○感於物而動。性之欲也。○物至知知。然後好惡形焉。○好惡無節於內。知誘於外。不能反躬。天理滅矣。○夫物之感人無窮。而人之好惡無節。則是物至而人化物也。○人化物也者。滅天理而窮人欲者也。於是有了悖逆詐僞之心。有淫泆作亂之事。是故強者脅弱。衆者暴寡。知者詐愚。勇者怯。疾病不養。老幼孤獨不得其所。○此大亂之道也。是故先王之制禮樂。人爲之節。○衰。○麻哭泣。所以節喪紀也。○鐘鼓干戚。所以和安樂。○昏姻冠笄。所以別男女也。○射鄉食饗。所以正交接也。○禮節民心。樂和民聲。政以行之。刑以防之。禮樂刑政。四達而不悖。則王道備矣。 同上

○人初生未有情欲。其靜本於自然。是天性也。○感於外物而心遂動。是性發爲情。而有所食欲也。○人心虛靈知覺。事至物來。則必知之。而好惡形焉。○不能反躬以思其理之是非。是人欲熾而天理滅矣。○心爲物役。則去禽獸不遠矣。○知音智。○疾病者心所嫌惡。不收養之。○無有哀矜之者。故不得其所。○言爲作法度以遏其欲。○衰音催。○樂音洛。○射禮。鄉飲酒禮。食禮。饗禮。

君子曰·禮樂不可斯須^①去身·致樂以治心·則易直子諒^②之心油然而生矣·易直子諒之心生則樂^③·樂則安·安則久·久則天^④·天則神^⑤·天則不言而信·神則不怒而威·致樂以治心者也·致禮以治躬則莊敬·莊敬則嚴威·心中斯須不和不樂·而鄙詐之心入之矣·外貌斯須不莊不敬·而易慢之心入之矣·故樂也者·動於內者也·禮也者·動於外者也·樂極和·禮極順·內和而外順·則民瞻其顏色而弗與爭也·望其容貌而民不生易慢焉·故德輝^⑥動於內·而民莫不承聽·理發諸外·而民莫不承順·故曰·致禮樂之道·舉而錯^⑦之天下無難矣· 禮記樂記

①斯須·暫也·猶云須臾·②易直·和易正直也·子諒讀爲慈良·③此樂音洛·下樂則之樂同·
④謂性體自然·⑤謂神妙不測·⑥輝音輝·⑦錯與措同·

元陳氏澹曰·動於內·則能治心矣·動於外·則能治躬矣·極和極順·則無斯須之不和不順矣·所以感人動物·其效如此· 禮記集說

荀營^①士魴^②卒·晉侯^③蒐于緜上以治兵^④·使士甸將中軍·辭曰·伯游^⑤長·昔臣習於知伯·是以佐之^⑥·非能賢也·請從伯游·荀偃將中軍^⑦·士甸佐之·使韓起將上軍·辭以趙武·又使欒黶^⑧·辭曰·臣不如韓起·韓起願上趙武·君其聽之·使趙武將上軍·韓起佐之·欒黶將下軍·魏絳佐之^⑨·新軍無帥^⑩·晉侯難其人·使其什吏^⑪

率其卒乘①官屬。以從於下軍。禮也②。晉國之民。是以大和。諸侯遂睦。君子曰。讓。禮之主也。范宣子③讓。其下皆讓。樂毅爲汰。弗敢違也④。晉國以平。數世賴之。刑⑤善也夫。一人刑善。百姓休和。可不移乎⑥。書⑦曰。一人有慶。兆民賴之。其寔惟永⑧。其是之謂乎。左傳襄公十三年。

①卽知懿。晉中軍將。②晉下軍佐。③晉悼公。④爲將命軍帥也。必蒐而命之。所以與衆共。⑤荀偃。時將上軍。⑥襄公七年。韓厥老。知罃代將中軍。士匄佐之。⑦代荀偃。⑧以趙武位卑。故不聽。更命欒黶。⑨代士匄。⑩新軍帥趙武遷將上軍。其佐魏絳遷佐下軍。⑪什吏是十人長。什音十。⑫步卒車士。⑬得憤舉之禮。⑭士匄。⑮欒黶最爲汰侈。亦弗敢違戾。⑯刑。法也。⑰可不以刑善爲先務乎。⑱書經呂刑篇。⑲義取上有好善之慶。則下賴其福。甯。安也。永。長也。

傳按競爭之說興。而禮讓之風微。觀晉之將帥禮讓爲國。而晉民大和。晉國以平。則其效亦可觀矣。當舉世爭奪之際。有以禮讓倡導羣倫者乎。亦一救時之良藥也。和如羹焉。水火醯醢鹽梅。以烹魚肉。燀之以薪。宰夫和之。齊之以味。濟其不及。以洩其過。君子食之。以平其心。君臣亦然。君所謂可。而有否焉。臣獻其否。以成其可。君所謂否。而有可焉。臣獻其可。以去其否。是以政平而不干。民無爭心。

左傳昭公二十年 晏子對齊侯語

○醢·呼兮反·酢也·醢音海·肉醬也·古人調鼎用梅醢·○燂·章善反·炊也·○否·音伍·不可也·○獻君之否·以成君可·

宋真氏德秀曰·古昔盛時·明良會聚·不惟都俞·而有吁咈焉·曰都曰俞者·相可之謂也·曰吁曰咈者·相否之謂也·惟其可否相濟·所以爲唐虞之治·衛侯言事·自以爲是·而羣臣和之·若出一口·所以致亂亡也·後之人主·有所欲爲·率惡人之己異·曰·此沮吾之事也·不知以否濟可·乃所以成吾事·而何沮之云·惟斟酌劑量於可否之間·如和羹然·期於適口而已·則其異也·乃所以爲同·而其忤也·適以爲順·吁·人主於晏子之言·可不深味也哉· 大學衍義

政寬則民慢·慢則糾之以猛·猛則民殘·殘則施之以寬·寬以濟猛·猛以濟寬·政是以和· 同上 仲尼之言

柳下惠爲士師○·三黜○·人曰·子未可以去乎○·曰·直道而事人·焉往而不三黜○·枉道而事人·何必去父母之邦○· 論語微子

○柳下惠·姓展名禽·字季·居柳下而諡惠·士師·典獄之官·即今之法官·○黜·退也·貶也·三黜者·三次被貶退也·○或人謂柳下惠曰·子數被貶退·未可以離魯國而他去乎·○焉·何也·

言世人多邪·而已以直道事之·則何往而不三黜乎·⑤枉·曲也·父母之邦·謂魯國也·言若能枉道事人·則在魯亦不見黜·何必離去本國乎·

宋朱子曰·柳下惠三黜不去·而其辭氣雍容如此·可謂和矣·然其不能枉道之意·則有確乎其不可拔者·是則所謂必以其道·而不自失焉者也·
論語集注

柳下惠不羞汙君①·不辭小官②·進不隱賢·必以其道③·遺佚而不怨④·阨窮而不憚⑤·與鄉人處·由由然⑥不忍去也·爾爲爾·我爲我·雖袒裼裸裎於我側·爾焉能浼我哉⑦·故聞柳下惠之風者·鄙夫寬⑧·薄夫敦⑨·
孟子萬章下

①不以事濫顯之君爲羞恥·②不以小官爲卑下而辭去·③進不隱己之賢才·必欲行其道也·④遺佚·放棄也·言被君主所遺棄而不怨恨·佚·晉逸·⑤阨·困也·憚·憂也·言處困境而不憂·⑥自得之貌·⑦從爾爲爾至爾焉能浼我哉·是柳下惠之言·袒裼·露背也·裸裎·露身也·袒·音但·裼·音錫·裸·魯果反·裎·音程·浼·莫罪反·汙也·⑧鄙·狹陋也·鄙夫是胸襟狹陋之人·寬·大也·⑨薄夫是性情刻薄之人·敦·厚也·

宋張氏栻曰·柳下惠雖事汙君而不羞·居小官而不辭·然其進也·未嘗隱賢焉·未嘗不以其道焉·此所以爲柳下惠也·不然·則是枉己苟仕而已矣·
南軒孟子說

柳按孟子曰·柳下惠·聖之和者也·
萬章又曰·柳下惠不以三公易其介·
盡心蓋

外圍內方·自守介而與人和·此其所以和而不流·足爲百世之師歟·

莊暴○見孟子曰·暴見於王○·王語暴以好樂○·暴未有以對也·曰好樂何如·孟子曰·王之好樂甚·則齊國其庶幾○乎·他日見於王曰·王嘗語莊子以好樂·有諸○·王變乎色○·曰·寡人非能好先王之樂也·直好世俗之樂耳·曰·王之好樂甚·則齊其庶幾乎·今之樂·猶古之樂也○·曰·可得聞與○·曰○·獨樂樂·與人樂樂·孰樂·曰·不若與人·曰·與少樂樂·與衆樂樂·孰樂·曰·不若與衆·臣請爲王言樂○·今王鼓樂於此·百姓聞王鐘鼓之聲·管籥之音○·舉疾首蹙頞○而相告曰·吾王之好鼓樂·夫何使我至於此極○也·父子不相見·兄弟妻子離散·今王田獵於此·百姓聞王車馬之音·見羽旄之美○·舉疾首蹙頞而相告曰·吾王之所好田獵·夫何使我至於此極也·父子不相見·兄弟妻子離散·此無他·不與民同樂也○·今王鼓樂於此·百姓聞王鐘鼓之聲·管籥之音·舉欣欣然○有喜色而相告曰·吾王庶幾無疾病與·何以能鼓樂也·今王田獵於此·百姓聞王車馬之音·見羽旄之美·舉欣欣然有喜色而相告曰·吾王庶幾無疾病與·何以能田獵也·此無他·與民同樂也○·今王與百姓同樂·則王矣○

○ 孟子梁惠王下

○ 齊臣· ○ 見於之見音現· 下見於同· 王指齊宣王· ○ 樂音洛· 悅也· ○ 庶幾· 近辭也· 言近於治

⑤孟子見齊宣王而問之也。⑥變色者。慚其好之不正也。⑦此孟子之言。好樂甚。猶言甚好樂也。今樂。世俗之樂。古樂。先王之樂。⑧齊宣王問孟子之言。⑨自此以下四曰字。係孟子與宣王兩問兩答。⑩自此以下皆孟子之言。⑪鐘鼓管籥皆樂器。管籥是簫笛等。⑫舉。皆也。疾首。頭痛也。蹙。子六反。聚也。頰音渴。頰也。人憂愁則蹙其頰。⑬極。困窮之至也。⑭飾羽。旌使之美好。⑮謂獨樂其身。而不恤其民。使之窮困也。⑯喜悅之貌。⑰推好樂之心以行仁政。使民各得其所也。⑱好樂而能與百姓同之。則天下之民歸之矣。所謂齊其庶幾者如此。

姚叔節先生曰。趙氏岐朱子烹皆謂好樂爲好音樂。後儒有謂此章惟鼓樂之樂音樂。餘皆音洛。悅樂也。不然。後文鼓樂田獵對舉。於文不類。唐風。好樂無荒。左傳。晏子曰。古而無死。則古之樂也。皆可證。其說似宜從。孟子講義

同人先號咷而後笑①。子曰。君子之道。或出或處。或默或語②。二人同心。其利斷金③。同心之言。其臭如蘭④。周易繫辭上傳

①此三三同人九五之交辭也。九五同于二。而爲三四兩陽所隔。故不勝憤抑而號咷。然邪不勝正。終必得合。故後笑也。號戶羔反。咷道刀反。②君子出處語默。不違其中。其迹雖異。而心則同。③二人若同齊其心。其纖利能斷截堅剛之金。④臭。氣也。如蘭。謂其言意味深長。

中國之固有道德卷八

平

孟子曰：道在爾而求諸遠，事在易而求之難，人人親其親長其長而天下平。孟子離婁上

○爾邇古通用·近也。

宋朱子曰：親長在人爲甚邇，親之長之在人爲甚易，而道初不外是也，舍此而他求，

則遠且難而反失之，但人人各親其親，各長其長，則天下自平矣。孟子集注

宋真氏德秀曰：戰國之時，學道者不求之近而求之遠，圖事者不求之易而求之難，不

知舉天下之人，而各親親，各長長，則和順輯睦之風行，而乖爭陵犯之俗息，天下其

有不平者乎。大學衍義

姚叔節先生曰：不安於邇與易，而好遠務難者，人之恆情，聰明之士尤甚，不知天下

至遠之道，卽在目前，至難之事，不出平易，試思能盡親親長長四字，完全無憾，已

非聖賢不能，况使人人能盡親親長長四字，充斯量也，非堯舜爲之君，禹契爲之輔，

不能望也，而尙可以爲邇與易而忽之乎，孟子針對時人之病，說得平平無奇，吾人卻

當知此四字，終身行之不盡也。孟子講義

三三謙·亨①·君子有終②·象曰·謙亨·天道下濟而光明③·地道卑而上行④·天道虧盈而益謙⑤·地道變盈而流謙⑥·鬼神害盈而福謙·人道惡盈而好謙·謙尊而光⑦·卑而不可踰⑧·君子之終也⑨·象曰·地中有山·謙⑩·君子以裒多益寡·稱物平施⑪·

①·初六·謙謙君子②·用涉大川·吉③·象曰·謙謙君子·卑以自牧也④·六二·鳴謙·貞吉⑤·象曰·鳴謙貞吉·中心得也⑥·九三·勞謙·君子有終·吉⑦·象曰·勞謙君子·萬民服也·六四·无不利·撝謙⑧·象曰·无不利撝謙·不違則也⑨·六五·不富以其鄰·利用侵伐·无不利⑩·象曰·利用侵伐·征不服也⑪·上六·鳴謙·利用行師·征邑國·象曰鳴謙·志未得也·可用行師·征邑國也⑫·

⑬·周易上經

·謙者·有其德而不居之義·謙巽自處·有亨之道也·⑭君子志存謙巽·讓而不矜·終身不易·自卑而人益尊之·自晦而德益光顯·此所謂君子有終也·⑮濟當爲際·下際·謂下交也·天之道以其氣下際·故能化育萬物·其道光明·⑯地之道·以其處卑·所以其氣上行·⑰日中則昃·月滿則虧·是虧減其盈·盈者虧減·則謙者受益也·⑱變謂傾壞·流謂聚而歸之·⑲王氏引之曰·尊讓爲撝節退讓之撝·尊之爲言·損也·小也·撝按降已接物·名譽益墜·敬人而人愈敬己·故其道光顯也·⑳辭貌卑遜·而志行剛正·故雖卑退而不可除越·㉑此君子所以有終也·㉒馬師通伯曰·山

卽地也。言地卑下。不足見其謙。必地中有山。而仍不失其地勢之平。是乃地之謙也。⊙⊙哀。蒲侯反。或作桴。取也。取多益寡。所以稱物之宜。而平其施。稱尺證反。⊙⊙初六以柔順處謙。又居一卦之下。爲自處卑下之至。謙而又謙也。故曰謙謙。能如是者君子也。⊙⊙涉川貴於遲重。不貴急速。用謙謙之道以涉川。自然萬無一失。故吉。⊙⊙牧。養也。言恆以謙卑自養其德也。⊙⊙謙德積於中。發於外。見於聲音顏色。曰鳴謙。德正處中。故貞吉。⊙⊙中心所得。非勉强爲之。⊙⊙勞謙匪懈。是以吉。或曰。勞謙。言有功勞而持謙德也。惟君子能終而得吉。⊙⊙謂當撝散其謙之道。布於上下也。撝呼回反。高亨先生曰。有施於人。而無居德之心。伐德之言。是爲撝謙。撝謙則人皆感恩戴德。故曰。無不利撝謙。⊙⊙則。常也。言守其常而不變也。⊙⊙潛師曰侵。擊罪曰伐。高先生曰。因鄰人盜劫其財物而家貧。是人之不富以其鄰也。因鄰國寇掠其財物而國貧。是國之不富以其鄰也。有鄰如此。侵伐之名正而言順。故曰不富以其鄰。利用侵伐。不富以其鄰。則知所戒備。知所戒備。則無憂患。所謂有備無患是也。故又曰无不利。⊙⊙文德所不能服者。則以武力征服之。⊙⊙馬師曰。勞謙在下。上則應之而鳴。志未得。正其謙也。蓋行師必有罪己之詔以自鳴。夫謙何必自鳴哉。獨可用於行師征邑國耳。班師而有苗格。鳴謙之效也。征不服爲戰陣之事。征邑國但擊罪而不遽加兵。亦謙意也。或曰。謙極有聞。人之所與。故可用行師。然質柔无位。可以征己之邑國而已。

元胡氏一桂曰：謙一卦，下三爻皆吉而無凶，上三爻皆利而無害，易中吉利，罕有若是純全者。謙之效固如此。周易折中

傳按易之豫卦，六三，盱豫，悔遲有悔，解之者曰：盱，上視也。豫，喜佚悅樂之貌。視瞻高傲，不勝其豫，故宜有悔。若悔之遲，必有悔也。觀此，愈知謙之有益，吾見因驕傲而敗名殞命者多矣。特全錄謙卦之文，以資研究。然過謙則近於鄙卑，亦非君子之道也。又按海通以來，我國外交，鮮不失敗。論者每歸咎謙讓之召侮，謂外人力主競爭，惟知進取，我則崇尚謙讓，容忍是務，故我愈退而彼愈進，彼益富強而我益貧弱。傳嘗思之，覺其言信然，而未盡然也。以僅知謙讓之流弊，而未知其真相也。蓋謙之意義，乃謙尊而光，卑而不可踰。論語言禮讓，是合禮乃讓，不合禮則不讓也。不知此義，而惟以畏縮退避爲賢，豈古昔聖哲提倡謙讓之本意耶。願有志濟世者熟思之。

樂記

○謂不欲其好惡之偏私，好呼報反，惡烏路反。

宋陳氏暘曰：周官五禮防民之僞而教之中，六樂防民之情而教之和，所謂防民之情僞

者·平好惡也·教之中和者·反人道之正也。禮記義疏

元陳氏澹曰·人道不正·必自好惡不平始·好惡得其平·則可以復乎人道之正·而風

移俗易矣·禮記集說

或曰·以德報怨·何如⊙·子曰·何以報德⊙·以直報怨·以德報德⊙·論語憲問

⊙德·謂恩惠也·老子有報怨以德之說·或人之意·欲人犯而不校·故以此言問孔子也·⊙言於其所怨·既以德報之矣·則人之有德於我者·又將何以報之乎·此孔子不以或人之言爲然而駁之也·

⊙此孔子自述其對於報怨報德之正當辦法·言當以直道報怨·以恩德報德也·

宋朱子曰·或人之言·可謂厚矣·然以聖人之言觀之·則見其出於有意之私·而怨德之報·皆不得其平也·必如夫子之言·然後二者之報各得其所·論語集注

錢穆先生曰·以直道報怨者·其實則猶以仁道報怨也·以人與人相處之公道報怨也·我雖報吾之私怨·而使旁人不責我爲過分·而公認我之報之爲正當焉·是卽直道矣·報德可過分·而報怨不可以過分·此亦仁道也·若人有怨於我·而我故報之以德·是未免流於邪枉虛僞·於仁爲遠·故孔子不取·論語要略

傳按禮記表記·子曰·以德報德·則民有所勸·以怨報怨·則民有所懲·足爲此章

注腳·

子曰：躬自厚而薄責於人，則遠怨矣。○ 論語衛靈公

○躬，身也。指自己而言。厚，重也。躬自厚，言責己厚重也。薄，輕也。薄責於人，言責人輕也。責己重而責人輕，則人之怨恨遠矣。

宋朱子曰：責己厚，故身益修。責人薄，故人易從。所以人不得而怨之。 論語集注

清黃氏式三曰：金氏考證云：呂成公少年性嚴急，自誦此章之後，度量寬宏，然則善讀此者，非徒遠怨，抑能懲忿。 論語後案

唐蔚芝先生曰：古之君子，其責己也重以周，其待人也輕以約，甚矣。當世責人者之多而怨氣爲之充盈也。躬自厚而薄責於人，平心之標準，進德之標準，尤爲處亂世之

標準。 論語新讀本

子曰：君子不以言舉人，不以人廢言。○ 同上

○有言者不必有德，故不可以言舉人。○小人之言或有可采，故不以人廢言。

明李氏顥曰：不以言舉人，則徒言者不得倖進。不以人廢言，庶言路不至壅塞。此致治之機也。 四書反身錄

姚師仲實曰：此章見君子之心公，故於舉人取言之間，能持其平如此。 論語遠義

子貢問曰：有一言○而可以終身行之者乎？子曰：其恕乎○。己所不欲，勿施於人○。

同上

○一字。○惟恕之一字。可以終身奉行。○言己之所惡勿加施於人也。此是恕之定義。

宋朱子曰。推己及物。其施不窮。故可以終身行之。 論語集注

胡適之先生適曰。忠恕雖不完全屬於人生哲學。卻也可算得是孔門人生哲學的根本方法。論語上子貢問可有一句話可以終身行得的嗎。孔子答道。其恕乎。己所不欲。勿施於人。這就是大學的絜矩之道。(所惡於上。毋以使下。所惡於下。毋以事上。所惡於前。毋以先後。所惡於後。毋以從前。所惡於右。毋以交於左。所惡於左。毋以交於右。此之謂絜矩之道。)這就是中庸的忠恕。(忠恕違道不遠。施諸己而不願。亦勿施於人。君子之道四。丘未能一焉。所求乎子以事父。未能也。所求乎臣以事君。未能也。所求乎弟以事兄。未能也。所求乎朋友。先施之。未能也。)這就是孟子說的善推其所爲。(老吾老。以及人之老。幼吾幼。以及人之幼。古之人所以大過人者。無他焉。善推其所爲而已矣。)這幾條都只說了一個恕字。恕字在名學上是推論。在人生哲學一方面。也只是一個推字。我與人同是人。故己所不欲。勿施於人。故所惡於上。毋以使下。故所求乎子以事父。故老吾老。以及人之老。只要認定我與人的同屬的類。只要認得我與人的共相。便自然會推己及人。這是人生哲學上的一以貫之。

子曰：知幾○其神乎。君子上交不諂○，下交不瀆○。其知幾乎。周易繫辭下傳

○幾音機。○諂，猶佞也。傾身自下。希承人意曰諂。○瀆音獨。慢也。

宋項氏安世曰：諂者本以求福。而禍常基於諂。瀆者本以交驩。而怨常起於瀆。易言知幾。孔子以不諂不瀆明之。此真所謂知幾者矣。周易折中

有言逆于汝心。必求諸道○。有言遜于汝志。必求諸非道○。書經太甲下 伊尹申諂商王之言

○鯁直之言。人所難受。於其所難受者。必求諸道。不可遽以逆于心而拒之。○遜。順也。巽順之言。人所易從。於其所易從者。必求諸非道。不可遽以順于志而聽之。

宋薛氏季宣曰：逆心之言。忠也。遜志之言。諂也。忠言逆心而切於事。諂言順意而悖於理。能以道觀。則忠者不逆。求其非道。則諂者不順矣。聽言之道。此其要也。

書經傳說彙纂

角按子路人告之以有過則喜。王陽明先生曰：凡攻我之失者。皆我師也。忠言逆耳而利於行。先哲固惟恐其不獲聞也。雖逆耳之言。亦有不合理者。遜志之言。亦有合理者。然當世情複雜之際。處高位者。往往好聞遜志之言。而惡聞逆耳之言。若能於聞言之時。不計其逆耳或遜志。而一以道衡之。則進德無疆。而舉措公平矣。

人亦有言⊖。柔則茹之。剛則吐之⊖。維仲山甫⊖。柔亦不茹。剛亦不吐。不侮矜⊖寡。

· 不畏彊禦。 · 詩經大雅丞民第五章

⊖世俗之言。⊖茹音汝。食也。剛柔之在口。或茹之。或吐之。喻人之於敵強弱。⊖周宣王時樊國之君。⊖矜音鯨。

宋廖氏剛曰。立人之道。曰仁與義。仁則無不愛也。豈以其柔而茹之。義則無不理也。

· 豈以其剛而吐之。書書經洪範曰。無虐烝獨。而畏高明。仲山甫與有焉。 · 詩經傳說纂

好惡不愆。民知所適⊖。事無不濟。 · 左傳昭公十五年 晉中行穆子遂叔向語

⊖愆過也。在上者好善惡惡無有過差。則人民知上之好惡。有所適歸。

中國之固有道德卷九

總論

大學之道⊙。在明明德⊙。在親民⊙。在止於至善⊙。知止而后有定。定而后能靜。靜而后能安。安而后能慮。慮而后能得⊙。物有本末。事有終始。知所先後。則近道矣⊙。古之欲明明德於天下⊙者。先治其國。欲治其國者。先齊其家。欲齊其家者。先脩其身。欲脩其身者。先正其心⊙。欲正其心者。先誠其意⊙。欲誠其意者。先致其知⊙。致知在格物。物格而后知至⊙。知至而后意誠。意誠而后心正。心正而后身脩。身脩而后家齊。家齊而后國治。國治而后天下平⊙。自天子以至於庶人。壹是皆以脩身爲本⊙。其本亂而末治者否矣⊙。其所厚者薄。而其所薄者厚。未之有也⊙。此謂知本。此謂知之至也⊙。 大學

⊙朱子大學章句·大學者·大人之學也。 大學之道·是造成理想人格之修養方法。⊙明德·光明之德·明明德者·自明其光明之德也。⊙朱子根據程子之說·謂親當作新·新者·革其舊之謂也。言既自明其明德·又當推以及人·使之亦有以去其舊染之污也。王陽明先生則仍依親字作解釋。⊙朱注·止者·必至於是而不遷之意。至善·則事理當然之極也。止於至善·是明明德新民之標的

④止者·所當止之地·卽至善之所在也·知之則志有定向·靜謂心不妄動·安謂所處而安·慮謂處事精詳·得謂得其所止·后與後同·⑤朱注·明德爲本·新民爲末·知止爲始·能得爲終·本始所先·末終所後·此結上文兩節之意·或謂本末二字·卽下文本亂末治字·下文六先字·卽此先字·七後字·卽此後字·係提起下文·⑥明其光明正大之德於天下·⑦心者·身之所主也·若欲修身·必先正心·⑧誠·實也·意者·心之所發也·實其心之所發·欲其一於善而無自欺也·⑨孔氏穎達疏·言欲精誠已意·先須招致其所知之事·謂初始必須學習·然後乃能有所知曉其成敗·故云先致其知也·⑩朱子曰·格·至也·物猶事也·欲致吾之知·在卽物而窮其理·是以大學始教·必使學者卽凡天下之物·莫不因其已知之理而益窮之·以求至乎其極·至於用力之久·而一旦豁然貫通焉·則衆物之表裏精粗無不到·而吾心之全體大用無不明矣·王陽明先生謂格者·正也·正其不正·以歸於正也·致知者·致吾心之良知·格物者·去外物之誘蔽·馬浮先生云·朱子釋格物爲窮至事物之理·致知爲推極吾心之知·陽明釋知善知惡是良知·爲善去惡是格物·陽明之說·固是直指·然就自家得力處說·朱子卻還他大學元來文義·論功夫造詣是同·論詮釋經旨·是朱子較密·蔣伯潛先生述陳氏蘭甫之說·而申其義曰·格物者·謂事事物物·皆躬親歷至之也·事非經遠不知難·亦非經過不能有真知灼見·故曰致知在格物·物格而后知至也·然則格物致知·猶俗云從閱歷中增長見識而已·此語至爲淺近·亦至爲切實·不待繁言而解也·⑪修身以上·明明德之事·

齊家以下·新民之事。⊙庶人·謂普通之人民·一是·一切也·格物致知誠意正心·皆所以修身
·齊家治國平天下·其根本亦在修身·故曰自天子以至於庶人·豈是皆以修身爲本·⊙木指修身
·未指齊家治國平天下·身不能修·而欲家齊國治天下平·難矣·⊙朱注·所厚·謂家也·馬師
通伯曰·人於家國天下之厚薄·有自然之序焉·春秋內中國而外夷狄·是國厚於天下也·孟子曰·
親親而仁民·是家又厚於國也·言不能厚其家·而能德被國人·澤及天下者·未之有也·⊙知
到本處·便是知到至處·故曰·此謂知之至也·此二句朱子大學章句列入傳之五章·

宋呂氏大臨曰·堯典諸書·皆自身而推之天下·至於先之以格物致知誠意正心·而後
次之以修其身·則自大學始·發前聖未言之蘊·示學者以從入之途·厥功大矣·大
學衍義

梁任公先生曰·儒家哲學·範圍廣博·概括起來·其用功所在·可以論語脩己安人一
語括之·其學問最高目的·可以莊子內聖外王一語括之·做脩己的功夫做到極處·就
是內聖·做安人的功夫做到極處·就是外王·至於條理次第·以大學上說得最簡明·
大學所謂格物致知誠意正心脩身·就是脩己及內聖的功夫·所謂齊家治國平天下·就
是安人及外王的功夫· 儒家哲學

胡適之先生曰·大學的主要方法·把修身作一切的根本·格物致知誠意正心·都是修

身的工夫。齊家治國平天下。都是修身的效果。這個身。這個個人。便是一切倫理的中心點。中國哲學史大綱

蔣伯潛先生曰：由明明德而新民。便是論語孔子所說的己欲立而立人。己欲達而達人。中庸所說的成己成物。孟子所說的先知覺後知。先覺覺後覺。由此可知大人之學。不但要能自明其明德。以獨善其身。還要能使人人自新。以兼善天下。大學讀本

節按朱子謂明明德親民止於至善三者。大學之綱領也。格物致知誠意正心修身齊家治國平天下八者。大學之條目也。大學章句此三綱領八條目。乃吾國最精之政治哲學。亦世界最精之政治哲學也。

哀公問政。子曰：文武之政。布在方策。其人存。則其政舉。其人亡。則其政息。
①。人道敏政。②。地道敏樹。③。夫政也者。蒲盧也。④。故爲政在人。⑤。取人以身。⑥。脩身以道。⑦。脩道以仁。仁者人也。親親爲大。義者宜也。尊賢爲大。親親之殺。尊賢之等。禮所生也。⑧。在下位不獲乎上。民不可得而治矣。⑨。故君子不可以不脩身。思脩身。不可以不事親。思事親。不可以不知人。思知人。不可以不知天。⑩。天下之達道五。所以行之者三。曰：君臣也。父子也。夫婦也。昆弟也。朋友之交也。五者。天下之達道也。⑪。知仁勇三者。天下之達德也。所以行之者一也。⑫。或生而知之。⑬。

或學而知之。或困而知之。及其知之一也。或安而行之。或利而行之。或勉強而行之。及其成功一也。子曰。好學近乎知。力行近乎仁。知恥近乎勇。知斯三者。則知所以修身。知所以修身。則知所以治人。知所以治人。則知所以治天下國家矣。凡爲天下國家有九經。曰。修身也。尊賢也。親親也。敬大臣也。體羣臣也。子庶民也。柔遠人。懷諸侯也。修身則道立。尊賢則不惑。親親則諸父昆弟不怨。敬大臣則不眩。體羣臣則士之報禮重。子庶民則百姓勸。來百工則財用足。柔遠人則四方歸之。懷諸侯則天下畏之。齊明盛服。非禮不動。所以修身也。去讒遠色。賤貨而貴德。所以勸賢也。尊其位。重其祿。同其好惡。所以勸親親也。官威任使。所以勸大臣也。忠信重祿。所以勸士也。時使薄斂。所以勸百姓也。日省月試。旣稟稱事。所以勸百工也。送往迎來。嘉善而矜不能。所以柔遠人也。繼絕世。舉廢國。治亂持危。朝聘以時。厚往而薄來。所以懷諸侯也。凡爲天下國家有九經。所以行之者一也。凡事豫則立。不豫則廢。言前定則不跲。事前定則不困。行前定則不疚。道前定則不窮。在下位不獲乎上。民不可得而治矣。獲乎上有道。不信乎朋友。不獲乎上矣。信乎朋友有道。不順乎親。不信乎朋友矣。順乎親有

道·反諸身不誠④⑤·不順乎親矣·誠身有道·不明乎善⑥⑦·不誠乎身矣·誠者·天之道也⑧⑨·誠之者·人之道也⑩⑪·誠者·不勉而中·不思而得·從容中道·聖人也⑫⑬·誠之者·擇善而固執之者也⑭⑮·博學之·審問之·慎思之·明辨之·篤行之⑯⑰·有弗學·學之弗能弗措⑱⑲也·有弗問·問之弗知弗措也·有弗思·思之弗得弗措也·有弗辨·辨之弗明弗措也·有弗行·行之弗篤弗措也·人一能之·己百之·人十能之·己千之⑳㉑·果能此道矣·雖愚必明·雖柔必強㉒㉓· 中庸

①魯君·②周文王武王·③方是木版·策是竹簡·古時紙未發明·寫字於木版竹簡·方策即指書籍而言·④其人謂賢人·舉猶行也·息猶滅也·為政在得人·若徒恃方策之陳法·適足為姦邪強暴之資耳·烏足以治國哉·⑤敏·猶勉也·言為人君當勉力行政·⑥樹·謂殖草木也·為地之道·亦勉力生殖·⑦鄭注·蒲盧·蝶蠃·謂土蜂也·詩曰·螟蛉有子·蝶蠃負之·螟蛉·桑蟲也·蒲盧取桑蟲之子去而變化之·以成為己子·政之於百姓·若蒲盧之於桑蟲然·⑧家語作為政在於得人·語意尤備·⑨取人之則·又在修身·⑩⑪五服之節·降殺不同·是親親之衰殺·公卿大夫·其爵各異·是尊賢之等級·禮者·所以辨明以上諸事·故曰禮所生也·殺色界反·⑫⑬鄭氏謂此句應在下文·此處誤重·⑭⑮親親之殺·尊賢之等·皆天理也·故又當知天·⑯⑰達道者·天下古今所共由之路·五達道·即書經所謂五典·孟子所謂父子有親·君臣有義·夫婦有別·長幼有序·朋友有信是也

· ㊦知。所以知此也。仁。所以體此也。勇。所以強此也。謂之遠德者。天下古今所同得之理也。一則該而已矣。· ㊦知者。知此道也。· ㊦行者。行此道也。利而行之。謂食其利益而行之也。· ㊦馬師通伯曰。家語一也之下。有公曰子之言至矣美矣。寡人實固不足以成之也。故其下復以子曰起答辭。子思不剛子曰二字。略存當時出言次第。非衍文也。· ㊦爲。治也。經即經綸之經。有九經。言有九項大綱也。· ㊦謂體卹之。· ㊦庶。衆也。言視百姓如吾子也。· ㊦招來百工。· ㊦撫柔遠方之人。· ㊦懷。安撫也。· ㊦謂道成於己。而可爲人民之表率。· ㊦不疑惑於理。· ㊦諸父。伯父叔父。昆弟。兄弟也。· ㊦敬大臣。則信任專。而小人不得間之。故不眩。不眩。謂不迷於事也。· ㊦君使臣以禮。則臣事君以忠。· ㊦來百工。則通工易事。農工商相資。故財用足。· ㊦柔遠人。則天下之旅客。皆悅而願出於其途。故曰四方歸之。· ㊦懷諸侯。則德之所施者博。而威之所制者廣。故曰天下畏之。· ㊦齊明謂整齊明潔。盛服。謂正其衣冠。· ㊦祿位所以貴之。不必授以官守。· ㊦謂官屬衆盛。足任使令也。蓋大臣不當親細事。所以優待之如此。· ㊦謂待之誠而養之厚。· ㊦使之以時。薄其賦斂。· ㊦省試。考校其成功。· ㊦謂計算其所爲之事而給其食也。既讀曰饗。稟力錦反。· ㊦往者爲之授節以送之。來則饗其委積以迎之。· ㊦無後者續之。滅者封之。· ㊦諸侯國內有亂。則治討之。危弱則扶持之。· ㊦朝謂諸侯見於天子。聘謂諸侯使大夫來獻。王制。比年一小聘。三年一大聘。五年一朝。· ㊦謂燕賜厚而納貢薄。· ㊦一者。誠也。一有

不誠。則九者皆爲虛文矣。④言凡百事務。均須先有準備。然後可以成功也。⑤除晉給。躓也。⑥坎是慚愧悔恨之意。⑦四獲。得也。獲乎上。言得在上位者之信任。⑧謂反求諸身。而所存所發。未能真實而無妄也。⑨謂未能察於人心天命之本然。而真知至善之所在也。⑩誠者。真實無妄之謂。天理之本然也。⑪誠之者。未能真實無妄。而欲其真實無妄之謂。人事之當然也。⑫從容。不勉強之意。聖人之德。渾然天理。真實無妄。故不待思勉。自能合乎中道。不思而得。生而知之也。不勉而中。安而行之也。從七容反。⑬擇善。學而知之以下之事。固執。利而行之以下之事。⑭學問思辨。所以擇善而爲知。學而知也。篤行。所以固執而爲仁。利而行也。⑮措。置也。⑯君子之學。不爲則已。爲則必要其成。故常百倍其功。此困而知勉強而行之事也。⑰言愚者可進於明。柔者可進於強。明者。擇善之功。強者。固執之效也。

宋呂氏大臨曰。天下國家之本在身。故修身爲九經之本。然必親師取友。然後修身之道進。故尊賢次之。道之所進。莫先其家。故親親次之。由家以及朝廷。故敬大臣體羣臣次之。由朝廷以及其國。故子庶民來百工次之。由其國以及天下。故柔遠人懷諸侯次之。此九經之序也。 禮記義疏

馬浮先生曰。此章要義。曰爲政在人。取人以身。修身以道。修道以仁。 復性書院講錄
張新吾先生曰。九經者。治國平天下之大法。其所以行之者一。一者誠也。此謂經營

國事者·胸中祇有一物·一物者·國家是也·蓋胸中而祇有國家·則於國事方向不誤·且志同道合者·雲集響應·於是國事得藉羣策羣力而底於成·苟非然者·於國家之外·再有他物夾雜其間·則方向屢易·終於無成·或遭逢敵對·釀成相抗之局勢·致國事受其波及而敗壞·故曰·爲天下國家有九經·而行之者一·若行之者貳·則九經成糞土矣· 學庸新義

仲尼○祖述堯舜·憲章文武○·上律天時○·下襲水土○·辟如天地之無不持載·無不覆憐○·時如四時之錯○行·如日月之代明·萬物並育而不相害·道並行而不相悖○·小德川流·大德敦化○·此天地之所以爲大也·唯天下至聖·爲能聰明睿知·足以有臨也○·寬裕溫柔·足以有容也○·發強剛毅·足以有執○也·齊莊中正·足以有敬也○·文理密察·足以有別也○·溥博淵泉而時出之○·溥博如天○·淵泉如淵○·見而民莫不敬·言而民莫不信·行而民莫不說○·是以聲名洋溢乎中國·施及蠻貊○·舟車所至·人力所通·天之所覆·地之所載·日月所照·霜露所墜○·凡有血氣者莫不尊親○·故曰配天○·唯天下至誠·爲能經綸天下之大經·立天下之大本○·知天地之化育·夫焉有所倚○·肫肫○其仁·淵淵○其淵·浩浩○因其天·苟不固聰明聖知達天德者·其孰能知之○·詩曰·衣錦尚絅·惡其文之著也

④。故君子之道。闇然而日章⑤。小人之道。的然而日亡⑥。君子之道。淡而不厭。簡而文。溫而理⑦。知遠之近。知風之自。知微之顯。可與入德矣⑧。詩⑨云。潛雖伏矣。亦孔之昭⑩。故君子內省不疚。無惡於志⑪。君子之所不可及者。其唯人之所不見乎⑫。詩⑬云。相在爾室。尙不愧於屋漏⑭。故君子不動而敬。不言而信⑮。詩⑯曰。奏假無言。時靡有爭⑰。是故君子不賞而民勸。不怒而民威於鈇鉞⑱。詩⑲曰。不顯惟德。百辟其刑之⑳。是故君子篤恭而天下平㉑。詩㉒云。予懷明德。不大聲以色㉓。子曰。聲色之於以化民末也㉔。詩㉕曰。德輶如毛。毛猶有倫㉖。上天之載。無聲無臭。至矣㉗。同上

①孔子。名丘。字仲尼。②祖。始也。憲。法也。章。明也。言孔子始述堯舜之道。而發明文王武王之德。③律。述也。述天時。謂編年四時具也。④襲。因也。因水土。謂說諸夏之事。山川之異。⑤辟同譬。疇。徒報反。亦覆也。⑥錯猶迭也。⑦悖猶背也。⑧朱注。小德者。全體之分。大德者。萬殊之本。川流者。如川之流。脈絡分明而往不息也。敦化者。敦厚其化。根本盛大而出無窮也。馬師通伯曰。大德配天之敦化。小德配地之川流。孔子不必得位。而能配天地。其德盛也。⑨聖。通也。明也。聰明睿知。皆至聖之德。臨。謂居上而臨下也。睿音銳。知音智。⑩言寬弘性善。溫克和柔。仁足以包容也。⑪執。猶斷也。言奮發意志。堅強剛毅。義足以斷事也。⑫齊

非是肅敬莊重之意。言禮足以致敬。齊側皆反。⊙⊙文。文章也。理。條理也。密。詳細也。察。明辨也。言智足以辨別。別彼列反。⊙⊙溥博。周徧而廣闊也。淵泉。靜深而有本也。出。發見也。言五者之德。充積於中。而以時發見於外也。溥音普。⊙⊙言似天無不覆幬。⊙⊙言潤澤深厚。如川水之流。⊙⊙說音悅。⊙⊙施音異。延也。蠻。南夷之稱。貊。武伯反。北方人也。⊙⊙隊音擊。落也。⊙⊙孔子能盡人物之性。故和氣所感。凡有血氣者。莫不尊而親之。⊙⊙言其德之所及。廣大如天也。⊙⊙朱注。大經者。五品之人倫。大本者。所性之全體。或曰。大經謂六藝而指春秋。大本。孝經也。蓋孔子志在春秋。行在孝經也。⊙⊙無所偏倚。⊙⊙鵬魄。舉至貌。以經綸而言也。脆之純反。⊙⊙淵淵。靜深貌。以立本而言也。⊙⊙浩浩。廣大貌。以知化而言也。⊙⊙言惟聖人能知聖人。⊙⊙詩經衛風碩人篇。作衣錦褻衣。褻綢通用。禪衣也。尚。加也。衣錦而加禪衣以蔽之。爲其文之大著也。⊙⊙君子只欲實得於己。不是欲求人知。所以闐然。然理自彰著而不可揜。猶衣錦尙綢。而錦之文采自然著見於外也。⊙⊙的。明也。小人好外炫。而無實以繼之。是以的然而日亡也。⊙⊙馬師曰。固有之性。無聲色。無臭味。淡而不厭也。五達道易知易從。秩然有序。簡而文也。明誠之教。寬裕溫柔。仁以成己。文理密察。知以成物。溫而理也。⊙⊙馬師曰。知遠之近者。知道達於天下。而實近在倫紀也。知風之自者。知教必有本。風化自內出也。知微之顯者。知性之著明動變。卽道教而性可顯也。欲達天德者。由此入矣。⊙⊙詩經小雅正月篇。⊙

①孔·甚也·昭·明也·言魚雖潛伏於水·亦甚昭然可見·②疾·病也·言自省無病·則無愧於心·③君子所以不可及者·惟能於人所不知之處致其謹耳·即所謂慎獨也·④詩經大雅抑篇·
 ⑤鄭注·相·視也·室西北隅謂之屋漏·馬師曰·不愧屋漏·不愧於天光之鑒臨也·⑥不待應事接物而後敬·不待發言而後信·⑦詩經商頌烈祖篇·⑧馬師曰·奏同湊·聚也·假訓大·聚大猶言聚衆·民勸民威·故不爭·所謂以和致和也·⑨威·畏也·鈇音夫·莖斫刀也·鉞音越·斧也·⑩詩經周頌烈文篇·⑪不顯·言顯也·辟音璧·君也·刑·法也·言不顯乎文王之德·諸侯法之也·或曰·不通爲不·大也·⑫馬師曰·誠形於外之謂禮·篤恭者·敦厚以崇禮·即所謂敬也·勤威而至於不用喜怒哀·篤恭而至於天下平·修己以敬·修己以安人安百姓·是中和之極致也·⑬詩經大雅皇矣篇·⑭馬師曰·以猶與也·言德之光顯·非張皇聲色之所能致·⑮馬師曰·子言止此·⑯詩經大雅烝民篇·⑰鄭注·輜·輕也·德之易舉而用·其輕如毛耳·倫猶比也·朱注·引孔子之言聲色乃化民之末務·今但言不大·則猶有聲色者存·不若烝民詩所言德輜如毛·庶乎可以形容矣·而又自以爲謂之毛·則猶有可比者·不若文王詩所言也·⑱孔疏·言天之生物·寂然無象·而物自生·上天之載二句·是大雅文王之詩·不言詩云者·略也·馬師曰·載·始也·易曰·大哉乾元·萬物資始·故無聲臭·無聲無臭之至·實中庸之至也·

蔣伯潛先生曰·此段對於孔子之道·備致贊揚·首言仲尼遠法堯舜·近法文武·上法

天·下法地·故其道廣大如天地·悠久如四時·光明如日月·備聖聰明仁寬裕容知仁深柔義剛毅禮五德·足以有臨·有容·有執·有敬·有別·言其大·則溥博如天·言其深·則淵泉

如淵·見而民莫不敬·言而民莫不信·行而民莫不悅·是以聲名洋溢乎中國·施及蠻

貊·普天之下·血氣之倫·莫不尊親·故可以配天·惟天下之至誠·方能如此耳·此

其誠仁·其精深博大·非聰明聖知達天德者·固不足以知之也·不知亦何害·君子之

道固闡然而日章者·君子之道·淡而不厭·簡而文·溫而理·故必知遠與近·知凡與

目·知微與顯者·方可以入德也·(原注·用俞樾說·風·凡也·自·目之誤也·三

之字作與字解·)君子之所不及者·正唯人所不見之慎獨工夫也·能不愧於屋漏·故

能不動而敬·不言而信·故能行不言之教·無爲之治·不待賞罰而民自化之·以致篤

恭而天下平之盛·故以聲色化民·尙着痕跡·以如毛喻德·尙落言詮·君子之化民·

直如上天之化育萬物·無聲無臭也·十三經概論

俾按胡樸安先生之解首四句云·祖述堯舜者·守聖賢之道德也·憲章文武者·遵國

家之法律也·上律天時者·知有時間也·下襲水土者·知有空間也·故其樸安主義

·是守道德而遵法律·不爲儒家之迂腐·遵法律而守道德·不爲法家之刻薄·處空

間而知有時間·不爲現代中國之古代人·在時間不忘記空間·不爲中國現代之外國

人。儒家修養錄是善學孔子者。吾儕所宜效法也。

子曰·學而時習之·不亦說乎⊖·有朋自遠方來·不亦樂乎⊖·人不知而不愠·不亦君子乎⊖· 論語學而

⊖學之爲言效也·習·重習也·時習有三義·無時不習·一也·按時而習·二也·及時而習·三也·之·猶是也·說與悅同·喜意也·乎爲語助辭·學而時習·則必有所得·而中心喜悅矣·⊖朋·同類也·自·從也·樂善洽·喜也·以善及人·而信仰者衆·有朋從遠方來·故可喜也·⊖皇氏倪論語義疏·愠·怒也·教誨之道·若人有鈍根不能知解者·君子恕之·而不愠怒也·朱子集注·君子·成德之名·尹氏曰·學在己·知不知在人·何愠之有·二說並通·

清梁氏清遠曰·論語一書·首言爲學·卽曰悅曰樂曰君子·此聖人最善誘人處·蓋知人皆憚於學而畏其苦也·是以鼓之以心意之暢適·動之以至美之嘉名·令人有欣羨之意·而不得不勉力於此也·此聖人所以爲萬世師· 采榮錄

子曰·視其所以⊖·觀其所由⊖·察其所安⊖·人焉廋哉·人焉廋哉⊖· 論語爲政

⊖集注·以·爲也·爲善者爲君子·爲惡者爲小人·⊖觀比視爲詳·由·從也·事歸爲善·而意之所從來者有未善焉·則亦不得爲君子·⊖察·審察也·比觀更詳·安·所樂也·所由雖善·而心之所樂者不在於是·則亦僞耳·豈能久而不變哉·⊖焉·安也·廋·所留反·隱匿也·言知人之法·

但觀察其終始，則人安所隱匿其情哉，再言之者，深明情不可隱也。

胡適之先生曰：這一章乃是孔子人生哲學很重要的學說，以字當作因字解，孔子說：觀察人的行爲，須從三方面下手，第一，看他因爲什麼要如此做，第二，看他怎麼樣做，用的什麼方法，第三，看這種行爲，在做的人身心上發生何種習慣，何種品行，第一步是行爲的動機，第二步是行爲的方法，第三步是行爲所發生的品行，這種三方面都到的行爲論，是極妥善無弊的。

中國哲學史大綱

傳按知人之法，孔子言之精矣，孟子亦有言曰：存乎人者，莫良於眸子，眸子不能掩其惡，胸中正，則眸子瞭焉，胸中不正，則眸子眊焉，聽其言也，觀其眸子，人焉廋哉，孟子離婁上蓋人之接物，其神在目，言猶可僞，而眸子則不容僞也，知人原非易事，處今世尤爲困難，有志功業者，不可不熟讀此章，而深味乎孟子之言也。

子張問明，子曰：浸潤之譖，膚受之愬，不行焉，可謂明也已矣，○浸潤之譖，膚受之愬，不行焉，可謂遠也已矣，○論語顏淵

○浸潤，如水之浸灌滋潤，漸漬而不驟也，譖，莊蔭反，毀人之行也，毀人者漸漬而不驟，則聽者不覺其入，而信之深矣，膚受謂肌膚所受，利害切身者也，愬，蘇路反，愬己之冤也，愬冤者急迫而切身，則聽者不及致詳而發之暴矣，浸潤之譖與膚受之愬二者，均難覺察，而能察之，使其說不

行·可謂有知人之明矣·○言德行高遠·人莫能及

明蔡氏清曰·人須要居敬窮理·居敬·則心有所把持而難動·窮理·則人情曲折·所在皆照·而不可蔽·四書明儒大全精義

子曰·君子易事而難說○也·說之不以道·不說也·及其使人也·器之○·小人難事而易說也·說之雖不以道·說也·及其使人也·求備焉·論語子路

○說普悅·下同·○謂隨其才具高下而用之·

宋真氏德秀曰·君子之心平恕·故易事·其情正大·故難說·惟其平恕·故使人各取其所長·小人之心刻覈·故難事·其情偏私·故易說·惟其刻覈·故用人必責其全備

·大學衍義

子曰·君子泰而不驕○·小人驕而不泰○·同上

○泰·安舒也·驕·矜肆也·君子胸襟寬大·故常安舒·敬以持己·故不矜肆·○小人無所忌憚·故常矜肆·胸襟狹陋·故不安舒·

清李氏熤曰·君子無象寡·無小大·無敢慢·何其舒泰·而安得驕·小人矜己傲物·

惟恐失尊·何其驕侈·而安得泰·論語傳注

孔子曰·益者三友·損者三友○·友直○·友諒○·友多聞○·益矣○·友便辟○·友

善柔④·友便佞⑤·損矣⑥。 論語季氏

○孔子言選擇朋友·對於自己有益或有損者·其類各三也。④直者·正直也。友直則能聞己之過。

⑤諒謂誠信·友諒則日進於誠實。⑥多聞謂博學·友多聞則日進於高明。⑦與此三種人爲友·皆有益矣。⑧便佞·謂巧佞人之所忌·以求容媚·與直相反。⑨善柔·謂能爲面柔·以取悅於人·與諒相反。⑩便佞·謂習於口語·而無聞見之實·與多聞相反。⑪與此三種人爲友·皆有損於己矣。

明李氏顛曰·人生不可無友·交友不可不擇·友直諒多聞·則時時得聞己過·聞所未聞·長善救失·開拓心胸·德業學問日進於高明·若與便佞柔佞之人處·則依阿逢迎·善莫予責·自足自滿·長傲遂非·德業學問日墮於匪鄙·爲益爲損·所關非細·交友不可不慎乎。 四書反身錄

儒按朋友列五倫之內·必親愛之情如兄弟·切磋之益同師生·勸善規過·恤貧救難·而後能窮通不移·死生不易·彼泛然交往·酒食徵逐者·不足以言友·卽虛文籠絡·外密中疎者·亦不足以言友也。

孔子曰·益者三樂·損者三樂①·樂節禮樂②·樂道人之善③·樂多賢友④·益矣·樂驕樂⑤·樂佚遊⑥·樂宴樂⑦·損矣。 同上

○樂·五教反·下同·樂卽好也·言有利益於身心之好凡三種·有損害於身心之好亦三種也。①節

· 謂辨其制度聲音之節。禮樂之樂音岳。⑤道。杜到反。猶說也。謂好說人之善事。⑥賢友。卽直諒多聞之友。⑦驕樂是恃尊貴以驕人。而自取快樂也。驕樂之樂音洛。⑧佚遊則惰慢而惡聞善。⑨宴樂則淫溺而狎小人。宴樂之樂亦音洛。

孟子曰：君子有三樂⑩。而王天下不與存焉⑪。父母俱存。兄弟無故⑫。一樂也。仰不愧於天。俯不忤⑬於人。二樂也。得天下英才而教育之。三樂也。君子有三樂。而王天下不與存焉。孟子盡心上

○樂音洛。下同。○王天下之樂。不得與此三樂之中。與音預。⑭故。事也。辜也。兄弟無故。言兄弟和樂也。⑮忤。慚也。

傳按父母俱存。兄弟無故。家庭之美滿也。仰不愧天。俯不忤人。心地之純潔也。教育英才。成之以道。爲國家培養元氣之盛舉也。君子有之。樂可知矣。

三三乾之象曰：天行健。君子以自強不息。周易上經

宋朱子曰：天行一日一周。明日又一周。君子法之。不以人欲害天德之剛。則自強而不息矣。周易本義

明崔氏師訓曰：此心精明。超於萬物之表。能轉萬物。不受萬物轉。爲自強。時刻如此。爲不息。周易賁氏學引

三三坤之象曰·地勢坤☷·君子以厚德載物☷· 同上

○王注·地形不順·其勢順·孔疏·地勢方直·是不順也·其勢承天·是其順也·☷君子用此地之厚德·容載萬物·

乾以易知·坤以簡能☷·易則易知·簡則易從☷·易知則有親·易從則有功☷·有親則可久·有功則可大☷·可久則賢人之德·可大則賢人之業☷· 周易繫辭上傳

○乾健而動·即其所知·便能始物而无所難·故爲以易而知大始·坤順而靜·凡其所能·皆從乎陽而不自作·故爲以簡而能成物·☷易知易從·謂天地之知能无險阻也·人之所爲如乾之易·則其心明白而人易知·如坤之簡·則其事要約而人易從·☷易知則與之同心者多·故有親·易從則與之協力者衆·故有功·☷物既和親·無相殘害·故可久也·事業有功·則積漸可大·此論人法乾坤·久而益大·☷姚氏配中曰·賢人法乾坤者·自強不息·可久之德也·厚德載物·可大之業也·

夫☷乾·天下之至健也·德行恆易以知險·夫坤·天下之至順也·德行恆簡以知阻· 周易繫辭下傳

○夫音扶·下同·

宋項氏安世曰·惟中心易直者·能照天下熾險之情·惟行事簡靜者·能察天下煩墜

之機· 周易折中

胡適之先生曰· 萬物變化· 既然都從極簡易的原起漸漸變出來· 若能知道那簡易的遠因· 便可以推知後來那些複雜的後果· 所以易繫辭傳說· 德行恆易以知險· 德行恆簡以知阻· 因爲如此· 所以能彰往而察來· 所以能溫故而知新· 中國哲學史大綱

三三· 泰之九三· 无平不陂⊖· 无往不復⊖· 艱貞无咎⊖· 勿恤⊖· 其孚于食有福⊖· 同上

⊖无常安平而不險陂· 或曰· 平· 泰也· 陂· 否也· 言无常泰也· ⊖言无常往而不復· ⊖艱則不敢易· 貞則不敢弛· 如是則可以无咎· ⊖恤· 憂也· ⊖孚· 信也· 信義自明· 故於其祿食有福·

宋徐氏直方曰· 小人所以勝君子者· 非乘其怠· 則攻其隙· 艱則無怠之可乘· 貞則無隙之可攻· 如此· 則可以无咎· 可以勿憂其孚矣· 周易折中

傳按序卦傳曰· 泰者· 通也· 物不可以終通· 故受之以否· 豐之彖曰· 日中則昃· 月盈則食· 天地盈虛· 與時消息· 而況於人乎· 先哲知盈虛消息之理· 故處泰而不驕· 席豐而能謙· 所以能長守富貴而克昌厥後也·

易曰· 憧憧往來· 朋從爾思⊖· 子曰· 天下何思何慮· 天下同歸而殊塗· 一致而百慮· 天下何思何慮⊖· 日往則月來· 月往則日來· 日月相推而明生焉· 寒往則暑來· 暑往則

寒來。寒暑相推而歲成焉。往者屈也。來者信也。屈信相感而利生焉。尺蠖之屈。以求信也。龍蛇之蟄。以存身也。精義入神。以致用也。利用安身。以崇德也。過此以往。未之或知也。窮神知化。德之盛也。周易繫辭下傳

○此咸卦九四爻辭。○塗雖殊異。而同歸於至真。慮雖百種。而必歸於一致。蓋理本无二。而殊塗百慮。莫非自然。何以思慮爲哉。○往來屈信。皆感應自然之常理。信音申。下求信同。○蠶蟻。紆縛反。詭行蟲。尺蠖初行必屈者。欲求在後之信也。然有意求信。其信也微矣。○龍蛇之蟄以存身。若无意於信者。則變化雲雨不難矣。蟄直立反。○馬師通伯曰。精研其義。至於入神。屈之至也。然乃所以爲出而致用之本。○馬師曰。利其施用。无適不安。信之極也。然乃所以爲入而崇德之資。○自是以上。則亦无所用其力矣。至於窮神知化。乃德盛仁熟而自致耳。

馬師通伯曰。君子精義自能致用。利用特以崇德。此皆求其在我者。韓退之言。存乎己者。吾將勉之。存乎天存乎人者。吾將任彼而不用吾力焉。卽過此以往未之或知之說也。不冀幸於天。不責報於人。故曰何思何慮。上所云皆窮神知化之事。末二語蓋贊之也。周易費氏學

禹曰。惠迪吉。○從逆凶。惟影響。○書經大禹謨

○惠。順也。迪。徒歷反。道也。言順道則吉。○吉凶之報。如影之隨形。響之應聲。

德日新·萬邦惟懷①·志自滿·九族乃離②·王懋昭大德③·建中于民④·以義制事·

以禮制心⑤·垂裕後昆⑥·予聞曰·能自得師者王⑦·謂人莫己若者亡⑧·好問則裕⑨

·自用則小⑩⑪· 書經仲虺之誥

①謂萬邦心歸之也。②志者·心之所存·滿·驕盈也·言志意驕盈·雖九族之親·亦離之矣。③王
·謂商湯·懋昭大德·即所謂日新其德·懋者欲其常勉·昭者欲其常明·此心無時而不勉·則此德
無時而不明矣。④建·立也·中者·無過不及之謂。⑤義者·心之裁制·禮者·理之節文·以義制
事·則事得其宜·以禮制心·則心得其正·內外合德·而中道立矣。⑥垂諸後世·亦綽乎有餘裕·
⑦自得師者·如自明自強·不因乎人·尊德樂道·出於自然。⑧謂人皆不及己·則志自滿而氣驕矜
·敗亡之道也。⑨虛心好問·則天下之善·皆歸於我·豈不裕哉。⑩矜能自任·則一己之善·其
與幾何·豈不小哉。

傳按此湯之左相仲虺勉湯之辭·夫以湯之聖·而仲虺猶諄諄告戒如此·然後知商之
傳祚六百年·非幸也·宜也·

惟十有三祀①·王訪于箕子②·王乃言③曰·嗚呼·箕子·惟天陰隲④下民·相協厥居
⑤·我不知其彝倫攸斁⑥·箕子乃言曰·我聞在昔·鯀陞洪水⑦·汨陳其五行⑧·帝乃
震怒不異⑨·洪範九疇⑩·彝倫攸斁⑪·鯀則殛死·禹乃嗣興⑫·天乃錫禹⑬·

洪範九疇彝倫攸敘①。初一日五行。次二曰敬用五事。次三曰農②用八政。次四曰協③用五紀。次五曰建用皇極④。次六曰乂⑤用三德。次七曰明用稽疑⑥。次八曰念用庶徵⑦。次九曰嚮⑧用五福。威⑨用六極。一。五行。一曰水。二曰火。三曰木。四曰金。五曰土。水曰潤下。火曰炎上。木曰曲直。金曰從革。土爰稼穡⑩。潤下作鹹。炎上作苦。曲直作酸。從革作辛。稼穡作甘⑪。二。五事。一曰貌。二曰言。三曰視。四曰聽。五曰思。貌曰恭。言曰從。視曰明。聽曰聰。思曰睿。恭作肅。從作乂。明作哲。聰作謀。睿作聖⑫。三。八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師⑬。四。五紀。一曰歲。二曰月。三曰日。四曰星辰。五曰歷數⑭。五。皇極。皇建其有極。斂時五福⑮。用敷錫厥庶民⑯。惟時⑰。厥庶民于汝極。錫汝保極⑱。凡厥庶民。無有淫朋⑲。人無有比德⑳。惟皇作極。凡厥庶民。有猷有爲有守。汝則念之㉑。不協于極。不罹于咎。皇則受之㉒。而康而色。曰予攸好德。汝則錫之福㉓。時人德㉔。斯其惟皇之極。無虐茆獨而畏高明㉕。人之有能有爲。使羞㉖其行。而邦㉗其昌。凡厥正人㉘。既富方穀㉙。汝弗能使有好于而家。時人斯其辜㉚。于其無好德。汝雖錫之福。其作。汝用咎㉛。無偏無陂㉜。遵王之義。無有作好。遵王之道。無有作惡。遵

王之路⑤。無偏無黨。王道蕩蕩⑥。無黨無偏。王道平平⑦。無反無側⑧。王道正直。會其有極。歸其有極⑨。曰。皇極之敷言⑩。是彝是訓⑪。于帝其訓⑫。凡厥庶民極之敷言⑬。是訓⑭。是行。以近⑮。天子之光。曰⑯。天子作民父母。以爲天下王。六。三德。一曰正直。二曰剛克。三曰柔克。平康正直。彊弗友剛克。變友柔克。沈潛剛克。高明柔克⑰。惟辟作福。惟辟作威。惟辟玉食。臣無有作福作威玉食⑱。臣之有作福作威玉食。其害于而家。凶于而國。人用側頗僻。民用僭忒⑲。七。稽疑⑳。擇建立卜筮人。乃命卜筮㉑。曰雨曰霽曰蒙曰驛曰克曰貞曰悔㉒。凡七。卜五。占用二。衍忒㉓。立時人作卜筮㉔。三人占㉕。則從二人之言。汝則有大疑。謀及乃心。謀及卿士。謀及庶人。謀及卜筮。汝則從。龜從。筮從。卿士從。庶民從。是之謂大同。身其康彊。子孫其逢吉。汝則從。龜從。筮從。卿士逆。庶民從。吉。卿士從。龜從。筮從。汝則逆。庶民逆。吉。庶民從。龜從。筮從。汝則逆。卿士逆。吉。汝則從。龜從。筮逆。卿士逆。庶民逆。作內吉。作外凶㉖。龜筮共違于人。用靜吉。用作凶㉗。八。庶徵。曰雨曰暘曰燠曰寒曰風曰時㉘。五者來備。各以其敘。庶草蕃廡㉙。一極備。凶。一極無。凶㉚。曰休徵㉛。曰肅。時雨若㉜。曰乂。時暘若㉝。曰哲。時燠若㉞。曰謀。時寒若㉟。曰聖。時風

若④。曰咎徵④。曰狂。恆④雨若。曰僭。恆暘若。曰豫④。恆燠若。曰急。恆寒若。曰蒙④。恆風若。曰王省惟歲④。卿士惟月④。師尹惟日④。歲月日時無易④。百穀用④成。又用明。俊民用章。家用平康。日月歲時既易④。百穀用不成。又用昏不明。俊民用微。家用不寧。庶民惟星。星有好風。星有好雨④。日月之行。則有冬有夏④。月之從星。則以風雨④。九。五福。一曰壽④。二曰富。三曰康寧④。四曰攸好德④。五曰考終命④。六極。一曰凶短折④。二曰疾。三曰憂。四曰貧。五曰惡。六曰弱。書經洪範

④惟爲發語詞。十有三祀。周武王卽位之十三年。商曰祀。周曰年。箕子義不臣周。故仍稱祀。④王卽武王。訪。就而問之也。箕子爲紂之諸父。④乃言者。難詞。重其間也。④職日反。定也。④吳師北江曰。相。使也。協。和也。言使和其居。④彝。常也。攸猶所以也。斂。序也。言我不知正常人倫之所以序者何如也。④鯀。夏禹之父。陸音殷。塞也。鯀以隄防法治大水。④汨音骨。亂也。陳。列也。五行。水火木金土。以其流行於天地之間。故曰行。④吳師曰。帝謂虞舜。不界。不使也。或曰。帝卽天也。界。與也。④洪。大也。範。法也。疇。類也。言治天下之大法。其類有九。④斁音妒。棄也。收也。④嗣興。繼起也。④錫。與也。謂天助禹。④洪範九類常倫。禹斂次之。④吳師曰。農。勉也。唐詩芝先生曰。中國以農立國。民以食爲天。故特

舉農以言之。⊙因協·合也。⊙⊕吳師曰·建·立也。皇·君也。極猶北極之極·立極於上·使人望而從之·故曰建用。⊙⊖又音刈·治也。⊙⊗疑事明考之於蒼龜。⊙⊘念諒同字·諒·告也。庶·衆也。徵·驗也。⊙⊙擣饗同字·言所以饗樂。⊙⊛威猶畏也。⊙⊜潤下炎上曲直從革·以性言也。稷·稷也。以德言也。潤下者·潤而又下也。炎上者·炎而又上也。曲直者·可以揉之使曲直也。從革者·可以改更也。土兼五行·無正位·無成性·而其生之德·莫盛於稷。故以稷稽言也。爰·於也。言於是稷稽也。⊙⊝作·爲也。鹹苦酸辛甘者·五行之味也。五行有聲色氣味·而獨言味者·以其切於民用也。⊙⊞貌言視聽思者·五事之紋也。人之始生·則形色具矣。既生·則聲音發矣。既發而後能視·而後能聽·而後能思也。恭從明聰睿者·五事之德也。恭者·敬也。從者·順也。明者·無不見也。聰者·無不聞也。睿者·通乎微也。肅又哲謀聖者·五德之用也。肅者·嚴整也。又者·條理也。哲者·智也。謀者·度也。聖者·無不通也。⊙⊟食者·民之所急·貨者·民之所資·故食爲首·而貨次之。食貨·所以養生也。祭祀·所以報本也。司空掌土·所以安其居·司徒掌教·所以成其性。司寇掌禁·所以治其姦·賓者·禮諸侯遠人·所以往來交際也。師者·除殘禁暴·聖人不得已而用之·故居末也。⊙⊠歲所以紀四時·月所以紀一月·日所以紀一日·星爲二十八宿·迭見以波氣節·辰爲十二辰·以紀日月所會處·歷數者·占步之法·所以算計日月星辰也。⊙⊡言君能立極·乃總集是五福也。⊙⊢敷·普也。錫·賜也。謂以普賜諸民。⊙⊣吳師曰

時·養也。㊦錫·與也。與汝共守此極也。㊧吳師曰·朋·古侈字。㊨人·有位之人。比德·私相比附也。㊩有猷·有謀慮者。有爲·有設施者。有守·有操守者。念·鈇錄也。庶民有三者·汝則鈇錄之。㊪不協于極·未合于善也。不罹于咎·不陷于惡也。受者·不拒之也。㊫吳師曰·康·安也。色猶危也。而康而色·曰予攸好德·猶言若安若危·一於好德也。福者·爵祿之謂·錫之福·卽與之爵也。㊬德字依正義本校增·與時人斯其辜對文·言如此·則人進于德矣。㊭筑岐扁反·庶民之至微者·高明·有位之尊顯者·以其微而棄之·卽是虐也。不知所以懲之·卽是畏也。筑岐扁反·㊮羞猶修也。㊯而邦·汝國也。㊰正政同字·正人者·在官之人·今稱公務員。㊱方穀·常祿也。言既富之以常祿·㊲則是人將有罪。㊳吳師曰·好字下本有德字·依史記刪·作·起也。言無善之人·汝雖與之祿·其人既起·則汝受其咎也。㊴偶·不中也。陂·不平也。㊵因作好作惡·好惡加之意也。遊·循也。王之道王之路者·先王之正道正路也。㊶蕩蕩·廣遠也。㊷平平·平易也。平婢綿反。㊸反·反常也。側·不正也。㊹會者·合而來·歸者·來而至·謂君會聚有中之人以爲臣·臣亦就有中之人而事之·至於會極歸極·則到治之隆·千古所不可觀之盛世矣。㊺曰·起語詞·敷言·上文敷衍之言。㊻彝·法也。訓·教也。㊼帝·天也。訓·順也。㊽凡厥者·兼臣民爲文·自無偏無陂以下·庶民極之敷言也。㊾訓·順也。㊿因近·附也。㊽曰·臣民之詞。㊿克·治也。友·順也。變·和也。正直·剛·

柔·三德也。正者無邪。直者無曲。故平康正直。無所事乎矯拂。彊弗友者。彊梗弗順者也。彊弗友剛克。以剛治剛也。變友者。和柔委順者也。變友柔克者。以柔治柔也。沈潛者。沈深潛退。不及中者也。沈潛剛克。以剛治柔也。高明者。高充明爽。過乎中者也。高明柔克。以柔治剛也。正直之用一。而剛柔之用四。聖人因時制宜。陽舒陰斂。所以納民俗於皇極者蓋如此。☵☱辟。補亦反。君主也。福威者。上之所以御下。王食者。下之所以奉上也。曰惟辟者。戒君主權不可以下移。曰無有者。戒臣下不可上僭也。☵☱人。有位之人。頗。不平也。僻。不公也。僭。踰也。志。他得反。過也。謂臣而上僭君權。則有位者不安其分。小民亦僭志而踰越其常矣。☵☱決疑。☵☱灼龜以占吉凶曰卜。揲著以占吉凶曰筮。☵☱五者。皆卜兆也。雨者如雨。其兆爲水。霽者開霽。其兆爲火。蒙者蒙昧。其兆爲木。驛者。絡繹不屬。其兆爲金。克者。交錯有相勝之意。其兆爲土。內卦爲貞。外卦爲悔。☵☱凡七。雨霽蒙驛克貞悔也。卜五。雨霽蒙驛克也。占二。貞悔也。衍。推也。志。過也。所以推人事之過差也。☵☱立是知卜筮人。使爲卜筮之事。☵☱凡卜筮必立三人。以相參考。☵☱內謂祭祀等事。外謂征伐等事。☵☱靜謂守常。作謂動作。☵☱雨以潤物。暘以乾物。煥以長物。寒以成物。風以動物。五者各以時至。故曰時也。暘音陽。煥音郁。☵☱備者。無缺少也。敝者。應節候也。廡。無甫反。豐也。言五者備而不失其敝。則衆草蕃滋豐盛矣。☵☱極備。過多也。極無。過少也。過多過少。謂不時失敝。故凶。☵☱曰休徵。敝美行之驗。☵☱

⑤若·順也。言君行敬。則時雨順之。王氏引之曰：若·詞也。⑥君行政治。則時暘順之。⑦⑧
⑨注疏本作誓。云君能照誓。則時燠順之。⑩⑪君能謀。則時寒順之。⑫⑬君能通理。則時風順
之。⑭⑮咎徵。鼓惡行之驗。⑯⑰恆。常也。⑱⑲豫。怠也。⑳㉑蒙。昧也。⑳㉒王所省職。兼所
總羣吏。如歲兼四時。省悉井反。㉓⑳卿士各有所掌。如月之有別。㉔㉕衆正官之吏。分治其職。
如日之有歲月。㉖㉗無易。各順常也。㉘㉙用猶以也。㉚㉛既易。喻君臣易職。㉜㉝星。民象。故
衆民惟若星。箕星好風。畢星好雨。亦民所好。好呼報反。㉞㉟日月之行。冬夏各有常度。君臣政
治。小大各有常法。㊱㊲月經於箕則多風。離於畢則多雨。政教失常。以從民欲。亦所以亂。㊳㊴
人有壽而後能享諸福。故壽先之。㊵㊶康寧。無疾病也。或曰。無患難也。㊷㊸所好者德。載福之
道。㊹㊺各成其短長之命以自終。不橫天也。㊻㊼凶者。不得其死也。短折者。橫天也。短。未及
六十歲而死。折。未及三十歲而死也。

蔡師子元培曰：洪範所言九疇。論道德及政治之關係。進而及於天人之交涉。其有
關於人道道德者。五事三德五福六極諸疇也。分人類之普通行動爲貌言視聽思五事。
以規則制限之。貌恭爲肅。言從爲乂。視明爲哲。聽聰爲謀。思睿爲聖。一本執中之
義。而科別較詳。其言三德。曰正直。曰剛克。曰柔克。而五福。曰壽。曰富。曰康
甯。曰攸好德。曰考終命。六極。曰凶短折。曰疾。曰憂。曰貧。曰惡。曰弱。蓋謂

神人有感應之理。則天之賞罰所不得免。而因以確定人類未來之理想也。中國倫理學史吳師北江曰。九疇惟皇極之義最精。故其詞獨詳。大禹之所敘。箕子之所傳。皆重在此。蓋古者之君天下。不惟享有之而已。所以建中立則。以教養億兆人庶。而咸範圍之使不過。是謂之極。極者。中也。非皇王之尊不能立此極。故曰皇極。然其建極之義。固欲普天下之民而大淑之。極之四海內外。無一夫不得其所。程效至是。斯之謂庶民極焉。由皇極而嬗爲庶民極。斯真千古大同之宏愷也。古之聖智。固已見及於此。其日夕所兢兢圖維。而惟恐不能至者。亦惟此而已。斯愷也。載籍所不常言。而秦漢以下之士。所未嘗見及者也。嗚呼。其義闕遠矣。尚書大義

柳翼謀先生曰。夏代有治國之大法九條。其文蓋甚簡約。流傳至於商室。商之太師箕子獨得其說。周武王克殷。訪問箕子。箕子乃舉所傳者告之。是曰洪範九疇。亦曰鴻範九等。雖曰天之所錫。初未言天若何錫之。所謂彝倫卽常倫。猶言常事之次敘。亦未嘗有何神祕之意義也。漢人始謂洪範出於雒書。雒書本文。凡六十五字。又謂爲神龜所負。其說頗荒誕。又凡漢人說洪範者。以五行傳會人事。曰洪範五行傳。尤支離穿鑿。世因此病洪範。實則箕子所述夏法。第以次數說。初未以五行貫串其他八疇。卽箕子所陳九疇之解釋。惟五事庶徵相應。亦未指此五者與五行相應也。故洪範之

中·有五行一疇·非九疇皆攝於五行·以五行爲洪範之一疇·而夏之大法彰·以九疇皆攝於五行·而夏之大法晦·此讀經治史者所宜詳考也·又曰·洪範最尊皇極·蓋當時政體如此·不足爲病·墨子主張萬民上同乎天子而不敢下比·天子之所是必是之·天子之所非必非之·卽洪範所謂皇極之敷言·是彝是訓·於帝其訓之誼·然洪範一面尊主權·一面又重民意·如凡厥庶民極之敷言·是訓是行·以近天子之光·汝則有大疑·謀及乃心·謀及卿士·謀及庶人·謀及卜筮等語·皆可見夏商之時·人民得盡言於天子之前·天子有疑·且謀及於庶人·初非徒尊皇極而奪民權也·

中國文化史

備按洪範所述用人行政之道·在今日仍有不可磨滅者·雖稽疑謀及卜筮·頗近迷信·然以謀及乃心爲首·謀及卿士次之·謀及庶人又次之·而以下筮殿焉·可見仍注重人事·而謀及乃心一語·尤有君子求己之意·洵乎其爲聖哲之言也·

昔者仲尼與於蜡賓⊙·事畢·出遊於觀⊙之上·喟然⊙而嘆·仲尼之嘆·蓋嘆魯也·言偃⊙在側·曰·君子何嘆·孔子曰·大道⊙之行也·與三代之英⊙·丘未之逮也⊙·而有志⊙焉·大道之行也·天下爲公⊙·選賢與⊙⊙能·講信脩睦⊙⊙·故人不獨親其親·不獨子其子·使老有所終·壯有所用·幼有所長·矜寡孤獨廢疾者皆有所養⊙⊙·男有分⊙⊙·女有歸⊙⊙·貨⊙⊙·惡其棄於地也·不必藏於己·力·惡其不出於身也·

不必爲己·是故謀閉而不興①②·盜竊亂賊而不作①③·故外戶而不閉①④·是謂大同①⑤·今大道既隱①⑥·天下爲家①⑦·各親其親·各子其子·貨力爲己①⑧·大人世及①⑨以爲禮·城郭溝池以爲固①⑩·禮義以爲紀①⑪·以正君臣·以篤父子·以睦兄弟·以和夫婦①⑫·以設制度①⑬·以立田里①⑭·以賢勇知①⑮·以功爲己①⑯·故謀用是作·而兵由此起·禹湯文武成王周公·由此其選也①⑰·此六君子者·未有不謹於禮者也①⑱·以著其義①⑲·以考①⑳其信·著有過②⑰·刑仁②⑱講讓②⑲·示民有常②⑳·如有不由此者·在執者去②㉑·衆以爲殃②㉒·是謂小康②㉓·禮記禮運

①孔子仕魯·參與魯國之蜡祭·蜡者·索也·歲十二月·合聚萬物而索饗之也·與音預·蜡仕嫁反·②觀·門阼也·兩觀在門之兩旁·懸國家典章之言於上以示人也·③喟然·嘆聲·④孔子弟子子游·⑤大道謂五帝時·⑥英·俊選之尤者·⑦丘·孔子之名·逮·及也·自言不及見·⑧志·記識之書·⑨不以天下私其子孫·而揖讓以授聖德·如堯廢丹朱而用舜·舜廢商均而用禹·⑩王氏引之曰·與當作舉·⑪講習誠信·修爲和睦·⑫親其親以及人之親·子其子以及人之子·使老者皆得瞻養以終餘年·壯者皆得用其才力·幼者皆得長養成成人·窮而無告及廢疾之民·皆獲恤養·⑬分猶職也·言男子皆有正當之職業·⑭女謂嫁爲歸·女子皆有適合之家庭·⑮財貨·⑯奸邪之謀·閉塞而不興·⑰盜竊亂賊之事·絕滅而不起·⑱既無盜竊·則暮夜無虞·故外戶可以

不閉。①同猶和也。平也。②隱猶去也。③以天下爲私家之物。而傳位於子弟也。④藏貨爲身。出力贖己。⑤大人。天子諸侯也。父子相傳爲世。兄弟相傳爲及。⑥城。內城。郭。外城。溝池。城之壘。既私位獨傳。則更相爭奪。所以爲此以自衛也。⑦綱紀。⑧君臣義合故曰正。父子天然故云篤。篤。厚也。兄弟同氣故言睦。夫婦異姓故言和。⑨宮室衣服車旗飲食上下貴賤之制度。⑩田。種穀稼之所。里。居宅之地。⑪昏猶崇重也。盜賊並作故須勇。更相欺妄則須知。而勇力知謀之士。遂被崇重矣。⑫立功起事。不爲他人。⑬由。用也。此謂禮義。言禹湯文武成王周公能用禮義以成治。爲此中之英選。⑭言此聖賢六人。皆謹慎於禮。以行下五事也。⑮著。明也。義。宜也。⑯考。成也。⑰著亦明也。過。罪也。⑱刑。則也。民有仁者。用禮賞之以爲則。⑲民有爭奪者。用禮講說之。使推讓也。⑳示民爲常法。㉑欽。執位也。言居富貴之勢位者則黜退之。㉒殃猶禍惡也。言衆庶則有刑禍及之也。㉓康。安也。賈伯潛先生曰。此段論大同小康之治。極爲明白。大道之行。指大同。三代之英卽禹湯文武成王周公六君子。指小康。大同與小康之比較。前者天下爲公。選賢與能。後者天下爲家。大人世及。天下爲公。故人不獨親其親。不獨子其子。貨不必藏於己。力不必爲己。天下爲家。故人亦各親其親。各子其子。貨力爲己。此無他。公私之別而已。是故大同之世。謀不作而亂不起。小康之世。則謀作而兵起矣。設爲城郭溝池。

以固之。賢勇知著有功以獎之。立制度田里以安之。刑仁講讓以倡之。無非欲守其已得之天下而已。故行大道則爲大同。謹禮則爲小康。小康之治。三代之英所會實現者也。大同之治。則孔子最高之政治理想。託之於堯舜者也。孔子之時。周衰魯弱。又無所憑藉以發揮其政治之抱負。不但大道之行之大同。終成幻想之烏托邦。卽小康亦未之逮。此其所以喟然長嘆也。此段論大同。與論語贊堯舜之巍巍蕩蕩。煥乎有文。南面恭己。無爲而治。及中庸論篤恭而天下平之威。正可互證。而所說更爲具體。卽本篇非孔子親撰。要亦言偃之徒記述所聞。其爲儒家政治理論之結晶。固無可否認者也。 十三經概論

俾接近世各國。惕於物競天擇。優勝劣敗之天演公例。莫不充實軍備。整理資財。以自謀保存。而旣富且強者。往往侵略鄰封。以肆其鯨吞蠶食之野心。於是戰爭迭起。死傷遍地。其幸而存者。亦食不甘味。寢不安枕。而尤堪痛心者。過去之血跡未乾。未來之殺機已啓。放眼乾坤。網羅四布。蒼生何辜。懼此慘酷。如握政權縮軍符者。各能以愛本國之心。推而愛兼他國。使圓顛方趾之儔。均獲相親相愛。同享昇平之樂。其愉快爲何如哉。斯其道非行孔子大同之治。決不臻此。願全世界道德君子。研究而實現之。

凡學之道。嚴○師爲難。師嚴然後道尊。道尊然後民知敬學。是故君之所不臣於其臣者。二。當其爲尸○。則弗臣也。當其爲師。則弗臣也。大學之禮。雖詔於天子無北面。所以尊師也○。禮記學記


○嚴。尊敬也。○尸。主也。謂祭主也。○無北面。不處之以臣位。所以示尊師重道也。


善學者師逸而功倍。又從而庸之○。不善學者。師勤而功半。又從而怨之。善問者如攻堅木。先其易者。後其節目。及其久也。相說以解。不善問者反此○。善待問者如撞鐘。叩之以小者則小鳴。叩之以大者則大鳴。待其從容。然後盡其聲。不善答問者反此○。此皆進學之道也。禮記學記

○庸。功也。感念其師之功也。○攻。治也。言善問者。如匠治堅木。先斫濶易之處。然後斫其蟻根錯節。問師之時。亦先問其易。後問其難。問者順理。答者分明。故師生共相愛說。以解義理。○傳。按學與問相輔而行。非學無以致疑。非問不能解惑。孔門弟子之間。論語載之詳矣。惟近世學生。往往有心之所已明者。問之師以顯其能。事之至難解者。問之師以窮其短。於是爲師者多不樂人問。而誠心求知之學生。亦難得審問之機會矣。因不獲審問。而憤思明辨篤行之功。俱生窒礙。博學亦受影響。此學業之所以難成也。若能善問其師。則教學相長。師生愈臻敬愛。自能日進無疆矣。○善答問者。如鐘之應撞。隨所問之大小淺深而答之也。從容。優游不迫有所入之意。如鐘

聲之悠揚入耳·令人穆然神往·斯盡其聲之能事也·傳按孔子之答弟子問孝也·若孟懿子·若孟武伯·若子游·若子夏·各因人而異詞·其於顏淵仲弓樊遲之間仁也亦然·皆知諸弟子才性之所宜·而善教之·即實行叩小小鳴叩大大鳴之道也·惟師生深相敬愛·然後能知其才性·而施以適當之教導·若彼此漠不相關·往往有答焉不詳·或詳焉而不切合其程度之弊矣·

傳按治平之道·須正人心·欲正人心·首賴教育·良師循循善誘·感化衆多·學者孜孜不倦·進功彌速·師資相成·而士習端正·學術昌明·雖移風易俗不難也·今世變已亟·好學之士·宜如何奮勉·爲師長者·宜如何負責·當路諸公與社會賢達·宜如何培養·願與有心世道諸君子共勉之·





中華民國三十七年八月初版

中國之固有道德 一冊

定價金圓 柒角

外埠酌加郵費

編者 錢 王 倬

印行者 苦 齋 主 人

印刷者 廣 華 印 刷 廠

發售者 廣 益 書 局

上海河南路一三七號

15
§ 31.5/2.